

# Mbounj To Yes Israela

## Buk Song—Psalms

### 1

*Eez to zeran dudunazi ve eez to zeran sasaghatizi*

- <sup>1</sup> Sei ta poia to Maaron izazaa tooni ve tintini?  
 Ene ñeer tau izorzor zeran sasaghatizi ñgar toozi.  
 Ve yes tau tisor pa eez to Maaron na, i itaghon ñgar toozi mako.  
 Ve zeran tau tivevelegh Maaron paam, i ipaak zi mako. \*
- <sup>2</sup> Saveenj to Maaron tomania tutuunj tooni, ene ighamu loolo poia le poia kat.  
 Ve ighamgham ñgar pani irau mbonj ve mataaz. \*
- <sup>3</sup> Tamtamon tauvene, i imin ai tau tivazoghi igharau yaa tau irereer.  
 Saawe tooni to iyanoonj, ene aat anoonja popoia.  
 Ve saawe to aaz tiina, raua irau imalai mako.  
 Tamtamon tauvene, uraat tooni isov ilaan poia mon. \*
- <sup>4</sup> Eemon zeran sasaghatizi, lepoogh toozi tauvene mako.  
 Yes timin pen tau ighe yaghur izaa, mako ivuvuura gha ilale.

\* **1:1:** Mbo 26:4+

\* **1:2:** Mbo 112:1, 119:1

\* **1:3:** Mbo 52:8,

92:12

- <sup>5</sup> Tauvene saawe tau Maaron igabiiz tamtamon ve ighur atuya pazi,  
 zeran sasaghatizi pale lezi saveenj mako, ve titud mon.  
 Zeran to ghamuunj sosor irau tileep toman-  
 nia tamtamon duduŋazi ila lupuunj toozi ne mako. \*
- <sup>6</sup> Tauvene tamtamon duduŋazi, Maaron maata pazi, ve inŋinŋin zi pa laghoonj toozi.  
 Eemon zeran tau titaghon eez saghati na, yes pale tilalez.

## 2

### *Maaron i isiigh tamtamon tooni imin kinik*

- <sup>1</sup> Puughu mindai ta nugh nugh timbu saveenj tigne tipaburigin malmal?  
 Tamtamon tiliil eez to tigham taliinŋizi pasaa?  
 Ngar toozi tawe, tighamu sorok. Irau ighur mako. \*
- <sup>2</sup> Yes kinik to taan tigham aghezi tigne tigham malmal.  
 Ve yes pooza tilup zi, ve tiil eez to tizoor Yoova ngar tooni ve titatan njeer tau i ighuru imin kinik.
- <sup>3</sup> Yes tigne: “Aiyo! Takuup ravraav tomania sen toozi tau tikau ghiit pani ne, ve tasik zi tila.  
 Leso tinŋin ghiit muul sov.”
- <sup>4</sup> Eemon Yoova, i ileep ila niia to ghamuunj pooz izi nugh sambam, ve ininj pazi.  
 Ve maata veleghin ngar toozi.

---

\* **1:5:** Mt 13:41+; Syg 22:14      \* **2:1:** Mbanj 4:25+

- 5 Ra isaav ariaan pazi toman aate yavyav,  
ve iparoi zi toman naagho isaghat.
- 6 Ighe: “Yau naghur tamtamon tsiau ee igham  
naghog ve imin kinik.  
I ileep izi loloz tsiau patabuyaaj Zion, ve  
ighamgham pooz.”
- 7 Kinik to iit Israela isaav tauvene: “Yau aat navo-  
tia saveej tau Yoova imbua tomani ghau. I  
isaav payau ighe:  
‘Yau natug yo. Yo tamam ta yau. Aazne, yau  
naghur ghom pa uraat. \*’
- 8 Ughason ghau, o yau naghama nughmarinj timin  
lem.  
Tamtamon tau tileep irau taan ziige ta naol ne  
pale timin lem, ve ungin zi.
- 9 Pooz tsio pale ariaanja kat, imin titi to kinik tau  
tigharaata pa ain na.  
Yo aat urav matin kinik tisov tapirizi, imin  
uur tau tiravu le imbiriis njannania.’ ” \*
- 10 Tauvene, yam kinik asov agham ngar poi.  
Ve yam pooza to taan, aloon saveej ve aya-  
maan gham.
- 11 Aroi pa Yoova ve abees pani.  
Atandagh pani ve apaiti toman tintinmim.
- 12 Aput aghemim pa Naatu, ve aleep ila i saamba.  
\*

---

\* 2:7: Mbanj 13:33; Hib 1:5, 5:5

\* 2:9: Syg 2:27, 12:5, 19:15

\* 2:12: Pil 2:9+

Mako pale Maaron aate yavyav payam, ve  
 iburig ireu gham gha asov alalemim.  
 Pasaa, i aate tuuku.  
 Eemon yes tau tiyoonj ila tooni na, poia tooni  
 pale iza a toozi, ve tileep toman tintinizi. \*

### 3

#### *Sunjuunj to mbonjoozo*

Mbounj to David

Mbounj tane injarui saawe tau David ighau pa naatu  
 Absalom.

<sup>1</sup> O Yoova, yau koiagna katini.

Eval tiina kat tiburig tighe tivaghamun ghau.

<sup>2</sup> Yes tisavsaav payau tighe: “Maaron ipul muuri  
 pani wa. Irau iuule muul mako.”

<sup>3</sup> Eemon Yoova, yo umin sigheu payau ve upon  
 ghau.

Yau tinig iza a pasaa, yo ugham ezag imin  
 tiina, ve upalot ghau le naliiv koiagna.

<sup>4</sup> Yau nataj rari Yoova toman alinag tiina naghe  
 iuul ghau.

Ve i ileep izi loloz tooni patabuyaanj, ve iloonj  
 ghau.

<sup>5</sup> Tauvene yau nazi le nagheen kat.

Pasaa, Yoova tauu injin ghau pa ghenoonj  
 tsiau le naburig muul. \*

<sup>6</sup> Isaav igha koiagna ndinndin ndinndin sanjavul  
 (10,000) tilivut ghau to tigham malmal  
 payau,

---

\* **2:12:** Mbo 34:8, 84:12      \* **3:5:** Mbo 4:8

ene yau irau naroi pazi mako. \*

<sup>7</sup> O Yoova, rekia mon uburig gha uul ghau!  
Urav koiagna azezi le livozi ipolpol.  
Ve urav matin tapirizi le isov kat.

<sup>8</sup> Yoova, yo mon ta irau ugham mulin ghau.  
Ughur poia tsio iza to tamtamon tsio tisor,  
leso tintinizi ve tileep poi. \*

## 4

### *Sunjuunj to mbonj*

Mbounj to David

Neer tau imuunj pa mbounj na, aat isaav pa tamtamon to tirav gita ve timbou mbounj tane

<sup>1</sup> O Maaron, yau nataj rarai ghom.  
Lolom isaghatin ghau, ve uloonj sunjuunj tsiau.  
Pasaa, patanjani igham ghau ve leg eez mako.  
Upas ghau navot pa patanjani tane.  
Leso upaghazonjai ghau ila tamtamon matazi  
ughe ngar tsiau iduduunj ila yo matam.

<sup>2</sup> Oyai, yam tamtamon tau atatan ghau ve av-  
aghamunia ezag na, neez o apul ngar tsiam  
tana?  
Yam aghur lolomim pa ngar soroksorok tau le  
anoonja mako na, ve ataghon ngar karom.  
Neez o apuli?

<sup>3</sup> Yam awatagh: Yes tau lolozi isaghav Yoova ari-  
aanj ve titaghon eez tooni na, i isiigh zi timin  
i tauu le wa.  
Tauvene saawe tau yau nataj raraini, i aat  
ighur taliinja payau.

---

\* **3:6:** Mbo 23:4, 27:3      \* **3:8:** Mbo 62:7+; Syg 7:10

- <sup>4</sup> Aroi pa Maaron, ve agham sosor muul sov.  
Saawe tau yam aleep ila niamim to ghenoon,  
aneneen, ve matamim ingal taumim, ve  
agham ngar poi pa saveen tane.
- <sup>5</sup> Anumeer Yoova ve agham watoonrau pani  
toman lolomim.  
Leso watoonrau tsiam iduduun ila i maata.
- <sup>6</sup> Tamtamon naol tipasawal tige: “Oyai, neez o  
tagham lepoogh poia!”  
Eemon yau naghe: “Yoova, lolom poia payei,  
ve utotoi taum payei.”
- <sup>7</sup> Yo ugham ghau tintinig ve lolog poia kat,  
iliiv yes tau aniin ve vaen anoonja katini tiv-  
otvot ila uum toozi. \*
- <sup>8</sup> Tauvene yau ateg izi ve nazi nagheen le lolog  
iveegh.  
Irau naroi mako.  
Pasaa, Yoova, yo taum matam payau ve ungin  
ghau naleep poi.

## 5

*Sunjuunj to mbonjozo: Taghason Maaron to iuul  
ghiit*

Mbounj to David

- <sup>1</sup> O Yoova, ughur taliŋam pa aliŋag,  
ve uloonj tanjiiz tsiau tane.
- <sup>2</sup> Yo kinik tsiau ve Maaron tsiau.  
Saawe isov, sunjuunj tsiau injanarui ghom.

---

\* 4:7: Pil 3:8

Tauvene ughur talinam pa tanjiiz tsiau tane ve uul ghau.

<sup>3</sup> Yoova, mbonjoozo ta naol ne, yo ulonjloonj avog lutluutu.

Ighe nughizau, yau naghurghur ghasoniin tsiau injarui ghom, ve naghur matag payo to uul ghau. \*

<sup>4</sup> Maaron, yo lolom pa ngar saghati mako kat.

Zeran sasaghatizi irau tileep tomani ghom mako.

<sup>5</sup> Ve zeran pakuruunja irau tiyooz ila yo naghom mako.

Pasaa, yo ughurghur koi pa tamtamon tisov tau tighamgham ngar saghati. \*

<sup>6</sup> Yes tau avozi karom na, yo ureu zi tilalez.

Ve zeran tombanoonja ve yes tau tilinjinj sinj pa tamtamon na, yo lolom pazi rigta mako kat. \*

<sup>7</sup> Eemon yo lolom isaghav ghau ariaan ve uluul ghau itaghon saveenj mbuaan tsio. Tauta yau irau nalonj natal rumei tsio.

Yau naroron payo, ve naput agheg payo ila rumei tsio patabuyaanj.

<sup>8</sup> O Yoova, ngar tsio, ene iduduunj mon.

Ugham pooz payau, ve upaghazonjai ghau pa eez tsio, lesa nataghon dudunjaini.

Pa koiagna tigde tivaghamun ghau.

<sup>9</sup> Saveenj onoon eta irau ivot ila avozi ne mako.

---

\* 5:3: Mbo 57:9, 88:13    \* 5:5: Ro 1:18    \* 5:6: Syg 21:8

Loloji isaghav n̄gar saghati mon to  
tivaghamun tamtamon.

Yamazi itortoor saveeñ. Avozi imin naal tau  
aavo ikakaak.

Tisasavia saveeñ n̄goreeñ naol to titombaan  
tamtamon ve tivaghamun zi. \*

<sup>10</sup> O Maaron, uvotia sosor toozi ivot ighazoon, ve  
ughur atuya pazi.

N̄gar sasaghati tau tighamghamu na, upa-  
muule ila pa tauzi ve ivaghamun zi.

Saawe isov, yes timamalaan pa tutuun̄ tsio.  
Tauvene uziir zi tilalez.

Pa yes tizorzoor ghom, ve tighamgham  
taliin̄zizi.

<sup>11</sup> Eemon tamtamon tISOV tau tiyoon̄ ilat tsio, ene  
aat tintinizi.

Yes pale timbou toman loloji poia irau saawe.  
Yes tau loloji igheen tsio na, uvool toozi ve  
upoon zi.

Leso loloji poia kat ve tipait ghom.

<sup>12</sup> O Yoova, poia tsio izazaa to yes tau titaghon  
duduñai saveeñ tsio.

Yo lolom pazi ve poia tsio imin sigheu pazi.

## 6

### *Sun̄uun̄ to n̄eer tau moroghoon̄ tiina ighamu*

Mbounj to David

N̄eer tau imuun̄ pa mbounj na, aat isaav pa tamta-  
mon to tirav gita ve timbou mbounj tane

<sup>1</sup> O Yoova, uyaon ghau toman atem yavyav sov.

Ve isaav ighe yo ughur patañani in̄arui ghau to  
upaduduun̄ ghau,

\* 5:9: Mbo 12:1+; Ro 3:13



na ughamu toman atem yavyav kat sov. \*

<sup>2</sup> Yoova, yau besoonja tsio. Lolom isaghatin ghau ve uul ghau lak!

Pa tapirig isov wa.

O Maaron, ugham ghau tinig poia.

Pa tuag isov iyavyav.

<sup>3</sup> Yoova, lolog ipatanjan kat.

Pale upul ghau tauvene ila ila le neez o isov?

<sup>4</sup> Yoova, yo lolom isaghav tamtamon tsio ariaan ve uluul zi.

Tauvene matam ingal ghau muul, ve upas ghau navot pa patanjan tane.

Ugham mulin ghau lak.

<sup>5</sup> Pa mateegha irau matazi ingal ghom muul mako.

Sei ta pale ighengheen ila naal ve ipait ghom?

Mako. \*

<sup>6</sup> Yau nayakyak le tapirig isov.

Mbonj ta naol ne, natanjan le matag suuru ipot ila moogh tsiau.

<sup>7</sup> Lollog ipatanjan kat ve natanjan tiina le matag isarsar.

Pasaa, koiagna katini.

<sup>8</sup> Yam zeran tau aghamgham njar sasaghati na, asov aghau payau!

Pa tanjiz tsiau, Yoova iloonja wa.

---

\* **6:1:** Mbo 38:1      \* **6:5:** Mbo 30:9, 88:10+

- <sup>9</sup> Yau natanj rarai Yoova pa uleenj, ve i iloonj sunjuunj tsiau.  
Ghasoniinj tsiau, i aat iyok pani.
- <sup>10</sup> Pale igham koiagna tISOV tiroi tiina ve mayazi.  
Yes pale tivaghamgham, ve titoor zi rekia mon, ve titud mon ve tila.

## 7

### *Mbounj to neer tau koiņa tinjal saveenj pani*

Mbounj to David

Neer ee, eeza Kus. Puughu tooni ivot ila to Benjamin. I injal saveenj sorok pa David, ve David imbou mbounj tane

- <sup>1</sup> Yoova, yo Maaron tsiau. Yau nayoony ilat tsio.  
Zeran sasaghati tigham taghon ghau tigde tivaghamun ghau. Uul ghau ve ugham mulin ghau ila nimazi.
- <sup>2</sup> Igha mako, yes pale tirav ghau, ve tivaghamun ghau imin laion irangat tamtamon, le ngiira ngiira.  
Pasaa, leg etag eta to igham mulin ghau ne mako.
- <sup>3</sup> O Yoova, Maaron tsiau, zeran tau tigde tigham saghatin ghau, yau naghamsosor eta pazi mako. \*
- <sup>4</sup> Tamtamon tau yena nimbu saveenj to nivalupu ghei nimin eemon na, yau naghamsngar saghati eta pazi mako.

---

\* 7:3: Yo 8:46, 15:25

Ve yes tau tighur koi payau sorok na, yau naum gabua toozi eta mako.

- <sup>5</sup> Isaav ighe yau naghham sosor tauvene, ene poia pa koiagna tigham taghon ghau ve tikis ghau,  
ve tivaghaaz ghau ila taan ve nagheen ila ngaupup.
- <sup>6</sup> Yoova, uburig toman atem yavyav, ve ureu koiagna. Pa atezi yavyav kat payau.  
Maaron tsiau, uburig rekia mon ve uul ghau.  
Ughur atuya injarui koiagna pa ngar tau yes tighamu na.
- <sup>7</sup> Uyau tamtamon tisov tilam tilup zi ila yo naghom.  
Uleep ila niam to ghamuuj pooz izi nugh sambam, ve ugham pooz pazi. \*
- <sup>8</sup> Yoova, yo ugabiiz tamtamon to nugh nugh, ve ughur atuya pazi.  
Ugabiiz ghau ve upaghazonai ghau ila tamtamon matazi, leso tiwatagh tigehe yau neer dudunag, ve gabuag tomania ngar tsiau isov, ene poia mon.
- <sup>9</sup> Maaron, ngar tau yo ughamghamu na, ene iduduun mon. Ve yo uwatagh katin tamtamon lolozu ve ngar toozi.  
Zeran sasaghati tau tighamgham malmal na, upasov ngar toozi saghati tawe.

---

\* **7:7:** Mt 25:31+

Ve upalot zeran duduņazi, leso tiyooz ariaaņ.  
\*

10 Maaron, yo mon ta umin sigheu payau.  
Yes tau ņgar duduņa igheen ariaaņ ila lolozi  
na, yo ugham mulin zi pa pataņani toozi.

11 Maaron, gabizooņ tsio, ene iduduņ mon.  
Saawe isov, yo utotoi aatyavyav tsio pa zeran  
sasaghati. \*

12 Tamtamon tau ighe titoor ņgar toozi mako,  
ene pale Maaron ipot mbuzaagh ve iyool pa-  
neegh tooni to ighur atuya pazi.

13 I igharaat zaab tooni pataghaaņ to irav zi.  
Ve igharaat paneegh tooni natņa toman yav,  
leso ivanegh zi.

14 Zeran sasaghati timin livaa tau aapo ve ighe  
ipoop. Pasaa, lolozi ivon pa ņgar sasaghati  
naol tau tigde tigham pa tamtamon.  
Ve murei, mako anooņa to ņgar tau igheen ila  
lolozi na ivot ighazooņ. Ene karom naol to  
tivaghamunia tamtamon. \*

15 Neer tau ighe itai puura pa tamtamon eta,  
ene pale tauu itap izila puura tana.

16 Ngar saghati tau i ighe igham pa tamtamon, ene  
pale imuul pa tauu.  
Ve malmal tau i ighe igham pazi, ene pale  
ivaghamunia i tauu.

---

\* 7:9: Syg 2:23 \* 7:11: Mbo 90:9; Ro 1:18 \* 7:14: Yems 1:14

- 17 Yau lolog poia pa Yoova, ve napakuru pa ngar tooni duduunja.  
 Yau nambou mbounj to napait i eeza.  
 Pa Yoova, i Maaron tiina kat tau iliiv zi-maronna tISOV.

## 8

*Iit tamtamon tamin saa kaut poia ta Maaron maata ingalngal ghiit?*

- 1 O Yoova, Tiina tsiei, yo utotoi ezam tiina irau taan isov.  
 Yo upabood taum pa mbonarim tau tiina kat. Iliiv gabua isov to sambam saamba.
- 2 Yo ughur yes geegeu ve yes tau sinjinainjazi to tipait ezam ve titotoi tapirim.  
 Leso ugham koiamna tineneen, ve upon yes zeran to taliinjizi avozi. \*
- 3 Matag izala pa sambam saamba, ve naghita nimam muuri ighengheen.  
 Yau naghita kaiyo ve pitum tau yo taum ughur zi tila niazi na, \*
- 4 ve naghe: “Yei tamtamon to taan, nimin saa kaut poia, ta yo matam ingalngal ghei?  
 Mindai ta yo matam payei? \*
- 5 Yo ughur ghei nizi rigmon pa yes anjela ve yo taum.  
 Ve upakur ghei, ve ugham ezamai ivot imin tiina. \*

6 Yo ughur ghei to ninjin yo nimam muuri,

---

\* 8:2: Mt 21:16      \* 8:3: Gnp 1:14; Mbo 19:1+      \* 8:4: Mbo 144:3+; Hib 2:6      \* 8:5: Hib 2:6-7

ve ughur gabua isov ila yei sambamai: \*

<sup>7</sup> Ngai maata maata to nughei,  
ve gabua tisov tau tileep izi su,

<sup>8</sup> man tisov tau tirovroov ila taitai saamba,  
ve iigh tisov tau tilaghlaagh ila te loolo.

<sup>9</sup> O Yoova, Tiina tsiei,  
yo utotoi ezam tiina irau taan isov.

## 9

*Maaron iuluul tamtamon tau tileep toman  
patañani*

Mbounj to David.

Paesiinj ila pa ñeer tau imunmuun pa mbounj na  
tauvene: Mbounj tane aliinja ‘Almut Laben’ (o ‘Ma-  
teegh to naatu.’)

<sup>1</sup> O Yoova, yau napait ghom pa poia tsio toman  
lolog isov.

Ve naghe navotia uraat ñgeretazi tau yo  
ughamgham zi na. Uraat tana, maata ite.  
Tamtamon tighita le ñgar toozi imbool.

<sup>2</sup> Yau lolog poia kat ve tintinig payo.

Yo Maaron tiina tau uliiv zimaronña tisov.

Tauvene yau aat nambou ve napait yo ezam.

<sup>3</sup> Saawe tau koiagna tighit katin tapirim, yes titoor  
zi ve tighe tighau.

Eemon titaptap tizi le tisov timataar.

---

\* **8:6:** Gnp 1:28, 9:2

- <sup>4</sup> Yo uleep ila niam to ghamuunj pooz, ve ugagabiiz tamtamon. Ve gabizoonj tsio, ene iduduunj mon.  
Yo ughit ghau ughe njar tsiau ene iduduunj.  
Tauta uul ghau pa saveenj tsiau.
- <sup>5</sup> Yo uyaon nugh nugh tau tiwatagh ghom mako na, ve ureu tamtamon sasaghatizi gha tilalez.  
Yo umus ezazi ilale wa.  
Irau tamtamon matazi injal zi muul ne mako.
- <sup>6</sup> Koiagna tisaghat wa. Pale tileep tauvene taghon taghon gha ila.  
Ve nugh toozi paam, yo ureu mbirisai zi le tisov tilalez.  
Tauvene tamtamon pale lolozi iveghai zi kat.
- <sup>7</sup> Yoova ileep ila niia to ghamuunj pooz ve injinjin gabua irau saawe.  
I igharaat niia tawe ve isasaan pa gabizoonj tamtamon.
- <sup>8</sup> I igagabiiz tamtamon tisov to taan, ve ighagharaat patanani toozi itaghon njar duduunja.  
Ve igham pooz pa nughmarinj itaghon njar raraate mon.\*
- <sup>9</sup> Yoova imin ruum ariaanja to ipoon yes tau koiianza tighur patanani pazi na.  
Ighe patanani ivot, mako i imin lezi nugh to yonjaan.
- <sup>10</sup> Yoova, yes tau tiwatagh katin ghom na, tinu-meer ghom.

---

\* **9:8:** Gnp 18:25; Mbanj 17:31

Pasaa, zeran tau tizuari zi payo, yo irau ughur murim pazi mako. \*

- 11 Ambou mbounj to apakur Yoova.  
I ileep izi nugh Zion, ve ighamgham pooz.  
Uraat tintiina tau i ighamgham zi na, avotia varuzi le irau nughmarinj.
- 12 Yes tau tilinj sinj pa tamtamon na, Yoova irau ighurghur zi mako. Pale iyat ngar toozi tawe.  
Ve tamtamon tau tinumeera ve tibadbaad pataņani na, i irau loolo iveghai tanjiiz toozi mako. I pale iuul zi.
- 13 O Yoova, ughita pataņani tau koiagna tigham payau ne!  
Yes tivaghamun ghau kat le naghe namaat.  
Lolom isaghatin ghau, ve upas ghau navot pa pataņani tane.
- 14 Leso nayooz ila ataman to nugh Zion, ve nasavia uraat tintiina tisov tau yo ughamgham zi payau. Ve napait ghom toman tintinig.  
Pasaa, yo ta ugham mulin ghau.
- 15 Nugh nugh tau tiwatagh ghom mako na, titai puura lesu tikis tamtamon. Eemon tauzi titap tizila.  
Puugh tau tiraaro pa saghavuunj tamtamon na, ene tauzi tighoon ila.
- 16 Yoova igabiiz tamtamon ve ighur atuya pazi itaghon ngar duduunja. Leso itotoi tauu pa tamtamon ve tiwataghi.

---

\* 9:10: Hib 13:5



- Liis tau zeran sasaghati tighuru na, iliis tauzi.
- <sup>17</sup> Zeran sasaghati ve nugh nugh tau tighur murizi pa Maaron, yes pale tisov timaat gha tizila mateegha nazi.
- <sup>18</sup> Eemon yes mbolaanja tau tirau gabua eta mako na, Maaron irau loolo iveegh pazi ne mako. Ve yes tau tibadbaad patanjani ve tighurghur matazi pa uleerj to Maaron na, i irau ipul zi tileep saghat le alok ne mako. I pale iuul zi.
- <sup>19</sup> Yoova, ughita. Tamtamon sorok to taan tigham aghezi payo. Upul zi tigham taliinjizi sov. Utatan zi. Upayooz yes nugh nugh ila yo naghom, ugabiiz zi, ve ughur atuya pazi.
- <sup>20</sup> O Yoova, ugham njar eta pazi. Leso tiroi payo, ve tiwatagh tigne yes tamtamon sorok to taan mon. Tapirizi irau ghom mako.

## 10

*Neer ee ighason Yoova to ighur atuya injarui koiija*

- <sup>1</sup> O Yoova, mindai ta uyooz soghan payau ve uul ghau mako? Mindai ta naleep ila patanjani loolo, ve uyoon payau ne?
- <sup>2</sup> Zeran sasaghati tipapait tauzi, ve tinanaan yes mbolaanja tau tirau gabua eta mako na. Eemon njar toozi saghati tau matazi injali na, ene pale imuul pa tauzi ve ivaghamun zi.

- <sup>3</sup> Zeran sasaghati tipakur zi pa n̄gar saghati tau tighamghamu.  
 Monmon tighamgham n̄gar to tigham lezi gabua katini, ve tisiksik saveeñ sosor pa Yoova, ve tiveleghi.
- <sup>4</sup> Zeran sasaghati tawe, tipakur tauzi pa n̄gar toozi.  
 Tauta lolozi pa tiwatagh Maaron mako.  
 N̄gar toozi iyaryaan̄ tigde: “Maaron irau ighur patañani payau mako. Pa Maaron eta ileep mako.” \*
- <sup>5</sup> Ve saawe isov, uraat toozi ilaan poia mon.  
 Tauta tinizi iza, ve tigham n̄gar pa saawe tau Maaron pale igabiiz zi ve ighur atuya pazi ne mako.  
 Ve matazi veleghin koiazña kat. \*
- <sup>6</sup> Ve matazi in̄gal tigde: “Gabua eta irau igham ghei nirur ne mako.  
 Ve patañani eta irau ivot payei paam mako.  
 Yei aat nileep poia mon taghon taghon gha ila.” \*
- <sup>7</sup> Saveeñ sasaghati naol, tomania karom, ve paroiñ ivotvot ila avozi irau saawe.  
 Saawe tau tisavia n̄gar sasaghati ve patañani tau tigde tigham pa tamtamon, ene igham zi lolozi poia kat imin tighan aniñ poia. \*
- <sup>8</sup> Yes tiyonyoon̄ ila nugh ziige, ve tisanan̄ pa tamtamon popoiazi.

---

\* **10:4:** Mbo 14:1    \* **10:5:** Mbo 73:3+    \* **10:6:** Lu 12:16+; Syg 18:7    \* **10:7:** Ro 3:14

Tingooz tauzi ve matazi inesnes pa yes tau  
tirau malmal mako na.  
Leso tisaghav zi, ve tirav zi timaat.

- <sup>9</sup> Yes tiyonyoonj ve tisaŋan imin laion tau ileep ila  
su loolo ve maata ivotvot.  
Tisaŋan, leso tisaghav yes tau tirau malmal  
mako na.  
Ighe tisaghav zi ila puugh toozi, ene tikis zi ve  
tigherev zi tila.
- <sup>10</sup> Tauvene tineneen ve tisaŋan pa saghavuunj zi.  
Saawe tau ighe eta peria, mako tisaghavu.
- <sup>11</sup> Ve matazi injal tigde: “Maaron maata ilam  
payei mako.  
Ngar tau yei nighamu, ene i irau ighita mako,  
ve iwataghi mako.” \*
- <sup>12</sup> Oyai, Yoova, uburig utotoi tapirim pazi lak!  
Maaron tsiei, yes tau tinumeer ghom ve tibat-  
baad pataŋani na, lolom iveegh pazi sov.
- <sup>13</sup> Maaron, mindai ta yo upul zeran sasaghati  
tivelegh ghom?  
Yes tisavsaav ila lolozi tigde: “Ngar tau yei  
nighamu ne, Maaron irau ipayooz ghei pa  
savsaveen mako.”
- <sup>14</sup> Eemon Maaron, yo ughita gabua isov tau  
tighamu na.  
Ngar sasaghati ve pataŋani maata maata tau  
yes tigham pa tamtamon na, yo uwataghi zi  
tisov ve igheen ila yo nimam.

---

\* **10:11:** Mbo 64:5, 94:7

Pasaa, yes mbolaan̄a tau tirau gabua eta mako na, tighur tauzi ila yo nimam ve tinumeer ghom.

Yo taum ta umin uleen̄a pa yes paroon̄a. \*

<sup>15</sup> Ve zeran sasaghati tau tighamgham taliinjizi na, urav matin tapirizi.

Uyat n̄gar toozi sasaghati. Leso ivot muul sov.

<sup>16</sup> Yoova, i kinik tiina tau ighamgham pooz ta aazne, ve taghon taghon gha ila.

Nugh nugh tau tiwataghi mako ve tileep ila taan tooni na, i pale ipasov zi le tisov kat. \*

<sup>17</sup> O Yoova, yes tau tinumeer ghom ve tibadbaad patan̄ani na, yo uwatagh lolozi wa.

Yo aat ughur taliñam pa tanjiiz toozi, ve upalot zi.

<sup>18</sup> Yes paroon̄a ve yes tau koiaz̄n̄a tighur patan̄ani pazi na, yo taum uyooz pazi ve uul zi, ve ughur atuya pa koiaz̄n̄a.

Leso tamtamon sorok to taan tiparoi nugh muul sov.

## 11

### *Saawe tau n̄gar isov isaghat*

Mbounj to David

<sup>1</sup> Yau nanumeer Yoova ve nayoon̄ ila tooni.

Mindai ta asaav saveen̄ to boraun̄a payau aghe:

“Ughau uzala pa loloz, imin man tau iroi ve ighau izala na.

---

\* **10:14:** Mbo 68:5, 82:3, 146:7+      \* **10:16:** 1Tim 1:17

- 2 Ughita! Zeran sasaghati tiyoon ila ndoroom loolo,  
 ve tiyool paneegh toozi, tighur paneegh naatu ila ool,  
 ve tisaşan tigde tivanegh yes tau ngar duduunja igheen ariaan ila lolozi na.”
- 3 Oyai, ngar ve tutuun naol tau timin puughu pa lepoogh poia na, aazne tamtamon tivaghamunia le isaghat wa.  
 Tauvene njeer duduunja pale igham mindai? \*
- 4 Eemon Yoova, i ileep ilon ila rumei tooni patabuyaan.  
 I kinik to sambam tau ileep ila niia to ghamuun pooz.  
 Ve maata ighita tamtamon tisov, ve igagabiiz ngar toozi.
- 5 Yoova igagabiiz tamtamon dudunazi ve yes sasaghatizi paam. Leso iwatagh ngar toozi.  
 Yes tau lolozi pa ngar to ravuun tamtamon na, i loolo pazi rigta mako.  
 Ighur koi pazi.
- 6 Tauvene i pale igham yav ngilaanji tomania maet salfa tuntunu tau vaazi saghati na titap tizi, ve tivaghamunia zeran sasaghatizi.  
 Ve igham yaghur tuntunu kat ilam, lesa ivaghamun zi. Ene atuya toozi. \*
- 7 Pasaa, Yoova itataghon ngar duduunja mon.

---

\* 11:3: Mbo 82:5      \* 11:6: Gnp 19:24+; Syg 14:10, 21:8

Tauvene i loolo pa yes tau tighamgham ngar duduunja.  
 Yes tau titaghon ngar poia na, ene pale tileep tomania, ve tighita naagho. \*

## 12

*Tamtamon avozi karom. Ve Maaron saveenj tooni, ene onoon mon*

Mbounj to David

<sup>1</sup> O Yoova, uul ghei lak! Pa tamtamon tau lolozu isaghav ghom ariaan ve titaghon eez tsio na, tisov wa.  
 Yes tau avozi onoon na, eta ileep tomani ghei muul mako.

<sup>2</sup> Tamtamon tisov tighamgham karom, ve tisasavia saveenj tau le anoonja mako pa zetazja. Yamazi itortoor saveenj naol.  
 Saveenj tau ivotvot ila avozi, ene poia. Eemon ngar tau igheen ila lolozu, ene ite.

<sup>3-4</sup> Yoova, zeran tau tisasavia saveenj ngoreen pa tamtamon to tigham lolozu na, upoon avozi. Yes tipapakur tauzi tigde: “Sei ta imin daaba payei ve injin ghei?  
 Yei avomai maata. Saa ngar tau ighe nisavia, ene aat tamtamon titaghoni mon.”  
 O Yoova, ugham zi tineneen.

<sup>5</sup> Tauvene Yoova isaav ighe: “Yes mbolaanja tau tirau gabua eta mako, ve yes tau koiazja tivaghamun zi na, yau naloon taniiz toozi wa.  
 Yes tipasawal pa lepoogh poia.

\* **11:7:** Mbo 27:4; Mt 5:8; 2Pe 3:13

Tauvene aazne, yau aat naburig ve nauul zi.  
Yau aat naghams mulin zi ila koiazna nimazi,  
ve nauul zi tileep poi.”

<sup>6</sup> Yoova saveenj tooni, ene onoon mon.

Karom eta igheen ila loolo mako. Saveenj  
tooni, ene imin silva tau tighuru izala yav  
pai liim ve ru, lesu muun ighau pani le  
ingalaan kat.

Tauvene iit irau taghur ila saveenj mbuaan  
tooni. \*

<sup>7-8</sup> Onoon, aazne zeran sasaghati tipapakur zi ve  
tilaagh irau nugh nugh.

Ve eval tiina tipapait ngar saghati.

Eemon Yoova, yo matam payei, ve ungin ghei  
nileep poi.

Ve uponpoon ghei pa zeran tauvene irau  
saawe. \*

## 13

*Sunjuunj to tamtamon tau patanani ighamu saawe  
malau*

Mbounj to David

<sup>1</sup> Oyai Yoova, patanani tiina tane ikis ghau malau  
wa.

Neez o uul ghau? Pale lolom iveegh payau  
taghon taghon gha ila?

Mindai ta ungooz naghom payau? Neez o  
matam ilam payau muul? \*

<sup>2</sup> Saawe isov yau naghams ngar naol pa  
patanani tsiau,

---

\* **12:6:** Mbo 19:9, 119:140 \* **12:7-8:** Yo 17:15; 1Pe 1:5 \* **13:1:**  
Mbo 22:1+

mbouj ve mataaz lolog isaghat naghe natanj.  
Pale koiagna tiliiv ghau taghon taghon gha  
ila?

Neez o ulam uul ghau?

<sup>3-4</sup> Yoova, Maaron tsiau, matam ilam payau, ve  
ughur taliñam pa sunuuj tsiau tane.

Uul ghau ve ugham tapirig ivot muul.

Mako pale patanjani tane itatan ghau gha na-  
maat, ve koiagna tipakur tauzi tigde tiliiv  
ghau.

Isaav ighe yau natap ve naghham saghat, ene  
pale koiagna tighita ve tintinizi.

<sup>5</sup> Eemon yau nanumeer ghom. Pasaa, yo lolom  
isaghav tamtamon tsio ariaañ ve uluul zi.

Yau lolog poia kat. Pasaa, yau nawatagh: Yo  
pale ugham mulin ghau pa patanjani tsiau  
tane.

<sup>6</sup> Tauvene yau aat nambou mbouj ve napait  
Yoova eeza.

Pasaa, i igham poghani ghau kat.

## 14

*Zeran kankanoonja tau lolozi iveegh pa Maaron*

Mbouj to David

<sup>1</sup> Yes kankanoonja tau lolozi iveegh pa Maaron na,  
tigham ngar ila lolozi tigde: “Maaron eta  
ileep mako.”

Zeran tauvene, Maaron lolo pazi mako  
kat. Pasaa, Ngar toozi isaghat wa. Tauta  
tighamgham ngar sasaghati naol.



Eta igham ngar poia mako. \*

<sup>2</sup> Yoova ileep izi sambam, ve maata izizi pa tamtamon to taan.

I igha ighita: Toozi eta pale ighilaalo, ma mako?

Ve eta izuari ghi lesu iwatagh Maaron? Mako.

\*

<sup>3</sup> Tisov tipul eez tooni ve tisaghat wa.

Eta igham ngar poia mako. Mako le mako kat.

\*

<sup>4</sup> Tauvene Yoova igham ngar naol igha: “Yes tau tinoknok ghamuun ngar sasaghati na, lezi ghilaloon, ma mako? Neez o ngar toozi ivot?

Saawe isov, yes titombaan tamtamon tsiau ve tipasov gabua toozi le isov kat, imin yes tau tighan aniin popoia, ve tipasovu.

Matazi ingal ghau ve tisun payau mako.” \*

<sup>5</sup> Eemon murei, roin tiina kat pale igham zi.

Pasaa, Maaron pale ivool to tamtamon dudunazi tau titaghon eez tooni.

<sup>6</sup> Yes mbolaanja tau tirau gabua eta mako na, yam zeran sasaghati aponpoon eez pazi. Tauta ngar toozi le anoonja mako.

Eemon Yoova tauu pale imin lezi niazi to yongaan.

<sup>7</sup> Oyai, Maaron tau ileep izi nugh Zion na iuul yes Israela, ve ipas zi tivot pa patanani toozi, o poi!

---

\* **14:1:** Mbo 10:4, 53:1+; Ro 3:10+ \* **14:2:** Gnp 18:21 \* **14:3:** Gnp 6:5; Ep 2:3 \* **14:4:** Yems 5:4

Isaav ighe Yoova iuul tamtamon tooni ve tileep poia muul, ene pale tintinizi. Onoon kat, Yakop paaghu tooni pale loloz poia le poia kat. \*

## 15

### *Sei irau ileep igharau Yoova ve isunj pani?*

Mbounj to David

- 1 Yoova, sei ta irau ileep tomani ghom ila niam patabuyaanj to sunjuunj?  
Ve sei irau ileep izi loloz tsio patabuyaanj Zion, ve isunj payo? \*
- 2 Tamtamon tau le sosor eta mako, ve laghoon tooni poia mon.  
I ighamgham ngar duduunja ve isasavia saveenj onoon mon toman loolo. \*
- 3 I ivaghamunia tamtamon ezazi mako, ve igham ngar saghati eta pa zeetja mako.  
I injal saveenj pa tonjvetaz tooni mako, ve isinai zi mako. \*
- 4 Zeran sasaghati tau Maaron ighur muuri pazi na, i paam ighur muuri pazi.  
Ve yes tau tiroi pa Yoova ve titaghon ngar tooni na, i ipapait zi.  
Saa saveenj tau i imbua, ene irau loolo iveghaini mako. Ighe ipatajanj pani pa taghoniinjni, ene poia. Eemon i aat itaghon saveenj mbuaanj tooni.

---

\* **14:7:** Mbo 53:6, 126:1    \* **15:1:** Mbo 24:3+    \* **15:2:** Mt 5:8;  
Ep 4:25    \* **15:3:** Igham 20:16

<sup>5</sup> Ve isaav ighe zeetņa tigham bun ila tooni, saawe to tiyatu, yes tiyat maet duduunj tau tighamu na. I irau ipoi pa maet geege ite paam izala paavo mako.

Ve isaav ighe tamtamon tigha tigholi, lesa injal saveen pa yes tau lezi sosor mako, ene i irau iyok pazi mako. \*

Yes tau titaghon njar naol tane, ene aat tiyooz ariaan.

Gabua eta irau igham zi tirur ne mako. \*

## 16

### *Surjuunj to neer tau inumeer Yoova*

Mbounj to David

<sup>1</sup> O Maaron, umin sigheu payau ve ungin ghau naleep poi.

Pasaa, yau nanumeer ghom ve nayoos ilat tsio.

<sup>2</sup> Yau nasaav pa Yoova: “Yo Tiina tsiau.

Isaav ighe naleep soghan payo, ene irau nan-deen gabua poia eta mako.”

<sup>3</sup> Tamtamon patabuyaanja to Yoova tau tilepleep izi taan, yes popoiazi kat.

Isaav ighe naleep tomani zi, yes tigham lolog poia le poia kat. \*

<sup>4</sup> Eemon zeran tau tibesbees pa maaron karomņa na, pataņani naol pale izazaa toozi.

---

\* **15:5:** Igham 22:25 \* **15:5:** Igham 22:24, 23:8; 2Pe 1:5+

\* **16:3:** Mbo 119:63; Mbanj 2:42+; Hib 10:25

Yau irau napaak zi pa watoonrau toozi mako.  
Ve avog irau itut maaron toozi ezazi rigta  
mako.

<sup>5</sup> Yau naghita Yoova naghe i imin taan poia ee tau  
tipuli payau to naleep ila.

Irau nambool pa gabua eta mako. Pasaa, yau  
naleep ila i niima. \*

<sup>6</sup> Gabua naol tau yau naghām zi ilat tsio, ene  
popoiazi mon.

Onoon kat, lepoogh tsiau tau Yoova igham  
payau ne, ene poia kat. Imin naleep ila taan  
paghuuna ee tau tipuli payau. \*

<sup>7</sup> Yau napait Yoova pa poia tooni. Pasaa, i  
ighamgham pooz payau, lesō natagħon eez  
poia.

Mboṅ paam, ṅgar tau i ighuru ila lolog ne,  
itotoi eez payau.

<sup>8</sup> Saawe isov, matag inḡalḡal naghe Yoova ileep  
tomani ghau.

I ilepleep ila zigeḡ tapir ve ipapalot ghau.  
Tauvene gabua eta irau igham ghau narur  
ne mako. \*

<sup>9</sup> Tauta tintinig ve lolog poia kat.

Irau naroi mako. Pasaa, yo aat unḡin ghau  
naleep poi.

<sup>10</sup> Irau ughur murim payau, ve upul ghau namaat  
gha nazila mateegha niazi ne mako.

---

\* **16:5:** Mbo 23:5, 73:25+    \* **16:6:** Mbo 142:5; Ga 4:7    \* **16:8:**  
Mbo 15:5; Mbanj 2:25

Pasaa, yau tamtamon tsio. Lolog isaghav ghom ariiaan, ve nataghon eez tsio. Irau upul patag imbuuz ila naal loolo ne mako. \*

- <sup>11</sup> Yo utotoi eez to lepoogh poia payau. Isaav ighe naleep tomani ghom, ene pale lolog poia le poia kat. Ighe naleep ila nimam tapir, ene aat naya-maan poia tsio taghon taghon gha ila. \*

## 17

### *Neer duduunja ee itan rarai Maaron ighe iuule*

Mbounj to David

- <sup>1</sup> O Yoova, uloonj taniiz tsiau tane, ve uul ghau. Upaghazonjai ghau ila tamtamon matazi ughe yau neer duduunja. Leso tiwatagh tigde yau naghham sosor eta mako. Yau nasunj ghom ila avog uuli mon mako. Nasunj ghom toman lolog. Tauvene ughur talinam pa sunjunj tsiau tane, ve uul ghau.
- <sup>2</sup> Yo ughita gabua naol isov, ve yo uwatagh ughe yau nataghon ngar tau iduduunj ila yo matam. Tauvene uvooll tsiau ve upaghazonjai ghau ila tamtamon matazi ughe yau naghham sosor eta mako.
- <sup>3</sup> Yo ugabiiz poghani ghau, ve utoov ghau. Ve ulam utiir ghau pa mbonj paam. Tauta uwatagh katin lolog.

---

\* **16:10:** Mbanj 2:27, 13:35      \* **16:11:** Mbo 36:7+

Yo ugabiiz katin ghau, ve ughita n̄gar saghati  
eta igheen ila lolog mako.

Pa n̄gar tsiau iyaryaaj naghe avog igham  
sosor eta sov. \*

<sup>4</sup> Yau nataghon n̄gar tau zeran siriv tighamghamu  
ne mako. Pasaa, matag kisin saveeñ tsio.  
Tauvene zeran sasaghati tau tighamgham  
malmal na, yau napaghau taug pa eez toozi.

<sup>5</sup> Saawe isov, nataghon eez tsio mon.  
Agheg isapir pani rigta mako.

<sup>6</sup> O Maaron, yau nawatagh: Saawe isov, yo  
ulon̄loon̄ suñuun̄ tsiau. Tauvene natan̄ rarai  
ghom naghe uul ghau.  
Ughur taliñam payau, ve uloon̄ aliñag tane.

<sup>7</sup> Yo lolom isaghav tamtamon tsio ariaaj ve uluul  
zi.  
Tauvene ugham uraat n̄geretazi tintiina to uul  
ghau.  
Yes tau tiyoon̄ ilat tsio na, nimam tapir aat  
igham mulin zi ila koiazña nimazi, ve tileep  
poi.

<sup>8</sup> Uñgin poghani ghau imin yo uñgin taum matam.  
Upoon ghau imin tatareek ipagud natña.

<sup>9</sup> Pa zeran sasaghati tizuari zi tighe tivaghamun  
ghau.  
Koiagna tilivutin ghau, ve tighe tirav ghau  
namaat.

<sup>10</sup> Lolozi isaghatin tamtamon mako.  
Ve tipapait tauzi ezazi toman aliñazi tiina.

---

\* 17:3: Mbo 139:1

- 11 Yes titaghon ghau tilam gha tilivutin ghau wa.  
Ve tidaad matazi payau tighe tisik ghau nazi taan.
- 12 Yes timin laion tau pitoola ve ighe iranghat gabua leso ighani.  
Yes timin laion paaghu tau iyoonj ila su loolo ve isasañan.
- 13 Yoova, uburig urav koiagna lak! Uyooz umin sigheu payau, upoon zi, ve utatan tapirizi.  
Ukas zi pa mbuzaagh tsio, ve ugham mulin ghau pa zeran sasaghati tane. Leso naleep poi.
- 14 Zeran tawe tigham njar tighe gabua to taan, ene gabua tauu.  
Utotoi nimam pazi, ve ugham mulin ghau ila nimazi.  
Atuya tau yo ughe ugham pazi na, upasovu pataghaañ. Leso tiyamaana kat!  
Ve ugham tauvene pa natuzña ve iseença ila iza to timbuzña paam.
- 15 Eemon yau ñeer dudunag. Tauvene yau aat naghita naghom.  
Saawe tau naburig, yau aat naleep ila yo naghom, ve nayamaan naghe: Aa, gabua ta nazuari ghau pani, tauta naghamu wa! \*

## 18

### *David ipait Maaron eeza*

Mbounj to David, besoonja to Yoova. Saawe tau Yoova igham mulin David ila Saul ve koiña tisov

---

\* 17:15: Mbo 11:7; Yo 17:24; 1Kor 13:12; 1Yo 3:2

nimazi, i imbou mbounj tane pa Yoova.

*(2Sam 22:1-51)*

<sup>1</sup> O Yoova, yau lolog igheen tsio kat, ve naghham tapirig ilat tsio.

<sup>2</sup> Yoova iponpoon ghau pa koiagna imin maetaaz tau izala kat. Ve i imin ruum ariaanja pa nayoŋ ila loolo. Saawe isov, i ighamgham mulin ghau pa patanjani tsiau.

Maaron tsiau iponpoon ghau pa zaab imin maet tintiina, ve yau nayonjoŋ ila tooni. I imin sigheu payau, ve i Uleenja tsiau ariaanja. I imin didiin ariaanja tau ilivut ghau.

<sup>3</sup> Iit aat tapait Yoova eeza!

Yau napoi pa uleŋ, ve i igham mulin ghau ila koiagna nimazi.

<sup>4</sup> Liis to mateegh, rigmon kanan iliis ghau.

Patanjani naol titatan ghau imin dibom tintiina tipol izala pavog.

<sup>5</sup> Ve ravraav ariaanja to mateegh ikaukau ghau, ve rigmon kanan igherev ghau nazila mateegha niazi.

Tauvene liis to mateegh, naghita igheen ila naghog.

<sup>6</sup> Saawe tau naleep ila patanjani tawe loolo, yau napoi Yoova pa uleŋ.

Natan rarai Maaron tsiau naghe ilam iuul ghau.

Tanjiiz tsiau injaruini, ve ighur taliinja pani.

I ileep ila rumei tooni loolo, ve ilooŋ alinag.



- 7 Tauvene igham yogyoog itok taan le taan katka-  
tia,  
ve loloz tisov pughuzi irur paam.  
Pasaa, i aate yavyav kat.
- 8 Mbuas ivot pa uuzu puura,  
ve yav yaama tomania ngilaanji ivot pa aavo,  
ve ighan suvinia gabua. \*
- 9 Ra sambam saamba ikaak,  
ve i iyooz izala taitai gabgabuai, ve izilam.
- 10 I ileep izala anjela tooni ariaanja nduume, ve  
iroov ilam.  
Yaghur ibaado, ve ikaleel gha ilam.
- 11 I ipoon tauu pa ndoroom, leso imin le niia to  
yongaanj.  
Taitai gabgabuai ikauu, ve ingooz tauu ila  
lolo.
- 12 I ileep ta sewe toman mbonari tiina, ve igham  
nugh ighani milmilia.  
Tauta lalaav ingalngal izi, ve ais paatu paatu  
tomania yav ngilaanji titaptap tizi pa taan.
- 13 Yoova ileep izi sambam, ve isaav toman aliinja  
tiina kat, imin lalaav luutu.  
Maaron Tiina Tau Iliiv Zimaronnja Tisov na  
aliinja ivot. Ve yav ngilaanji tomania ais paatu  
titaptap tizi. \*

---

\* 18:8: Igham 19:18+      \* 18:13: Mbo 29:3+

- 14 I igham lalaav ingal koiņa imin paneegh natņa tooni.  
Tauta roinj tiina igham zi, ve tighawaar mbiriis.
- 15 Yoova, saawe tau yo utotoi aatyavyav tsio pazi, yaghur tiina ivot pa uzum, ve ivuvuur te ila soghan, le sausau ivot ighazooņ.  
Ve taan puughu tau igheen izila siiņa kat na ivot peria. Gabua eta ipoona muul mako. \*
- 16 Ra Yoova ileep saanņa, ve izuzuun niima izilam ikis ghau,  
ve indai ghau nazaa pa mazavan belbeluunņa loolo.
- 17 Koiagņa tapirizi tiina, ve yau narau zi mako.  
Yes tighur koi payau kat. Eemon Yoova iuul ghau, ve ipas ghau ila nimazi.
- 18 Saawe tau naleep ila patanņani loolo, yes tipaburigin malmal payau.  
Eemon Yoova ipoon ghau ve ipalot ghau.
- 19 I ipas ghau navot pa patanņani tsiau, ve ighur ghau nala naleep izi nugh poia.  
Pasaa, i loolo payau kat. Tauta igham mulin ghau ve naleep poi.
- 20 Yau natagħon nņar tau iduduunņ ila Yoova maata.  
Tauta i loolo payau ve igham poghani ghau.  
Nimag igham sosor eta mako. Tauta i igham leg atuya poia.
- 21 Pasaa, saawe isov, yau natagħon eez to Yoova.

---

\* **18:15:** Igham 15:1-12

Irau naghham n̄gar saghati ve naghur murig pa  
Maaron tsiau ne mako. \*

- 22 Pasaa, matag kisin tutuun̄ tooni tisov.  
Tutuun̄ tooni tau tighen pataghaan̄ na,  
naghur murig pazi mako.
- 23 Tauta leg sosor eta ila i maata mako.  
Yau nan̄gin taug poi, tauta naghham gabua eta  
isosor mako.
- 24 Yau naghhamgham n̄gar duduun̄ja ve n̄gar  
n̄galaan̄ja mon ila Yoova maata.  
Tauta i loolo payau ve igham leg atuya poia.
- 25 Yoova, isaav ighē tamtamon eta loolo isaghav  
ghom ariiaan̄ ve itaghon eez tsio, yo pale  
lolom isaghavu paam ve uule irau saawe.  
Tamtamon tau ighē le sosor eta mako ve n̄gar  
tooni isov popoia mon, ene pale yo upa-  
muul n̄gar poia pani paam.
- 26 Ve isaav ighē n̄eer eta ighamgham n̄gar n̄galaan̄ja  
mon, ene pale yo paam ugham n̄gar n̄galaan̄ja  
pani.  
Eemon yes tau lezi n̄gar tiina pa ghamuun̄  
karom ve n̄gar saghati, na yo lem eez naol  
to uyat n̄gar toozi tawe.
- 27 Tamtamon tau titatan tauzi na, yo ughamgham  
mulin zi pa patajan̄i toozi.  
Eemon yes tau tipapait tauzi ve tivelegh ghom  
na, yo utatan zi tizi timin kaut sorok. \*

---

\* 18:21: Mbo 119:102      \* 18:27: Mt 5:3, 23:12

- 28 Yoova, Maaron tsiau, yo ugham ghazonja tsio  
isul ghau,  
ve uziir ndoroom ighau payau, lesu naleep  
poi. \*
- 29 Yo upapalot ghau. Tauta yau irau naparav  
tomania koiagna le naliiv zi.  
Maaron tsiau ilepleep tomani ghau. Tauvene  
yau irau nayaat malonon didiinj ariaanja tau  
ilivut koiagna nugh toozi, ve nalonj nala.
- 30 Maaron eez tooni, ene poia le poia kat.  
Ve saveenj tooni, ene onoon mon. Irau taghur  
ila kat.  
Tamtamon tisov tau tiyoonj ila tooni na, i imin  
sigheu pazi. \*
- 31 Yoova mon ta Maaron tauu. Ite paam mako.  
I mon ta iponpoon ghiit imin maet tiina.
- 32 I ipapalot ghau pa tauu tapiri, tauta nayooz  
tunja.  
Ve i injinjin ghau pa laghoonj tsiau, ve itotoi  
eez payau. \*
- 33 I igham agheg tunja ila taan, ve nalaan ariaanj  
imin mekmek sagsag.  
Tauvene saawe tau nalaagh ila nugh sapsapu,  
irau agheg pusukia ve natap mako.
- 34 I itotoi ngar to ghamuunj malmal payau, ve ipalot  
nimag.

---

\* **18:28:** Yo 8:12; 2Kor 4:6; 2Pe 1:19

\* **18:30:** Yo 17:17

\* **18:32:** Mbo 23:1-5; 1Pe 5:10

Tauta yau irau nadaad paneegh ariaañja tau tigharaata pa mbaras. \*

35 Yoova, yo umin sigheu payau, ve ugham mulin ghau ila koiagnja nimazi.

Ve nimam tapir, tauta ipapalot ghau.  
Yo uluul ghau, tauta ezag imin tiina.

36 Yo ugharaat poghania agheg niia.

Tauta agheg pusukia mako, ve nayooz tunja pa ghamuuj malmal.

37 Yau nalaan taghon koiagnja nala le nazaa toozi.

Ve naravuur zi le tisov kat. Eta ileep muul mako.

38 Yau narav zi le tisov titaptap tizi agheg puughu.

Eta irau iburig muul to igham malmal payau ne mako.

39 Pasa, yo upapalot ghau pa taum tapirim. Tauta nayooz ariaañ pa malmal.

Yo ughur koiagnja tila nimag ve naliiv zi.

40 Yo ugham zi titoor zi, ve tighau tila.

Yes tau tighur koi payau ne, yau napasov zi le tisov kat.

41 Yes tipoi pa uleej. Eemon eta iuul zi mako.

Tañiiz toozi injarui Yoova paam. Eemon i iloon zi mako.

---

\* **18:34:** 2Kor 10:4; Ep 6:10-17

- 42 Yau narav mbirisai zi, le timin n̄gaupup tau yaghur ivuvuura gha ilale.  
Ve navaghaaz zi imin tiinj tau igheen ila eeze.
- 43 Saawe tau tamtamon tiburig ve tizoor alin̄ag, yo uvoool tsiau, ve ugham mulin ghau ila nimazi.  
Ve ughur ghau namin daaba pa nugh nugh.  
Tamtamon to taan siriv tau yau nawatagh zi mako na, aazne tileep ila sambag ve tibees payau.
- 44 Ighe tiloonj alin̄ag, ene rekia mon ve titaghoni.  
Nugh nugh tilam ve tiput aghezi payau toman roinj tiina.
- 45 Pasaa, tighilaal tighe tirau gabua eta mako.  
Tauvene roinj tiina igham zi, ve tipul ruum toozi arian̄azi tau tiyon̄yoonj ila lolozu na, ve tilam tsiau.
- 46 Onoon kat, Yoova ilepleep!  
I iponpoon ghau imin maet tiina.  
I Uleen̄a tsiau. Tauvene yau napakuru ve napait eeza.
- 47 I ivool tsiau, ve iyat n̄gar sasaghati tau koiagn̄a tigham payau na.  
Ve ighur nughmarinj tileep ila yau sambag.
- 48 I ipas ghau ila koiagn̄a nimazi, ve iuul ghau le naliiv zi.  
I igham mulin ghau ila yes tau tilinj̄inj sin̄ pa tamtamon na nimazi.

49 Tauvene Yoova, yau aat nayoora ezam ila tam-tamon to nugh nugh sosozi, ve nambou to napait ghom. \*

50 Yoova iuluul yes tau i ighur zi timin kinik. Tauta tiliivliiv malmal tintiina.  
I tauu ighur David to igham pooz.  
Tauvene loolo isaghavu, ve pale ighur poia tooni izazaa to David tomania paaghu tooni taghon taghon gha ila.

## 19

*Gabua tau Maaron ighur zi na titotoi ghiit tighe i eeza tiina*

Mbounj to David

1 Gabua naol isov tau tighenaar ila sambam saamba na titotoi ghiit tighe Maaron eeza tiina.

Gabua ta saanja we, ene i niima muuri.

Tauta titotoi Maaron tapiri tomania ngar ve poia tooni pait. \*

2 Mataaz ta naol ne, tisavsaav pait.

Ve mbonj ta naol ne, tipaghazonjai ghiit pa ngar tooni.

3 Yes lezi avozi to tisavsaav mako.

Irau taloonj avozi luutu mako.

4 Eemon alinjazi ila irau taan isov.

Saveenj toozi ila irau taan ziige ta naol ne. \*

---

\* **18:49:** Ro 15:9      \* **19:1:** Mbo 89:5, 97:6; Ro 1:19+      \* **19:4:** Ro 10:18

Maaron ighur aaz le niia ila sambam saamba  
to igheen pani.

<sup>5</sup> Aaz pisikia iza a imin njeer tau ivai paaghu, ve ipul  
ruum tooni ve ivot toman tintini.  
Ve imin tamtamon to landoonj tau igharaat ghi  
to ilaan toman loolo poia.

<sup>6</sup> Aaz iza a pa taan ziige ee,  
ve imalaan ila izi pa ziige ite.  
Ve gabua eta irau iyoonj pa maata ne mako.

*Saveenj to Maaron ene poia kat ve ipaghazonjai  
ghiit pa ngar tooni*

<sup>7</sup> Saveenj isov tau Yoova igham pait, ene poia kat ve  
iduduun mon.  
Ve ipariaan ghiit ve igham tapiriin ivot muul.  
Eez tau Yoova ighuru pa tamtamon tooni na,  
igheen tunja tauvene. Irau itoora muul  
mako.  
Ve ipaghazonjai yes tau lezi ngar tiina mako na,  
le ngar toozi ivot. \*

<sup>8</sup> Tutuun naol tau Yoova ighur zi pait, ene  
dudunazi mon, ve tigham ghiit loloon poia  
kat.  
Tutuun to Yoova imin ghazonja pait, ve  
igham ghiit taghilaal. \*

<sup>9</sup> Ngar to taroi pa Yoova ve tataghon ngar tooni, ene  
poia.

---

\* **19:7:** Mbo 119:104; 2Tim 3:15      \* **19:8:** Mbo 119:105, 130; 2Pe  
1:19



Ngar tauvene, ene ingalaan ıla i maata, ve  
igheen tauvene taghon taghon gha ıla.  
Ve gabizoonj to Yoova, ene iduduunj ve onoon  
mon.

10 Tamtamon tighita maet gol tighe ene gabua  
tiina, ve loloji pani.

Eemon Yoova saveenj tooni iliiv kat pa gol  
katini tau ngalaanazi na.

Ve tok suuru tauvene paam, poia ve imon-  
moon ıla avoon.

Eemon Yoova saveenj tooni, ene poia kat le  
iliiv tok suuru. \*

11 Yoova, yau besoonja tsio. Saveenj tsio ipaghau  
ghau pa patanani naol.

Yes tau titaghon saveenj tsio, ene aat tigham  
lezi atuya tiina. \*

12 Sei irau ighilaal sosor tooni isov? Mako.

O Yoova, sosor naol tau naghilaal zi mako ve  
nagham zi na, lolom isaghatin ghau ve upul  
zi.

13 Yau besoonja tsio. Sosor tau naghilaal zi na,  
upaghau ghau pazi.

Pa lolog pa ngar tauvene igham pooz payau  
mako.

Leso nagham sosor tiina eta sov, ve ngar tsiau  
iduduunj ıla yo matam.

14 Tauvene yau naghe le saveenj tau ivot ıla avog,  
ve ngar tau igheen ıla lolog ne, isov iduduunj  
ıla yo matam, ve igham ghom lolom poia.

---

\* **19:10:** Mbo 119:72, 103      \* **19:11:** Yo 14:21+; 1Tim 4:8

O Yoova, yo Uleeṅa tsiau ve uponpoon ghau imin maet tiina.

## 20

*Yes Israela tighason Maaron to ipalot kinik toozi*

Mbounj to David

<sup>1</sup> Saawe tau ighe yo uleep ila pataṅani loolo, Yoova pale ilooṅ suṅuuṅ tsio ve iuul ghom.

Maaron to Yakop, i eeza tiina pa tapiri ve poia tooni. I pale imin sigheu payo ve iṅgin ghom uleep poi.

<sup>2</sup> Maaron ileep ila rumei tooni patabuyaanṅ izi loloz Zion.

I pale iuul ghom ve ipalot ghom.

<sup>3</sup> I aat maata iṅgal watoonṅrau tsio tisov. Irau loolo iveegh pazi mako.

Watoonṅrau tsio tau yav ighan dodolin zi, ene tighamu loolo poia.

<sup>4</sup> Ve gabua tau yo lolom pani na, i aat igham payo.

Ve ṅgar isov tau lolom ighur ughe ugham zi na, i pale igham anooṅa ivot.

<sup>5</sup> Murei, saawe tau yo uliiv koiamṅa, yei pale lolomai poia kat ve nisir.

Pale nigham pilak tsiei ve nisik zi ilala il-amlam, ve nipait Maaron toit eeza toman tintinmai.

Gabua naol isov tau yo ughason Yoova pani na, i pale ilooṅ ghom ve igham payo.

<sup>6</sup> Ngarig gha nawatagh: Yoova pale iuul kinik tau i tauu ighuru pa uraat na.

I pale ileep izi nugh tooni patabuyaaj sambam, ve ilooj sunuuj tooni, ve ipaloti pa tauu tapiri. Leso iliiv koiija tisov.

<sup>7</sup> Zeran siriv tinumeer karis toozi to malmal, ve siriv tipakur zi pa hos toozi.

Eemon yei ninumeer Maaron tsiei Yoova. I eeza tiina pa tapiri ve poia tooni. \*

<sup>8</sup> Tauvene koiamaija pale aghezi pusukia ve titap-tap.

Eemon yei pale niburig ve niyooz tunja pa malmal.

<sup>9</sup> O Yoova, ughur talinam pa tanjiz tsiei tane, ve uul kinik tsiei. Leso iliiv koiija.

## 21

*Yes Israela tipait Maaron pa uleenj tau i igham pa kinik toozi*

Mbounj to David

<sup>1</sup> O Yoova, kinik tsiei loolo poia kat. Pasaa, yo upaloti pa taum tapirim.

Yo uule pa malmal le iliiv koiija. Tauta tintini kat.

<sup>2</sup> Gabua tau i loolo pani ve ighason ghom pani na, yo unjuruuta mako.

Yo ugham pani wa.

<sup>3</sup> Yo ula uvot tooni, ve upakuru pa gabua popoia naol.

---

\* **20:7:** Mbo 33:17

Ve ughur moghar ndamoonda milmilia izala daaba.

Moghar tawe, tigharaata pa gol tau poia kat.

<sup>4</sup>I ighason ghom to unġini poi ila saawe to malmal, leso imaat sov, ve ileep poia taghon taghon gha ila.

Ve yo ulooŋ sunjuuŋ tooni.

<sup>5</sup>Yo uule gha iliiv malmal, tauta eeza ivot imin tiina.

Ve upaboode pa tapirim ve poia tsio. Tauta vaaru ilaan irau nugh nugh, ve tamtamon tipaiti tighes i eeza tiina kat.

<sup>6</sup>Onoon kat, poia tsio pale izazaa tooni taghon taghon gha ila.

Ve yo uleep tomania. Tauta loolo poia le poia kat.

<sup>7</sup>Kinik tsiei inumeer Yoova. Tauvene gabua eta irau ighamu itap ne mako.

Pasaa, Maaron Tiina Tau Iliiv Zimaronġa Tisov na, loolo isaghavu ariaaŋ, ve iuluule itaghon saveeŋ mbuaaŋ tooni.

<sup>8</sup>O kinik, nimam pale ikisiir koiamaġa tisov.

Yes tau tighur koi payo na, nimam tapir pale isaghav zi.

<sup>9</sup>Saawe tau utotoi tapirim ivot ighazooŋ, yo pale uvaghamun zi kat imin yav tiina ighan gabua.

Onoon kat, aatyavyav to Yoova pale izaa toozi, ve yav tooni ighaniir zi.

- 10 Natuzŋa paam, yo pale uravuur zi, ve upasov zi pa taan.  
Taufene murei, paaghu toozi eta irau ileep muul mako.
- 11 Onoon, yes tiil eez payo, ve timbu saveeŋ tigue tivaghamun ghom.  
Eemon ŋgar toozi saghati tawe irau ighur anooŋa mako. \*
- 12 Saawe tau tighita yo ughur paneegh naatu iŋarui zi,  
yes pale tiroi ve tighau tila.
- 13 Yoova, uburig ve utotoi tapirim ivot ighazooŋ.  
Leso nimbou ve nipait ezam pa tapirim.

## 22

*Sunjuuŋ to ŋeer ee tau ileep ila pataŋani tiina loolo ve igham ŋgar igha Maaron ighur muuri pani*

Mbounj to David

- 1 Maaron tsiau, Maaron tsiau, puughu mindai ta ughur murim payau?  
Pataŋani tsiau igham ghau nataŋ tiina. Puughu mindai ta yo uul ghau mako, ve uleep soghan payau? \*
- 2 Maaron tsiau, mataaz ta naol ne, nataŋ rarai ghom. Eemon yo usavia leg saveeŋ eta mako.  
Ve mboŋ tauvene paam. Namariau mako. Nanoknok taŋiiz.

---

\* 21:11: Mbo 2:1; Mk 14:1      \* 22:1: Mbo 10:1; Mk 15:34

- <sup>3</sup> Eemon Maaron, yau nawatagh: Yo patabuyaan.  
Yo uleep ila niam to ghamuunj pooz, ve yes  
Israela tipapait ghom.
- <sup>4</sup> Muunj ve ilam, timbumainja tinumeer ghom.  
Yes tighur ilat tsio, ve yo upas zi tivot pa  
pataņani toozi.
- <sup>5</sup> Saawe tau titaņ rarai ghom, yo ugham mulin zi  
pa pataņani toozi.  
Yes tinumeer ghom, ve yo uul zi. Tauvene  
tighur matazi payo sorok mako.
- <sup>6</sup> Eemon yau, tamtamon tighit ghau tigde yau  
tamtamon mako.  
Matazi tatanin ghau, ve tivelegh ghau tigde  
yau kaut sorok imin motmoot to taan lolo.  
\*
- <sup>7</sup> Tamtamon tisov tau tighit ghau ne, titurun luazi  
payau ve tigde: ‘Aa, ughita wa?’  
Ve tinjın payau, ve tisik saveeņ veleghiin naol  
payau. \*
- <sup>8</sup> Tisavsavv payau tigde: “Yo ughe unumeer  
Yoova?  
Poia. Ighe tauvene, o taleep ve taghita. Isaav  
ighe i loolo payo kat, i aat iuul ghom, ve  
igham mulin ghom pa pataņani tsio.” \*
- <sup>9</sup> Eemon Yoova, yo ta ughur ghau navot poi ila  
tinaņ aapo.  
Ve saawe tau naghunghun tuz, yo urarar  
payau poi. \*

---

\* 22:6: Is 53:3 \* 22:7: Mt 27:39; Mk 15:29 \* 22:8: Mt 27:43

\* 22:9: Mbo 71:6; Ga 1:15

- 10 Saawe tau tinaŋ ipoop ghau, tighur ghau nalat namin yo lem, lesu ungin ghau.  
Tauta saawe tawe ve ilam, yau nanumeer ghom naghe yo Maaron tsiau.
- 11 Tauvene uleep soghan payau sov.  
Pa aazne, pataŋani tiina ighe ivot payau.  
Ve leg tamtamon eta to iuul ghau mako.
- 12 Ughita. Koiagna katini tilam tilivutin ghau.  
Tapirizi tiina imin makau zitamoot to Basan tau bide tapirizi na.
- 13 Yes timin laion tau tikakaak avozi ve livozi imasis ilam payau.  
Ve lolozi ŋuria tighe tiranŋat ghau ve tighan ghau.
- 14 Tauvene tapirig isov kat, imin yaa tau igheen ila uur loolo ve tilinji ilale.  
Tuag tisov goloŋja. Tauvene nayamaan taug naghe irau naghama gabua eta mako.  
Ve roin tiina ighama ghau ve lolog imin waar mbuaan. Naghe paita namaat tane.
- 15 Ngarsuag igorgor kat.  
Yo upul ghau ve nagheen ila ngaupup loolo ve naghe paita namaat tane.
- 16 Koiagna katini tilam tilivutin ghau imin ngavuun umbaal  
ve tivarangatin agheg ma nimag. \*
- 17 Ve tuag isov peria.

---

\* **22:16:** Lu 23:33; Yo 19:18

Tauvene koiagna tiyooz ve timarar ghau, ve  
loloji poia kat.  
Pasaa, nasaghat wa.

18 Yes tighes pa namaat wa. Tauta tighes tivalagh  
nonoghiinja tsiau tomania gabua tsiau siriv  
irau zi.

Tauvene tipayooz mbuur, lesos tighita sei ta  
pale igham saa gabua. \*

19 Yoova, uleep soghan payau sov.

Uleenja tsiau, ulam rekiave uul ghau!

20 Upoon ghau pa mbuzaagh to mateegh.

Upaghau ghau pa ngavuun sasaghati tane.  
Mako pale tivaghamun ghau.

21 Ugham mulin ghau pa laion tane aavo,

ve upasali ghau pa makau sagsagna tane  
zoñazi.

Aa, ngarig gha naghita naghes yo uloon ghau!

22 Tauvene yau aat navotia gabua tau yo ugham  
payau ne pa zetagna.

Saawe tau tamtamonsio tilup zi pa sunuun,  
yau aat nala tomani zi ve nayoorezam. \*

23 Yam tau aroi pa Yoova ve ataghon ngar tooni na,  
apakuru.

Yam sinj to Yakop, apait Yoova eeza pa tapiri  
ve poia tooni.

Yam Israela asov, aroron ve aroi pani.

---

\* **22:18:** Mt 27:35; Yo 19:24      \* **22:22:** Hib 2:12



- 24 Pa yes tau tibadbaad pataņani ve tighur matazi pa Yoova na, i irau ighita pataņani toozi imin kaut sorok ne mako. Pale iuul zi. Irau ivelegh zi, ma ighur muuri pazi ne mako. Tauvene saawe tau titaņ raraini pa lezi uleen, i aat iloon taniiz toozi ve iuul zi.
- 25 Yoova, isaav ighe tamtamon tsio tilup zi pa sunjuuņ tiina, yau aat nayoor ezam ila naghozi, ve napait ghom pa ngar tau yo ugham payau na. Yau pale nataghon saveeņ mbuaaņ tsiau, ve naghām watoonraū payo ila yes tau tiroi payo ve titaghon ngar tsio na matazi.
- 26 Watoonraū tau naghām pa paitoon Yoova na, yes mbolaana pale tighan sirivu, le apozi isuņ. Ve yes tau tizuari zi pa Yoova na, pale tipaiti. I tauu pale ighām poghani zi ve tileep poia taghon taghon gha ila.
- 27 Tamtamon irau taan ziige ta naol ne pale matazi ingal Yoova, ve titoor ngar toozi imuul ila pani. Nughmarin pale tisov tiput aghezi pani ve tipaiti. \*
- 28 Pasaa, Yoova, i kinik tiina. I ingin tamtamon tisov to taan, ve ighamgham pooz pazi.
- 29 Tauvene kuaz puughu to taan tau tipapakur tauzi na, pale tisov tiput aghezi pani ve tipaiti.

---

\* 22:27: Mbo 2:8; Syg 5:9-13, 7:9

Ve ila ila le yes tau tigharau tigde timaat  
ve timin n̄gaupup na, yes paam pale tiput  
aghezi pani ve tipaiti.

<sup>30</sup> Paaghu toit pale tibeas pa Yoova.

Yes tau tivot murei na, pale tiloon̄ Yoova  
vaaru.

<sup>31</sup> Yes tau tipoop zi murei na, ene pale tisavia n̄gar  
duduun̄a to Yoova pazi,  
ve tipaes pazi pa eez tau i igham mulin tamta-  
mon tooni.

## 23

### *Yoova, i n̄giniin̄ toit*

Mbounj to David

<sup>1</sup> Yoova, i n̄giniin̄ tsiau poia.

Irau nambool pa gabua eta mako. \*

<sup>2</sup> I ighegherev ghau nala pa kikiliin̄ popoia tau  
igheen yaa naliu ziige na.

Leso naghan, naghun yaa luuma, ve na-  
mariau. \*

<sup>3</sup> I igham tapirig ivot muul,

ve ipaduduun̄ ghau le nataghon eez tau  
iduduun̄ ila i maata.

Leso ipaghazon̄ai eeza tiina ivot ighazon̄.

<sup>4</sup> Yoova, ighe nalaagh ila nugh sapsapu to ma-  
teegh, ve ndoroom tiina ikau ghau, ene irau  
naroi mako.

Pasaa, yo uleep tomani ghau.

---

\* **23:1:** Yo 10:11; Hib 13:20      \* **23:2:** Syg 7:17

Yau naghit ghom ukis zaab tsio tomania titi to upaduduunj sipsip pani, tauvene ateg izi.

<sup>5</sup> Yau nalam namin loom payo, ve yo upakur ghau kat.

Yo ugham marewaanj tiina payau ila koiagna matazi.

Ve ulinj ngoreen izala dabag, ve ugham poghani ghau kat.

<sup>6</sup> Onoon kat, saawe isov tau naleep izi taan, yo lolom isaghav ghau, ve poia tsio izazaa tsiau itaghon saveen mbuaan tsio.

Rumei tsio aat imin niag to lepoogh le irau saawe tsiau isov.

## 24

*Maaron, i kinik tau eeza tiina pa tapiri ve poia tooni*

Mbounj to David

<sup>1</sup> Taan tomania gabua naol isov tau tileep ve tighen ila, ene to Yoova.

Nugh tisov tomania tamtamon tau tilepaar ila, ene i tooni mon. \*

<sup>2</sup> Pasaa, i ta ighur taan ipot izala te paavo.

Ve ipariaan taan puughu ighen tunja izila te loolo ta siija geeg. \* \*

<sup>3</sup> Sei irau izala loloz to Yoova ve isunj pani?

---

\* **24:1:** Mbo 50:12, 89:11; 1Kor 10:26      \* **24:2:** Yes Kanaana tighur ila tighete, i le maaron. Ve lezi maaron ite paam eeza Baal. Yes tighur ila tighete muun geeg, yesuru tiparav, le Baal iliiv maaron to te tapiri, ve ighur taan ighen tunja izala te paavo. Neer tau itoor mbounj tane isaav tauvene: Yoova ta ighur taan ve te.      \* **24:2:**

Gnp 1:9; 2Pe 3:5

Ve sei irau ilonj ila rumei tooni patabuyaanj ve iyooz ila i naagho? \*

<sup>4</sup> Tamtamon tauvene: I igham sosor eta mako.  
Ve ngar isov tau ighen ila loolo na, ene ingalaanj mon.  
I ipait maaron karomnja mako,  
ve iwaat Maaron eeza sorok to ipalot saveenj karom mako. \*

<sup>5</sup> Tamtamon tauvene, poia to Yoova aat iza a tooni.  
Maaron tau Uleenja tooni na, pale igham mulini ve ileep poi, ve ipaghazonjaini ighe i neer duduunja.

<sup>6</sup> Zeran tauvene tizuari zi pa Maaron.  
Yes tigde tila tivot to Maaron to Yakop naagho, ve tisunj pani.

<sup>7</sup> O yam ataman, akaak ve tinimim iza a.  
Yam ataman to muunj geeg, tinimim iza a, ve akaak le akaak kat.  
Leso sooso irau kinik tau eeza tiina pa tapiri ve poia tooni na itaghoni ilonj ila. †\*

<sup>8</sup> Laak, kinik tau eeza tiina pa tapiri ve poia tooni na, ene sei?  
Ene Yoova.

---

\* **24:3:** Mbo 15:1      \* **24:4:** Igham 20:16; Mbo 51:10; Mt 5:8

† **24:7:** Ughita 2Sam 6:1-19. Bokis to Saveenj Mbuaanj tau muunj ighen ila balbaal patabuyaanj to Maaron ve yes Israela tibadbaado na, yes tighita tigde Maaron tauu ilepleep ila. Tauvene saawe tau tibaad bokis tawe ve tilonj tila pa Yerusalem na, tigham ngar tigde Maaron tauu ilonj ila pa Yerusalem.      \* **24:7:** Mt 21:5

I saksaki, ve tapiri tiina.

Ve i irau kat pa ghamuuj malmal. \*

<sup>9</sup> O yam ataman, akaak ve tinimim iza.

Yam ataman to muuj geeg, tinimim iza, ve akaak le akaak kat.

Leso sooso irau kinik tau eeza tiina pa tapiri ve poia tooni na itaghoni ilonj ila.

<sup>10</sup> Laak, kinik tau eeza tiina pa tapiri ve poia tooni na, ene sei?

Ene Yoova.

I Maaron saksaki, ve injin gabua naol isov.

Onoon kat, i kinik tau eeza tiina pa tapiri ve poia tooni.

## 25

*Neer ee isuj pa Maaron ighe ireu sosor tooni, ve itotoi eez pani*

Mbounj to David

<sup>1</sup> O Yoova, naghur taug natal tsio, ve nasuj payo.

<sup>2</sup> Maaron tsiau, yau nanumeer ghom.

Upul koiagna titatan ghau sov.

Pale tipakur zi tighe tiliiv ghau, ve tigham ghau mayag.

<sup>3</sup> Tamtamon tisov tau tisanjan ghom pa uleenj na, irau tighur matazi payo sorok ve mayazi ne mako.

Eemon yes tau tighur murizi payo na, yes pale mayazi.

<sup>4</sup> Yoova, utotoi eez tsio payau.

---

\* **24:8:** Igham 15:3+

Upaghazonjai ngar tsiau pani, lesu nataghon dudunaini.

<sup>5</sup> Ugham pooz payau, lesu laghoonj tsiau iduduunj pa saveenj tsio.

Ve upaghazonjai ghau pa ngar tsio.

Pasaa, yo Maaron tsiau ve Uleeņa tsiau.

Mbonoozo ila le ravrav izi, yau naghurghur matag payo.

<sup>6</sup> Yoova, muunj ve ilam, yo lolom isaghatin tamtamon ve uluul zi.

Ve lolom isaghav tamtamon tsio ariaanj ve poia tsio izazaa toozi.

Matam ingal ngar tsio tana.

<sup>7</sup> Sosor ve ngar to taliinjizi tau yau kukuag ve naghamgham zi na, matam ingal zi sov.

Yoova, yo poiam, ve lolom isaghav tamtamon tsio ariaanj ve uluul zi itaghon saveenj mbuaanj tsio.

Tauvene matam ingal ghau ve uul ghau!

<sup>8</sup> Yoova ngar tooni, ene poia ve iduduunj mon.

Tauvene zeran tau tisapir pa ngar tooni na, i ipapaduduunj zi pa eez tooni.

<sup>9</sup> Ve yes tau titatan tauzi ve tinumeer Maaron mon na,

i ighegherev zi ve itotoi eez tooni pazi, lesu titaghon ngar duduunja.

<sup>10</sup> Yes tau matazi kisin saveenj mbuaanj toozi tomania Yoova, ve titaghon eez tau i ighuru pa tamtamon tooni na,

- i loolo isaghav zi ariaan ve iuluul zi itaghon saveen mbuaan tooni.
- 11 O Yoova, yau naghav sosor katini kat.  
Eemon yo ezam tiina pa ngar tsio tau lolom isasaghatin yei tamtamon.  
Tauvene ureu sosor tsiau.
- 12 Tamtamon tisor tau tiroi pa Yoova ve tigde titaghon ngar tooni na,  
i pale itotoi eez pazi. Leso tiwatagh eez sindei tau yes aat titagho.
- 13 Zeran tauvene, lepoogh toozi pale poia kat.  
Ve natuzna paam, pale tileep poia izi taan tau Yoova igham pa tamtamon tooni. \*
- 14 Yes tau tiroi pa Yoova ve titaghon ngar tooni na, timin i zeetna duduun.  
Tauvene i ivovotia ngar tooni yongaan pazi, ve ipaghazonai zi pa eez to yesna tivalupu zi timin eemon itaghon saveen mbuaan tooni.
- 15 Saawe isov, yau naghurghur matag pa Yoova naghe i aat iuul ghau.  
I pale ipas agheg pa liis tau koiagna tighuru payau ne.
- 16 Yoova, yau besoon tsio. Tauvene matam imuul ilam payau. Lolom isaghatin ghau, ve uul ghau pa pataani tsiau.  
Pa yau zigau kat. Leg etag eta to iuul ghau pa pataani tsiau tane mako.

---

\* 25:13: Mbo 37:9, 11; Mt 5:5

- 17 Lolog ipatanjan kat ve naghams ngar naol. Pasaa, yau leg eez eta mako.  
Upas ghau navot pa patanjani tsiau tane loolo.
- 18 Ughita patanjani ve saghatiinj tiina tau ivot payau ne, ve uul ghau.  
Ve ureu sosor tsiau tisov tilalez.
- 19 Ughita. Koiagna, yes eval.  
Ve atezi yavyav payau kat. Tighe le tivaghamun ghau.
- 20 Eemon yau nanumeer ghom naghe yo aat ugham mulin ghau ila koiagna nimazi, ve ungin ghau naleep poi.  
Yau nayoonj ilat tsio. Tauvene upul zi tiliiv ghau sov. Ighe mako, pale mayag.
- 21 Yoova, ngar tsiau iyaryaan naghe nataghon ngar popoia tau iduduunj mon ila yo matam.  
Tauvene yo aat upoon ghau pa gabua sasaghati ta naol ne.  
Pasaa, yau naghurghur matag pa uleenj tsio.
- 22 O Maaron, upas tamtamon tsio Israel tivot pa patanjani toozi naol isov.

## 26

*Neer ee ighason Maaron to ipaghazonjaini ighe i neer duduunja*

Mbounj to David

- 1 O Yoova, yau naghe yo upaghazonjai ghau ila tamtamon matazi ughe yau neer duduunja.  
Pasaa, laghoonj tsiau, yau nataghon ngar duduunja mon.



Ve naghur ilat tsio ariaañ. Lolog ruru payo mako. \*

<sup>2</sup> Yoova, ugabiiz ghau, ve utoov ghau.  
Utiir poghania lolog ve ngar tsiau, ve ughita:  
Naduduun ila yo matam, ma mako? \*

<sup>3</sup> Monmon matag ingalngal ngar tsio tau lolom is-  
aghav tamtamon tsio ariaañ ve uluul zi.  
Yo utaghon saveej tsio irau saawe. Gabuam  
tana ipapalot ghau pa laghoonj tsiau, tauta  
nataghon eez tsio. \*

<sup>4</sup> Yau yeña zeran karomña niluplup ghei mako.  
Yes tau tipamir tauzi pa ghuruunj ila toozi na,  
yau napaak zi mako. \*

<sup>5</sup> Yau naghur koi pa yes tau tighamgham ngar  
sasaghati, ve naleep soghan pazi.  
Isaav ighe zeran sasaghati tilup zi, ene irau  
naleep tomani zi mako.

<sup>6</sup> O Yoova, yau nataghon ngar duduunja mon. Tauta  
namin nimag, lesio itotoi ighe yau leg sosor  
eta mako.  
Ve nalaagh livutin artaal tau tighamgham wa-  
toonjrau payo izala na, ve nasunjunj payo. \*

<sup>7</sup> Yau aat nambou mbounj toman lolog poia ve  
napait ghom,  
ve navotia uraat tsio ngeretazi tau maata ite  
kat na.

---

\* **26:1:** Mbo 7:8+      \* **26:2:** Mbo 139:1, 23+      \* **26:3:** Mbo  
119:30      \* **26:4:** Mbo 1:1; 2Kor 6:14      \* **26:6:** Mbo 15:1, 24:3+

- <sup>8</sup> Yoova, yau lolog pa rumei tsio kat. Pa ene niam to lepoogh.  
Yo utotoi tapirim ve mbonarim tomania poia tsio ivotvot ta sewe. \*
- <sup>9</sup> Yes tau tisor pa eez tsio na, upasov ghau tomani zi sov.  
Ve yes tau tilinjij sinj pa tamtamon na, urav ghau namaat tomani zi sov.
- <sup>10</sup> Zeran tauvene, nimazi igharghaar pa ghamuuj ngar sasaghati naol.  
Ve isaav ighe tighol zi to tigham ngar saghati eta, ene aat tiyok mon ve tighamu.
- <sup>11</sup> Eemon laghoonj tsiau, yau nataghon ngar duduunja mon.  
O Yoova, yau besoonja tsio. Lolom isaghatin ghau ve ugham mulin ghau.
- <sup>12</sup> Yau nayooz tunja ila taan duduunja. Irau natap mako.  
Tauvene saawe tau tamtamon tsio tilup zi pa sunjuunj, yau aat nala tomani zi, ve napait ghom pa poia tsio.

## 27

*Mbounj to tamtamon tau iroi mako ve ighur ila to Maaron ariaanj*

Mbounj to David

- <sup>1</sup> Yoova imin ghazoonja payau, ve i Uleenja tsiau.  
Pale naroi pa sei? Mako.  
Pasaa, yau nanumeer Yoova. I imin ruum ariaanja to nayoonj ila loolo.

---

\* 26:8: Igham 40:35

Tauta naroi pa gabua eta mako. \*

<sup>2</sup> Isaav ighe zeran sasaghati tipaburigin malmal payau,  
ve koiagna tighe tikari ghau,  
ene pale Yoova igham aghezi ilot, ve titap.

<sup>3</sup> Isaav ighe zaaba katini tilam tilivutin ghau to tigham malmal, ene irau lolog bubu ve naroi pazi mako.

Isaav ighe malmal iburig ve koiagna tinarui ghau tilam, yau aat nanumeer Maaron ve nayooz ariaan.

<sup>4</sup> Gabua eemon geeg ta yau lolog pani kat. Tauta naghe naghason Yoova pani.

Saawe isov tau naleep izi taan, yau naghe le naleep toman Yoova ila rumei tooni loolo, ve naghita poia tooni.

Yau naghe naleep ila rumei tooni loolo, lesa naghasoni to itotoi tauu ve ngar tooni payau. \*

<sup>5</sup> Isaav ighe patanani tiina eta ivot payau, i aat ingin ghau naleep poi ila niima saamba.

I pale ingooz ghau ila rumei tooni loolo.

Ve i pale isur ghau nazala maetaaz ta saanja we, lesa koiagna tigham gabua eta payau sov.

<sup>6</sup> Onoon, aazne, koiagna timeke tilam tilivutin ghau.

Eemon naroi mako. Pasaa, Yoova pale iuul ghau ve naliiv zi.

---

\* **27:1:** Mbo 118:6; Yo 8:12; Ro 8:31      \* **27:4:** Mbo 23:6; Pil 3:8

Tauvene nayoor eeza toman tintinig.  
Nagham watoonrau pani ila rumei tooni loolo,  
ve nambou ve narav gita to napait eeza.

<sup>7</sup> Yoova, ighe natan rarai ghom pa uleen, na uloon  
taniiz tsiau.

Lolom isaghatin ghau ve uul ghau. Pa yau  
besoonja tsio.

<sup>8</sup> Yo usaav payau ughes: “Ulam usun payau, lesa  
natotoi taug payo.”

Tauta lolong naghe nalat tsio, ve upatoonj taum  
payau.

<sup>9</sup> Yau besoonja tsio. Ungooz naghom payau sov.

Atem yavyav ve umbuzir payau sov.

Maaron, muun ve ilam, yo mon ta Uleenja  
tsiau.

Tauvene upul ghau, ve ughur murim payau  
sov.

<sup>10</sup> Isaav ighe taman ve tinañ tighur murizi payau,  
ene pale Yoova tauu igham ghau ve ingin  
ghau.

<sup>11</sup> Yoova, upaghazonjai ghau pa eez tsio.

Umuun payau ve utotoi ghau pa eez duduunja.

Pa koiagna katini tisanjan ghau. \*

<sup>12</sup> Upul ghau nala nimazi sov!

Pa yes tingalngal saveen karom naol payau, ve  
tighamham saveen paroin payau. \*

<sup>13</sup> Eemon yau naghur ila naghe yes irau  
tivaghamun ghau mako.

\* **27:11:** Igham 33:13; Mbo 25:4+

\* **27:12:** Mt 26:59+; Mbanj

Yau aat naleep matag yaryaare, ve naghita poia to Yoova.

<sup>14</sup> Tauvene yo tau ughur ila to Yoova na, yau nasaav payo naghe: “Unumeer Yoova, ve ughur matam pani.

Uroi sov. Lolom eemon, uyooz ariaan, ve usaan pa uleenj tooni.” \*

## 28

### *Maaron, uneneenj sov*

Mbounj to David

<sup>1</sup> Yoova, yo uponpoon ghau pa koiagna imin maet tiina. Tauvene tanjiiz tsiau ilat payo.

Ughur talinam pa suruunj tsiau tane ve uul ghau lak!

Ighe uloonj ghau mako, ve uneneenj mon, ene pale namin yes tau timaat gha tizila puura to yes mateegha.

<sup>2</sup> Aazne, yau nait nimag izaa injarui rumei tsio loolo tau patabuyaanj kat na, ve natanj rarai ghom pa uleenj.

Uloonj tanjiiz tsiau tane ve lolom isaghatin ghau. Pa yau besoonja tsio.

<sup>3</sup> Saawe tau yo ughur atuya pa zeran sasaghati, na ugherev ghau nala tomani zi sov.

Yes tau tinoknok ghamuunj sosor na, nalaleg tomani zi sov.

Zeran tawe tisasavia saveenj poia pa zetazna tighe lolozi pazi.

---

\* **27:14:** Mbo 31:24, 62:5+; Ep 6:10

Eemon n̄gar tau igheen ila lolozi na, ene ite.  
Tighe tivaghamun zi.

<sup>4</sup>Yes tikaria ghamuun̄ sosor wa.  
Tauvene ughur atuya pazi ve un̄gal matazi.  
Leso uyat n̄gar toozi saghati tawe.  
Ugham tauvene, o iduduun̄. Pasaa, n̄gar tau  
tighamghamu na, poia mako. \*

<sup>5</sup>Uraat tintiina tau Yoova niima ighamgham zi na,  
yes tigham n̄gar pani mako.  
Tauvene i pale ireu mbirisai zi gha tilalez kat,  
imin ruum tau tireu mbirisaini, ve irau tirao  
muul mako.

<sup>6</sup>Yau napait Yoova pa poia tooni.  
Pasaa, yau natan̄ raraini to iuul ghau, ve i  
iloon̄ tan̄jiz tsiau.

<sup>7</sup>Yau naghamgham tapirig ila to Yoova, ve i imin  
sigheu payau.  
Yau naghur ila tooni ariaan̄ ila lolog, ve i  
iuluul ghau.  
Tauvene lolog poia le poia kat, ve napait eeza  
pa poia tooni ila mboun̄.

<sup>8</sup>Yoova tamtamon tooni tighamgham tapirizi ila  
tooni.  
Ve kinik tau Yoova tauu ighuru pa uraat tooni  
na, i iuluule ve iponpoona pa koin̄a imin  
didiin̄ ariaan̄a. \*

---

\* **28:4:** Mt 16:27; Syg 20:12, 22:12      \* **28:8:** Mbo 18:1, 27:1

<sup>9</sup> Yoova, tamtamon tsio timin lem motot. Ugham mulin zi pa pataņani toozi, ve ughur poia tsio iza toozi.  
Matam pa sipsip tsio, ve unġin zi poi. Ta aazne, ve taghon taghon gha ila. \*

## 29

### *Maaron aliija ila uman ve lalaav*

Mbounj to David

<sup>1</sup> Yam aņela arianaņim to sambam, apakur Yoova.  
Apait eeza pa tapiri ve poia tooni. \*

<sup>2</sup> Apait Yoova! Pa i eeza tiina kat.  
I ipabood tauu pa nġar tooni patabuyaañ.  
Tauvene aput aghemim pani ve apaiti. \*

<sup>3</sup> Yoova aliija \*  
ila irau te ziige ta naol ne.  
Maaron tau eeza tiina na aliija, ene imin lalaav luutu.  
Yoova isaav toman aliija tiina izala te paavo.  
\*

<sup>4</sup> Yoova aliija, ene tapiri tiina.  
Aliija itotoia ighe i eeza tiina kat.

---

\* **28:9:** Mbo 23:1, 95:7    \* **29:1:** Mbo 103:20    \* **29:2:** Mbo 96:7+    \* **29:3:** Yes Kanaana tisunġun pa maaron karom ee, eeza Baal. Yes tighe Baal nġin nugh. I igham uman izizi, ve igham nugh ighani milia. Ve i ta igham aniin to uum itum poi. Yes Israela titoor mbounj tane to titatan nġar karom tawe. Ve tighe Baal igham uraat tawe mako. Yoova ta ighamu. Tauta ighe lalaav luutu, mako tighe ene Maaron aliija.    \* **29:3:** Yo 12:28+; Syg 4:5

- <sup>5</sup> Yoova aliija ingalngal valaghin ai mezepur tintiina to Lebanon.  
Aliija ingalngal mbirisai zi.
- <sup>6</sup> Yoova aliija itok loloz tintiina to Lebanon, le tiyatyat imin makau natja paghpaaghu tau tintinizi.  
Ve itok loloz Ermon, le iyatyat imin bapolo sagsagna natuzja tau tintinizi.
- <sup>7</sup> Yoova aliija igham nugh ighani milia, ve yav ighan.
- <sup>8</sup> Ve itok taan to nugh nginaanja le irur.  
Igham nugh nginaanja to Kades katkatia ilala ilamlam.
- <sup>9</sup> Yoova aliija igham mekmek sagsagna tau apozi na, tirur le tipoop pataghaan.  
Ve igham ai raua tisov timburur tizi.  
Tauvene tamtamon tisov tau tilup zi pa sunjuunj ila rumei tooni loolo na, tisaav toman alinjazi tiina tigne: “Tapait Yoova eeza. Pa i tapiri tiina kat!”
- <sup>10</sup> Muun, yaa ivot toman tapiri ve itav taan. Saawe tana, Yoova ileep ila niia to ghamuunj pooz ve injin gabua.  
Ve aazne paam, i kinik tau ileep ila niia to ghamuunj pooz.  
Pooz tooni pale ighengheen tauvene taghon taghon gha ila.
- <sup>11</sup> Yoova ighamgham tapiri pa tamtamon tooni.



I pale ighur poia tooni izazaa toozi, ve ingin zi tileep poi toman lolozi luuma.

## 30

*Neer ee ipait Maaron pasaa, Maaron ighamu tiini poia*

Mbounj to David

Mbounj tane inarui saawe tau tigharaat Rumei Tina ve tighuru imin Maaron le

<sup>1</sup> O Yoova, yau napait ezam. Pasaa, saawe tau naleep ila patañani tiina lolo, yo ugham mulin ghau, ve uit ghau nazaa muul. Imin ta yo upul ghau namaat, kanaan koiagna lolozi poia ve tipakur zi tighe tiliiv ghau.

<sup>2</sup> O Yoova, Maaron tsiau, yau natañ rarai ghom to uul ghau. Ve yo upasov moroghoonj tsiau, ve tinig poia wa.

<sup>3</sup> Rigmon kanaan namaat gha nazila mateegha niazi. Eemon yo uul ghau, tauta naburig muul, ve aazne naleep poi. \*

<sup>4</sup> Yam tamtamon to Yoova tau lolomim isaghavu ariiaan ve ataghon eez tooni na, apaiti ila mbounj tsiam. Yoova, i patabuyaan. Tapiri ve ngar tooni, ene ite kat. Tauvene lolomim poia pani ve apait eeza pa poia tooni.

---

\* **30:3:** Yona 2:6

- 5 Aatyavyav tooni ighengheen malau mako.  
 Ighen rig, ve isov.  
 Eemon poia tooni, ene izazaa toit irau saawe  
 tau taleep izi taan.  
 Isaav ighe tatanj pa mbonj,  
 ene pale mbonjoozo, i igham ghiit loloon poia  
 muul. \*
- 6 Saawe tau lepoogh tsiau poia mon, yau nasaav  
 naghe:  
 “Patanjani eta irau ivot payau ve itok ghau ne  
 mako.”
- 7 Pasaa, yo ughamgham poghani ghau ve upapalot  
 ghau.  
 Tauta napakur taug naghe yau aat naleep  
 tunja tauvene irau saawe, imin loloz tinti-  
 ina.  
 Eemon saawe tau yo ungooz naghom payau,  
 roinj tiina igham ghau le nasanjej.
- 8 Saawe tana, napoi ghom ve natanj rarai ghom  
 naghe lolom isaghatin ghau ve uul ghau.  
 Yau nasaav payo naghe:
- 9 “O Yoova, isaav ighe namaat gha nazila ma-  
 teegha niazi, ene pale mateegh tsiau imin  
 saa poia?  
 Ughita. Mateegha tau tizila taan loolo gha  
 timin ngaupup na, toozi eta irau ipait  
 ghom? Ma toozi eta irau ivotia ngar tsio  
 tau utataghon saveenj mbuaanj tsio? Mako.
- 10 Tauvene Yoova, uloonj sunjuuj tsiau tane.

---

\* 30:5: Mbo 103:8+; Yo 16:20+; 2Kor 4:17

Lolom isaghatin ghau ve uul ghau lak! Pa yau besoonja tsio.”

<sup>11</sup> Aa ngarig gha upasov tanjiiz tsiau! Tauvene yau aat tintinig ve nator.

Yo upasov patanani tsiau, ve uzuzuum uuli to monjiin izi pa tinig.

Yo ugham ghau lolog poia kat, ve naleep ila poia tsio loolo.

<sup>12</sup> Tauvene irau naneneen mako.

Yau aat nambou ve napait ezam toman lolog isov.

Yoova, yo Maaron tsiau. Yau aat napait ghom pa poia tsio ta aazne, ve taghon taghon gha ila.

## 31

*Sunjuunj to neer ee tau inumeer Maaron ve ighur tauu ila Maaron niima*

Mbounj to David

<sup>1</sup> O Yoova, yau nanumeer ghom ve nayoos ilat tsio.

Upul koiagna titatan ghau sov. Pa ighe tiliiv ghau, ene pale mayag.

Ngar tsio iduduunj. Tauvene ugham mulin ghau.

<sup>2</sup> Ughur talinam pa sunjuunj tsiau, ve rekia uul ghau!

Yo Uleenja tsiau ariaanja. Yo uponpoon ghau imin maetaaz tau izala kat.

Ve umin ruum ariaanja to nayoos ila loolo. Leso gabua eta ivaghamun ghau sov, ve naleep poi.

- <sup>3</sup> Onoon kat. Yo Uleenja tsiau ariaanja. Yo uponpoon ghau imin maetaaz tau izala kat. Ve umin ruum ariaanja to nayoŋ ila loolo.  
Umuuŋ payau ve utotoi eez payau, leso upaghazonjai ezam tiina ivot ighazonj.
- <sup>4</sup> Ughita liis tau koiagna tighuru payau na, ve upasali ghau pani.  
Pa yo ta umin niag to yonŋaan.
- <sup>5</sup> Yoova, yo Maaron tau utataghon saveeŋ mbuaan tsio.  
Aazne, yau naghur taug ila nimam.  
Ugham mulin ghau pa pataŋani tane. \*
- <sup>6</sup> Yau nanumeer Yoova mon.  
Tauvene yes tau tighurghur gabua soroksorok imin maaron pazi ve tibesbees pazi, na yau naghurghur koi pazi.
- <sup>7</sup> Yau tintinig ve lolog poia payo. Pasaa, yo lolom isaghav tamtamon tsio ariaan ve uluul zi.  
Saawe tau lolog ipataŋan kat, ve ateg ipaparav, yo ughita pataŋani tsiau ve uul ghau.
- <sup>8</sup> Yo upul ghau nala koiagna nimazi mako.  
Yo upas ghau navot pa pataŋani tsiau, ve ughur ghau naleep poia ila nugh ghazonja.
- <sup>9</sup> Yoova, yau besonja tsio. Lolom isaghatin ghau ve uul ghau lak! Pa aazne, pataŋani tiina igham ghau le lolog ipataŋan.  
Yau nataŋ tiina le matag isarsar, ve tapirig isov kat.

---

\* **31:5:** Lu 23:46; Mbanj 7:59

- 10 Lolog ipatanjan kat ve nayakyak irau saawe.  
 Patanani tane aat injoor saawe tsiau ilam  
 tuuku.  
 Igham ghau nayamaan taug naghe tapirig  
 isov.  
 Yau nakonkon kat le tuag isov peria.
- 11 Koiagna tisov tigham njalalan payau.  
 Ve yes tau tileep tigharau ghau ne paam,  
 tipaninjizai ghau.  
 Zetagna lolozi pa tilam tigharau ghau mako.  
 Ve yes tau tighit ghau izi eeze na, tiroi ve  
 tilaagh eez ziige ite. \*
- 12 Tamtamon matazi ingal ghau muul mako. Tighit  
 ghau imin ta namaat wa.  
 Yau namin uur tau ivavaal ve tisiki ilale.
- 13 Yau naloon eval tiina tivakamunai zi payau.  
 Koiagna tilup zi ve tiil eez to tirav ghau na-  
 maat.  
 Tauvene patanani naol ilivutin ghau le roin  
 tiina igham ghau.  
 \*
- 14 Eemon Yoova, yau nanumeer ghom.  
 Tauta nasaav payo naghe: “Yo mon ta Maaron  
 tsiau.”
- 15 Saawe tau naleep izi taan, saa gabua ma ngar  
 tau ighe ivot payau, ene yau naleep ila yo  
 nimam.  
 Upas ghau ila koiagna nimazi,

---

\* 31:11: Mk 14:50      \* 31:13: Mt 12:14

ve upoon ghau pa yes tau tighamgham lilin ghau ne.

16 Yau besoonja tsio. Lolom poia payau ve ugham poghani ghau.

Yo lolom isaghav tamtamon tsio ariaan ve uluul zi. Tauvene ugham mulin ghau pa patañani tane.

17 Yoova, yau natañ rarai ghom to uul ghau.

Upul koiagna tiliiv ghau ve tipamayanin ghau sov.

Utatan zeran sasaghati tawe tapirizi, lesu mayazi.

Ve usik zi tizila mateegha niazi, lesu tineneen.

18 Upoon avozi. Pa yes zeran to karom.

Tipapait tauzi, ve tivevelegh tamtamon dudunazi, ve tisiksik saveen sasaghati naol pazi.

19 O Yoova, poia tsio, ene tiina le tiina kat.

Yes tau tiroi payo ve titaghon eez tsio na, yo ughur lezi gabua popoia katini isasaan zi.

Yes tau tinumeer ghom ve tiyonyoon ilat tsio na, yo pale ugham poghani zi ila eval tiina matazi. \*

20 Yo ungooz zi ila zigem.

Tauvene koiazña tau tiliil eez pa ravuun zi timaat na, irau tigham gabua eta pazi mako.

Yo ungin zi tileep poi ila nimam saamba.

Tauvene saveen sasaghati tau koiazña tisiksiki pazi na, irau ivaghamun zi mako.

---

\* **31:19:** Mbo 23:5+

- 21 Yau napait Yoova pa poia tooni.  
Pasaa, loolo isaghav ghau ariaan, ve igham  
ngar poia kat payau.  
Saawe tau koiagna tilivutin ghau to tigham  
malmal payau, i iuul ghau.
- 22 Imin maata yau naroi naghe Yoova aat iziir  
ghau naghau pa maata wa.  
Eemon mako. Yau nataj raraini to iuul ghau,  
ve i iloonj tanjiz tsiau, ve igham mulin ghau  
pa patajani tsiau.
- 23 Yam tamtamon to Yoova tau lolomim isaghavu  
ariaan ve ataghon eez tooni na, aghur  
lolomim pani kat.  
Yes tau titaghon i aliina na, i pale injin zi tileep  
poi.  
Eemon yes tau tiveleghe ve tipapait tauzi na,  
i pale ighur atuya pazi, ve iyat katin ngar  
toozi tawe.
- 24 Tauvene yam tau anumeer Yoova ve aghurghur  
matamim pani na, aroi sov.  
Apariaan taumim, ve ayooz ariaan!

## 32

### *Tavotia sosor toit*

Mbounj to David

- 1 Tamtamon tau ighe izoor Maaron aliina ve isosor  
pa eez tooni, ighe Maaron ireu sosor tooni  
ilale,  
i aat tintini pa poia to Maaron tau izaa tooni.  
\*

---

\* **32:1:** Mbo 103:3; Ro 4:6+

- 2 Onoon kat, tamtamon tau ighe n̄gar to karom eta  
igheen ila loolo mako,  
ve Yoova ighita ighe i le sosor eta mako,  
i aat tintini pa poia to Maaron tau iza a tooni.  
\*
- 3 Saawe tau nan̄g<sup>ooz</sup> sosor tsiau, tuag tISOV  
tiparyavyav le tapirig ISOV.  
Ve nayakyak irau mbon̄ ve mataaz.
- 4 O Yoova, onoon kat, saawe tana, nayamaan katin  
nimam irau mbon̄ ve mataaz.  
Tauta igham ghau tapirig ISOV kat imin yaa  
tau aaz ighaaz le imaak.
- 5 Naleep le mako, ra navotia sosor tsiau payo.  
N̄gar tsiau saghati, nan̄g<sup>ooza</sup> muul mako.  
Saawe tana, yau naghe: “N̄gar tsiau to zoraan̄  
Yoova aliṅa, yau aat navotia ila tooni.”  
Tauvene navotia sosor tsiau payo, ve ureua  
ilale. \*
- 6 Tauvene tamtamon tISOV tau lolozi isaghav ghom  
ariaan̄ ve titaghon eez tsio na, isaav ighe  
pataṅani eta igham zi, ene yes aat tISOV  
payo.  
Isaav ighe pataṅani tiina kat ivot pazi imin yaa  
tau ivot toman tapiri, yo pale uul zi, leso  
pataṅani itatan zi sov.
- 7 Maaron, yo umin niag to yon̄gaan̄.  
Yo uponpoon ghau pa pataṅani naol ISOV, ve  
ugham mulin ghau.  
Tauta eval tiina tau tilivut ghau ne, timbou ve  
tipait ezam toman aliṅazi tiina.

---

\* 32:2: Syg 14:5      \* 32:5: Mbo 51:1, 103:9+; 1Yo 1:9



- <sup>8</sup> Ve Yoova isaav payau ighe: “Yau aat napagha-zonjai n̄gar tsio, ve natotoi ghom pa eez to utaghoni.  
Yau aat matag payo, ve napaduduun̄ ghom pa n̄gar poia.
- <sup>9</sup> Tauvene ugham n̄gar poi. Dabam iyaryaan̄ imin hos ma don̄ki sov.  
Yes lezi n̄gar mako. Tauta tamtamon tighurghur ain sirivu tomania waar ila avozi, leso tipaduduun̄ zi pa laghoon̄, ve titaghon n̄gar toozi.”
- <sup>10</sup> Zeran sasaghati, patañani naol pale igham zi.  
Ve yes tau tinumeer Yoova na, i pale loolo isaghav zi ariaan̄, ve tileep ila poia tooni loolo. \*
- <sup>11</sup> Yam zeran tau ataghon n̄gar duduun̄a, lolomim poia ve tintinmim pa poia to Yoova.  
Yam tau n̄gar poia igheen ariaan̄ ila lolomim na, asov lolomim poia pa Yoova ve ayoor eeza toman aliñamim tiina!

### 33

#### *Tambou mbounj paaghu pa Maaron*

- <sup>1</sup> Yam tau ataghon n̄gar duduun̄a na, lolomim poia pa Yoova, ve ayoor eeza toman aliñamim tiina.  
Yam tau aghamgham n̄gar poia na, apait Yoova eeza, o iduduun̄.
- <sup>2</sup> Arav ambam ve gita, ve apakur Yoova.  
Arav gabua maata maata, ve apaiti ila mbounj tau aliñamim poia na.

---

\* **32:10:** Ro 2:9+

- 3 Ambou mbounj paaghu pani, \*  
ve arav poghania ambam ve gita. Leso mbounj  
tsiam paghuuna.  
Ambou tiina, ve apaiti toman lolomim poia! \*
- 4 Pa saveenj to Yoova, ene onoon ve iduduuj mon.  
Uraat naol tau ighamgham zi na, ene itotoia  
ighe i itataghon saveenj mbuaan tooni. \*
- 5 I loolo pa ngar duduunja ve ngar to gharatoonj  
pataņani to tamtamon le iduduuj.  
Ve loolo isaghav tamtamon tooni ariaan ve  
iuluul zi. Ngar tane, i itotoia irau taan isov.  
\*
- 6 Muunj, saveenj to Yoova mon, tauta gabua to  
sambam saamba tisov tivot.  
Aavo isaav, ve aaz, kaiyo, ve pitum tisov tivot  
ila sambam saamba. \*
- 7 I igham te ila ilup ghi ila niia eemon.  
Mazavan tau muunj geeg itav taan na, ene i  
ighur poghania ila niia. \*
- 8 Yam tau aleep irau taan na, aroi pa Yoova ve  
ataghon ngar tooni.  
Yam nughmarin, aroi pani ve apakuru.
- 9 Pa i isaav mon, ve sambam ve taan tivot itaghon  
i tauu aliņa.

---

\* **33:3:** Saawe naol, isaav ighe Maaron igham uraat tiina ve igham mulin tamtamon tooni, ene yes timbou mbounj paaghu to tipaiti. Ughita Mbo 40:3, 96:1, 98:1, 144:9; Is 42:10; Syg 5:9, 14:3.

\* **33:3:** Mbo 40:3, 96:1, 98:1, 144:9, 149:1; Is 42:10; Syg 5:9, 14:3

\* **33:4:** Mbo 19:8, 119:142; Syg 19:11 \* **33:5:** Mbo 11:7

\* **33:6:** Gnp 1:14+; Hib 11:3 \* **33:7:** Gnp 1:2, 9-10

- I isaav ariaan, ve gabua tisov tivot ve tighen tunja ila niazi niazi.
- 10 Nugh nugh matazi ingal ngar katini tigde tigham zi.  
Eemon Yoova iponpoon eez pazi.  
Tauta ngar toozi tawe imin kaut sorok, ve le anooja mako.
- 11 Eemon Yoova, isaav ighe maata ingal ngar eta, ene pale ngar tana iyooz tauvene irau saawe.  
Saa ngar tau ighe loolo ighur pani, ene pale ighengheen tauvene taghon taghon gha ila.  
\*
- 12 Yes Israela Maaron toozi, ene Yoova. Tauta tintinizi pa poia tooni tau izazaa toozi.  
I tauu isiigh zi, ve igham zi timin le motot. \*
- 13 Yoova ileep izi sambam, ve maata izizi pa eval tiina to taan. \*
- 14 I ileep ila niia to ghamuunj pooz, ve ighitghita tamtamon tisov tau tileep izi taan.
- 15 I ta ighurghur ngar ila tamtamon enjaenja lolozi.  
Ve ngar naol tau tamtamon tighamgham zi na, i iwatagh zi tisov. \*
- 16 Isaav ighe kinik eta le zaaba katini, irau zaaba tana zigazi tiliiv pa malmal mako.  
Zaaba arianazi paam. Irau tauzi tapirizi ve tiliiv koiazna mako.

---

\* **33:11:** Nam 23:19; 1Sam 15:29; Yems 1:17 \* **33:12:** Mbo 144:15 \* **33:13:** Mbo 11:4, 14:2, 53:2 \* **33:15:** Mbo 119:73; Hib 4:13

- 17 Ve hos tau zaaba tilandoov zi pa malmal na, tauvene paam. Isaav ighe tighur matazi pazi to tiuul zi ve tiliiv koiazna, ene aat tighur matazi pazi sorok.  
Onoon, hos tapirizi. Eemon irau tiuul zi mako. \*
- 18 Onoon kat, yes tau tiroi pa Yoova ve titaghon ngar tooni na, i maata pazi.  
Yes tau tinumeer Yoova tigde i loolo isaghav tamtamon tooni ariaan ve iuluul zi na, i injin zi tileep poi. \*
- 19 I iuluul zi, ve igham mulin zi pa patanani toozi.  
Leso tileep poi.  
Ve isaav ighe pitool tiina ivot, i aat iuul zi, ve igham lezi aniin ve tileep poi. \*
- 20 Tauvene iit tanumeer Yoova ve taghur mataan pani.  
Pasaa, i Uleenja toit, ve imin sigheu pait.
- 21 I mon, tauta loloon poia kat ve tintiniin.  
I patabuyaanj ve eeza tiina. Tauta taghur ila tooni ariaanj.
- 22 Yoova, yei nighur matamai payo to uul ghei.  
Ughur poia tsio iza tsiei itaghon ngar tsio tau lolom isaghav tamtamon tsio ariaanj ve uluul zi.

---

\* **33:17:** Mbo 20:7    \* **33:18:** Igham 3:16; 1Pe 3:12    \* **33:19:** Mbo 56:13; Mbanj 12:11

## 34

### *Mbouŋ to tapait Maaron tomania tutuuŋ siriv*

Mbouŋ to David

Muuŋ, David ileep tomania Abimelek ve igham karom imin ngar tooni ivaghamgham. Tauvene Abimelek iziire ila. Mbouŋ tane iŋarui saawe tana

- 1 Yau aat napait Yoova pa poia tooni irau saawe.  
Irau naneneŋ mako. Monmon avog pale ipapaiti.
- 2 Yau lolog poia pa Yoova, ve napakuru pa ngar popoia tau i igham payau na.  
Yes tau tinumeer Yoova ve tibatbaad pataŋani na, irau tilooŋ aliŋag tane, lesu lolozu poia paam.
- 3 Yam alam itiŋa talup ghiit, ve tapakur Yoova.  
Itiŋa tapait eeza. Pasaa, i eeza tiina le tiina kat.
- 4 Suŋuuŋ tsiau iŋarui Yoova, ve i ilooŋ ghau.  
Tauta igham mulin ghau pa gabua naol isov tau naroiroi pazi na.
- 5 Yes tau tighur matazi pani to iuul zi, ene pale lolozu poia ve tintinizi.  
I aat iuul zi. Irau tighur matazi pani sorok ve mayazi ne mako.
- 6 Muuŋ, pataŋani tiina igham ghau. Tauvene nataŋ rarai Yoova to iuul ghau.  
Ve i ilooŋ suŋuuŋ tsiau, ve igham mulin ghau pa pataŋani tsiau naol isov.

7 Yes tau tiroi pa Yoova ve titaghon n̄gar tooni na,  
ān̄ela tooni ilepleep tomani zi, ve in̄gin̄gin  
zi.

I ighamgham mulin zi pa patān̄ani toozi. \*

8 Yoova, i poia kat. Taumim atoova ve aghita.  
Yes tau tinumeera ve tiyon̄yoon̄ ila tooni na,  
poia tooni izazaa toozi, le lolozi poia kat. \*

9 Yam tamtamon patabuyān̄a to Yoova, aroi pani  
ve ataghon n̄gar tooni.

Pa yes tau tighamgham tauvene, irau timbool  
pa gabua eta mako. \*

10 Laion paghpaaghu, tapirizi tiina. Eemon saawe  
siriv, lezi aniin̄ mako ve pitool zi.

Ve yes tau tizuari zi pa Yoova, ene irau tim-  
bool pa gabua poia eta mako.

11 Natuḡn̄a, \*

alam aloon̄ saveēn̄ tsīau tane.

Yau naghe napaghazon̄ai gham pa eez to aroi  
pa Yoova ve ataghon n̄gar tooni.

12 Mindai, yo ughe uleep poia,  
ve uleep malau izi taan toman lolom poia?

13 Ighe tauvene, o un̄gin̄ poghania avom.

Saveēn̄ saghati, ma karom eta ivot ila avom  
sov. \*

---

\* **34:7:** Mt 18:10; Mbān̄ 12:11    \* **34:8:** Hib 6:5; 1Pe 2:3    \* **34:9:**  
Mbo 23:1; 2Kor 9:8; Pil 4:19    \* **34:11:** Yes n̄gara to Israel tiwatwaat  
yes tau tipaduduun̄ zi na tighe 'natuz̄n̄a'.    \* **34:13:** Mbo 141:3;  
1Pe 3:10; Yems 1:26, 3:2+

- 14 Ve ughur murim pa n̄gar saghati, ve ugham n̄gar poia mon.  
 Uzuari ghom pa taghoniin̄ n̄gar luuma,  
 ve uil eez to yam̄na tamtamon avalupu gham  
 ve aleep poia. \*
- 15 Tamtamon dudun̄azi, Yoova maata pazi,  
 ve ighurghur taliin̄a pa tan̄jiiz toozi.
- 16 Eemon zeran sasaghati, i ighurghur koi pazi.  
 I pale ipasov zi pa taan le tisov kat. Murei pale  
 tamtamon matazi in̄gal zi muul mako.
- 17 Saawe tau tamtamon dudun̄azi titan̄ rarai Yoova  
 pa uleen̄,  
 i ilon̄loon̄ zi ve ighamgham mulin̄ zi pa  
 patan̄ani toozi naol isov.
- 18 Yes tau patan̄ani igham zi le lolozu isaghat kat na,  
 Yoova ileep igharau zi.  
 Tamtamon tau ighe patan̄ani itatani le tapiri  
 isov, ene pale Yoova iuule. \*
- 19 Onoon, tamtamon dudun̄azi, patan̄ani naol iv-  
 otvot pazi.  
 Eemon Yoova pale igham mulin̄ zi pa patan̄ani  
 toozi ta naol ne. \*
- 20 I pale in̄gin poghani zi kat.  
 Irau tuazi eta ipol mako. \*
- 21 Eemon yes tau tizorzoor Yoova aliin̄a na, n̄gar  
 toozi sasaghati pale imuul pa tauzi, ve irav  
 zi timaat.

---

\* **34:14:** Mt 5:9; Ro 12:18, 14:19; Hib 12:14; Yems 3:17+ \* **34:18:**

Mt 5:3+; Lu 18:13+; 2Kor 1:3+ \* **34:19:** Ro 8:28, 35-39; 2Tim 3:11

\* **34:20:** Yo 19:36

Yes tau tighurghur koi pa tamtamon  
duduᅇazi, ene pale Yoova ighur atuya pazi,  
leso iyat ᅇgar toozi tawe.

- <sup>22</sup> Yoova ighamgham mulin besooᅇa tooni pa  
pataᅇani toozi, lesa tileep poia.  
Yes tau tinumeera ve tiyoᅇyoᅇn ila tooni na, i  
irau ighur atuya pazi mako. \*

## 35

*Neer ee isunj pa Maaron ighe igham mulini ila  
koiᅇa nimazi*

Mbounj to David

- <sup>1</sup> O Yoova, uul ghau ve utatan koiagᅇa tau aazne  
yeᅇa nivazorai ghei ve tiᅇoᅇoᅇn payau ne.  
Yes tau tigde tigham malmal payau ne, uvoᅇl  
tsiau ve uparav tomani zi.
- <sup>2</sup> Unonogh ghom pa gabua tsio to malmal, ve ukis  
sigheu tsio,  
ve uburig ulam uul ghau.
- <sup>3</sup> Upas iiz ve zaab tsio, ve upoon ghau pa yes tau  
tigham lilin ghau ne.  
Yau naghe naloᅇn ghom usaav payau ugeᅇ:  
“Yau Uleeᅇa tsio. Yau aat nauul ghom.”
- <sup>4</sup> Yoova, yes tau tigde tirav ghau namaat ne, utatan  
tapirizi, ve ugham zi mayazi ve tighau tila.  
Yes tau tiil eez to tivaghamun ghau ne, ugham  
ᅇgar toozi ivaghamgham, ve timuul tila  
toman mayazi.

---

\* 34:22: Ro 8:1



- <sup>5</sup> Yoova, naghe anjela tsio inaan zi gha tighawaar,  
imin yaghur ivuvuur n̄gaupup.
- <sup>6</sup> Anjela tsio tawe igham taghon zi, ve tilaan ila ndo-  
room loolo taghon eez tau pusukpusukia  
na, o poi!
- <sup>7</sup> Pasaa, yau naghām sosor eta pazi mako.  
Eemon yes tiraar puugh tighē tisaghav ghau.  
Ve titai puura tau izila kat, lesō natap nazila.
- <sup>8</sup> Yoova, upateen̄ zi pa saghatiin̄ tiina eta.  
Ugham zi tighoon ila tauzi puugh toozi.  
Ve ugham zi titaptap tizila puura tau titaii  
payau na. Leso saghatiin̄ igham zi le tis-  
aghat kat!
- <sup>9</sup> Yoova, ighe ugham tauvene, ene pale lolog poia  
kat payo,  
ve tintinig pa uleen̄ tau ugham payau.
- <sup>10</sup> Yau aat napait ezam toman lolog, ve naghe:  
“Yoova, sei ta imin yo? Eta mako!  
Pasaa, yes tau tapirizi imbool na, yo ugham  
mulin zi ila yes tau tapirizi tiina na nimazi.  
Yes mbolaan̄a ve yes tau tileep ila patan̄ani  
loolo na, yo aat uvoool toozi, ve ugham mulin  
zi ila umbuun̄a nimazi.” \*
- <sup>11</sup> Tamtamon naol tiburig ve tin̄gal saveen̄ karom  
payau tighē tivaghamun ghau.  
Eemon saveen̄ n̄galiin̄ tau tinoknok ghasoniin̄  
ghau pani ne, ene yau nakankaan pani. \*

---

\* **35:10:** Igham 9:14      \* **35:11:** Mt 26:60

- 12 Yau naghham n̄gar poia pazi. Eemon yes tipamuul n̄gar saghati payau.  
Tauta lolog ipatañan kat.
- 13-14 Eemon saawe tau yes timorooñ le tisaghat, lolog ipatañan pazi, ve nagharaat taug mako.  
Ve nan̄gun taug pa ghaniin̄ aniin̄, ve naghur zi ila sun̄uun̄ tsiau.  
Eemon sun̄uun̄ tsiau tane, yo ugham anooña ivot mako.  
Tauta lolog ipatañan kat, ve natañ pazi imin zetagna, ma ton̄vetaz tsiau duduun̄.  
Ve nalaagh matag iza mako. Natudtud ve natañan, imin neer tau loolo ipatañan pa tiina imaat.
- 15 Eemon saawe tau patañani igham ghau gha naleep saghat, yes lolozi poia, ve tilup zi to tivaghamun ghau.  
Yes tau tighē tigham malmal payau ne, yau nawatagh zi mako. Nakankaan pa n̄gar toozi.  
Yes tinoknok n̄galiin̄ saveeñ payau.
- 16 Ve tisiksik saveeñ veleghiin̄ naol payau.  
Atezi yavyav payau kat, ve tiñaan̄ maripazi tighē le tikari ghau. \*
- 17 Yoova, puughu mindai ta umamarar zi ve tighamgham n̄gar tauvene payau? Pale n̄eez o uul ghau?  
Yes timin laion tau tisañan pa ran̄gatiin̄ ghau.

---

\* 35:16: Mban̄ 7:54

Tauvene ugham mulin ghau ila nimazi, lesu naleep poi.

18 Ve ighe uul ghau, mako saawe tau tamtamon tsio tilup zi pa sunuun, yau aat nala tomani zi, ve napait ghom toman lolog poia.

Pale napait varum ila eval tiina tawe naghozi.

19 Koiagna, muun yeņa lupuun tsiei eemon. Eemon aazne, tighur koi payau sorok.

Tauvene uul ghau lak! Mako pale tiliiv ghau ve tipakur zi.

Ve tighan matazi payau, ve tigde: “Aa, ñeer ta ivaghamgham wa!”

O Yoova, ñgar tauvene ivot sov! \*

20 Yes tisavia saveen luuma eta to tilup tamtamon ve tileep poi ne mako.

Tingalngal saveen naol pa tamtamon marowa to taan tane.

21 Ve aliñazi izazaa sorok, ve tisavsaav ila matag tigde:

“Aa, ñgarig gha nighit ghom!”

22 Yoova, ñgar toozi sasaghati ta naol ne, yo ughit zi wa.

Uneneen pazi sov! Tiina tsiau, uleep soghan payau sov.

23 Maaron, yo Tiina tsiau. Uburig ve uvool tsiau. Uyooz payau, ve utatan zi.

24 Yoova, Maaron tsiau, ñgar tsio iduduun mon.

---

\* **35:19:** Yo 15:25

Tauvene uyooz payau, ve upaghazonjai ghau  
ila tamtamon matazi ughe yau leg sosor eta  
mako.

Uul ghau. Mako pale koiagna tipakur zi pa  
patañani tau igham ghau ne.

25 Mako lolozi poia ve tisaav tigde:

“Aa, isov! Ngar tau taghe tagham pani, tauta  
ivot pani gha isaghat wa!”

26 Yoova, yes tau tipakur zi pa patañani tau igham  
ghau ne,

ugham zi tivaghamgham, ve tighau tila  
toman mayazi.

Yes tau tivelegh ghau ve tipapait tauzi na,  
upamayanin zi le mayazi kat.

27 Eemon yes tau tigde yo uul ghau ve upaghazonjai  
ghau ila tamtamon matazi ughe yau leg

sosor eta mako na,  
yes pale lolozi poia ve tintinisi, ve tiyoor ezam  
toman alinazi tiina.

Ve tisavsaav tigde: “Yoova eeza tiina kat!  
Isaav ighe besoonja tooni ileep poi, ene pale  
i paam loolo poia.”

28 Tauvene mbonjoozo ila le ravrav izi, avog pale  
ivotia ngar duduunja tau yo ughamghamu  
na, ve napapait ghom.

## 36

*Ngar saghati to tamtamon, ve ngar poia to  
Maaron*

Mbounj to David, besoonja to Yoova

- 1 Ngar to zoraan Maaron aliina tau igheen ila zeran sasaghati lolozi, ene isavsaav pazi, ve ighamgham pooz pazi.  
Tauta matazi ingal Maaron mako, ve tiroi pani mako. \*
- 2 Sosor toozi tawe, ikau ngar toozi.  
Tauta tipapakur tauzi, ve matazi ingal sorok tigde Maaron ighita sosor toozi mako, ve irau ighur atuya pazi mako.
- 3 Saveen karom ve saveen sasaghati mon ta ivotvot ila avozi.  
Ngar tau iuul ghiit to taleep poia, ene tipuli wa.  
Tauta tigham ngar poia eta mako.
- 4 Ngar toozi iyaryaan kat. Tighe le tigham ngar saghati mon.  
Mbonj ta naolne, tighengheen ila moogh toozi, ve matazi ingalngal pa saa ngar saghati tau pale tighamu.  
Eez saghati tawe, lolozi pa tipuli mako.
- 5 Yoova, yo lolom isaghav tamtamon tsio, ve uluul zi irau saawe. Ngar tsio tana, ene tiina le tiina kat. Izala le ikis sambam saamba.  
Ve ngar to taghoniin saveen mbuaan tsio paam. Izala le ikis taitai. \*
- 6 Ngar tsio duduuna, ene imin loloz tintiina.  
Ve ngar tsio tau ugabiiz tamtamon itaghon ngar duduuna ve ughur atuya pazi, ene

---

\* 36:1: Ro 3:18      \* 36:5: Mbo 57:10, 89:1, 108:4

paam tiina kat, imin mazavan belbeluunja  
tau izila le izila kat.

Yoova, yo ungin tamtamon ve gabua maata  
maata to su ve nughei, ve uluul zi, tauta  
tileep poi. \*

<sup>7</sup> Maaron, gabuam tau lolom isaghav tamtamon  
tsio ariaan ve uluul zi, ene gabua tauu.

Tamtamon tisov tiyoonj ila nimam saamba,  
imin tatareek natja tiyoonj ila tinazi baage  
saamba. \*

<sup>8</sup> Rumei tsio, ene ivon pa gabua popoia maata  
maata. Tauvene tamtamon tighan le isoonj  
zi.

Poia tsio izazaa toozi imin yaa tiina tau ir-  
ereer. Yo upaghun zi pani, ve tiyamaana  
poia kat. \*

<sup>9</sup> Yo ta umin puughu pa gabua naol isov tau tileep  
matazi yaryaare.

Ve ghazoonja tsio isul ghei, tauta matamai  
ighazoonj. \*

<sup>10</sup> Yoova, lolom isaghav yes tau tiwatagh ghom.

Yes tau ngar duduunja igheen ariaan ila lolozi  
na, utotoi poia tsio pazi, ve uul zi itaghon  
ngar tsio duduunja.

<sup>11</sup> Tauvene yes tau tipapait tauzi ezazi ve tivelegh  
tamtamon tsio na, upul zi titatan ghau sov.

Ve upul zeran sasaghati tinaan ghau sov.

---

\* **36:6:** Mbo 145:16 \* **36:7:** Rut 2:12; Mbo 17:8, 57:1 \* **36:8:**

Mbo 65:4; Yo 4:10+ \* **36:9:** Yo 1:4, 4:10, 7:37+; 1Pe 2:9

- <sup>12</sup> Aghita. Yes tau tinoknok ghamuunj ngar saghati, tauta Maaron irav zi titaptap tizi, le patazi tivaghengheen izala taan paavo.  
Irau tiburig muul mako.

## 37

### *Poia to Maaron izaza to tamtamon duduŋazi*

Mbounj to David

- <sup>1</sup> Zeran sasaghati tau aazne tipapakur zi na, ugham ngar naol pazi sov.  
Ve yes to ghamuunj sosor na, lolom ighaar pa gabua toozi sov. \*
- <sup>2</sup> Pale tileep rig, mako tisaghat imin kikiliin tau aaz ighaazo gha imalai.  
Pale timin gabua raua tau mbitaizi, ve tigor-gor gha titaptap tizizi. \*
- <sup>3</sup> Unumeer Yoova, ve ugham ngar poia mon.  
Leso gabua eta ivaghamun ghom sov, ve uleep poia izi taan tau i igham pa tamtamon tooni na.
- <sup>4</sup> Lolom poia pa Yoova tauu.  
I pale igham gabua ivot payo itaghon yo lolom. \*
- <sup>5</sup> Saa ngar tau yo ughe ughamu na, unumeer Yoova, ve ughur taum ila i niima.  
I pale iuul ghom, ve itotoi ghom pa eez to utaghoni. \*

---

\* **37:1:** Mbo 73:2+    \* **37:2:** Yems 1:10+    \* **37:4:** Mbo 145:19;  
Mt 6:33    \* **37:5:** 1Pe 5:7

- 6 I pale igham ngar tsio duduunja ighéen gha-zoonja kat ila tamtamon matazi, imin aaz mbonari.  
Tauvene tamtamon pale tighilaal tighé yo lem sosor eta mako, ve ngar tsio poia mon.
- 7 Isaav ighé uraat to zeran sasaghati ilaan poia, ve tiyau lezi gabua naol ila eez saghati, na ugham ngar naol pazi sov.  
Atem izi, ve usanjan Yoova. I tauu pale ighur atuya pazi.
- 8 Tauvene atem yavyav ve ugham ngar naol sov.  
Uyai ghom ve utatan atem.  
Mako pale aate yavyav tsio tana igherev ghom, ve ugham sosor. \*
- 9 Pasaa, Yoova pale ipasov zeran sasaghati gha tilalez.  
Eemon yes tau tinumeer Yoova ve tighur matazi pani na, pale tileep poia ila taan tau i igham pa tamtamon tooni.
- 10 Malau mako pale zeran sasaghati tisov tilalez.  
Isaav ighé uil naghozi, ene pale irau ughit zi muul mako.
- 11 Eemon yes tau titatan tauzi ezazi ve tinumeer Yoova, yes pale tileep poia ila taan tau i igham pa tamtamon tooni.  
I pale igham zi tileep poia kat toman tintinizi.  
\*

---

\* 37:8: Ep 4:31; Kol 3:8      \* 37:11: Mbo 73:18+; Mt 5:5



- 12 Zeran sasaghati tilup zi ve tiil eez to tivaghamunia tamtamon duduñazi.  
Atezi yavyav kat ve tiñaan maripazi ila pazi.
- 13 Eemon Yoova, i inñin pazi.  
Pasaa, i iwatagh: Malau mako pale saawe toozi ivot gha tilalez.
- 14 Zeran sasaghati tipas mbuzaagh toozi to tirav yes mbolaanja tau tirau gabua eta mako na.  
Ve tidaad paneegh toozi to tivanegh zi.  
Tighe tirav yes tau titaghon eez duduunja na.
- 15 Eemon Yoova pale ipamuul mbuzaagh toozi imuul pa tauzi.  
Ve paneegh toozi pale ipolpol.
- 16 Isaav ighe tamtamon duduunja eta le gabua ñgiira mon, ene irau.  
Lepoogh tooni pale poia iliiv zeran sasaghati naol tau lezi gabua katini.
- 17 Pasaa, Yoova pale ipasov zeran sasaghati tapirizi.  
Eemon i ipapalot tamtamon duduñazi, ve inñin zi tileep poi.
- 18 Yes tau lezi sosor ila Maaron maata mako na, Yoova iwatagh lepoogh toozi, ve maata pazi.  
Ve gabua tau i igham pazi motot na, ene pale igheen toozi taghon taghon gha ila. \*
- 19 Saawe tau ighe patañani ivot, yes pale tileep poi.

---

\* **37:18:** 1Pe 1:4

Isaav ighe pitool ivot, ene pale tirau kat pa aniiḡ.

20 Eemon zeran sasaghati pale tisov tilalez.

Yoova koiḡa pale timatmaat imin manman ruunḡu tau timalai ve timburur tizi.

Pale tisov imin yav mbuasa tau imbuḡ izaa, ve imbiriiis gha ilale.

21 Zeran sasaghati tighamgham bun, ve tiyatu mako.

Eemon tamtamon duduḡazi, yes tireirei gabua toozi pa yes mbolaanḡ. \*

22 Yes tau poia to Yoova izazaa toozi na, pale tileep poia ila taan tau i igham pa tamtamon tooni.

Eemon yes tau aatyavyav tooni igheen toozi na, i pale ipasov zi gha tilalez.

23 Yes tau titaghon eez to Yoova na, tighamu loolo poia kat.

Ve i pale itotoi eez pazi, ve ipalot zi pa laghoon toozi.

24 Tamtamon tauvene, isaav ighe aaghe ilot pa gabua eta, ene irau itap mako.

Pasaa, Yoova ikiskis niima ve ipapaloti.

25 Saawe tau yau kukuag gha ilam aazne namin koonḡ ne, yau naghita Yoova ighur muuri pa tamtamon duduḡazi pai eta soone.

Ve naghita toozi eta naatu pitoola, ve isunḡunḡ tamtamon pa le aniiḡ soone. \*

---

\* 37:21: Mbo 112:5; Mt 5:42; 2Kor 8:7      \* 37:25: Hib 13:5

- 26 Tamtamon dudunazi matazi rein gabua, ve  
tiyokyok pa tamtamon to tigham bun ila  
toozi.  
Ve natuzna paam timin eez to tamazna tighita  
poia to Yoova iza to tamtamon.
- 27 Ughur murim pa ngar saghati, ve ugham ngar  
poia mon.  
Leso uleep poi ila taan tau Yoova igham payo  
na taghon taghon gha ila. \*
- 28 Pasaa, Yoova loolo pa ngar duduuna.  
Tauvene tamtamon tooni tau lolozu isaghavu  
ariaan ve titaghon eez tooni na, i irau ighur  
muuri pazi mako.  
I pale ingin poghani zi taghon taghon gha ila.  
\*  
Eemon zeran sasaghati natuzna, i pale ipasov  
zi gha tilalez.
- 29 Zeran dudunazi pale tigham taan tau Yoova  
igham pa tamtamon tooni na,  
ve tileep poia ta sewe irau saawe.
- 30 Saveen tau ivotvot ila tamtamon dudunazi  
avozi, ene ngar poia igheen ila.  
Yes tisasavia ngar duduuna mon.
- 31 Tutuun to Maaron toozi igheen ariaan ila lolozu  
ve ngar toozi.  
Tauta irau titap mako.
- 32 Zeran sasaghati tighamgham lilin tamtamon  
dudunazi.

---

\* 37:27: Mbo 34:14; 3Yo 11      \* 37:28: Mbo 18:25

Tizuari zi tighe le tirav zi timaat.

- 33 Eemon Yoova ivolvool to tamtamon tooni. Irau ipul zi tileep ila koiazna nimazi ne mako.  
Ve isaav ighe tamtamon tipayooz zi pa savsaveen, ene pale Yoova tauu iyooz ila murizi, ve ipaghazonai zi ighe lezi sosor mako.
- 34 Tauvene atem izi, ughur matam pa Yoova, ve utaghon dudunai eez tooni.  
Leso ipakur ghom, ve ezam pa taan tau i igham pa tamtamon tooni na.  
Ve yo pale ughita Yoova ivaghamunia zeran sasaghati gha tilalez.
- 35-36 Muun, yau nawatagh neer saghati ee.  
Saawe isov, i ipaparoi tamtamon, ve itatan zi le tileep saghat.  
Neer tawe tapiri tiina kat. I imin ai mezepur tiina to Lebanon.  
Eemon murei, nalaagh izi nugh tooni, ve naghita neer tana ileep muul mako.  
Nail naagho le mako. Aat ila mindai?
- 37 Matam ila pa yes tau lezi sosor mako, ve ugham ngar pa yes tau ngar toozi popoia mon na, ve ughita saa ngar ta ivotvot pazi.  
Neer marowa tau ilup tamtamon timin eemon ve iuluul zi to tileep poia, i tomania paaghu tooni pale tileep poia taghon taghon gha ila.
- 38 Eemon yes to zoraan Maaron aliina, Yoova pale irav zi tisov timatmaat.  
Ve paaghu toozi paam. I pale ipasov zi le tisov.
- 39 Yoova, i Uleenja to tamtamon dudunazi.

Isaav ighe patanani ivot pazi, i pale imin lezi  
niazi to yonjaan.

- <sup>40</sup> I iuluul zi, ve ipaspas zi pa patanani toozi.  
I ighamgham mulin zi ila zeran sasaghati ni-  
mazi, ve tileep poi.  
Pasaa, yes tinjaruini tila, lesa tiyoon ila tooni.

## 38

*Sunjuunj to tamtamon tau moroghoonj tiina  
ighamu*

Mbounj to David

Saawe tau tamtamon tigham watoonjrau ve tigha-  
son Maaron to maata injal zi, timbou mbounj tane

- <sup>1</sup> O Yoova, uyaon ghau toman atem yavyav sov.  
Ve isaav ighe upaduduunj ghau, na unjal  
matag sov.
- <sup>2</sup> Yo uvanegh ghau pa paneegh tsio natja,  
ve nimam itatan katin ghau.
- <sup>3</sup> Atem yavyav payau kat. Tauta tinig isov isaghat  
wa. Anonag sirivu eta igheen poi mako.  
Sosor tsiau, tauta tuag isov iyavyav gha  
nasaghat.
- <sup>4</sup> Patanani to sosor tsiau itatan ghau kat imin di-  
bom tintiina tipolpol izala pavog.  
Tauta igham patanani tiina payau le irau  
nabaado mako.
- <sup>5</sup> Yau naghram ngar imin yes borauja ve nazoor  
alinjam.  
Tauta aazne, mbotmboot toman nanagh tau  
vaazi saghati ne igham ghau.

- 6 Yavyavuunj tiina igham ghau, ve natudtud ve nayakyak.  
Tauvene mbonoozo ila le rabrab izi, lolog ipatanjan ve natanjan.
- 7 Tinig ituntun kat, ve anonag isov isaghat wa.  
Anonag sirivu eta igheen poi mako.
- 8 Moroghoonj tane ingoor katin ghau le tapirig isov kat.  
Tauvene lolog ipatanjan ve nayakyak.
- 9 Yoova, yo uwatagh: Yau naghe yo uul ghau leso tinig poia.  
Yau lolog ipatanjan ve natanjan. Gabua tane iyoon payo mako.
- 10 Aazne, ateg ipaparav ve tapirig imbool.  
Tauvene naghog poia muul mako.
- 11 Zetagna ve yes tau ruum toozi igharau ghau ne, tighita moroghoonj tsiau tane, le tileep soghan payau. Tigharau ghau muul mako.  
Ve ziiri waaro tsiau tauvene paam. Tilam tigur ghau rigta mako.
- 12 Koiagna tau tizuari zi pa ravuunj ghau namaat na, tighur liis katini payau.  
Mbonoozo ila le ravrav izi, yes tisavsaav pa eez to tivaghamun ghau,  
Loloji ighurghur pa eez yongaana to tikari ghau.
- 13 Eemon matag ila pa saveenj toozi tawe mako.

Yau naneneņ mon imin tamtamon tau aavo  
ve taliņa ivool, ve irau isavsaav mako, ve  
ilonļoon saveeņ mako.

14 Onoon kat, yau namin tamtamon tau taliņa  
ivool ve ilonļoon saveeņ mako,  
ve irau iyol saveeņ eta mako.

15 O Yoova, Maaron tsiau, yau naghur matag payo  
ve nasaņan ghom.

Yau nanumeer ghom naghe yo pale uloon  
suņuņj tsiau tane ve uul ghau.

16 Maaron, upul pataņani tane iliiv ghau sov. Pa  
ighe natap, ene pale koiagņa tintinizi, ve  
tipakur tauzi tighe tiliiv ghau.

17 Ughita. Yavyavuņj tane ipul ghau rigta mako.  
Moroghoņj tane irav matin tapirig le naghe  
natap.

18 Onoon, yau nazonor aliņam. Tauta aazne, lolog  
ipataņan ve navotia sosor tsiau payo.

19 Koiagņa, yes eval kat, ve tapirizi tiina.  
Ngar tau tigham payau ne, iduduņj mako.  
Pasaa, yau naghham sosor eta pazi mako.  
Yes tighur koi payau sorok.

20 Ngar popoia tau muņj yau naghhamgham pazi  
na, aazne tiyoli pa ngar saghati.  
Yes tighurghur koi payau pasaa, yau nazuari  
ghau pa ngar poia mon. \*

21 O Yoova, ughur murim payau sov.

---

\* **38:20:** 1Yo 3:12

Maaron tsiau, uleep soghan payau sov.

<sup>22</sup> Yoova, yo ta Uleenja tsiau.  
Ulam rekia, ve uul ghau!

## 39

*Lepoogh toit to taan, ene tuuku kat*

Mbounj to David

David itoor mbounj tane pa Yedutun, i njeer tau  
imuŋmuuŋ pa mbounj

<sup>1</sup> Yau nasaav pa taug naghe: “Yau aat nanjin taug  
poi. Leso avog isosor sov.  
Isaav ighe naleep tomania zeran sasaghati,  
yau aat nanjin avog poi.” \*

<sup>2</sup> Tauvene napoon avog, ve nasavia saveenj eta  
mako.  
Nayai ghau, ve naneneenj mon.  
Eemon naghām ngar naol ila ila le lolog ipaza-  
agh ghau naghe nasaav.

<sup>3</sup> Pasaa, naghām ngar naol kat, le ateg basbasuunj.  
Tauta irau naneneenj muul mako, ve naghā-  
son Maaron naghe:

<sup>4</sup> “Yoova, upaghazonjai ghau. Ndaman tsiau piiz ta  
ighengheen soone?  
Pale njeez o namaat ve nasov pa taan?  
Uul ghau leso naghilaal naghe: Malau mako  
pale lepoogh tsiau to taan isov.” \*

<sup>5</sup> Yo ughur leg saawe tuuku mon to naleep izi taan.

---

\* **39:1:** Mbo 34:13; Yems 1:26, 3:2      \* **39:4:** Mbo 90:12; Yems  
4:14



Saawe to lepoogh tsiau izi taan, ene imin gabua sorok ila yo matam.

Onoon kat, tamtamon tisov to taan lepoogh toozi, ene imin avuvuun tau ivot ila avoon. Tileep rig ve tisov. Irau taghit zi muul mako.  
\*

<sup>6</sup> Tamtamon tilaghlaagh pa uraat naol.

Eemon lepoogh toozi, ene tuuku imin ai yavyaava tau ighe aaz izila, ene taghita muul mako.

Matazi imin naol, ve tilala tilamlam pa uraat tighé tindou lezi gabua katini.

Eemon tirav tauzi sorok. Pasaa, tikankaan pa sei ta pale ighamuur gabua toozi tawe. \*

<sup>7</sup> Yoova, saa gabua ta pale naghur matag pani to iuul ghau?

Gabua eta mako. Yau naghur matag payo mon.

<sup>8</sup> Yau nazoor alinam ve naghám sosor.

Upul sosor tsiau isov, ve ugham mulin ghau pa patanjani to sosor tsiau.

Mako pale yes kankanooᵇa tau tiwatagh ghom mako na tisik saveeᵇ veleghiᵇ payau.

<sup>9</sup> Aazne, yau naneneeᵇ mon. Irau saveeᵇ eta ivot ila avog mako.

Pasaa, yo taum ta ugham patanjani tane ivot payau.

<sup>10</sup> Maaron, uᵅgal matag irao!

Nimam ighanghan ghau le tapirig isov wa.

---

\* **39:5:** Mbo 90:4, 144:4      \* **39:6:** Lu 12:20; Yems 4:14

- 11 Isaav ighe tamtamon tigham ngar saghati, na yo uyaon zi ve uloslos zi to upaduduunj zi.  
 Ve gabua toozi popoia tau lolozi pani kat na, yo uvavaghamunia imin up ivaghamunia uuli.  
 Ene imin tau yau nasavia ila wa. Yei tamtamon to taan nimin kaut sorok. Nileep rigmon ve nisov, imin avuvumai tau ivotvot ila avomai ne. \*
- 12 Yoova, upoon taliŋam pa tanjiiz tsiau sov.  
 Ughur taliŋam payau, ulooŋ suŋuunj tsiau tane, ve uul ghau.  
 Pa saawe tsiau to naleep izi taan, ene malau mako.  
 Saawe tuuku tau naleep izi taan tane, yau naleep namin loom payo, raraate imin tibugŋa tisov. \*
- 13 Lolom isaghatin ghau ve upul ghau. Uŋgal matag irao.  
 Leso saawe tuuku tau naleep izi taan ne, naleep toman lolog poia, mako namaat ve nasov pa taan.”

## 40

*Suŋuunj to tamtamon tau ipait Maaron pa uleerj tooni*

Mbounj to David

- 1 Saawe tau patanani igham ghau, ateg izi ve nasanan Yoova.  
 Ve i ighur taliŋa pa tanjiiz tsiau, ve iuul ghau.

---

\* 39:11: Hib 12:5+      \* 39:12: Gnp 23:4, 47:9; Hib 11:13; 1Pe 2:11

- 2 Muunj, lepoogh tsiau imin yau naleep ila puura to yes mateegha loolo.  
Eemon Yoova indai ghau nazaa.  
Agheg brusia ila tiinj tiina, ve naghe pale nazal nazila.  
Eemon i ipas ghau nazaa, ve ighur ghau nay-ooz ila taan ariaaŋa. \*
- 3 Ve ipaburigin ghau ve nambou mbounj paaghu.  
Ene mbounj to tapait Maaron toit eeza.  
Ngar tau Yoova igham payau na, pale igham eval tiina tighilaal. Tauvene yes pale tiroi, ve tighur ila tooni. \*
- 4 Tamtamon tau ighe inumeer Yoova, ene pale tintini ve poia to Yoova izazaa tooni.  
Tamtamon tauvene, i ipaak yes tau tipapait tauzi ezazi ne mako.  
Ve yes tau tipul eez to Maaron, ve tibesbees pa maaron karomŋa na, i ileep soghan pazi. \*
- 5 Yoova, yo Maaron tsiau. Eta irau ghom mako.  
Pasaa, yo ughamgham uraat ngeretazi naol to uul ghei. Uraat tana, maata ite kat.  
Ve lolom ighur pa ngar popoia naol tau ughe ugham payei.  
Isaav ighe natoova to nanin zi tisov ve nasavi zi, ene aat narao mako.
- 6 Ngar to ravuunj gabua imin watoonjrau payo, tomania ngar to ghamuunj aniiŋ payo imin paitoonj, ene yo lolom pani mako.  
Ve ngar to ghuruunj gabua izala artaal lesu yav ighan dodolini, tomania ngar to ravuunj

---

\* 40:2: Mbo 27:5, 31:8, 69:14      \* 40:3: Mbo 96:1; Syg 5:9

\* 40:4: Mbo 1:1, 84:12; 2Kor 6:14+

gabua pa rewaanj sosor to tamtamon, ene paam, yo ughur matam pani mako.  
Yo ugham taliŋag ikaak, leso naloŋ aliŋam. \*

<sup>7</sup> Tauta nasaav payo naghe: “Maaron, yau taug ene.  
Nataghon saveeŋ tau tiboode iŋarui ghau ila rau tsio, tauta nalam.” \*

<sup>8</sup> Maaron tsiau, isaav ighe nataghon duduŋai yo lolom, ene igham ghau lolog poia le poia kat.  
Pasaa, tutuunj tau yo ugham payei na, igheen ariaaŋ ila lolog. \*

<sup>9</sup> Yoova, yo uwatagh: Uleeŋ ve ŋgar tsio duduunja, yau naneneeŋ pani mako.  
Saawe tau eval tiina tilup zi pa sunjuunj, nasasavia varum pazi. \*

<sup>10</sup> Onoon kat, uleeŋ ve ŋgar duduunja tau utotoia payau na, yau nanŋooza igheen to taug mon mako.  
Ve gabuam tau lolom isaghav tamtamon tsio ariaaŋ ve uluul zi, ene paam, nanŋooza pa tamtamon tsio mako. Saawe tau tilup zi pa sunjuunj, yau nasasavia gabuam tana pazi.  
Ŋgar tsio tau uluul tamtamon itaghon saveeŋ mbuaaŋ tsio, ene navovotia pazi.

<sup>11</sup> Yoova, matam kisin sosor tsiau sov. Lolom isaghatin ghau ve upul sosor tsiau.

\* **40:6:** Mbo 51:16-19; Hib 10:5+

\* **40:7:** Yo 5:39, 46; Hib 10:7

\* **40:8:** Yer 31:33; Mt 26:39; Ro 7:22

\* **40:9:** Mbo 22:22, 25

Ngar tsio tau lolom isaghav tamtamon tsio  
ariaan ve utataghon saveen mbuaan tsio,  
ene aat imin sigheu payau.

- 12 Ughita. Aazne, patanani naol tilivutin ghau.  
Irau nanin zi mako.  
Ngar tsiau sasaghati atuya, tauta inarui ghau  
ne.  
Tauvene naghita naghe leg eez eta muul  
mako.  
Sosor tsiau, katini kat. Iliiv dabag rau.  
Tauvene naroi ve tapirig isov kat.

- 13 O Yoova, lolom isaghatin ghau ve ugham mulin  
ghau pa patanani tane!  
Ulam rekia mon ve uul ghau!

- 14 Yes tau tiliil eez to tirav ghau namaat na, utatan  
zi ve ugham ngar toozi ivaghamgham, leso  
mayazi.  
Ve yes tau tighita patanani tsiau tane ve tin-  
tinizi pani na paam. Upamuul zi tila toman  
mayazi.

- 15 Ve yes tau tisavsaav payau tigde: “Aa, ughita  
wa? Ngar tau nighe ivot payo, tauta ivot  
wa!”  
Zeran tauvene, utatan zi ve ugham zi  
tivaghamgham. Leso mayazi pa ngar tau  
tighamu na.

- 16 Eemon tamtamon tisov tau tizuari zi tigde le  
tiwatagh katin ghom na, yes aat lolozu poia  
ve tintinizi payo.

Ve yes tau lolozi pa uleen tsio, ene pale lolozi poia kat, ve monmon tisavsaav tigde: “Tapait Yoova. Pa i eeza tiina le tiina kat.”

- <sup>17</sup> Yoova, matam ilam payau lak!  
 Pa patanani tane itatan ghau le tapirig imbool.  
 Narau gabua eta muul mako.  
 Yo mon ta irau uul ghau ve ugham mulin ghau.  
 Maaron tsiau, uzuar sov. Ulam rekia mon ve uul ghau!

## 41

### *Sunjuunj to neer tau imoroonj*

Mbounj to David

- <sup>1</sup> Isaav ighe tamtamon eta maata ingalngal yes mbolaanja ve iuluul zi, ene pale poia to Yoova izazaa tooni ve tintini.  
 Ve isaav ighe patanani eta ivot pani, ene pale Yoova iuule. \*
- <sup>2</sup> Yoova tauu pale imin sigheu pani ve ingini. Leso imaat sov, ve ileep poia.  
 I pale ileep izi taan tau Yoova igham pa tamtamon tooni na, ve poia to Yoova izazaa tooni.  
 Yoova irau ipuli ila koinja nimazi mako.
- <sup>3</sup> Ve isaav ighe i imoroonj ve ighengheen, ene pale Yoova tauu ingini, ve ipasov moroghoonj tooni.
- <sup>4</sup> Yau nasaav naghe: “Yoova, yau naghham sosor payo wa.

---

\* **41:1:** Mbo 112:5, 9; Mt 5:7; Yems 2:13+

Lolom isaghatin ghau ve upasov moroghoon tsiau. Pa yau besoonja tsio.”

<sup>5</sup> Koiagna tisasavia saveen sasaghati injarui ghau tighe:

“Neer tawe, neez o imaat lesu eeza ilale ve loloon iveegh pani?”

<sup>6</sup> Ve saawe tau tamtamon tilam tigig ghau, tisavia saveen toman lolozu mako.

Yes tilam to tigig ghau pa moroghoon tsiau mon.

Ve saawe tau timuul tila, tisasavia varug sorok irau nugh tighe: “Paita imaat.”

<sup>7</sup> Yes tau tighur koi payau ne, tisov tighe le nasaghat kat.

Tauvene tikakamuun payau tighe:

<sup>8</sup> “Aa, neer tawe, moroghoon saghati kat ighamu.

Irau maata pakia ve iburig muul ne mako. Paita imaat.”

<sup>9</sup> Ve etag ite tau nanumeera kat naghe yeiru lupuunj tsiei eemon, ve niluplup ghei pa ghanghaniin na,

i paam ighur muuri payau, ve imin koiag. \*

<sup>10</sup> Yoova, lolom isaghatin ghau ve uul ghau. Pa yau besoonja tsio.

Upasov moroghoon tsiau ve ugham tinig poia muul.

Lesu nayat ngar saghati tau koiagna tigham payau ne.

---

\* **41:9:** Mbo 55:12+; Lu 22:21; Yo 13:18

- 11 Yoova, aazne yau nawatagh naghe yo lolom poia payau. Pasaa, koiagna titatan ghau mako. Tauvene irau alinjazi iza sorok tigde yes tiliiv ghau ne mako.
- 12 Yau nataghon ngar duduunja mon. Tauta yo upalot ghau ve nayooz ariaan.  
Ve yo pale ugham ghau naleep tomani ghom taghon taghon gha ila.
- 13 Tapait Yoova pa poia tooni! I Maaron to iit Israela.  
Tapait eeza ta aazne, ve taghon taghon gha ila. Onoon le onoon kat.

## 42

*Sunjuun to neer ee tau ipasawal pa Maaron ve rumei tooni*

Mbounj to yes Kora

- 1 Maaron, yau naghe le naleep nagharau ghom, o poia. Eemon aazne, naleep malau payo.  
Tauvene napasawal payo imin ngai sagsag tau murunu, ve iliil yaa tau irereer lesu ighun.  
\*

- 2 Yoova, yo Maaron tau uleep matam yaryaare.  
Yau lolog payo kat imin tamtamon tau murun matini, ve iliil yaa pa ghunuun.  
Pale neez o nalat peria tsio muul, ve nayooz ila naghom ve nasun payo? \*

---

\* **42:1:** Mbo 63:1, 119:131, 143:6    \* **42:2:** Neer tau itoor mbounj tane ighe le imuul ila Yerusalem ve isun pa Maaron ila Rumei Tiina loolo.



- 3 Mbonjoozo ila le ravrav izi, tamtamon tinoknok veleghiinj ghau tigde: “Maaron tsio ileep sindei?”  
 Saveenj toozi tawe igham ghau natanjan ve naghunghun matag suuru irau mbonj ve mataaz.
- 4 Yau matag injal imuul ila pa ngar tau muunj naghhamghamu na, tauta navotia lolog ila to Yoova.  
 Saawe tana, yau namunmuunj pa eval tiina, ve yeja nizazala pa Maaron rumei tooni, leso nilup ghei pa sunuunj.  
 Yei nimboubou toman lolomai poia kat, ve niyoryoor Maaron eeza pa poia tooni. \*
- 5 Tauta naghason taug naghe mindai ta aazne lolog isaghat?  
 Lolog ipatanjan ve naghham ngar naol pasaa?  
 Yau aat naghur ila to Maaron ariaanj, ve naghur matag pani.  
 Pasaa, i Maaron tsiau ve Uleeja tsiau. Tau-vene yau aat napaiti muul.
- 6 Onoon, aazne lolog ipatanjan kat, ve napasawal payo.  
 Pasaa, naleep nagharau ghom mako.  
 Yau naleep izi yaa Yordan daaba tau igheen izi loloz Ermon ziige tau ila pa loloz Mizar.  
 Eemon yau aat matag injal imuul ila pa ngar tsio.
- 7 Patanjani tau yo upuli ivot payau ne, ene itatan ghau kat.  
 Ene imin yaa tau irereer toman luutu tiina na, iyatyaat izala pavog ve imbelmbeluut ghau.

---

\* 42:4: Mbo 100:2+

Ve imin dibom tintiina to mazavan tipolpol izala pavog.

<sup>8</sup> Eemon mataaz ta naol ne, Yoova loolo isaghav ghau ve iuluul ghau.

Tauvene mbonj ta naol, yau namboumbou to napakuru.

Sunjuunj tsiau injanarui Maaron. Pasaa, i ta injin lepoogh tsiau.

<sup>9</sup> Maaron, i Volaanja tsiau ariaanja. I iponpoon ghau imin maetaaz tau izala kat.

Tauvene naghasoni naghe: “Puughu mindai ta lolom iveegh payau?”

Mindai ta upul koiagna titatan ghau, ve tigham ghau lolog isaghat?”

<sup>10</sup> Saawe isov koiagna tisasavia saveenj veleghiin payau.

Ve tinoknok ghasoniin ghau tigde: “Maaron tsio ileep sindei?”

Saveenj toozi tawe ingalngal ghau imin iiz.

<sup>11</sup> Tauta naghason taug naghe mindai ta lolog isaghat?

Lolog ipatanan ve naghham ngar naol pasaa?

Yau aat naghur ila to Maaron ariaanj ve naghur matag pani.

Pasaa, i Maaron tsiau ve Uleenja tsiau. Tauvene yau aat napaiti muul.

## 43

*Sunjuunj sirivu to neer tau ipasawal pa Maaron*

<sup>1</sup> Maaron, yes tau matazi ingalngal ghom mako na, tighamgham patanani payau.

Uyooz payau, ve upaghazonjai ghau ila matazi  
 uge yau naghm sosor eta mako.  
 Upas ghau ila zeran karomnja ve zeran  
 sasaghati tane nimazi.

- <sup>2</sup> Pa yo Maaron tsiau, ve yau nayoone ilat tsio.  
 Puughu mindai ta ughur murim payau?  
 Mindai ta upul koiagna titatan ghau, ve  
 tigham ghau lolog isaghat?
- <sup>3</sup> Naghe ugham ghazoonja tsio isul ghau ve upag-  
 hazonjai ghau pa saveen tsio onoon.  
 Pasaa, gabua ru tawe pale titotoi eez payau ve  
 tigham pooz payau, lesa nazala pa niam to  
 lepoogh tau igheen izi loloz tsio patabuyaan  
 daaba. \*
- <sup>4</sup> Mako nanjarui artaal tsio, ve nayooz ila naghom  
 ve napait ghom.  
 Pasaa, yo Maaron tsiau, ve yo ta ugham ghau  
 lolog poia kat.  
 Tauvene yau aat narav gita, ve nambou to  
 napait ezam.  
 Pasaa, yo Maaron tsiau.
- <sup>5</sup> Tauta naghason taug muul naghe mindai ta  
 aazne lolog isaghat?  
 Lolog ipatanjan ve naghm ngar naol pasaa?  
 Yau aat naghur ila to Maaron ariaan, ve  
 naghur matag pani.  
 Pasaa, i Maaron tsiau ve Uleenja tsiau. Tau-  
 vene yau aat napaiti muul.

---

\* **43:3:** Mbo 25:5, 27:1; Yo 8:12; 2Kor 4:6

## 44

*Surjuunj to saawe tau yes Israela koiazŋa tiliiv zi*

Mbounj to yes Kora

- 1 Maaron, muunj saawe to timbumaiŋa, yo ughamgham uraat tintiina pazi.  
Tauta tisisinaia ilam ilam le aazne, yei nilooŋa pa taumai taliŋamai paam.
- 2 Yes nugh nugh tau muunj tileep izi taan tane, ila taum tapirim, yo uziir zi tighau tila,  
ve upalepoghai timbumaiŋa tileep izi taan tane gha imin lezi motot.  
Yo utatan yes Kanaana le tapirizi isov kat,  
ve ugham timbumaiŋa tileep poia izi taan tane.\*
- 3 Onoon, timbumaiŋa tigham malmal pa taan tane.  
Eemon tauzi tapirizi ve mbuzaagh toozi igham zi tiliiv koiazŋa ne mako.  
Yo uleep tomani zi ve matam pazi, ve utotoi tapirim pa koiazŋa ve uparav tomani zi.  
Tauta timbumaiŋa tiliiv zi, ve tigham taan toozi imin lezi.  
Pasaa, yo lolom pazi kat.\*
- 4 Yoova, yo kinik tsiau ve Maaron tsiau.  
Yo usaav ariaaŋ ughe yei Israela tau sinj to Yakop pale niliiv koiamaiŋa.
- 5 Ila yo tapirim, yei nitatan koiamaiŋa.

---

\* 44:2: Igham 15:17; Mbanj 7:45      \* 44:3: Igham 15:16

- Yei nighur ilat tsio, ve sunjuunj tsiei injanarui ghom. Tauta yo uul ghei, ve nirav zi ve nivaghaaz zi ila aghemai saamba.
- <sup>6</sup>Yau nanumeer paneegh tsiau mako.  
Ve mbuzaagh tsiau paam, ene irau igham mulin ghau mako.
- <sup>7</sup>Yo mon ta uluul ghei, ve ughamgham mulin ghei ila koiamainja nimazi.  
Yo ugham zi tivaghamgham, ve tighau tila toman mayazi.
- <sup>8</sup>Maaron, yo uluul ghei, tauta monmon nipapakur ghom, ve lolomai poia payo.  
Yei aat nipait ezam taghon taghon gha ila. \*
- <sup>9</sup>Eemon aazne, yo ughur murim payei, ve upaak zaaba tsiei muul mako.  
Ve upul koiamainja tiliiv ghei le mayamai kat.
- <sup>10</sup>Yo ugham ghei tapirimai imbool.  
Tauta nipul malmal ve nighawaar, ve koiamainja tiyauur gabua tsiei isov.
- <sup>11</sup>Yo ughur ghei nila nimazi, imin sipsip tau timbit zi pa ravuunj zi.  
Ve ureu ghei nimbiriis irau nugh nugh.
- <sup>12</sup>Yei tamtamon tsio. Eemon aazne, ugholia ghei nila koiamainja nimazi gha nimin besoonja pazi.  
Ve ugham gabua tiina eta ila nimazi mako.  
Yo ughur atuyamai izi geeg, imin yei kaut sorok.

---

\* **44:8:** Mbo 34:2; 1Kor 1:31

- 13 Yes tau tileep tigharau ghei na, tighita n̄gar tau  
yo ugham payei,  
le tin̄in̄ ve tigham n̄alalan̄ payei.
- 14 Yes nugh nugh tau tiwatagh ghom mako na,  
tighit ghei n̄imin mogheraan̄.  
Ve tin̄in̄in̄ payei, ve tililit dabazi.
- 15 Saawe isov, mbon̄oozo ila le ravrav izi, tamta-  
mon tipapamayan̄in̄ ghau.  
Tauvene matag iza mako. Mayag, ve  
natudtud mon.
- 16 Pasaa, tamtamon tighita n̄gar tau koiagna tiyoli  
payau na,  
ve tisiksik saveen̄ veleghiin̄ ve saveen̄ mayan̄a  
naol payau.
- 17 Yau nagh̄am n̄gar naol naghe puughu mindai ta  
yo upul patajan̄i naol tane ivot payei?  
Pasaa, yei lolomai iveghai ghom mako.  
Ve saveen̄ tau nimbua tomani ghom na, yei  
nireua mako.
- 18 Yei nighur murimai payo mako.  
Ve laghoon̄ tsiei, nisosor pa eez tsio mako.
- 19 Eemon yo uvagh̄amun ghei kat, le nugh tsiei  
n̄ginaan̄a imin gabua sagsagn̄a n̄iazi to lep-  
oogh.  
Lepoogh tsiei, ene imin ndoroom tiina ikau  
ghei.
- 20-21 Maaron tsiei, yo uwatagh: Lolomai iveghai  
ghom mako,  
ve nisun̄ pa maaron karom eta mako.

Imin ta nigham ngar tauvene, kanaan yo uwataghi.

Pasaa, ngar ngozaanja isov tau igheen ila lolomai ne, eta iyoonj payo mako.

22 Yei nibesbees pa yo mon. Tauta mbonjoozo ila le ravrav izi, koiamainja tiravrav ghei nimatmaat.

Tighit ghei nimin sipsip tau timbit zi pa ravuunj zi. \*

23 Yoova, ugheen irao! Uburig!

Ugham ngar eta to uul ghei lak!

Pale ughur murim payei tauvene taghon taghon gha ila?

24 Puughu mindai ta unjooz naghom payei?

Ughita. Koiamainja titatan ghei gha nisaghat wa. Patanjani tiina tau nibadbaado ne, lolom iveegh pani sov!

25 Aazne, koiamainja titatan ghei kat.

Tauvene nitap nizi taan ve nigheen ila ngaupup loolo.

26 Maaron, uburig! Ulam uul ghei lak!

Yo lolom isaghav tamtamon tsio ariaanj ve uluul zi.

Tauvene upas ghei nivot pa patanjani tane.

## 45

### *Mbounj to kinik vaij tooni*

Mbounj to yes Kora

---

\* 44:22: Ro 8:36

Ñeer tau imun̄muun̄ pa mboun̄ na aat isaav pa tamtamon to timbouia itaghon aliin̄a ‘manman ruun̄gu pisosoon̄a.’

Ene mboun̄ to tamoot ve livaa tau lolozi pa tauzi

<sup>1</sup> Lolog ipazaagh ghau pa saveen̄ popoia, tauta natoor mboun̄ tane in̄arui kinik.

Avog raurau pa toraan̄ mboun̄, imin̄ ñeer tau niima poia pa bodeen̄.

<sup>2</sup> O kinik, yo paghunam kat uliiv tamtamon tISOV.

Ve saveen̄ popoia tau ivotvot ila avom, ene igham poghania tamtamon.

Tauvene poia to Maaron aat ighen̄ tomani ghom irau saawe. \*

<sup>3</sup> Yo arian̄am ve urau kat pa ghamuun̄ malmal.

Ezam tiina, ve upabood taum le paghunam kat.

Ugham mbuzaagh tsio, ve ugharaat ghom pa malmal. \*

<sup>4</sup> Yo ezam tiina kat.

Uzaa hos tsio, ve ula uparav tomania koiam̄ña le uliiv zi.

Uparav ariiaan̄ pa saveen̄ onoon, ñgar to tatatan tauun̄, ve ñgar duduun̄a.

Nimam tapir pale igham uraat tintiina. Leso koiam̄ña tighita ve tiroi. \*

<sup>5</sup> Kinik tsiei, paneegh tsio nat̄ña matazi kat.

Tauta tin̄gal koiam̄ña le tiyamaan katini.

---

\* 45:2: Lu 4:22    \* 45:3: Mbo 149:6; Syg 1:16    \* 45:4: Syg 6:2, 19:11+



Tauvene yes nugh nugh pale tilam ve titaptap  
izi aghem saamba.

<sup>6</sup> Maaron, pooz tsio irau isov ne mako. Pale uleep  
ila niam to ghamuunj pooz irau saawe.

Ngar duduunja tau ughamgham pa tamtamon  
na, ene imin ilaal pa pooz tsio. \*

<sup>7</sup> Pasaa, yo lolom pa ngar duduunja, ve ughurghur  
koi pa ngar saghati.

Tauvene Maaron tsio ipakur ghom le uliiv  
zetamja siriv, ve ilinj ngoreen izala pavom to  
ighur ghom umin kinik.

Tauta igham ghom lolom poia le poia kat. \*

<sup>8</sup> Nonoghiinja tsio mamalaua, ene tighur naunaun  
vaazi popoia maata maata ila.

Ruum tsio, tipaboode pa gabua popoia tau  
tigharaat zi pa gabua zonazi.

Yes to ravuunj gita ve gabua siriv tau lutuzi  
popoia na, tileep tomani ghom ila ruum tsio  
lolo, ve mbounj toozi igham ghom lolom  
poia kat.

<sup>9</sup> Zilivaa tau lezi ezazi na tilam tileep tomani ghom  
ila ruum tsio paam. Ve toozi siriv, ene kinik  
natuzlivanja.

Livaa paaghu tau iyooz ila pa nimam tapir ve  
ughe uvaii, i garwaat.

I itiik tauu pa gabua popoia le paghuuna kat.  
Gabua tawe, tigharaat zi pa gol poia kat tau  
ilam pa taan sirivu to Opir na.

---

\* 45:6: Yo 1:1, 14; Hib 1:8      \* 45:7: Mbo 11:5, 33:5

- 10 Natugliva, yo ughe uvai kinik. Tauvene ughur talinam poi ve uloonj alinag tane.  
Ugham njar pa tamtamon tsio ve ziiri waaro tsio muul sov.
- 11 Yo paghunam kat. Pale usan kinik aate.  
I ta imin tiina tsio. Tauvene yo aat uloonj aliinja ve uleep ila i saamba.
- 12 Tamtamon to nugh Tiro pale tigham lem gabua popoia katini.  
Yes tau kuaz tauna kat na, pale tigham lem gabua popoia maata maata. Leso matam injal zi ve lolom poia pazi.
- 13 Livaa garwaat tau ighe ivai kinik na, ileep ila ruum tooni loolo. I paghuuna le paghuuna kat.  
Nonoghiinja tooni, ene tisaii pa teret tau tigharaata pa gol.
- 14 I inonogh ghi pa nonoghiinja tau ngeretazi popoia na, ve tighamu ila to kinik.  
Yesnja zeetnja zilivaa paghpaaghu tilaagh tila.  
\*
- 15 Tamtamon tintinizi, ve tigherev zi toman lolozi poia, gha tilonj tila ruum to kinik.
- 16 O kinik, yo pale upoop natumnja zitamoot katini, lesa tiyol timbuznja.  
Ve yo pale ughur zi to tigham pooz pa nugh-marinj.
- 17 Mbounj tsiau tane, tamtamon pale timbouia, ve matazi injal ezam taghon taghon gha ila.

---

\* **45:14:** Syg 19:7+

Tauvene nughmarij pale tipait ezam irau saawe.

## 46

### *Maaron imin niaan ariaaŋa to yonŋaanj*

Mbounj to yes Kora

<sup>1</sup> Maaron imin niaan ariaaŋa to yonŋaanj, ve ipa-palot ghiit.

Isaav ighe patanani eta ivot pait, i pale ileep zigeen ve iuul ghiit.

<sup>2</sup> Tauvene irau taroi mako.

Isaav ighe yogyoog itok taan,  
ve loloz tipolpol tizila te loolo,

<sup>3</sup> ve te isaghat gha dibom tipaparav,

ve tisasabur loloz puughu le loloz tirurur, ene poia.

Irau tasanenj mako.

<sup>4</sup> Maaron Tiina Tau Iliiv Zimaronŋa Tisov na, nugh tooni patabuyaŋ, i le yaa tau monmon irereer.

Yaa tawe igham tamtamon to nugh tooni tileep poia toman tintinizi. \*

<sup>5</sup> Maaron ilepleep ila nugh tawe ve inŋinŋini.

Tauvene gabua eta irau itok nugh tawe mako. Isaav ighe patanani eta ivot pazi, Maaron irau isanjan le mbonoozo mako. Pale iuul zi rekia mon.

<sup>6</sup> Nugh nugh, roiŋ tiina igham zi ve tisanenj.

---

\* **46:4:** Mbo 36:8; Ezek 47:1-9; Yo 7:37-39; Syg 22:1

Kinik to taan tapirizi isov, le nugh toozi  
tivaghamgham.

Ve Maaron isaav aliija tiina imin lalaav luutu,  
le taan ituntun ve ireer imin yaa. \*

<sup>7</sup>Yoova, i Maaron saksaki ve ingin gabua naol isov.  
I ileep tomani ghiit irau saawe.

Maaron to Yakop imin niaan ariaanja to  
yongaanj. \*

<sup>8</sup>Alam aghita uraat tintiina tau Yoova igham zi na.  
Uraat tooni igham tamtamon tiroi ve avozi  
ikaak.

<sup>9</sup>I ipapasov malmal irau taan ziige ta naol ne.  
Ve ingoor polpolin paneegh ve iiz, ve isan  
sigheu to malmal, ve isuruuv zi tizala yav.

<sup>10</sup>I isaav pa tamtamon ighe: “Aparav irao!  
Atemim izi, ve aghilaal ghau. Yau mon ta  
Maaron.  
Nughmarinj pale tipait ghau,  
ve ezag imin tiina irau taan isov.”

<sup>11</sup>Yoova, i Maaron saksaki ve ingin gabua naol  
isov. I ileep tomani ghiit irau saawe.  
Maaron to Yakop imin niaan ariaanja to  
yongaanj.

## 47

*Maaron i kinik tau ighamgham pooz pa gabua  
naol isov*

Mbounj to yes Kora

<sup>1</sup>Yam nughmarinj, tintinmim ve aposai nimamim!

---

\* 46:6: Mbo 97:5; 2Pe 3:10+      \* 46:7: Ro 8:31

Yam asov ayoor Maaron eeza, ve ambou mbounj to apakuru!

<sup>2</sup> Pa Yoova, i Maaron Tiina Tau Iliiv Zimaronja Tisov. Aroi pani ve ataghon ngar tooni.

Onoon kat, i kinik tiina. Tamtamon tisov to taan tileep ila i saamba. \*

<sup>3</sup> I itatan nugh nugh, ve ighur zi tileep ila sambamai.

Yes tau tiwataghi mako na, i irav zi tizi, ve nivaghaaz zi ila aghemai saamba.

<sup>4</sup> Iit sinj to Yakop, Yoova loolo igheen toit kat. Tauta irav motin taan sirivu, ve igham pait imin leen motot.

Iit tintiniin ve tapakur ghiit pa taan tau i igham pait. \*

<sup>5</sup> Maaron izala niia to ghamuuj pooz ve ileep ta sewe. \*

Tauvene tavuur itanjan, ve tamtamon tisirsir toman loloz poia. \*

<sup>6</sup> Ambou, ambou! Ambou ve apakur Maaron!

Ambou ve apait kinik toit eeza!

<sup>7</sup> Pa Maaron, i kinik tiina. Tamtamon tisov to taan tileep ila i saamba.

Tauvene ambou mbounj to apakuru! \*

---

\* **47:2:** Mbo 46:10, 95:3    \* **47:4:** 1Pe 1:4    \* **47:5:** Saawe siriv yes Israela tisinj bokis to saveenj mbuaanj, ve tilaagh irau Yerusalem loolo to tipakur Maaron. Ra tighur bokis ilonj ila Rumei Tiina loolo muul.    \* **47:5:** Mbo 68:18    \* **47:7:** Mbo 95:3; Kol 3:16

<sup>8</sup> Maaron ileep ila niia patabuyaanj to ghamuun  
pooz, ve inġinġin nughmarinj.  
Tamtamon tisov tileep ila i saamba. \*

<sup>9</sup> Daaba to nugh nugh tilup tomania iit tau tabes-  
bees pa Maaron to Abaram na, ve itiņa  
tapait eeza.  
Pasaa, pooza tisov to taan tileep ila i niima.  
Tapait eeza izala le izala kat.

## 48

### *Maaron nugh tooni Zion*

Mbounj to yes Kora

<sup>1-2</sup> Yoova eeza tiina kat.

Tauvene iit tau taleep ila nugh tooni ne, aat  
tapait eeza izala le izala kat.

Nugh tooni, ene igheen izala loloz tooni  
patabuyaanj Zion.

Loloz tawe, ene paghuuna ve izala kat.

Tamtamon tisov to taan loloz poia pa loloz  
Zion ve tipaiti.

Pasaa, ene Maaron tauu niia to lepoogh. Nugh  
to kinik tiina igheen ta sewe.

<sup>3</sup> Tamtamon tiwatagh: Maaron iponpoon nugh  
tooni imin didiinj ariaaņa.

I ilepleep ta sewe ve imin sigheu pazi.

Tauta tamtamon to nugh tawe tileep poia. \*

<sup>4-5</sup> Kinik siriv tilup zi tighe tigham malmal pa  
Maaron nugh tooni.

---

\* **47:8:** Syg 4:9      \* **48:3:** Mt 5:35

Emon saawe tau tilam tighita, yes tirur pani,  
ve tiroi, ve tighau tila.

<sup>6-7</sup> Roiñ tiina igham zi le tisanjeen imin zilivaa tau  
apozi iyavyav pa popaan.

Ve yo uvaghamun zi le tisaghat kat, imin  
waan tintiina to nugh Tarsis tau tighaughau  
tila, ve ragh iza le irav mbirisai zi.

<sup>8</sup> Yoova, i Maaron tsiei saksaki ve injin gabua naol  
isov. Muun, nilonloon uraat tooni tintiina  
varuzi mon.

Emon aazne, nileep ila nugh tooni, ve i  
igham uraat tauvene ivot muul, le night  
katini pa taumai matamai.

Maaron ipapalot nugh tooni.

Tauvene nugh tawe pale iyooz ariaan taghon  
taghon gha ila.

<sup>9</sup> Maaron, yei nileep ila rumei tsio loolo, ve mata-  
mai ingalngal gabuam tau lolom isaghav  
tamtamon tsio ve uluul zi.

<sup>10</sup> Maaron, varum ilaan irau taan ziige ta naol ne.  
Tauta nughmarin tipapait ezam.  
Yo utotoi tapirim, lesu upalot ngar duduunja.

<sup>11</sup> Gabizoon tsio, ene iduduun mon.

Tauvene tamtamon tisov to nugh Zion, toma-  
nia nugh nugh to Yudea lolozi poia kat ve  
tintinisi.

<sup>12</sup> Yam aburig ve alaghaagh ila nugh Zion loolo.  
Ala aghita didiin ariaanja tau ilivut nugh na.

<sup>13</sup> Anin ruum dabazi mamalaua tau yes zaaba  
tiyozooz ila to tiyeel koiaznja.

Ve matamim ila pa ruum arianazi to zaaba  
 tiyoonj ila ve tigham malmal.  
 Leso yam aat asavia nugh tane pa paaghu  
 tsiam tau pale tivot murei.

- 14 Pale asaav pazi tauvene: “Maaron toit tane, i  
 ariana imin nugh Zion.  
 I ileep irau saawe.  
 Ve i pale imuunj pait, ve itotoi eez pait taghon  
 taghon gha ila.”

## 49

### *Iit tasov pale tamaat*

Mbounj to yes Kora

- 1-2 Yam nughmarinj, aloonj saveenj tsiau tane.  
 Yam tamtamon tau aleep irau taan na, aghur  
 taliñamim payau poi.  
 Yam tau lemim ezamim mako, ve yam tau  
 ezamim tintiina na paam.  
 Ve yam tau kuaz tauna, ve yam mbolaana  
 paam.  
 Yam asov aloonj poghania aliñag tane.

- 3 Pa avog pale ivotia ngar popoia siriv tau igheen  
 ila lolog ne.  
 Saveenj tsiau tane irau ipaburigin ngar tsiam,  
 lesa aghilaal ngar poia. \*

- 4 Yau naghe nasavia saveenj palelaan siriv payam.  
 Le isov o, narav gita ve napaghazonai puughu  
 payam.

---

\* 49:3: Mbo 37:30



- 5 Isaav ighe saawe saghati eta ivot, ve zeran sasaghati tomania zeran karomņa tilivutin ghau to tivaghamun ghau, ene irau naroi mako. \*
- 6 Onoon, yes tindoundou lezi gabua katini.  
Tauta tinumeer gabua toozi tawe, ve tipakur zi pani. \*
- 7-8 Eemon gabua toozi tawe irau igham mulin zi pa mateegh mako.  
Pasaa, tamtamon eta irau ighol Maaron leso ipaghau mateegh pani ve lepoogh tooni to taan iseença taghon gha ila ne mako.  
Ngar tauvene, tapuli ileple.  
Pa lepoogh tauvene, atuya ite kat. \*
- 9 Tauvene kuaz toit eta irau ipoon ghiit pa mateegh mako.  
Gabua eta to taan irau igham ghiit taleep le alok ne mako. Mako kat! \*
- 10 Iit taghita yes ngara timatmaat raraate imin yes kankanooņa tau lezi ngar mako na.  
Ve saawe tau timaat, yes pale tipuliir gabua toozi naol isov izi ileple, ve gabua tawe imin tamtamon siriv lezi.
- 11 Saawe tau tileep matazi yaryaare, yes ezazi tintiina. Pasaa, lezi taan tiina ve gabua katini.

---

\* 49:5: Mbo 23:4, 27:1

\* 49:6: Mbo 73:12; 1Tim 6:17

\* 49:7-8: 1Pe 1:18+      \* 49:9: Mt 16:26

- Eemon saawe tau timaat, naal toozi imin lezi niazi irau saawe.
- 12 Tauvene isaav ighe tamtamon eta eeza tiina, ve le gabua popoia katini, ene poia.  
Eemon gabua tooni irau ipaghau mateegh pani ne mako. Pale ileep rigmon, ve isov.  
Pale imaat gha ilale, raraate imin ngavuun ve ngai.
- 13 Ene eez to yes tau tigham ngar to boraunja ve tipakur zi pa gabua toozi.  
Aghita ngar tau ivotvot pazi ve yes tau titaghon zi pa ngar toozi, o aghilaal. \*
- 14 Yes timin sipsip tau timbit zi pa ravuunj zi.  
Mateegh pale imin nginiinj pazi, ve igherev zi gha tizila mateegha niazi, ve patazi imbuuz ta sewe.  
Ve mbonjoozo, mako zeran dudunjazi pale tighit zi ve lolozi poia.
- 15 Eemon yau, nugh to mateegha le tapiri to ikis ghau mako.  
Pasaa, Maaron pale igham mulin ghau pa mateegh.  
I pale ipas ghau pa mateegh, ve igham ghau nala yeiru nileep. \*
- 16 Tauvene isaav ighe tamtamon eta indoundou le kuaz,  
ve gabua popoia katini ivon ila ruum tooni, na ugham ngar naol pani sov.
- 17 Pa saawe tau i imaat, i irau ikis gabua tooni eta ve ila ne mako.

---

\* 49:13: Lu 12:20      \* 49:15: Mbo 56:13; 1Kor 15:51+; 1Tes 4:13+

Gabua popoia naol tau i eeza tiina pani na,  
irau ila tomania mako. \*

- 18-19 Saawe tau tamtamon tana ileep maata  
yaryaare, i ileep poia toman tintini.  
Ve eval tiina tipait eeza pasaa, tighita tighi i  
irao.  
Eemon i pale imaat, ve ileep tomania timnja ila  
ndoroom loolo.  
Yes to nugh tawe irau tighita ghazonja muul  
mako.
- 20 Tauvene tamtamon tau ighe eeza tiina ve le  
gabua katini, ene poia. Eemon i ighilaal  
mako.  
Murei, i pale imaat gha ilale, raraate imin  
ngavuun ve ngai.

## 50

*Ngar tau tapait Maaron pa poia tooni ve  
tataghon tutuunj tooni, ene watoonjrau tauu*

Mbounj to Asap

- <sup>1</sup> Yoova, i Maaron saksaki.

Aliinja ilat pa yam tamtamon to taan.

I ipoi gham ighe yam asov alam alup gham ila  
naagho.

Yam tau aleep ila pa aaz iza, ve yam tau aleep  
ila pa aaz izila na paam.

- <sup>2</sup> Nugh Zion, ene paghuuna le paghuuna kat.

Maaron ileep ta sewe, ve mbonari isul ivot.

- <sup>3</sup> Maaron toit ighe ilam tane. Irau ineneenj muul  
mako.

---

\* **49:17:** Lu 12:15+; 1Tim 6:7

Yav ighan imuuj pani, ve yaghur tiina toman uman ilivuti. \*

<sup>4</sup> I ipoi sambam ve taan ighe tilam, leso tighita igabiiz tamtamon tooni ve ighur atuya pazi.

<sup>5</sup> Ve isaav ighe: “Tamtamon tsiau tau lolozi isaghav ghau ve titaghon ngar tsiau na, ayau zi tisov tilam tilup zi ila naghog. Ene yes tau tigham watoonrau payo, ve timbu saveej tomani ghau tigha yeja nivalupu ghei nimin eemon.” \*

<sup>6</sup> Maaron igagabiiz tamtamon ve ighurghur atuya pazi.

Ve gabua to sambam saamba tipaghazonaini tigha gabizoonj tooni, ene iduduuj mon.

\*

<sup>7</sup> “Yam tamtamon tsiau Israel, aloonj saveej tau naghe nasavia payam.

Pasaa, yau ta Maaron tsiam.

Aazne, yau aat nasaav ila matamim, ve navotia sosor tsiam.

<sup>8</sup> Watoonrau tau aghamgham zi payau ne, yau nayaon gham pani mako.

Monmon naghit gham aghurghur watoonrau izala artaal, leso yav ighan dodolin zi. Ene poia. \*

<sup>9</sup> Eemon yau irau naghah makau, ma mekmekek tau tileep ila olol tsiam loolo ne mako.

---

\* **50:3:** Igham 19:16, 18    \* **50:5:** Igham 24:7    \* **50:6:** Mbo 19:1+; Ro 1:20    \* **50:8:** Mbo 40:6

- 10 Pasaa, yau nambool pa gabua eta mako.  
Gabua naol isov tau tilaghlaagh ila su loolo,  
ve makau tau tileep irau loloz ta naol ne, ene  
tsiau mon. \*
- 11 Ve man tau tirovroov ila taitai saamba na, yau  
nawatagh zi tisov ve nanjin zi.  
Ve gabua naol isov tau tilaghlaagh ila regh  
lolo na paam, ene yau tsiau. \*
- 12 Isaav ighe pitoool ghau, ene irau nasaav payam  
mako.  
Pasaa, taan tomania gabua naol isov tau  
tileep ve tigheen ila na, ene yau tsiau mon.  
\*
- 13 Mindai, yam aghe yau naghanghan makau mi-  
iza,  
ma naghunghun mekmek siinji? Mako.
- 14 Watoonrau tau yau lolog pani, ene tauvene:  
Lolomim poia payau, ve apait ghau pa poia  
tsiau.  
Ve saveen tau ambua tomania Maaron tsiam  
tau ileep saanja le saanja kat na, agham ura-  
toini le anooja ivot. \*
- 15 Ve isaav ighe patanjani igham gham, na atar  
rarai ghau pa uleen.  
Leso naghham mulin gham, ve apait ezag pa  
tapirig ve poia tsiau.” \*

---

\* **50:10:** Mbo 104:24    \* **50:11:** Mt 6:26    \* **50:12:** Igham 19:5;  
Mbo 24:1; 1Kor 10:26    \* **50:14:** Mbo 66:13+; Hib 13:15    \* **50:15:**  
Mt 7:7; Yems 5:13

- 16 Eemon yes zeran sasaghati, Maaron isaav pazi ighe:  
“Tutuunj tsiau tau naghur zi pataghaan na, yam awatwaat zi sorok pasaa?  
Ve puughu mindai ta asasavia saveenj tau nambua tomania tamtamon tsiau ne?”
- 17 Pa saawe tau yau napaduduunj gham, yam ambuzir pa alinjag.  
Ve azoroor saveenj tsiau ve aveleghi imin kaut sorok.
- 18 Isaav ighe aghita umbuunja eta, na yam lolomim poia pani, ve aghamu imin etamim.  
Ve yes tau tighurghur boog na, yam apaak zi ve yamja alaghlaagh. \*
- 19 Saveenj sasaghati ve karom naol, ta ivotvot ila avomim.
- 20 Yam anjalngal saveenj pa ziiri waaro tsiam, ve avavaghamunia tonjetaz tsiam ezazi.
- 21 Mindai, yam aghamgham tauvene ve aghita naneneen, tauta aghe yau nayok pa ngar tsiam tana?  
Yam aghe itinja rarateen? Mako!  
Tauta aazne, yau nayaon gham, ve nasaav ila matamim, ve navotia sosor tsiam ivot ighazonj.
- 22 Tauvene yam tau lolomim iveghveegh payau na, ayamaan gham!

---

\* **50:18:** Ro 1:32

Mako pale naburig, ve navaghamun gham kat. Ve eta irau ipas gham ila nimag mako.

<sup>23</sup> Tauvene lolomim poia payau, ve apait ghau pa poia tsiau.

Pa watoonjrau tauvene, tauta igham ezag imin tiina.

Tamtamon tau maata ingal tauu pa laghoonj tooni, ene pale natotoi uleenj tsiau pani, ve naghham mulini. \*

## 51

### *Surjuunj to tavotia sosor toit*

Mbounj to David

Mbounj tane injarui saawe tau David igham sosor tiina ve propet Natan ila iyaoni [2Sam 12:1+]

<sup>1</sup> O Maaron, yo lolom isaghav tamtamon tsio ari-aan ve uluul zi.

Tauvene lolom isaghatin ghau ve upul sosor tsiau.

Yau nazoor alinjam. Eemon poia tsio, ene tiina kat, ve lolom isaghatin tamtamon tsio kat.

Tauvene ureu sosor tsiau isov ilale. \*

<sup>2</sup> Yau nasosor pa eez tsio, ve naghham ngar saghati ila yo matam.

Urughuuz ghau, ve ugham ghau nangalaan ila yo matam muul.

Ureu sosor tsiau isov ilale. \*

<sup>3</sup> Pa yau naghilaal sosor tsiau wa. Yau nazoor alinjam ve nasosor pa eez tsio.

---

\* **50:23:** Mbo 91:16; Lu 2:30    \* **51:1:** Lu 18:13    \* **51:2:** Mbanj 22:16; Hib 9:14; 1Yo 1:9

Saawe isov, sosor tsiau ighengheen tomani  
ghau, ve matag ingalngali.

- <sup>4</sup> Sosor tau naghamu ne, ene inarui ghom mon.  
Yau naghama ngar saghati ila yo matam.  
Tauvene isaav ighe uvotia sosor tsiau ivot  
ighazon, ene iduduun.  
Onoon kat, isaav ighe ugabiiz ghau ve ughur  
atuya payau, ene sosor mako. \*
- <sup>5</sup> Saawe tau tina ipoop ghau ve ilam, yau nasosor  
pa eez tsio.  
Saawe tau tina inaam ghi payau, saghati ikis  
ghau pataghaan wa. \*
- <sup>6</sup> Maaron, yo ughe yau nataghon saveen onoon  
toman lolog.  
Tauvene taum upaghazonai ghau pa ngar  
popoia.  
Leso nakisi tunja ila lolog. \*
- <sup>7</sup> Ureu sosor tsiau isov ilale. Leso nangalaan ila yo  
matam.  
Urughuuz ghau le nangalaan kat imin taitai  
pisosoonja. \*
- <sup>8</sup> Yau naghe naloon ghom usaav ughe yo ureu  
sosor tsiau wa.  
Leso tintinig ve lolog poia muul.  
Yo ughur patanani tiina kat inarui ghau pa  
sosor tsiau. Uul ghau, lesa tintinig muul.

---

\* **51:4:** Lu 15:21; Ro 3:4      \* **51:5:** Gnp 8:21; Ep 2:3      \* **51:6:**  
Mbo 119:66; Yo 4:23      \* **51:7:** Is 1:18; Syg 7:14



- 9 Ngar tsiau naol tau isosor pa eez tsio na, matam ila pani muul sov.  
Ureu sosor tsiau isov ilale.
- 10 Maaron, ugham ngar ngalaanja ivot ila lolog, ve upalot ghau.  
Leso nayooz tunja muul ve nataghon dudunjai ngar tsio. \*
- 11 Uziir ghau pa naghom sov.  
Ve usan Avuvum Patabuyaanj ighau payau sov.
- 12 Muunj, yo ugham mulin ghau le lolog poia kat.  
Aazne, naghe ugham tauvene payau muul.  
Upaburigin ghau, lesa matag lonlonjai payo irau saawe.
- 13 Ighe ugham tauvene, yau aat napaduduunj yes tau tizorzoor alinjam,  
ve yes tau tinghamgham sosor na, pale titoor ngar toozi imuul ilat payo.
- 14 Maaron, sosor tsiau to nalinj sinj, ene tiina kat.  
Irau to namaat pani.  
Eemon yo Maaron tsiau ve Uleenja tsiau.  
Tauvene ugham mulin ghau, ve ureu sosor tsiau ilale.  
Leso lolog poia kat, ve nambou toman alinjag tiina, ve napait ezam pa ngar tsio dudunja.  
\*
- 15 Yau mayag pa sosor tsiau, ve naneneenj mon.  
Tauvene ureu sosor tsiau ilale. Leso avog pakia, ve napait ezam.

---

\* **51:10:** Ezek 36:26; Yo 3:3+; 2Kor 5:17      \* **51:14:** Ro 6:23

- 16 Maaron, yo lolom pa naghama ngai imin watoonrau payo mako.  
Watoonrau tau yav ighan dodolini na paam.  
Imin ta igham ghom lolom poia, kanan naghama.  
Eemon yo lolom pa ngar tauvene kat mako.
- 17 Watoonrau tau yo lolom pani na, ene tauvene:  
Yau aat natatan taug, ve lolog ipatanan pa sosor tsiau.  
Ene watoonrau tauu.  
Tamtamon tau ighe itatan tauu, ve loolo ipatanan pa sosor tooni, ene yo irau ughur murim pani mako. \*
- 18 Maaron, ugham poghania nugh Zion itaghon taum lolom.  
Ugharaat mulin didiin ariaana tau ilivut Yerusalem na, le iza a iyooz muul.
- 19 Leso nigham watoonrau tau iduduun ila yo matam.  
Pale niyau makau tilam, ve nighur zi izala artaal tsio ve yav ighan dodolin zi.  
Leso ughita ve lolom poia kat.

## 52

### *Maaron pale ighur atuya payes zeran sasaghati*

Mbounj to David

Mbounj tane inarui saawe tau Doeg tau Edom tamazi na ila ipaes pa Saul ighe David ileep tomania Ahimelek

---

\* 51:17: Mbo 34:18

- 1 Yo ñeer ariañam, mindai ta aliñam izazaa, ve upakur ghom pa ñgar saghati tau ugham pa Maaron tamtamon tooni?  
Poia, ughamu lak! Eemon saawe isov, Maaron loolo isaghav tamtamon tooni ve iuluul zi. Ñgar tooni tawe irau isov ne mako.
- 2 Yo ñeer to karom! Monmon, uiliil eez to uvaghamunia tamtamon.  
Ve saveeñ isov tau ivotvot ila avom, ene imin gharghar tau maata kat.
- 3 Ñgar poia ve saveeñ onoon, yo lolom pani mako.  
Ve ñgar saghati ve saveeñ karom, yo lolom pani kat.
- 4 Yo avom karom.  
Ve saveeñ sasaghati naol tau ivaghamunia tamtamon na, yo lolom pani kat.
- 5 Tauvene Maaron pale ivaghamun ghom le usaghat kat. Irau uburig muul mako.  
I pale ilonñ ila ruum tsio loolo, ve isasaar ghom uvot ula muuri,  
mako ipas ghom ila yes tau matazi yaryaare na sosozi, ve isik ghom uzila nugh to mateegha.
- 6 Ñgar tau Maaron pale igham payo na, ighe zeran dudunazi tighita, ene pale tiroi.  
Mako tinññ payo, ve tisaav tigde:

- 7 “Aghita. Ene njeer tau loolo pa igham uleenj ila to Maaron ve iyoonj ila tooni mako.  
I kuaz tauu kat. Ve inumeer gabua tooni naol tawe toman ngar tooni saghati ighe pale ighamu ileep poi.”
- 8 Eemon yau pale nayooz tunja ve naleep malau izi taan, imin ai oliv tau iyooz ilonj ila Rumei to Maaron sirsiira.  
Pasaa, yau nanumeer Maaron naghe i pale loolo isaghav tamtamon tooni ve iuul zi taghon taghon gha ila.
- 9 Maaron, yau lolog poia kat pa ngar tau yo ughamu na.  
Tavene yau aat napait ghom pa poia tsio taghon taghon gha ila.  
Ve napait ezam ila yes tau lolozi isaghav ghom ariiaan na matazi, ve nasavi ghom pazi naghe: Yo poiam le poiam kat.

## 53

### *Zeran kankanoonja tau tiwatagh Maaron mako*

Mbounj to David

- 1 Yes kankanoonja tau tiwatagh Maaron mako na, tigham ngar ila lolozi tigde: “Maaron eta ileep mako.”  
Zeran tavene, Maaron loolo pazi mako kat. Pasaa, ngar toozi isaghat wa. Tauta tighamgham ngar sasaghati naol.  
Eta igham ngar poia mako. \*
- 2 Maaron ileep izi sambam, ve maata izizi pa tamtamon.

---

\* 53:1: Mbo 10:4, 14:1+

I ighe ighita: Toozi eta ighilaalo, ve izuari ghi ighe le iwatagh katini, ma mako?

- <sup>3</sup> Eemon tisov tipul murizi pani, ve tisaghat wa.  
Toozi eta igham ngar poia mako. Mako le mako kat. \*
- <sup>4</sup> Tauvene Maaron igham ngar naol ighe: “Zeran tau tinoknok ghamuun ngar sasaghati na, lezi ghilaloon ma mako?  
Saawe isov, yes tipapasov tamtamon tsiau, le gabua toozi isov kat, imin yes tau luazi itan pa ghaniin aniin popoia, ve tighan suvinia. Ve matazi ingal ghau ve tisun payau mako.”
- <sup>5</sup> Zeran tauvene aat tiyamaan zi. Pasaa murei, roin tiina kat pale igham zi.  
Muun, tiroi tauvene mako.  
Eemon tipaburigin malmal payam, tauta Maaron pale irav zi timatmaat, ve tuazi igheen imin ngiriis.  
Tauvene yam pale aliiv zi, ve mayazi. Pasaa, Maaron ighur muuri pazi kat.
- <sup>6</sup> Oyai, Maaron tau ileep izi nugh Zion na, iuul yes Israela ve igham mulin zi pa patanani toozi, o poi!  
Isaav ighe Maaron iuul tamtamon tooni, ve tileep poia muul, ene pale tintinizi.  
Onoon kat, Yakop paaghu tooni pale lolozu poia le poia kat. \*

---

\* 53:3: Gnp 6:5; Ro 3:10+; Ep 2:3

\* 53:6: Mt 1:21; Ro 11:26

## 54

### *Tamtamon ee ighason Maaron to itatan koiņa*

Mbounj to David

Mbounj tane injarui saawe tau tamtamon to nugh Zip tila to Saul, ve tipaes pani tighhe David iyonjyoonj ila sosozi. Neer tau imuunj pa mbounj na, aat isaav pa tamtamon to tirav gita ve timbou mbounj tane

<sup>1</sup> O Maaron, yo ezam tiina pa tapirim ve poia tsio.

Uvool tsiau ve upas ghau navot pa patanjani tsiau tane!

Utotoi tapirim pa koiagna, ve ugham mulin ghau ila nimazi. Leso upaghazonjai ghau ila tamtamon matazi ughe yau naghham sosor eta mako.

<sup>2</sup> Maaron, ughur talinjam pa sunjuunj tsiau.

Uloonj alinag tane ve uul ghau.

<sup>3</sup> Pa zeran sasaghati to nugh malau tilam tipaburigin malmal payau.

Yes tau tizuari zi pa ravuunj ghau namaat ne, tamtamon tiroi pazi. Pasaa, lolozi isaghatin tamtamon rigta mako.

Yes tipapakur tauzi, ve matazi ingal Maaron mako.

<sup>4</sup> Eemon Maaron, i Uleenja tsiau.

Yau naleep ila Tiina tsiau niima, tauta aazne naleep matag yaryaare.

<sup>5</sup> Ngar saghati tau koiagna tigham payau ne, upamuule ila pa tauzi.

Upasov zi le tisov kat itaghon saveen mbuaan tsio.

<sup>6</sup> Yoova, yo poiam kat!

Tauvene lolog poia payo, ve naghe nagh  
watoonrau to napait ezam.

- <sup>7</sup> Pasaa, yo uul ghau ve upas ghau navot pa  
pataņani tsiau naol isov.  
Yo utatan koiagna ila taug matag, ve naliiv zi  
wa.

## 55

### *Sunjuunj to tamtamon tau iitete ighur koi pani*

Mbounj to David

Neer tau imuunj pa mbounj na, aat isaav pa tamta-  
mon to tirav gita ve timbou mbounj tane

- <sup>1</sup> O Maaron, ighur taliņam pa sunjuunj tsiau.

Yau nataņ rarai ghom: Lolom isaghatin ghau  
ve uul ghau. Uņgooz naghom payau sov.

- <sup>2</sup> Uloonj sunjuunj tsiau tane, ve uul ghau.

Pa pataņani naol igham ghau le isoonj ghau  
kat.

Tauta lolog bubu ve tapirig isov.

- <sup>3</sup> Koiagna aliņazi izazaa, ve tigham saveeņ paroiņ  
payau.

Zeran sasaghati tawe tigham pataņani tiina  
payau tighe titatan ghau.

Atezi yavyav payau, ve tighur koi payau kat.

- <sup>4</sup> Paita namaat tane. Tauvene ateg ipaparav, ve  
naroi kat.

- <sup>5</sup> Roiņ tiina igham ghau le tinig irur, ve punitag izi.

- <sup>6</sup> Tauvene napasawal naghe: “Oyai, leg bageg  
imin mbuun, o poi!

Leso narooov naghau nala nugh malau, ve namariau.

<sup>7</sup> Pale nala nala le nala nugh nginaanja ta malau geeg we, ve nail niag poia eta to naleep pani.

<sup>8</sup> Onoon kat, imin ta leg bageg imin man, kanan rekia mon naghau nala ve nail niag eta to yonjaan.

Leso naleep ta sewe, ve nasaan le patanani tane isov. Pasaa, ene imin naleep ila uman ve yaghur tiina loolo.”

<sup>9</sup> Tiina tsiau, ukau zeran sasaghati tawe saveen toozi, lesa ighur anooja sov. Ve upasov zi gha tilalez.

Pa yau naghita ngar to ghamuun malmal ve zoraan saveen ivon kat ila nugh tiina tane loolo.

<sup>10</sup> Mbonj ve mataaz, ngar tauvene ivotvot ila nugh loolo.

Nugh tane ivon kat pa ngar sasaghati naol ve patanani.

<sup>11</sup> Onoon kat, tamtamon tivaghamunia lepooch to nugh le isaghat kat.

Tamtamon to nugh tane, isaav igha tilup zi izi maaran to tigharaat saveen, ma tiraokol, ene monmon titatan zetazja ve titombaan zi, lesa tium gabua toozi. Ngar toozi tawe, tipulpuli mako.

<sup>12</sup> Imin ta koiag eta ivelegh ghau, kanan poia. Patanani tauvene, yau irau nabaado.



Ve imin ta tamtamon ite paam tau ighur koi  
payau na, maata tatanin ghau, kananj poia.  
Pasaa, tamtamon tauvene, yau irau nayoony  
pani.

13 Eemon mako. Ena yo ta muunj, naghit ghom  
naghe ituru ngar toit eemon.  
Ve naghe pa yo njeer tsiau, ve etag duduunj.

14 Ve tinig irav ilat tsio, ve naghita ituru lupuunj toit  
poia.  
Ve muunj, itinja eval tiina taluplup ghiit pa  
sunjuunj ila Maaron rumei tooni loolo.

Eemon aazne, yo uzi gha umin koiag. \*

15 Maaron, koiagna lolozi ve ruum toozi, ene ivon  
pa ngar sasaghata naol.  
Upateenj zi pa mateegh, o poia.  
Naghe tileep matazi yaryaare ve tizila nugh to  
mateegha. \*

16 Tauvene yau aat napoi Maaron to iuul ghau.  
Yau nawatagh: Yoova pale igham mulin ghau  
pa patanjani tsiau.

17 Saawe isov, yau natanj raraini pa mbonjoozo,  
zegmatuugh, ve ravrav, ve navotia patanjani  
tsiau pani.

---

\* **55:14:** Mbo 41:9; Yo 13:18+      \* **55:15:** Muunj, saawe tau  
yes Israela tilaghaagh izi nugh nginaanja, tamtamon tol tizoor Mose  
tighe i irau ingin zi mako. Ezazi ene Kora, Datan, ve Abiram. Ngar  
toozi tawe igham Maaron aate yavyav. Tauvene igham taan ikaak,  
ve yesnja tamtamon toozi tisov titap tizila. Ra taan aavo ila ivool  
muul (Ughita Namba 16:1-34.) Njeer tau itoor mbounj tane igha  
Maaron igham ngar tauvene ivot pa koinja, o poia.

Ve i pale iloonj alinjag, ve iuul ghau.

18 Onoon, koiagna katini tilup zi tighe tigham malmal payau, ve titatan ghau.

Eemon Maaron pale ipas ghau ila nimazi, ve naleep poi.

19 I pale iloonj sunjuunj tsiau, ve itatan zi.

Pasaa, muunj geeg ve ilam, i ilepleep ila niia to ghamuunj pooz.

Ve itortoor ngar tooni mako.

Tauvene yes tau tiroi pani mako, ve ngar toozi iyaryaaj tighe tizoor i aliinja na, i pale itatan zi.

20 Etag tau muunj yeiru niluplup ghei na, ighita saveenj mbuaaj tooni imin kaut sorok.

Tauta ireu saveenj tooni, ve igham malmal pa zeetja tau muunj yesja lupuunj toozi eemon na.

21 Saveenj tooni, ene poia ve ngoreenja kat.

Eemon ila loolo, i ighe igham malmal.

Taloonj saveenj tooni tawe, ve taghe pa i ighe igham loloon poia.

Eemon mako. Saveenj tau ivot ila aavo na, injal tamtamon imin mbuzaagh.

22 Saa gabua ma patanjani tau ighe ivot payo na, ughur zi tila Yoova niima.

I pale ipariaaj ghom, ve ikis ghom uleep poi.

Pasaa, i maata injalngal zeran dudunjazi.

Irau ipul zi titap pa tovaaj eta ne mako. \*

---

\* 55:22: Mt 6:25+; Lu 12:22+; 1Pe 5:7

23 Eemon zeran karomņa, ve yes tau tilinjliņ siņ pa  
 tamtamon na,  
 Maaron, yo pale urav motin saawe toozi  
 tuuku,  
 ve usik zi tizila nugh to mateegha.  
 Ve yau, o nanumeer ghom naghe pale uul  
 ghau.

## 56

### *Sunjuuņ to tamtamon tau inumeer Maaron*

Mbounj to David

Mbounj tane iņarui saawe tau yes Pilistia tikis  
 David izi nugh Gat. Aliiņa tauvene: ‘Mbuun tau  
 ileep nugh malau ve ineneņ mon.’

1 O Maaron, yau besooņa tsio. Lolom isaghatin  
 ghau, ve uul ghau lak!  
 Pa koiagna tinanaan ghau ne.  
 Mboņ ve mataaz, tamtamon tizuari zi tighe le  
 titatan ghau.

2 Saawe isov, yes tau tiņgalņgal saveeņ payau ne,  
 tighamgham lilin ghau tighe tirav ghau na-  
 maat.  
 Yes tau tighamgham malmal payau ne, eval  
 kat.

3 Maaron, yo Maaron Tiina Tau Uliiv Zimaronņa  
 Tisov.  
 Saawe tau roin tiina igham ghau, yau aat  
 nanumeer ghom.

4 Yau napakur Maaron pa saveeņ mbuaaņ tooni,  
 ve naghur ila tooni ariaaņ.  
 Irau naroi mako.

Pasaa, tamtamon to taan tapirizi igheen sin-dei, lesó tivaghamun ghau? Mako. \*

<sup>5</sup> Saveenj tsiau, ene poia. Eemon saawe isov, ta mbonjoozo ila le ravrav izi, koiagna titortoor alinag muul imin saveenj saghati. Ve tiliil eez tigde le tivaghamun ghau.

<sup>6</sup> Tilup zi ve tipapadeu pa laghoonj tsiau, ve tisanjan tigde tirav ghau namaat. \*

<sup>7</sup> Maaron, puughu mindai ta upul zeran sasaghati tawe tileep? Uyat ngar toozi tawe lak! Utotoi aatyavyav tsio pazi, ve utatan zi, lesó tapirizi isov kat!

<sup>8</sup> Yo uwatagh: Yau nabaad patanani naol ve natanjan. Eemon patanani tsiau isov, yo ubood zi ila rau tsio wa. Ve naghe matag suuru paam, uwatoa ila yaa paatu tsio, ve ughuru igheen. Lesó matam ingalngal ngar ma patanani tau ivotvot payau ne.

<sup>9</sup> Maaron, yau nawatagh: Yo uvolvool tsiau. Tauvene saawe tau ighe natanj rarai ghom pa uleen, yo pale uul ghau, ve ugham koiagna titoor zi, ve tighau muul tila.

<sup>10-11</sup> Tauvene yau napakur Maaron pa saveenj mbuaan tooni, ve naghur ila tooni ariaan. Irau naroi mako.

---

\* **56:4:** Mbo 27:1, 118:6; Ro 8:31; Hib 13:6      \* **56:6:** Mk 3:6

Pasaa, tamtamon to taan tapirizi igheen sin-dei, lesó tivaghamun ghau? Mako. \*

12 Maaron, yau naghe naghám watoonraú payo itaghon saveen mbuaan tsiau.

Pasaa, yo uul ghau ve ugham lolog poia kat. Tauvene yau aat naghám watoonraú, ve napait ghom pa poia tsio.

13 Pasaa, yo ugham mulin ghau pa mateegh, ve uul ghau le naliiv koiagna.

Tauta yes irau tigham ghau natap mako.

Yo ugham tauvene, lesó naghilaal naghe yo uleep tomani ghau pa lepoogh ve laghoon tsiau, ve ghazona tsio isul ghau ve naleep poi.

## 57

*Maaron, utotoi tapirim ve poia tsio ivot ighazoonj*

Mbounj to David

Mbounj tane inarui saawe tau David ighau pa Saul, ve iyoon ila maet puura. Paesiinj ila pa neer tau imunmuun pa mbounj na tauvene: Mbounj tane aliinja, ene: 'Ureua sov.'

<sup>1</sup> O Maaron, yau besoonja tsio. Lolom isaghatin ghau ve uul ghau lak!

Yau nanarui ghom naghe nayoonj ilat tsio.

Upoon ghau imin tatareek ipagud natja ila baage saamba, le irau patanani tane isov.

Pa aazne, lepoogh tsiau, ene imin naleep ila uman ma yaghur tiina loolo.

\* 56:10-11: Mbo 27:1, 118:6; Ro 8:31; Hib 13:6

- 2 Yau natanj rarai Maaron Tiina Tau Iliiv Zimaronja Tisov na, naghe iuul ghau.  
Pasaa, ngar tooni ighurghur anooja. Saa ngar tau i ighe ivot payau, ene aat ivot.
- 3 I pale ileep izi sambam, ve igham uleenj payau, ve igham mulin ghau.  
Pale iyooz payau, ve itatan koiagna tau tinanaan ghau ne.  
Pasaa, i loolo isaghav tamtamon tooni ve iuluul zi, ve saawe isov itataghon saveenj mbuaanj tooni.
- 4 Koiagna tilivutin ghau wa.  
Yes timin laion tau luazi isaghat pa ghaniinj tamtamon.  
Livozi maata kat imin paneegh natja ve iiz.  
Ve yamazi paam, maata kat imin mbuzaagh to malmal.
- 5 Maaron, ugham ilaal eta ivot ila sambam saamba. Leso tamtamon tighita ve tighilaal ghom tigde yo ezam tiina kat.  
Ve utotoi tapirim ve poia tsio le irau taan isov paam!
- 6 Patanjani tane itatan ghau kat.  
Pasaa, koiagna tiraar puugh payau tigde tisaghav ghau.  
Ve titai puura ila eez tsiau, lesu natap nazila.  
Eemon mako. Tauzi titap tizila.
- 7 Maaron, lollog ruru payo mako.  
Lolog isaghav ghom ariaanj.  
Tavene yau aat nambou ve narav gita to napakur ghom.

- 8 Lolog ighur naghe nughitun, o naburig, ve nagharaat taug,  
ve narav ambam tsiau ve gita ila ila le aaz pisikia iza.
- 9 Tiina tsiau, yau aat napait ghom pa poia tsio ila tamtamon to nugh nugh matazi.  
Pale yeŋa tamtamon to nughmarin̄ nilup ghei pa suŋuun̄, ve nait mbounj to napait ghom.
- 10 O Yoova, yo lolom isaghav tamtamon tsio, ve uluul zi.  
Ngar tsio tana, ene tiina le tiina kat. Izala izala le ikis sambam.  
Ve ŋgar to taghoniin̄ saveeŋ mbuaaŋ tsio tau-vene paam. Izala le ikis taitai. \*
- 11 Maaron, ugham gabua eta ivot ila sambam saamba imin ilaal pa tamtamon. Leso tighita, ve tipait ezam izala le izala kat.  
Ve utotoi tapirim ve poia tsio irau taan isov!

## 58

*Neer ee ighason Maaron to ighur atuya pa yes daaba sasaghati*

Mbounj to David

Paesiin̄ ila pa ŋeer tau imun̄muun̄ pa mbounj na tauvene: Mbounj tane aliin̄a, ene: 'Ureua sov.'

1 Yam daaba, aloon̄. Ngar tau yam asasavia na, ene iduduun̄?

Ve isaav ighe agabiiz saveeŋ to tamtamon ve aghur atuya pazi, yam ataghon ŋgar duduun̄a? Mako kat!

---

\* 57:10: Mbo 36:5

- <sup>2</sup> Lolomim ariaan pa n̄gar saghati mon,  
ve avavaghamunia tamtamon irau nugh  
nugh.
- <sup>3</sup> Zeran sasaghati, saawe isov, tissor pa eez poia.  
Saawe tau tinaz̄na tipoop zi ve ilam, avozi  
karom, ve tissor pa Maaron eez tooni.
- <sup>4-5</sup> Saveen̄ tau ivotvot ila avozi na, ene ivav-  
aghamunia tamtamon imin moot saghati.  
Ve isaav ighe tatoova to tapaduduun̄ zi, ene  
irau tiloon̄ ghiit mako. Pasa, tipoon  
talin̄azi.  
Yes timin moot to malmal tau talin̄azi puura  
mako. Tauvene isaav ighe moot tawe  
taama iviv pirai, les̄o ighamu loolo poia ve  
imogheer, i irau iloon̄ pirai luutu mako.
- <sup>6</sup> O Maaron, zeran tawe timin laion paghpaaghu  
tau matazi ghamuun̄ malmal.  
Arav polpolin livozi, ve apas zi! Les̄o  
tivaghamun tamtamon sov.
- <sup>7</sup> Upasov zi gha tilalez, imin yaa tau ireer ila le  
imaak.  
Uvaghaaz zi ila aghem saamba imin tamta-  
mon tivaghaaz kikiliin̄ le igorgor.
- <sup>8</sup> Ugham zi timin golgool tau timaat ve timbuuz.  
Naghe timin geegeu tau tinaz̄na tipoop zi ve  
timin sin̄ mon.  
Irau tileep ve tighita aaz mako.
- <sup>9</sup> Maaron pale rekia mon in̄goor saawe toozi tuuku,  
imin gabua gorgori tau yav ighani rekia.



Aatyavyav tooni pale iza toozi, ve ipasov zi gha tilalez, imin pen tau yaghur ivuvuura ila.

<sup>10</sup> Isaav ighe tamtamon dudunazi tighita Maaron ighur atuya pa zeran sasaghati ve iyat ngar toozi, ene pale lolozi poia.

Zeran sasaghati sinj toozi pale ireer izi ve ipot izala taan paavo, ve tamtamon dudunazi tilaagh ila.

<sup>11</sup> Mako tamtamon tisaav tighe:

“Onoon kat, Maaron ilepleep, ve igagabiiz tamtamon to taan, ve ighurghur atuya pazi. Ve yes tau titaghon ngar duduunja na, i ighamgham lezi atuya popoia.” \*

## 59

### *Neer ee ighason Maaron to ipoona pa koiŋa*

Mbounj to David

Mbounj tane inarui saawe tau kinik Saul imbaan uraata tooni siriv tila ruum to David, to tipadeu pani ve tiravu imaat. Paesiin ila pa neer tau imunmuun pa mbounj na tauvene: Mbounj tane aliinja, ene: ‘Ureua sov.’

<sup>1</sup> Maaron tsiau, uul ghau ve upas ghau ila koiagna nimazi.

Ughur ghau nazaa saanja, ve matam payau. Leso koiagna tivaghamun ghau sov.

<sup>2</sup> Ugham mulin ghau, ve upas ghau ila zeran sasaghati tane nimazi.

Pa yes zeran to linjinj sinj.

---

\* **58:11:** Mbo 37:37; 2Tes 1:5+

- 3-4 Maaron, ughita! Yes tau tapirizi tiina na, tilup  
 zi ve tigham lilin ghau tigha tirav ghau na-  
 maat.  
 Yes lolozi isaghatin tamtamon mako.  
 Ve yau leg sosor eta mako.  
 Nazoor saveen eta mako, ve naghham njar  
 saghati eta mako.  
 Eemon aazne, tigharaat tauzi tigha tigham  
 malmal payau.  
 Maaron, uburig uvoov tsiau, ve ughit zi!
- 5 Yoova, yo Maaron saksakim ve ungin gabua naol  
 isov. Yo mon ta Maaron to Israel.  
 Yes nugh nugh tau aazne tighur koi payau ne,  
 muun lupuun tsiei eemon. Ve aazne tighur  
 koi payau.  
 Uburig ve ughur atuya pazi.  
 Ughurghur zi sov! Pa yes zeran sasaghatizi,  
 ve avozi karom.
- 6 Ravrav ta naol ne, koiagna tilamlam, ve tilagh-  
 laagh ila nugh loolo.  
 Tinjan maripazi ve lolozi nurnuria imin  
 ngavuun tau ighe ighan tamtamon.
- 7 Ughita. Saveen sasaghati mon ta ivotvot ila  
 avozi.  
 Yamazi, ene imin mbuzaagh maata.  
 Ve tisavsav tigha: “Sei pale iloon ghei?”
- 8 Eemon Yoova, yo ughit zi, ve unin pazi.  
 Yes nugh nugh tau tiwatagh ghom mako na,  
 yo uvelegh zi ve ughe tirau saa?
- 9 Maaron, yau naghhamgham tapirig ilat tsio.  
 Tauvene naghurghur matag payo, ve  
 nasasan mon.

Koiagna irau tigham gabua eta payau mako.  
Pasaa, yo uponpoon ghau pazi imin mae-  
taaz tau izala kat.

10 Maaron tsiau, yo lolom isaghav tamtamon tsio  
ve uluul zi.

Yo aat ulam tomani ghau, ve utatan koiagna,  
ve naghita pa taug matag.

11 Eemon urav zi timaat rekia sov.

Upul zi tileep toman patanani. Leso tamtamon  
tsiau matazi kisin ngar tsio tau ughurghur  
atuya pa zeran sasaghatizi.

Maaron, yo umin sigheu payei.

Utatan zi pa tapirim le tivaghamgham, ve  
ureu zi le timbiriis tilalez lez.

12 Pa saveenj tau ivotvot ila avozi na, poia mako.  
Monmon avozi isosor.

Yes tighamgham karom pa tamtamon, ve  
tisiksik saveenj sasaghati naol pazi.

Eemon ngar toozi tau tipapait tauzi ve tivelegh  
ghom, ene pale imin liis pazi.

13 Tauvene utotoi aatyavyav tsio pazi, ve  
uvaghamun zi.

Maaron, upasov zi le tisov kat.

Leso tamtamon irau taan ziige ta naol ne,  
tighilal ghom tighe yo ughamgham pooz  
pa yei tau Yakop paaghu tooni ne.

14 Ravrav ta naol ne, koiagna tilamlam, ve tilagh-  
laagh ila nugh loolo.

Tinjaan maripazi, ve lolozi nurnuria imin  
ngavuun tau ighe ighan tamtamon.

- 15 Yes timin ngavuun tau tilaghlaagh ve tiliil aniinj.  
Ve isaav ighe tighan irao mako, ene aat tino-  
knok tanjiz.
- 16 Eemon yau aat nambou, ve napait ezam pa  
tapirim tiina.  
Mbonjoozo ta naol ne, yau aat nambou ve na-  
pait ghom pa ngar tsio tau lolom isaghav  
tamtamon tsio ve uluul zi.  
Pasaa, yo uponpoon ghau imin maetaaz tau  
izala kat.  
Isaav ighe patanjani ivot payau, yo pale umin  
didiinj ariaanja payau, lesa nayoonj ila.
- 17 Maaron, yau naghhamgham tapirig ilat tsio. Tau-  
vene nambou ve napait ezam.  
Maaron tsiau, yo uponpoon ghau imin mae-  
taaz tau izala kat.  
Ve yo lolom isaghav ghau, ve uluul ghau irau  
saawe.

## 60

*Neer ee ighason Maaron ighe maata imuul ila pa  
tamtamon tooni*

Mbounj to David

Timbou mbounj tane to tipaduduunj tamtamon.  
Mbounj tane injarui saawe tau David yesja yes  
Aramea, ve Mesopotamia, ve yes Soba tigham  
malmal, ve Yoab imuul ila ve irav yes Edoma  
12,000 izi nugh duduunja tau sol ighéen ila.

- <sup>1</sup> Maaron, yo atem yavyav payei, ve ughur murim  
payei.  
Tauta koiamaanja tireu mbirisai didiinj ariaanja  
tau ilivut nugh tsiei ne, ve tilonj tilam.  
Tiina tsiei, matam imuul ilam payei, ve  
ugham lepoogh tsiei poia muul.

- <sup>2</sup> Malmal tau ivot ne, ene imin ugham taan tsiei irur le ivavaal, ve aavo ikaak.  
Nugh tsiei isaghat wa.  
Tauvene nitanj rarai ghom nighe ugharaat mulin nugh tsiei. Mako pale nisaghat le nisaghat kat.
- <sup>3</sup> Yei tamtamon tsio. Eemon yo ugham patanjani tiina kat ivot payei. Nighita saawe tane saghati kat.  
Aatyavyav tsio izaa tsiei, le igham ghei ni-vaghamgham imin upaghun ghei pa yaa ariaaŋa.
- <sup>4</sup> Saawe tau saghatiinj tane ighe ivot payei, yo utotoi pilak tsio pa yei tau niroi payo ve nitaghon ngar tsio.  
Leso niŋarui ghom nilat, ve upoon ghei pa koiamainja.
- <sup>5</sup> Maaron, yei niwatagh: Yo lolom igheen tsiei kat.  
Uloonj sunjunnj tsiei tane, ve utotoi tapirim ve uul ghei.  
Ugham mulin ghei pa patanjani tane.
- <sup>6</sup> Muunj, Maaron ileep nugh tooni patabuyaanj, ve isaav ighe:  
“Yau naparav le naliiv koiagna wa.  
Tauta tintinig ve navalagh taan Sekem ve nugh duduunja to Sukot, ve nareii irau tam-tamon tsiau.
- <sup>7</sup> Taan sirivu to Gileat, ve taan to yes Manase paam, ene yau tsiau.  
Rumei to yes Epraima timin hat ariaaŋa to napoon dabag pa malmal.

Ve rumei to yes Yuda timin titi tau nakisi imin  
ilaal pa pooz tsiau.

<sup>8</sup> Taan sirivu to yes Moapa, ene imin oon tsiau to  
ririwaan.

Ve taan sirivu to yes Edoma, ene nugh tau  
nasik zuzuunja to agheg izala.

Ve yes Pilistia, yau naparav tomani zi le naliiv  
zi. Tauta tintinig ve nasir.”

<sup>9</sup> Sei irau igham ghau naliiv koiagna ve nalonj nala  
nugh toozi tau didiin ariana ilivuti na?

Sei pale imuunj payau, ve igherev ghau nala  
navot taan sirivu to yes Edoma?

Ite paam mako. Yo mon.

<sup>10</sup> Eemon Maaron, aazne yo ughur murim payei,  
ve upaak zaaba tsiei muul mako.

<sup>11</sup> Maaron, uul ghei, leso niliiv koiamaia.

Pa uleenj tau nighamghamu ila to tamtamon,  
ene irao mako. Ene kaut sorok.

<sup>12</sup> Eemon isaav ighe Maaron ilam tomani ghei, ene  
aat niliiv zi.

I irau itatan zi le tapirizi isov kat.

## 61

### *Sunjuunj to neer ee tau ileep malau pa nugh tooni*

Mbounj to David

Neer tau imuunj pa mbounj na, aat isaav pa tamta-  
mon to tirav gita ve timbou mbounj tane

<sup>1</sup> O Maaron, uloonj tanjiiz tsiau.

Ughur talinam pa sunjuunj tsiau tane, ve uul  
ghau.

- <sup>2</sup> Pa aazne, yau naleep malau kat pa nugh tsiau,  
ve roinj tiina igham ghau le tapirig isov.  
Tauvene napoi ghom naghe uul ghau.  
Ugham ghau nazala maetaaz ta saanja we. \*
- Leso gabua eta ivaghamun ghau sov, ve naleep poia.
- <sup>3</sup> Pa yo ta umin niag to yonjaan.  
Yo uponpoon ghau pa koiagna imin ruum ariajaan tau daaba malaua na.
- <sup>4</sup> Yau nanjuuv naghe le naleep ila balbaal tsio loolo, ve namin loom payo irau saawe.  
Yau naghe natal tsio ve upoon ghau imin tata-reek ipagud natja ila baage saamba.
- <sup>5</sup> Maaron, saveen tau nambua tomani ghom na, yo uloon wa.  
Yes tau tiroi payo ve titaghon ngar tsio na, yo ughamgham gabua popoia pazi imin lezi motot. Gabua tawe, yo ugham payau paam.
- <sup>6</sup> O Maaron, useen saawe to kinik tsiei.  
Nighe i ileep tauvene taghon taghon gha ila.
- <sup>7</sup> Nighe i ileep ila niia to ghamuun pooz ila naghom, ve igham pooz irau saawe.  
Yo lolom isaghav tamtamon tsio ariiaan ve uluul zi. Ve saawe isov, utataghon saveen mbuaan tsio.  
Tauvene matam pa kinik tsiei, ve unjini ileep poi. \*

---

\* **61:2:** Ngara siriv tighe maetaaz tau neer tane isavia, ene loloz Zion tau rumei to Maaron iyooz izala na. Ve siriv tighe maetaaz tawe iza to Maaron tauu. \* **61:7:** Lu 22:69; Ep 1:20

- <sup>8</sup> Isaav ighe yo ugham tauvene, yau aat nambou to napait ezam irau saawe.  
 Ve mataaz ta naol ne, yau pale naghham uratoi saveenj tau nambua tomani ghom na, lesa anoonja ivot.

## 62

### *Sunjuunj to neer tau ighur ila to Maaron ariaan*

Mbounj to David

Timbou mbounj tane itaghon ngar to Yedutun, i neer tau imunjuun pa mbounj

- <sup>1</sup> Yau lolog bubu mako. Ateg izi, ve nasaan Maaron to iuul ghau.  
 Pasaa, yau nawatagh: I mon ta irau igham mulin ghau pa patajani tsiau.

- <sup>2</sup> Onoon kat, i mon ta Uleenja tsiau ariaanja.  
 I iponpoon ghau imin maetaaz tau izala kat, ve imin ruum ariaanja to nayoony ila loolo.  
 Tauvene gabua eta irau ivaghmun ghau mako.

- <sup>3</sup> Yam tau aghe avaghmun ghau ne, neez o apul ngar tsiam saghati tana?  
 Yam asov azuari gham pa ravuunj ghau pasaa?  
 Aghita. Tapirig isov wa. Yau namin olol munjaana tau puughu imbuuz ve ighe imatit.

- <sup>4</sup> Yau leg ezag. Tauta ireu lolomim ve azuari gham aghe atatan ghau nazi.  
 Yam zeran to karom kat! Agham karom, o lolomim poia.



- Yam asavsav ila avomim uuli aghe Maaron  
ighur poia tooni iza tsiau.  
Ve lolomim, aghe Maaron ivaghamun ghau.
- <sup>5</sup> Eemon yau lolog bubu mako. Ateg izi ve nasaŋan  
Maaron to iuul ghau.  
Yau naghurghur matag pani mon.
- <sup>6</sup> Onoon kat, i mon ta Uleeŋa tsiau.  
I iponpoon ghau pa koiagŋa imin maetaaz tau  
izala kat,  
ve imin ruum ariaaŋa to nayoŋ ila loolo.  
Taufene gabua eta irau igham ghau narur ne  
mako.
- <sup>7</sup> Yau nanumeer Maaron naghe i pale igham mulin  
ghau pa patanani tsiau,  
ve igham ezag ivot imin tiina.  
Irau naroi mako. Pasaa, i ta imin niag to  
yongaan,  
ve iponpoon ghau imin maetaaz ariaaŋa.
- <sup>8</sup> Yam tamtamon to Maaron, anumeera irau  
saawe.  
Avotia lolomim pani, ve asavia patanani tsiam  
isov ila tooni.  
Pa i ta imin niaan to yongaan.
- <sup>9</sup> Tamtamon tisov timin kaut sorok.  
Yes tau lezi ezazi mako, ve yes tau ezazi tinti-  
ina na paam. Tileep rigmon ve tisov, imin  
avuvuun tau ivotvot ila avoon ne.  
Irau tanumeer zi mako.  
Isaav ighe tagabiiz zi poi, ene tirau gabua eta  
mako.  
Pasaa, tomania uraat ve gabua toozi rekia  
mon tilalez imin avuvuun tau ivotvot ila  
avoon ne.

- 10 Tauvene ngar to ghamuuj malmal leso tayau leen gabua to tamtamon, anumeera sov.  
 Ve ngar to umbuuj paam, aghur matamim pani to igham gham aleep poia na sov.  
 Ve isaav igha maet ma kuaz tsiam ivot imin naol, na aghur lolomim pani sov. \*
- 11 Saawe naol, yau naloonj Maaron isaav igha i mon ta le tapiri tiina.
- 12 Tiina tsiei, yo lolom isaghav tamtamon tsio ve uluul zi irau saawe.  
 Ve yo ughurghur atuya pa tamtamon tisov itaghon ngar toz toz. \*

## 63

### *Sunjuuj to neer tau ipasawal igha ileep igharau Maaron*

Mbounj to David

Mbounj tane injarui saawe tau David ileep izi nugh nginaanja to Yudea

<sup>1</sup> O Maaron, yo Maaron tsiau.

Mbonjoozo geeg, sunjuuj tsiau injarui ghom naghe ulam uleep zigege.

Yau napasawal naghe le nalat nagharau ghom, o poi.

Pasaa, aazne naleep soghan payo.

Yau lolog payo kat, imin neer tau ilaghlaagh ila nugh tau le yaa mako na, ve murun matini.

\*

---

\* **62:10:** Lu 12:16+; 1Tim 6:6, 17      \* **62:12:** Mt 16:27; Ro 2:6;  
 1Kor 3:8; 2Kor 5:10; Syg 22:12      \* **63:1:** Mbo 42:2, 84:2

- <sup>2</sup> Pasaa, matag ingal imuul ila pa saawe tau naghit ghom ila rumei tsio patabuyaanj loolo, ve naghit katin tapirim tomania mbonarim.
- <sup>3</sup> Lepoghag to taan, ene poia. Eemon naghita naghe ngar to lolom isaghav tamtamon tsio ve uluul zi, ene gabua tau poia le poia kat. Tauvene yau aat nayoore ezam ve napait ghom.
- <sup>4</sup> Pale napait ezam pa poia tsio ila ila le lepoogh tsiau to taan isov.  
Pale nait nimag iza, ve nasun payo.
- <sup>5</sup> Pasaa, yo ugham lolog poia kat, imin naleep ila ghanghaniinj, ve naghan aniinj tau poia ve ngoreenja kat le isoonj ghau kat.  
Tauta lolog poia kat, ve nambou mbounj to napait ghom. \*
- <sup>6</sup> Saawe tau nazi nagheen, matag ingalngal ghom.  
Naghamgham ngar payo mbonj ila le nughizau.
- <sup>7</sup> Pasaa, yo ta Uleenja tsiau.  
Yau naleep poi ila nimam saamba imin tata-reek natja tiyoonj ila baage saamba.  
Tauta namboubou toman tintinig.
- <sup>8</sup> Yau lolog isaghav ghom kat,  
ve nimam tapir ipapalot ghau.
- <sup>9</sup> Yes tau tizuari zi pa ravuunj ghau namaat na,  
tauzi pale timaat ve tizila nugh to mateegha.

---

\* 63:5: Mbo 23:5+; Mt 5:6

- 10 Pale mbuzaagh ighan zi gha timatmaat,  
ve ngavuun sagsagna tighan patazi.
- 11 Eemon kinik tsiei, Maaron pale iuule ve ighamu  
loolo poia kat.  
Ve tamtamon tisov tau tiwaat Maaron eeza to  
tipariaan saveen mbuaan toozi ve titaghoni  
na, yes paam pale tipait Maaron eeza pa  
tapiri ve poia tooni.  
Eemon yes tau avozi karom na, Maaron pale  
ipoon avozi.

## 64

### *Neer ee ighason Maaron to ipoona pa koiņa*

Mbounj to David

- 1 O Maaron, yau nataņ rari ghom naghe uul ghau.  
Uloonj aliņag tane, ve upoon ghau pa koiagna.  
Pasaa, yes tigham ghau naroi kat.
- 2 Zeran sasaghati tilup zi ve tiliil eez to  
tivaghamun ghau.  
Upaghau ghau pazi: Mako pale tivaghamun  
ghau.
- 3 Saveenj tau tisiksiki payau ne, poia mako.  
Yamazi, ene imin mbuzaagh tau tipoti le  
maata kat.  
Saveenj tau tingalņgali payau ne, ene imin pa-  
neegh natņa tau tikum gabua lilia ila.
- 4 Yes tiyonņoon, ve tيسانان yes tau lezi sosor  
mako na.  
Ve saawe tau tilam peria, mako rekia ve  
tivanegh zi.  
Pasaa, yes tiroi pa gabua eta mako.

- 5 Yes tipapazaagh tauzi pa ghamuuj ngar sasaghati.  
Ve tivasavo zi pa nugh sindei tau pale tingooz liis toozi pani ve tisaghav tamtamon. Ve tigde:  
“Ngar tau taghe taghamu ne, sei pale iwataghi?”
- 6 Yes tiil eez pa ngar saghati tau tigde tighamu, ve tipait tauzi tigde:  
“Yei nirau kat pa ngar! Tauvene ngar to nighe nighamu, ene pale ighur.”  
Oyai, iit tamtamon, tangooz ngar sasaghati naol ila loloon!
- 7 Eemon Maaron pale ivanegh zi pa paneegh tooni natja.  
Pale rekia mon ve ivaghamun zi.
- 8 Saveenj sasaghati tau ivotvot ila avozi, ene pale imuul pa tauzi ve ivaghamun zi.  
Ngar tau Maaron pale igham pazi na, pale tamtamon tighita, ve tililiit dabazi pazi ve tivelegh zi.
- 9 Ngar tau Maaron igham pazi na, ene pale igham tamtamon tisov tiroi, ve tigham ngar tiina pani, ve tisavia vaaru.
- 10 Tauvene zeran duduñazi pale lolozu poia pa Yoova, ve tiyoon ila tooni.  
Yes tau ngar duduña igheen ariaañ ila lolozu na, pale tipaiti toman tintinizi.

## 65

*Yes Israela tipait Maaron pa uman ve mariri poia*

Mbounj to David

<sup>1</sup> Maaron, yei pale nilat nugh Zion ve nipait ghom, ve nigham uratoi saveeņ tau nimbua tomani ghom. Ngar tauvene, ene iduduņ.

<sup>2</sup> Pasaa, yo ulonloņ suņuuņ to tamtamon ve uluul zi.

Tamtamon tisov to taan aat tilat tilup zi ila naghom, ve tipait ghom.

<sup>3</sup> Ighe ngar to zoraan saveeņ ve ngar sasaghati ikau ghei ve itatan ghei kat, yo ureu sosor tsiei. \*

<sup>4</sup> Yes tau yo usiigh zi timin lem, ve ugham zi tilat tileep tigharau ghom ila sirsiir to rumei tsio loolo, ene pale lolozu poia kat ve poia tsio izazaa toozi.

Yei nighe le nileep ila sirsiir to rumei tsio patabuyaan loolo.

Pasaa, rumei tsio, ene ivon pa gabua popoia naol.

Tauvene saawe tau nileep sewe, ene igham ghei lolomai poia le poia kat, ve niyamaan nighe nirao wa.

<sup>5</sup> O Maaron, yo Uleeņa tsiei.

Yo ulonloņ suņuuņ tsiei, ve ughamgham uraat ngeretazi tintiina. Tamtamon tighit zi le tiroi.

Ugham mulin ghei itaghon ngar tsio duduņa.

---

\* 65:3: Ro 3:25, 5:8

Tamtamon tau tileep irau taan tiina ve yes tau tileep irau sisi paam, tisov tinumeer ghom ve tighurghur matazi payo pa uleej.

<sup>6</sup> Tapirim ilivut ghom imin nonoghiinja tsio.  
Ila yo tapirim, ugham loloz tisov tivot, ve tiyooz tunja ila niazi niazi.

<sup>7</sup> Isaav ighe te isaghat, ve dibom ipolpol toman luutu tiina, yo irau ughamu aate izi.  
Ve tamtamon tauvene paam. Isaav ighe tipaburigin malmal toman oroor tiina, yo irau upasov malmal toozi, ve ugham zi atezi izi.

<sup>8</sup> Tamtamon tau tileep irau taan ziige ta naol ne, tighita gabua ngeretazi tintiina tau yo ughamgham zi na, le roinj tiina igham zi.  
Yes tau tileep ila pa aaz iza, ve yes tau tileep ila pa aaz izila na paam, yo ugham zi loloz poia kat. Tauvene tiyoor ezam toman alinjazi tiina.

<sup>9</sup> Yo ta unjin taan, ve ugham uman izizi, lesa taan ibees.  
Ve yo ta ugham taan ngoreenja tiina ivotvot.  
Yaa to Maaron, ene ivon ve irereer tauvene.  
Irau imaak mako.  
Yo ugharaat taan itaghon taum ngar tsio. Lesa aninj katini ivot pa tamtamon.

<sup>10</sup> Yo ugham uman izizi, lesa ser ibees, ve aninj anooja katini ivotvot.  
Yo ututur taan le ibees kat.

Ve poia tsio, tauta igham aniin itum poi iza.  
\*

- 11 Yo poiam kat. Pasaa, ndaman tane, ugham mariri tiina ivot payei.  
Aniin tau itum ila uum tsiei, ene ipaboode imin moghar ndamoonda to yes kinik.  
Nugh sindei tau ighe yo ula pani, ene gabua popoia katini tivotvot. \*
- 12 Yo ugham kikiliin popoia titum ila nugh nginaanja, lesu ngai maata maata tighan.  
Ve uum popoia tau tigheen izala loloz na, ene upabood zi le paghunazi kat. Tauta loloz ta naol ne loloz poia ve tintinizi.
- 13 Nugh tau kikiliin igheen ila na, makau ve sipsip tivon ila.  
Ve aniin katini titumtum ila nugh raapa.  
Tauvene tamtamon loloz poia, ve timbou ve tiyoor ezam toman alinjazi tiina.

## 66

*Tamtamon to Maaron tipaiti pa uraat tooni tin-tiina*

<sup>1</sup> Yam tau aleep irau taan isov na, lolomim poia pa Maaron, ve ayoor eeza toman alinjamim tiina.

<sup>2</sup> Ambou ve apait eeza pa tapiri ve poia tooni.  
Apakuru kat, pa i eeza tiina.

---

\* 65:10: Mbanj 14:17      \* 65:11: Mbo 67:6



- <sup>3</sup> Asaav pa Maaron aghe: “Uraat tintiina tau yo ughamgham zi na, tamtamon tighit zi le tiroi.  
Pasaa, tapirim tiina le tiina kat.  
Tauta koiamña tiroi payo kat, ve tiput aghezi ila naghom, ve titanj rarai ghom tighe lolom isaghatin zi.
- <sup>4</sup> Ve yes mon mako. Tamtamon tau tileep irau taan isov, pale tiput aghezi payo, ve timbou ve tipakur ghom.  
Loloji poia kat ve timbou to tipait ezam.”
- <sup>5</sup> Alam aghita uraat tau Maaron ighamu na.  
I igham uraat tintiina to iuul tamtamon.  
Uraat tawe itotoi katin tapiri. Tauta tamtamon tighita, le roinj tiina igham zi.
- <sup>6</sup> Muunj, i ivalagh te le sirivu ila pa ñas, sirivu ila pa tapir, ve taan mamaasa ivot.  
Tauta timbuunña tilaagh taghoni, ve tila tivool pa ziige ite.  
Tauvene iit loloon poia ve tintiniin pa ñgar tau i igham pazi ta sewe. \*
- <sup>7</sup> I tapiri tiina kat. Pale igham pooz taghon taghon gha ila.  
Saawe isov, i maata pa tamtamon to nugh-marinj, ve igagabiiz zi.  
Tauvene yam to zoraanj saveenj, azoor pooz tooni muul sov. Aleep ila i saamba. \*
- <sup>8</sup> Yam nugh nugh, apait Maaron tsiei pa poia tooni.

---

\* 66:6: Igham 14:22      \* 66:7: Igham 15:18

Apakuru toman alinamim tiina, leso tamtamon tiloonj paitoonj tsiam.

- <sup>9</sup> Pa i ta ikiskis ghiit taleep mataan yaryaare.  
Ve i injinginj gin ghiit, tauta tatap mako, ve tay-ooz tunja.
- <sup>10</sup> Onoon kat, Maaron yo utoov ghei pa patanani siriv to ugham ghei ningalaan ila yo matam, imin silva tau tighuru ila yav, leso yav ighani gha muun ighau, ve injalaan kat. \*
- <sup>11</sup> Yo ugham ghei nighoon ila puugh tsio, ve ughur patanani tiina kat iza tsiei.
- <sup>12</sup> Yo upul koiamainja tiliiv ghei, ve karis toozi to malmal tilaan izala pavomai.  
Patanani tsiei, ene imin nilaagh ila yav tau ighanghan na loolo, ve nilaagh ila yaa tau ivon le tapiri tiina.  
Eemon yo upas ghei nivot pa patanani tsiei, ve ugham ghei nileep poia, ve nirau kat pa gabua naol. \*
- <sup>13-14</sup> Saawe tau naleep ila patanani loolo, yau nasaav payo naghe: “Isaav ighe yo uul ghau, yau aat naghham watoonrau payo.”  
Tauta aazne, nataghon saveen mbuaan tsiau tana, ve nalam rumei tsio naghe naghur watoonrau tsiau izala artaal, leso yav ighan dodolini.

---

\* **66:10:** Yems 1:2+; 1Pe 1:7      \* **66:12:** Is 43:2

- 15 Yau aat naghham gabua tumbunazi, ve narav zi timin watoonrau payo, ve yav ighan zi le tisov.  
Yav pale ighan sipsip tsiau zitamoot, ve vazizi poia izalat payo.  
Ve tane mon mako. Pale naghham watoonrau pa makau ve mekmek paam.
- 16 Yam tau aroi pa Maaron ve ataghon ngar tooni na, asov alam ve aloon saveen tsiau tane.  
Yau naghe navotia uraat tiina tau i igham payau.
- 17 Yau natan raraini pa uleenj,  
ve avog ipaiti paam.
- 18 Saawe tana, imin ta nakis ngar saghati eta igheen ila lolog,  
kananj Neer Tiina irau iloon sunjuun tsiau mako.\*
- 19 Eemon i ighur taliinja payau,  
ve iloon sunjuun tsiau.
- 20 Tauta napait Maaron pa poia tooni.  
Pasaa, i imbuzir pa sunjuun tsiau mako, ve ipas poia tooni payau mako.  
Ngar tooni tau lolo isaghav tamtamon tooni ve iuluul zi, tauta itotoia payau.

---

\* **66:18:** Yo 9:31; Yems 4:3; 1Yo 3:22

## 67

*Yes Israela tipait Maaron pa mariri tau i igham pazi*

Neer tau imuun pa mbounj na, aat isaav pa tamtamon to tirav gita ve timbou mbounj tane. Timbou mbounj tane to tapakur Maaron

<sup>1</sup> Maaron igham poghani ghiit ve ighur poia tooni iza toit.

I pale loolo poia pait, ve ghazonja tooni isul ghiit. \*

<sup>2</sup> Leso tamtamon tau tileep irau taan na tiwatagh ngar tooni,

ve nughmarinj tighilaalo tighe i mon ta irau igham mulin zi. \*

<sup>3</sup> Maaron, nighe tamtamon to nugh nugh tipakur ghom.

Nughmarinj tipait ezam, o poi!

<sup>4</sup> Nighe tamtamon to nugh nugh lolozi poia ve timbou toman tintinizi to tipakur ghom.

Pasaa, yo ugagabiiz tamtamon, ve ughagharaat patanjani toozi itaghon ngar duduunja.

Ve yo ta ughamgham pooz pa nughmarinj tau tileep irau taan isov.

<sup>5</sup> Maaron, nighe tamtamon to nugh nugh tipakur ghom.

Nughmarinj tipait ezam, o poi!

<sup>6</sup> Mariri poia ivot ila taan toit wa.

---

\* **67:1:** Nam 6:24+      \* **67:2:** Tit 2:11

Poia to Maaron toit pale igheen tomani ghiit  
tauvene taghon taghon gha ila. \*

<sup>7</sup> Onoon kat, Maaron ighur poia tooni iza a toit.  
Leso tamtamon tau tileep irau taan ziige ta  
naol ne tiroi pani, ve titaghon ngar tooni. \*

## 68

*Maaron, i Uleenja ariaanja to tamtamon tooni*

Mbounj to David

<sup>1</sup> Maaron aat iburig ve ireu mbirisai koinja.  
Yes tau tighur koi pani, i pale iziir zi tighau pa  
naagho.

<sup>2</sup> I aat ipasov zi le tisov kat, imin yav mbuasa tau  
iza a, ve yaghur ivuvuura gha ilale.  
Isaav ighe zeran sasaghati tileep ila Maaron  
naagho, i pale ivaghamun zi gha tilalez,  
imin bagil tau igheen igharau yav ziige, ve yav  
ighamu ireer ila, le isov.

<sup>3</sup> Eemon zeran dudunazi, yes pale lolozu poia kat.  
Pale tileep ila Maaron naagho, ve tiyoor eeza  
toman tintinzi.

<sup>4</sup> Ambou pa Maaron. Ambou ve apait eeza, ve  
agharaat eez pani.  
I Neer tau ileep ila taitai paavo, ve ilandoova.  
I eeza Yoova.

Alup gham ila naagho, ve tintinmim pani. \*

<sup>5</sup> Maaron ileep ila niia patabuyaanj, ve injinjin  
yes paroonja imin tamazi.

---

\* **67:6:** Mbo 65:11    \* **67:7:** Mt 28:19; Syg 7:9    \* **68:4:** Igham  
19:16; Mbo 18:10+; Mt 26:64

I involvool to yes zinaara ve iyozyooz pazi. \*

<sup>6</sup> Yes tau zigazi tileep, ene pale Maaron igham tamtamon siriv timin zetazña, lesó yesña tilup zi ve tileep.

Ve yes tau koiazña tizeev zi sorok tilonj tila ruum to yavyavuunj na, i ipaspas zi tivot, ve imuunj pazi, ve ighegherev zi tila, lesó tigham lepoogh poia.

Tauvene yes timbou toman tintinizi, ve titaghoni gha tila.

Eemon yes tau tighamgham taliinjizi na, pale tileep saghat ila taan gorgori tau le yaa mako na.

<sup>7-8</sup> Maaron, saawe tau yo umuunj pa tamtamon tsio Israela, ve yamña alaagh izi nugh nginaaña na,

yogyoog itok taan, ve uman tiina itap sambam saamba gha izi.

Maaron to Israel, nugh tsio to ghamuunj pooz, ene loloz Sinai. Yo utotoi taum uvot ughazoonj ta sewe. \*

<sup>9</sup> Maaron, taan tau yo ugham pa tamtamon tsio na, isaav ighe aaz tiina ve igorgor,

na yo ughamgham uman tiina izizi to ipabees taan, lesó gabua titum muul.

<sup>10</sup> Tamtamon tsio tigham taan tane imin lezi nugh to lepoogh.

---

\* **68:5:** Igham 22:22+; Mbo 10:14, 146:7+  
19:16+

\* **68:7-8:** Igham

Yei mbolaan̄a. Lemai gabua eta mako. Eemon  
Maaron, yo poia puughu.

Tauta ugham taan tane payei, lesu iuul ghei.

11 Neer Tiina ivotia malmal vaaru ighe i iliiv koin̄a  
wa.

Tauvene zilivaa eval tilaan tila, ve tibobaini  
tighe:

12 “Ou aloonj! Yes kinik tomania zaaba toozi tila  
wa. Tisov tighawaar wa!

Tauta zaaba toit tiyau gabua to koiaan̄a  
tilam, ve tigham pa zilivaa tau tileep nughei  
we, lesu tivarei zi.

13 Zilivaa tsiei tipabood zi pa silva ma gol le paghu-  
nazi kat, imin mbunumoor tau tigharaata  
pa silva, ve tipaak gol milmilia ila baage.

Puughu mindai ta yam siriv ala pa malmal  
mako, ve aleep sorok nughei tomania sip-  
sip?”

14 Saawe tau Maaron saksaki ireu mbirisai yes  
kinik,

i igham ais paatu paatu titaptap tizi ila loloz  
Zalmon. Tauta inaan zi gha tighawaar.

15 Loloz to nugh Basan, ene tiina ve daaba izala  
kat, ve le mbua ve sapsapu katini.

Daaba izala kat, tauta i le eeza.

16 Loloz to nugh Basan, yo lem mbua naol. Puughu  
mindai ta ughita Maaron igham loloz Zion  
imin niia to lepoogh, ve ireu lolom? Tauta  
lolom isaghat pani ne?

Onoon kat, i pale ileep izi loloz tane taghon taghon gha ila.

17 Neer Tiina ipul loloz Sinai, ve ilaagh tomania karis tooni ndiḡndiḡ ndiḡndiḡ to malmal, le tila tivot niia patabuyaaj ta Zion we.

18 Maaron, yo ugherev koiamḡa katini tau uliiv zi na, gha titaghon ghom ve yamḡa azala loloz tsio daaba ta saaja we.

Tamtamon tigham lem gabua popoia maata maata.

Yes tau tizorzoor aliḡam na paam, tiput aghezi payo, ve tigham lem gabua.

Onoon kat, Maaron toit Yoova, monmon i ilepleep izi loloz tooni tane. \*

19 Tapait Neer Tiina pa poia tooni!

Saawe isov, i iuluul ghiit pa badooḡ patañani toit.

Maaron toit, i Maaron tau ighamgham mulin ghiit pa patañani toit. \*

20 Maaron toit, i Maaron to uleeḡ.

Onoon kat, Maaron toit Yoova, i ighamgham mulin ghiit. Tauta tamaat mako, ve taleep poi. \*

21 Maaron pale irav valaghin koiḡa dabazi.

Yes tau titaghon eez saghati ve tighamgham sosor na, i pale irav mbirisai dabazi rubrubu, le tisov timataar.

---

\* **68:18:** Ep 4:8 \* **68:19:** Mbo 81:6; 2Kor 1:4+ \* **68:20:** Mbo 56:13; 1Kor 15:51+; 1Tes 4:13+; Syg 1:18



- 22 Neer Tiina isaav ighe: “Koiagna irau tighau mako.  
Isaav ighe tileep izi loloz to nugh Basan, ma tileep siina kat izila mazavan,  
ene aat naghama zi tisov timuul tilam.
- 23 Sinjizi pale ireer izi, ve ipot ila taan paavo, leso awai ila.  
Ve ngavuun tsiam pale tighunu, le isoon zi.”
- 24 Maaron, yo kinik tsiau.  
Yo uliiv koiamna wa.  
Tauta aazne, ulam toman lolom poia, ve ulon ula rumei tsio patabuyaang ila eval tiina matazi.  
Yo umuun, ve tamtamon tsio titaghon ghom gha yamna alon ala.
- 25 Yes to mbounj timuun,  
ve zilivaa paghpaaghu tau titoktok kakaap na titaghon zi.  
Ve yes to ravuun ambam, ve vivuun mboi ve tavuur ma gabua siriv paam tilaagh murei.
- 26 Yam Israela tau avot ila to Yakop na, alup gham ila Maaron naagho ve apaiti pa poia tooni.  
Yam asov apait Yoova eeza!
- 27 Aghita. Rumei to Benjamin tau eval mako na, timuun.  
Mako yes daaba to Yuda tomania tamtamon toozi titaghon zi.  
Ve yes daaba to Sebulun ve Naptali tilaagh murei.

- 28 Maaron, yo usaav ariaan pataghaan ughe yei Israela aat lemai tapirimai tiina ve niyooz ariaan.  
Utotoi tapirim payei muul, imin muun utotoia payei.
- 29 Yes kinik to taan pale tilam tivot Yerusalem, ve tigham lem gabua popoia ilonj ila rumei tsio patabuyaan.
- 30 Yes Isipa tilepleep ila pizpiiz loolo ta yaa Nil ziige we imin poghai.  
Ve yes kinik to nugh siriv tilaghlaagh tomania zaaba toozi timin makau umbaal tau tiket-keet tomania natuzna.  
Uyaon koiamaina tawe, lesa tiput aghezi payo, ve tighur maet silva toozi imin lem to tipakur ghom.  
Nugh nugh tau lolozi pa ghamuunj malmal na, ureu mbirisai zi.
- 31 Kinik to yes Isipa pale imbaanj uraata tooni tilam Yerusalem, lesa yensa nisavsaav pa lupuunj tsiei.  
Ve yes to Etiopia paam, pale rekia tiit nimazi iza, ve tisunj pa Maaron.
- 32 Yam kinik to taan tomania tamtamon tsiam, ambou pa Maaron.  
Ambou mbounj pani ve apakuru.
- 33 I Neer tau ileep izala taitai paavo, ve ilandoova ila sambam saamba tau igheen muunj geeg ve ilam.  
Aloonj. I isavsaav toman tapiri tiina.

Aliiņa luutu tiina imin lalaav. \*

- <sup>34</sup> Tauvene yam avotia Maaron tapiri.  
I kinik tiina tau ighamgham pooz pa iit Israela,  
ve itotoi tapiri ivotvot ila sambam saamba.
- <sup>35</sup> Maaron to iit Israela, i ilepleep ilonj ila rumei  
tooni patabuyaanj ve itotoi tapiri.  
Tauvene tamtamon tighita ve tiroi.  
I ireirei tapiri pa tamtamon tooni ve ipapalot  
zi.  
Tapait Maaron pa poia tooni! \*

## 69

*Sunjuunj to tamtamon tau ibaad pataņani tiina pa Maaron eeza*

Mbounj to David

Njeer tau imuņmuunj pa mbounj na aat isaav pa tamtamon to timbou mbounj tane itaghon aliinja tauvene: ‘manman ruunju pisosooņa.’

<sup>1</sup> O Maaron, uul ghau lak!

Pa yaa ivon izalam imuul luag gha naghe nazal tane.

<sup>2</sup> Aazne, agheg brusia ila tiinj tiina.

Leg taan ariaaņa eta to nayooz izala ne mako.  
Yau naleep izila mazavan loolo.

Lepoogh tsiau ta aazne, ene imin yaa ivot toman tapiri, ve izugh ghau gha nalaleg.

<sup>3</sup> Maaron, yau nasaghat wa.

---

\* **68:33:** Mbo 29:3, 68:4      \* **68:35:** Igham 19:5+; Mbo 29:10+

Tañiiz tsiau inañarui ghom le alinag imarmaar.  
 Yau naghurghur matag payo naghe yo pale  
 uul ghau. Eemon mako.

Tauta tapirig isov.

<sup>4</sup>Tamtamon tau tighurghur koi payau ne, yes eval  
 le eval kat. Tiliiv dabag raua.

Irau nanin zi mako.

Koiagna tau tighe tivaghamun ghau na, tapi-  
 rizi tiina,

ve tingalngal saveen karom naol payau.

Yau naum gabua toozi eta mako. Eemon tisavsaav  
 payau tighe napamuul gabua toozi.

Pale napamuul saa? \*

<sup>5</sup>Maaron, yo uwatagh: Yau naghham ngar sasaghati  
 naol imin yes borauna.

Sosor tsiau ta naol ne, eta iyoon payo mako.

<sup>6</sup>Yoova, yo Maaron saksakim ve ungin gabua naol  
 isov. Uul ghau lak!

Mako pale naghham mayaņa pa yes tau tinu-  
 meer ghom ve tighurghur matazi payo na.

Maaron to Israel, yau naghham ngar tiina pa  
 yes tau tizuari zi tighe le tiwatagh katin  
 ghom.

Isaav ighe yo uul ghau pa patanjani tsiau tane  
 mako, ene pale mayazi.

<sup>7</sup>Yau nabesbees payo, tauta tamtamon tisiksik  
 saveen veleghiin payau.

Yes tigham ghau mayag ve natudtud mon.

<sup>8</sup>Taug sinj tsiau tighit ghau imin yau neer suumbu.

---

\* 69:4: Yo 15:25

Ve tonjvetaz tsiau duduunj tau tinamai eemon  
na, tighur murizi payau imin yau to nugh  
ite. \*

<sup>9</sup> Ngar tsiau iyaryaanj naghe le nagharaat rumei  
tsio. Eemon ngar tane, ta aazne imin pu-  
ughu pa nabaad patanani tiina imin yav  
ighan ghau.  
Yes tau tivelegh ghom na, tivelegh ghau paam.  
\*

<sup>10</sup> Saawe tau natatan taug, ve nanjun taug pa  
ghaniinj aniinj,  
tamtamon matazi veleghin ghau.

<sup>11</sup> Ve saawe tau lolog ipatanan, ve nagharaat taug  
mako, ve nanonogh ghau pa uuli to moniinj,  
tiinj payau.

<sup>12</sup> Yes tau tiluplup zi ila maaran aate na, tisisinai  
ghau.  
Ve yes ghunuunja timboubou ghau imin  
nalalanj.

<sup>13</sup> Eemon sunjuunj tsiau injanarui ghom mon.  
Yoova, poia tsio, ene tiina le tiina kat. Lolom  
isaghatin ghau ve uul ghau lak!  
Lolom isaghav tamtamon tsio, ve uluul zi irau  
saawe.  
Tauvene saawe sindei tau ughita poia, na  
uloonj sunjuunj tsiau tane, ve uul ghau. \*

<sup>14</sup> Upas ghau navot pa patanani tiina tane.

\* **69:8:** Mbo 31:11; Yo 7:5  
2Kor 6:2

\* **69:9:** Yo 2:17; Ro 15:3

\* **69:13:**

Mako pale agheg brusia ila tiinj ve malmalig  
nazila!  
Ugham mulin ghau ila koiagna nimazi.  
Uit ghau nazaa pa mazavan loolo.

15 Uul ghau. Mako pale yaa ivot toman tapiri ve  
izugh ghau, ve igherev ghau gha nalaleg!  
Ughita. Paita nazal nazila mazavan loolo  
tane.  
Aazne, yau naleep izila puura to yes ma-  
teegha, ve aavo ighe ivool tane. Upas ghau  
navot.

16 Yoova, yo poiam. Lolom isaghav tamtamon  
tsio ve uluul zi irau saawe. Tauvene uloonj  
sunuunj tsiau tane ve uul ghau.  
Yo lolom isaghatin ghei kat. Tauvene matam  
imuul ilam payau.

17 Yau besoonja tsio. Ungooz naghom payau sov.  
Pa aazne naleep ila patajanani tiina loolo.  
Tauvene uloonj sunuunj tsiau, ve uul ghau  
rekia.

18 Ulam uyooz ila zigeeg, ve uul ghau.  
Ugham mulin ghau ila koiagna nimazi.  
19 Ngar tau koiagna tighamgham payau ne, yo  
uwataghi wa.  
Yes tivevelegh ghau, ve tipamayanjin ghau, ve  
tivaghamunia ezag kat.

20 Saveen veleghiinj tau tisiksiki payau, ene igham  
lolog ipatajan kat. Naghita naghe irau  
poiag muul mako.

Yau naghe pale tamtamon lolozi isaghatin  
ghau, ve tilam tirav ateg.  
Eemon mako. Eta ilam peria tsiau mako.

- 21 Saawe tau pitoool ghau, koiagna tighur gabua  
lilia ila aniiñ tsiau.  
Ve saawe tau murun ghau, tigham leg vaen  
papaii. \*
- 22 Tauvene sunuñ tsiau inarui ghom naghe:  
Saawe tau koiagna yesña zetazña tilup zi  
pa ghanghaniñ, na ugham boor tau aniiñ  
toozi igheen izala na, imin liis pazi ve  
ivaghamun zi. \*
- 23 Ugham matazi ikumkuum, lesu tighita nugh  
muul sov.  
Ve ugham tapirizi isov, ve aghezi imatmaat.
- 24 Naghe ungal matazi ve tiyamaan katin  
aatyavyav tsio.  
Aatyavyav tsio tana izaa toozi ve ivaghamun  
zi kat, o poi!
- 25 Upasov zi le nugh toozi balim.  
Balbaal toozi ta naol ne, tamtamon eta ileep  
ila muul sov. \*
- 26 Pasaa, tamtamon tau yo ulosi ve ughur patañani  
pani na,  
zeran sasaghati tawe tighur patañani izaa  
tooni muul, ve tisisinaii pa patañani tau ivot  
pani na.

---

\* **69:21:** Mt 27:34, 48; Yo 19:29  
Mbanj 1:20

\* **69:22:** Ro 11:9+

\* **69:25:**

- 27 Sosor to zeran tawe, lolom iveegh pani sov.  
Matam kisini, ve ughur atuya pazi le tiya-  
maana kat!  
Ughurghur zi sov.
- 28 Umus ezazi pa rau to lepoogh maata yaryaare.  
Rau tau zeran dudunazi ezazi igheen ila na,  
yes tawe ezazi ila tomani zi sov. \*
- 29 O Maaron, aazne nabaad patanani ve nayamaan  
yavyavuun tiina.  
Tauvene ulam uul ghau.  
Unghaaz ghau nazala saana. Leso naleep poi.
- 30 Yau aat nambou ve napait Maaron eeza. Pasaa,  
i igham ghau lolog poia kat.  
Tauvene yau naghe napakuru.
- 31 Ngar tauvene, ene igham Yoova loolo poia kat  
le iliiv makau katini tau tighamgham zi pa  
watoonrau na. \*
- 32 Yes tau tinumeer Maaron ve tibadbaad patanani  
na, isaav ighe tighita Maaron iuul ghau, ene  
pale tintinisi.  
Ve yes tau tizuzuari zi pa Maaron na paam.  
Igha tighita uleeng tau i igham payau ne, ene  
pale ipalot zi. \*
- 33 Pasaa, yes tau tibadbaad patanani ve tinumeer  
Yoova na, i ilonloong sunjuun toozi.

---

\* **69:28:** Igham 32:32+; Syg 20:12, 21:27      \* **69:31:** Mbo 50:9,  
51:16+      \* **69:32:** Mbo 34:2



Tamtamon tooni tau tileep ila koiazŋa nimazi na, i irau loolo iveegh pazi mako.

<sup>34</sup> Sambam saamba, taan, ve te, tomania gabua naol isov tau tilepaar ila na, yam asov apait Maaron.

<sup>35</sup> Pa i pale igham mulin nugh Zion, ve ipaburigin nugh tisov to Yudea muul.

Leso tamtamon tooni timuul tila ta sewe, ve tigham mulin taan toozi, ve tileep ila.

<sup>36</sup> Ve murei, taan toozi pale izi pa paaghu toozi, ve tighamu imin lezi, ve tileep ila.

Tauvene yes tau lolozi ighen to Maaron na, pale tileep poia izi ta sewe.

## 70

### *Sunjuunj to ŋeer tau ipasul Maaron to iuule*

Mbounj to David

Paesiinj ila pa ŋeer tau imuŋmuun pa mbounj na tauvene: Saawe tau tamtamon tigham watoonrau ve tighason Maaron to maata ingal zi, timbou mbounj tane

<sup>1</sup> O Maaron, upas ghau navot pa patanjani tsiau tane.

Yoova, ulam uul ghau rekia lak! \*

<sup>2</sup> Yes tau tigham lilin ghau ne, ukau ŋgar toozi.

Leso ŋgar toozi ivaghamgham, ve tighau tila toman mayazi.

Ve yes tau tighita patanjani tsiau tane ve lolozi poia pani na,

---

\* **70:1:** Mbo 22:19, 40:13+

yes paam, upamuul zi tila toman mayazi.

- <sup>3</sup> Zeran tawe tipañizai ghau tigde: “Aa! Saghatiin tau taghe ivot pani, tauta ivot wa!”  
Tauvene utatan zi, ve ugham zi mayazi ve tighau tila.
- <sup>4</sup> Eemon tamtamon tisov tau tizuzuari zi payo na, yes pale tintinzi ve lolozi poia payo.  
Yes tau lolozi pa uleenj tsio kat, ene pale monmon tisavsaav tigde: “Maaron, i eeza tiina le tiina kat!”
- <sup>5</sup> Yoova, patañani tane itatan ghau le tapirig isov kat. Narau gabua eta muul mako.  
Ve yo mon ta Uleenja tsiau. Yau naghur matag payo to upas ghau navot pa patañani tane.  
Tauvene uzuar sov. Reikia ulam uul ghau!

## 71

*Sunjuunj to koonj ee tau ghuruunj ila tooni iyaryaanj kat*

- <sup>1</sup> Yoova, yau nanumeer ghom ve nayoosj ilat tsio.  
Upul koiagna titatan ghau sov. Pa ighe tiliiv ghau, ene pale mayag.
- <sup>2</sup> Yo utataghon ngar duduunja. Tauvene uul ghau ve upas ghau navot pa patañani tsiau tane.  
Ughur taliñam payau ve uul ghau lak.
- <sup>3</sup> Yo Uleenja tsiau ariaanja. Uponpoon ghau pa koiagna imin maetaaz tau izala kat.  
Ve umin ruum ariaanja to nayoosj ila loolo.  
Saawe isov, yau irau nanjarui ghom, leso gabua eta ivaghamun ghau sov, ve naleep poia.

Aliŋam ilam pataghaan wa ughe yo pale  
ugham mulin ghau.

<sup>4</sup> Maaron tsiau, ugham mulin ghau ila zeran  
sasaghati nimazi.

Pa yes zeran to sosor, ve lolozi isaghatin tam-  
tamon eta mako.

Isaav ighe tikis ghau, ene pale tivaghamun  
ghau kat.

<sup>5</sup> Yoova, yau naghurghur matag payo to uul ghau.  
Tiina tsiau, saawe tau kukuag ve ilam, yau  
nanumeer ghom.

<sup>6</sup> Saawe tau naleep ila tinaŋ aapo ve ilam, yau  
naleep ila yo nimam.

Tauvene saawe tau tinaŋ ipoop ghau, yo ungin  
ghau.

Tauta monmon napapait ghom pa poia tsio.

<sup>7</sup> Eval tiina tigham ngar naol payau. Pasaa, tighita  
ngar tau ivotvot payau ne, le tighilaal katin  
ghom.

Yo umin niag ariaaŋa to yoŋgaŋ.

<sup>8</sup> Tauvene mboŋoozo ila le ravrav izi, lolog poia kat  
payo,

ve avog ipapait ezam pa tapirim ve poia tsio.

<sup>9</sup> Aazne, namin koon wa. Eemon ughit ghau  
namin gabua saghati tau tamtamon tisiki  
ilale na sov.

Tapirig imbool wa. Ughur murim payau sov.

<sup>10</sup> Pa koiagna tilup zi, ve tiliil eez pa ravuun ghau  
namaat.

Saawe tau tiyonjoon ve tisaanan pa ravuun ghau, tisavsaav tigde:

- 11 “Aa, Maaron ighur muuri pani wa!  
Tataghoni ve takisi. Pa i le tamtamon eta to  
iuule mako.”
- 12 O Maaron, uleep soghan payau sov!  
Maaron tsiau, rekia ulam uul ghau!
- 13 Koiagna tau tingalngal saveen payau na, ugham  
zi mayazi, ve urav zi le tiov.  
Yes tau tigde tivaghamun ghau na, utatan zi,  
ve ugham zi mayazi kat.
- 14 Eemon yau aat naghur matag payo irau saawe,  
ve nasanan ghom to uul ghau.  
Yau naghe napait ghom le napait ghom kat.
- 15 Avog pale ivovotia ngar tsio duduunja pa tamta-  
mon.  
Mbonoozo ila le ravrav izi, yau aat nasasavia  
uraat tintiina tau yo ughamgham zi pa  
uleen tamtamon.  
Uraat tawe, isaav ighe natoova to nanin zi,  
ene aat narao mako.
- 16 Yoova, yo utotoi tapirim ila uraat tintiina. Tau-  
vene yau aat nala ve navotia uraat tsio tana  
pa tamtamon lesa matazi ingali.  
Naghe nasavia ngar duduunja tau yo  
ughamghamu na.  
Lolog pa nasavia gabua ite paam mako.  
Naghe nasavia ngar tsio duduunja mon.
- 17 Saawe tau kukuag ve ilam aazne, yo upagha-  
zonjai ghau pa ngar tsio.

Tauta navovotia uraat tsio ngeretazi pa tamtamon. Uraat tawe, maata ite.

18 O Maaron, aazne namin koonj, ve moom igham dabag wa.

Eemon ughur murim payau sov!

Uleep tomani ghau le irau navotia tapirim ve uraat tsio tintiina pa natmainja, timbomainja, ve iseenga taghon gha ila. \*

19 Maaron, tapirim ve ngar tsio duduuna, ene tiina le tiina kat. Izala izala le ikis sambam.

Ve uraat naol tau yo ughamgham zi na, tau-vene paam. Ene tintiina kat.

Sei irau ghom? Eta mako.

20 Onoon, yo upul patajani naol ivot ve ivaghamun ghau.

Eemon yo pale ugham ghau naleep poia muul.

Paita namaat gha nazila naal tane.

Eemon yo pale ugham mulin ghau. Irau namaat mako.

21 Ve yo pale upakur ghau, ve ugham ezag ivot imin tiina,

ve urav ateg, lesololog poia muul.

22 Tauvene yau aat narav gita ve napait ezam.

Pasaa, yo utataghton saveenj mbuaanj tsio.

Maaron tsiau, yo Maaron patabuyaanj to yes Israela.

Yau aat narav gita tsiau, ve nambou mbounj to napait ghom.

---

\* 71:18: Mbo 78:4

- 23 Pale avog iyoor ezam toman lolog poia kat, ve nambou to napait ghom.  
Pale napakur ghom toman lolog.  
Pasaa, yo ta ugham mulin ghau pa pataņani tsiau.
- 24 Tauvene saawe isov, mbonoozo ila le ravrav izi, yau aat nasavia ngar tsio duduņa.  
Pasaa, yes tau tighe tivaghamun ghau na, yo utatan zi le tapirizi isov, ve upamuul zi tila toman mayazi.

## 72

*Yes Israel tighason Maaron to ipalot kinik toozi*  
Mbounj to Solomon

- 1 O Maaron, upaduduņ kinik tsiei, ve uule to itaghon ngar tsio duduņa.  
Leso iyooz pa tamtamon tsio, ve igharaat pataņani toozi le iduduņ.
- 2 Ve igabiiz poghania tamtamon tsio, ve igharaat saveeņ toozi itaghon ngar duduņa.  
Ve iyooz pa yes mbolaņa ve yes tau lezi ezazi mako na, ve iuul zi pa pataņani toozi.
- 3 Nighe lepoogh poia ivot irau loloz tisov to nugh tane. Ve nugh mbua mbua tighita anooņa to ngar duduņa.
- 4 Ugham kinik tsiei iyooz pa yes tau lezi ezazi mako na, ve iparav pazi ariaaņ.  
Ve yes tau mbolaņ igham zi na, i aat iuul zi.

- Eemon yes tau titatan tamtamon ve tighurghur patanjani pazi na, i aat itatan zi le tapirizi isov kat, o poia.
- <sup>5</sup> Maaron, tamtamon tsio pale tiroi payo ve titaghon ngar tsio taghon taghon gha ila, imin aaz ve kaiyo tau tighen irau saawe.
- <sup>6</sup> Nighe kinik tsiei iuul tamtamon tileep poi, imin uman tau itap izi ila uum, ve ipabees taan, ve igham aniinj itum poi.
- <sup>7</sup> Saawe tau i injin ghei, nighe ngar duduunja ve ngar luuma ivotvot imin tiina.  
Leso tamtamon tileep poi ila ila le saawe isov, ve taghita kaiyo muul mako. \*
- <sup>8</sup> Kinik tsiei aat injin nugh tiina kat. Te ziige ee pale imin ngat pani, ve ila ivool pa te ziige ite.  
Ve yaa Euprates pale imin ngat pani, ve ila ila le irau taan ziige ta naol ne.
- <sup>9</sup> Yes tau tileep izi nugh nginaanja na, pale tilam ve tiput aghezi pani. Ve koinja pale titap tizi ila naagho ve tipel zi ila ngaupup. Pasaa, tirau gabua eta muul mako.
- <sup>10</sup> Ve yes kinik to Tarsis \* tomania yes kinik tau tileep irau sisi tISOV na pale tilam ve tigham gabua popoia siriv pa kinik tsiei to tipakuru.

---

\* **72:7:** Lu 2:14    \* **72:10:** Tarsis, ene nugh ee to yes Pilstia tau ighen izi taan sirivu to Spen. Ighen malau kat pa Israel.

Yes kinik tau tinjin taan sirivu to Arabia ve Etiopia paam, pale tilam ve tigham gabua popoia pani. Leso titotoi tigde yes pale tileep ila i saamba.

11 Nigde kinik tisov tilam tiput aghezi pa kinik tsiei, ve tileep ila i saamba.

Nughmarinj tibeas pani, o poia \*

12 Pasaa, saawe tau yes mbolaanja tipooi pa uleenj, i iloonj tanjiiz toozi.

Ve yes tau tileep saghat ve lezi uleenja eta mako na, i iuluul zi pa pataņani toozi.

13 Iloolo isaghatin yes mbolaanja ve yes tau tapirizi imbool na,  
ve ighamgham mulin zi pa pataņani toozi.  
Leso tileep poi.

14 Isaav ighe tamtamon titatan zi ve tivaghamun zi, i iyozyooz pazi, ve ighamgham mulin zi ila koiazņa tawe nimazi.

Pasaa, i loolo pazi kat. Tauvene irau imarar zi ve siņ toozi imalinj sorok ne mako.

15 Maaron, upalot kinik tsiei, leso ileep malau izi taan.

Ve yes Arabia aat tigham le maet gol tau ngalaanja kat.

Ve saawe isov, tamtamon aat tighur kinik tsiei ila sunjuunj toozi, ve tighason Maaron to ipaloti ve ighur poia tooni iza tooni.

---

\* **72:11:** Mt 2:11; Ro 14:11; Pil 2:9+



- 16 Maaron, ugham aniin katini ivot ila taan tsiei le irao uum tsiei ta loloz we.  
 Ve wit anoonja katini ivot ve ayazi kalkalia ilala ilamlam, imin yes Lebanon toozi.  
 Ve tamtamon tauvene paam. Nugh tsiei tISOV aat timasa timin naol,  
 imin kikiliin tau isaas le itav taan.
- 17 Kinik tsiei eeza pale ighengheen tauvene taghon taghon gha ila.  
 Eeza tiina pale igheen irau saawe isov, imin aaz tau monmon ighazghaaz.  
 Pasaa, i pale imin eez pa nughmarin, leso poia to Maaron iza toozi.  
 Nugh nugh pale tighita kinik tsiei ve tipaiti tige poia to Maaron igheen tomani. \*
- 18 Tapait Yoova!  
 I Maaron to iit Israela!  
 I mon ta ighamgham uraat ngeretazi tintiina.  
 Uraat tana, maata ite.
- 19 Tapait eeza pa tapiri ve poia tooni irau saawe!  
 Tamtamon tau tileep irau taan na, pale tighi-laalo tige i eeza tiina pa tapiri ve poia tooni. Onoon le onoon kat!
- 20 Sunjuunj to Yesi naatu David, tauta ilam imuul ta sene.

## 73

*Lepoogh poia to zeran sasaghati itoov ghuruunj  
 ila to neer ee*  
 Mbounj to Asap

---

\* 72:17: Gnp 12:3; 2Pe 3:18

- <sup>1</sup> Onoon kat, Maaron ighamgham n̄gar poia pa yes Israela.  
Yes tau n̄gar n̄galaan̄a igheen ariaan̄ ila lolozi na, i igham poghani zi kat. \*
- <sup>2</sup> Eemon yau, saawe ee agheg pusukia, ve rigmon kanan̄ natap.  
Onoon kat, saawe tana, rigmon kanan̄ napul ghuruun̄ ila tsiau.
- <sup>3</sup> Pasaa, naghita zeran sasaghati tau tipapait tauzi ve tivelegh Maaron na, lepoogh toozi poia kat.  
Tauvene naghama n̄gar pa gabua tane, le irau lolog mako. \*
- <sup>4</sup> Yes titum le tinizi poia kat. Lezi patan̄ani mako, ve tileep poia mon ila le irau mateegh toozi.
- <sup>5</sup> Patan̄ani naol to taan tau ighamgham tamtamom siriv na, igham zi mako.  
Yes lezi patan̄ani eta mako.
- <sup>6</sup> N̄gar to pakuruun̄ tauzi, ene titotoia ivot ighazon̄ ila tamtamom matazi, imin namatabub tau tamtamom tighuru ila luazi.  
Ve n̄gar toozi to ghamuun̄ malmal, yes tipulpuli mako, imin nonoghiin̄a tau monmon tinonogh zi pani.
- <sup>7</sup> Lepoogh toozi, poia mon. Tauvene titum kat.  
Loloji ivon pa n̄gar sasaghati naol, ve monmon tiliil eez to tivaghamaun̄ tamtamom.

---

\* **73:1:** Mt 5:8      \* **73:3:** Mbo 37:1, 7

- 8 Monmon tivevelegh tamtamon, ve tisiksik saveen sasaghati pazi.  
Ve tipapait tauzi ezazi, ve tiparoi tamtamon tighe yes pale titatan zi.
- 9 Yes tipakur tauzi, ve tisiksik saveen veleghiin pa Maaron to sambam.  
Ve zetazna tau tileep izi taan ne, zeran tawe matazi veleghin zi, ve tighe titatan zi.
- 10 Yes tigherev tamtamon to Maaron paam, gha titaghon zi pa ngar toozi tawe.  
Eval tiina tighe le tilonloonj saveenj toozi.
- 11 Zeran sasaghati tawe tisavsavv tighe: “Ah, Maaron tau ileep saanja kat na, i le ngar?  
Ngar tau nighamghamu ne, Maaron iwataghi mako.”
- 12 Aghita. Zeran sasaghati, lepoogh toozi tauvene.  
Lezi patanjani eta mako, ve tindoundou lezi gabua katini.
- 13 Muun, yau naghham ngar tauvene pa lepoogh toozi. Tauta nasaav pa taug naghe: “Yau tane, nazuari ghau naghe le leg sosor eta sov, ve ngar ngalaanja mon igheen ila lolog.  
Eemon ngar tau nataghooni ne, anooja eta mako. Naghhamghamu sorok.
- 14 Pasaa saawe isov, ta mbonoozo ila le ravrav izi, Maaron ighurghur patanjani payau.  
Mbonoozo ta naol ne, i iloslos ghau.”
- 15 Maaron, ngar tsiau saghati tane, imin ta nasavia ivot ighazoonj gha tamtamon tilooja,

- kanaj naghams karom pa tamtamons tsio, ve nakau ngar toozi. Tauta igheen to taug mon.
- 16 Yau naghams ngar naol pa lepoogh poia to zeran sasaghati, ve nail puughu. Eemon narao mako.  
Tauta ighams lolog ipatanjan kat.
- 17 Murei ra, nalonj nala rumei patabuyaanj to Maaron ve nasuj.  
Saawe tana ra, naghilaal ve ngar tsiau ivot pa gabua tau murei pale ivot pa zeran sasaghati.
- 18 Onoon kat, yo pale ughams zi tilaagh ila eez tau pusukpusukia.  
Leso ughams zi titap, ve saghatiinj tiina ighams zi.
- 19 Pale upasov zi rekiams mon,  
ve ureu mbirisai zi gha tilalez.  
Ve mateegh toozi, pale toman roinj tiina. \*
- 20 Maaron, isaav ighe yo uburig ve uvaghamsun zi, ene pale upasov zi kat. Eta irau ileep muul mako.  
Pale timin gabua tau taghita ila vivuunj, ve mbonjoozo taburig loloon iveegh pani.
- 21-22 Saawe tau naghams ngar pa zeran sasaghati, ene ireu lolog ve ighams ghau ategh yavyav.  
Ve ngar tsiau ikaukau, ve navaghamsghams.  
Yau namin ngai sagsag tau le ngar payo mako.
- 23 Eemon yo upul ghau mako.

---

\* **73:19:** Mbo 37:9-10, 35-36

Monmon ulepleep tomani ghau,  
ve ukis nimag tapir, ve upalot ghau.

- 24 Yo ugham pooz payau, lesa nataghon njar tsio.  
Ve murei, yo pale upakur ghau, ve ugham  
ghau natal naleep tomani ghom ila  
mbonarim loolo.
- 25 Yau naghama njar pa gabua eta to nugh sambam  
mako. Yo mon ta naghama njar payo.  
Yo ulepleep tomani ghau, tauvene nail saa  
gabua muul izi taan? Mako.  
Pasaa, yo mon ta urao. \*
- 26 Isaav ighe tapirig isov, ve njar tsiau imbool, ene  
pale Maaron ipalot ghau.  
Tauvene yau naghita Maaron naghe i gabua  
tauu.  
Yau naghama njar tapirig ila tooni, ve naleep  
ila tooni imin taan poia ee tau tipuli payau  
to naleep ila.
- 27 Yes tau lolozu igheen soghan payo, ene pale  
tilalez.  
Ve yes tau tighur murizu payo na, yo pale  
upasov zi.
- 28 Eemon yau, saawe tau naleep nagharaa ghom,  
nayamaan naghe ene poia kat.  
Yoova, yo Maaron tsiau. Yau nanumeer ghom  
ve nayoon ilat tsio.  
Yau naghe navotia uraat tisov tau  
ughama njar zi na pa tamtamon.

---

\* 73:25: Mbo 16:2; Pil 3:8

## 74

### *Tanjiiz to yes Israela injarui Maaron pa rumei toozi*

Mbounj to Asap

- 1 O Maaron, mindai ta ughur murim payei kat?  
Pale upul ghei nileep tauvene taghon taghon  
gha ila?  
Yei sipsip tsio, ve yo nginiin tsiei.  
Puughu mindai ta atem yavyav kat payei tau-  
vene? \*
- 2 Yei tamtamon tsio. Muun, yo usiigh timbu-  
mainja timin lem kat, ve uyozyooz pazi, ve  
ughamgham mulin zi pa patanani toozi.  
Tauvene matam ingal ghei muul.  
Ve matam ingal niam to lepoogh tau igheen izi  
loloZ Zion na paam. \*
- 3 Taum ulam ve ulaagh ila nugh loolo ve ughita.  
Isaghat wa! Irau poia muul mako.  
Koiamainja tireu mbirisai rumei tsio  
patabuyaanj, ve tivaghamunia gabua naol  
isov tau tigheen ila loolo na.
- 4 Nugh tau muun itinja taluplup ghiit ilonj ila na,  
koiamnja tilonj tila ve tighamu imin lezi, ve  
tisir toman alinjazi tiina.  
Ve tipayooz pilak toozi ilonj ila, leso itotoi ighe  
tliiv ghei wa.
- 5-6 Yes tivaghamunia Rumei Tiina imin yes tau  
tigham nakavasi toozi gha tila su to tingor  
ai.

---

\* **74:1:** Mbo 43:2, 95:7      \* **74:2:** Igham 15:16; 1Kor 6:20

Ai popoiazi naol tau tisap gabua anunuzi ila  
to tipabood rumei tsio na, tigham nakavasi  
gha tipalpaal zi,  
ve tiravrav berekai zi pa hama toozi tintiina.

<sup>7</sup> Ve titun rumei tsio patabuyaaj, le yav ighan  
suvinia.

Tauvene taum niam to lepoogh tau ezam  
ighengheen ila na, tivaghamunia imin  
gabua sorok, le isaghat kat.

<sup>8</sup> Yes tigha titatan ghei ve tivaghamun ghei kat.

Tauvene nugh tisov to taan tsiei tau tamta-  
mon tiluplup zi ila ve tisuᅇsuᅇ payo na,  
titunuur zi le tisov.

<sup>9</sup> Aazne, yei nighita gabua eta tau itotoi ighe yo  
ulepleep tomani ghei ne mako.

Ve propet eta ileep muul to ipaghazonai ghei  
pa ᅇgar tsio ne mako.

Ve tsiei eta iwatagh mako: Pale ᅇzez o,  
pataᅇani tane isov?

<sup>10</sup> Maaron, aazne koiamaᅇa tinᅇᅇᅇ payo, ve  
tivevelegh ezam.

Mindai, pale upul zi tigham tauvene taghon  
taghon gha ila?

<sup>11</sup> Puughu mindai ta ughur nimam ila murim, ve  
umamarar ghei mon?

Irau uul ghei mako?

<sup>12</sup> Maaron, muuᅇ ve ilam, yo kinik tsiei ve Uleeᅇa  
tsiei.

Ve yo ughamgham uraat tintiina izi taan to  
uul ghei.

- 13 Muunj, taum tapirim ta uvalagh te gha sirivu ila pa n̄as, ve sirivu ila pa tapir.  
Ve gabua sasaghati siriv tau tilepleep ila te loolo na, yo urav valaghin dabazi.
- 14 Leviatan paam, gabua saghati tiina tau ilepleep ila te loolo na, yo urav valaghin daaba ta naol ne,  
ve ugham anoon̄a, ve upan gabua sagsagna tau tileep nugh nginaāna na pani. \* \*
- 15 Nugh siriv, yo ugham yaa ivotvot pa taan ve irereer.  
Ve yaa tintiina to nugh siriv tau tirereer irau saawe na, yo ugham zi timakmaak. \*
- 16 Yo ta ughur mbōnj ve mataaz, ve un̄gingin̄gin zi.  
Ve yo ughur aaz ve kaiyo tigheen ila niazi. \*
- 17 Yo ughur taan sen̄gaāna,  
ve ughur saawe to nugh tuntunu, ve saawe to nugh yaun̄a. \*
- 18 Yoova, matam in̄gal saveēnj veleghiin̄ tau koiamāna tisiksiki payo na.

---

\* **74:14:** Yes Kanaana tighur ila tighe gabua saghati tiina ee ileep ila te, eeza Leviatan. I daaba katini, ve naagho imin moot ma poghai, ma vene. Mos ziiri siriv, saveēnj Leviatan izāa to kinik to Isip. Tauvene zeran ngara siriv tighe ziiri tane, ene saveēnj palelaan̄ tau in̄arui saawe tau yes Israela timbut Te Sīn̄s̄in̄ai, ve Maaron irav yes Isipa timatmaat. \* **74:14:** Igham 14:21; Mbo 89:9+ \* **74:15:** Igham 17:6; Mbo 107:33+ \* **74:16:** Gnp 1:14 \* **74:17:** Gnp 8:22; Mban̄ 17:26



Aazne, yes kankanoonja tau tiwatagh ghom mako na, tivavaghamunia ezam, ve tighit ghom umin kaut sorok.

- 19 Koiamainja ngar toozi imin gabua sagsagna. Loloji isaghatin tamtamon eta mako. Ve yei tamtamon tsio tapirimai irau gabua eta mako  
Tauvene upul ghei nila nimazi sov.  
Lolom iveegh payei sov. Pa yes titatan ghei le nileep saghat kat.

- 20 Muun, yo umbu saveenj tomani ghei ughe yo pale umin Maaron tsiei, ve yei nimin tamtamon tsio. Matam ingal saveenj mbuaan tsio tana, ve uul ghei.  
Ughita. Aazne, taan tsiei ivon pa zeran sasaghati tau tiyonjooñ ila ndoroom loolo, ve tisanjan pa lijijn sinj pa tamtamon.

- 21 Upul zeran sasaghati titatan tamtamon ve tipamayanjin zi sov.  
Uul yes mbolaanja ve yes tau tileep saghat na. Leso tipait ezam.

- 22-23 Maaron, yei tamtamon tsio. Uburig ve uyooz payei lak!  
Koiamnja tipapakur tauzi toman alinjazi tiina. Mataaz ta naol ne, mbonjoozo ila le ravrav izi, yes kankanoonja tau tiwatagh ghom mako na, tighamgham oroor tiina ve tivevelegh ghom.

Lolom iveegh sov. Matam ingal n̄gar tau  
tighamghamu na, ve ughur atuya pazi.

## 75

*Maaron pale igabiiz tamtamon ve ighur atuya  
pazi*

Mbounj to Asap

Paesiin̄ ila pa n̄eer tau imuṅmuṅ pa mbounj na  
tauvene: Mbounj tane aliin̄a ‘Uvaghmunia sov’

<sup>1</sup> Maaron, yei lolomai poia payo, ve nipakur ghom  
pa poia tsio.

Pasaa, monmon yo ulepleep ugharau ghei.

Tauvene yei nipapait ezam, ve nivovotia  
uraat n̄geretazi tau ughamgham zi na.

<sup>2</sup> Ve Maaron isaav ighē: “Yau taug naghur saawe to  
nagabiiz tamtamon ve naghur atuya pazi.

Ve gabizoon̄ tsiau, ene pale iduduun̄ mon.

<sup>3</sup> Isaav ighē yogyoog itok taan ve tamtamon tisov  
tisaṅeen̄,

yau aat nakis taan puughu, lesō ighēen̄ tun̄ia.

<sup>4</sup> Yes tau tipapait tauzi ezazi na, yau nasaav pazi  
naghe: ‘Apait taumim irao!’

Ve nasaav pa zeran sasaghati naghe: ‘Tapir-  
imim ighēen̄ sindei? Apait tapirimim irao!’

<sup>5</sup> Tauvene apakur taumim sov, ve asik saveen̄  
veleghiin̄ payau sov!’ ”

<sup>6</sup> Pa tamtamon to aaz izaa, ma tamtamon to aaz  
izila, ma tamtamon to nugh siriv paam, ene  
irau tigham tamtamon eta eeza ivot imin  
tiina ne mako.

<sup>7</sup> Maaron mon ta igham tamtamon ezazi ivot imin tiina.

Pasaa, i ta igagabiiz tamtamon ve ighurghur atuya pazi.

Tamtamon siriv, i itatan zi. Ve siriv, i ipakur zi le ezazi tintiina. \*

<sup>8</sup> Yoova ikis rubruub ee ila niima.

Rubruub tawe ivon pa vaen ariaaṇa. Vaen tawe, ene aatyavyav tooni.

Zeran sasaghati tau tileep izi taan ne, i pale ilin vaen tawe, ve ipaghun zi pani, le tisov tighunu le isov.

Rabrab tau ighéen ila rubruub mboole na, pale tighunu paam. \*

<sup>9</sup> Eemon yau navotia uraat tintiina to Yoova irau saawe.

Pale namboubou mbounj, ve napapait Maaron to Yakop eeza.

<sup>10</sup> Pasaa, i isaav ighe: “Zeran sasaghati, yau aat napasov tapirizi.

Ve zeran dudunazi, yau aat napakur zi ve napalot zi, leso tapirizi ivot imin tiina.”

## 76

*Neer ee ipait Maaron pasaa, i iliiv koiṇa*

Mbounj to Asap

Neer tau imuunj pa mbounj na, aat isaav pa tamtamon to tirav gita ve timbou mbounj tane

<sup>1</sup> Yes tau tileep izi taan sirivu to Yuda na, tiwatagh Maaron.

---

\* **75:7:** Mbo 147:6; Lu 1:52; Syg 18:7+

\* **75:8:** Syg 14:10, 16:19

Ve yes tau tileep ila taan sirivu to Israel na,  
tipakuru paam, pa i eeza tiina.

<sup>2</sup> Rumei to Maaron igheen izi Yerusalem.  
Ve loloz Zion, ene Maaron niia to lepooch.

<sup>3</sup> Saawe tau koinja tigham malmal pani ta sewe,  
i ingoor polpolin paneegh natja tau yav  
ighanghan ila matazi na, tomania mbuza-  
agh toozi,  
ve irav valaghin sigheu toozi.  
Tauvene gabua toozi to malmal, i ivaghamun  
zi le tisov.

<sup>4</sup> O Maaron, yo mbonarim tiina.  
Yo paghunam ve ezam tiina kat. Uliiv loloz  
tintiina tau tigheen irau saawe.

<sup>5</sup> Koiamainja, zeran arianazi. Tiroiroi mako.  
Eemon yo uparav tomani zi le uliiv zi. Tauta  
tamtamon tsio tila tiyau gabua toozi to mal-  
mal isov imin lez.  
Yo urav koiamja tisov timataar, ve patazi  
tivaghengheen ila taan.  
Onoon, yes zeran arianazi. Tirau kat pa  
ghamuun malmal. Eemon irau tigham  
gabua eta mako.

<sup>6</sup> Maaron to Yakop, yo uparoi zi ve uyaon zi,  
le yes tau tilandoov hos tomania karis tisov  
titaptap tizi le timatmaat.

<sup>7</sup> O Maaron, yo mon ta tamtamon tisov tiroiroi  
payo.  
Pa ighe atem yavyav, sei irau iyooz ila  
naghom?

- 8-9 Yes tau koiazņa tighamgham patañani pazi ve titatan zi na,  
 yo uyooz pazi, ve ugham mulin zi tisov.  
 Yo uleep sambam, ve alinam izilam ve usavia atuya tau pale ughuru pa koiazņa na.  
 Ve saawe tau ughur atuya tana pazi, tamtamon tisov to taan tighita, le roinj igham zi, ve tineneej mon.
- 10 Onoon kat. Aatyavyav to tamtamon paam, ene irau imin eez to utotoi tapirim. Tauta tamtamon tipait ghom.  
 Ve yes tau aatyavyav tsio ivaghamun zi mako na, yes pale tilivutin ghom, leso tisunj payo ve tipait ghom. \*
- 11 Yam tau ambu saveej aghe agham gabua pa Maaron tsiam Yoova na, matamim injal saveej tsiam ve ataghoni.  
 Ve yam nugh nugh tau aleep agharau na, tauvene paam. Agham gabua tsiam popoia siriv ilam pa Neer tau tamtamon tiroiroi pani.
- 12 Yes pooza tau tinumeer tauzi tapirizi na, Maaron itatan zi.  
 Tauta yes kinik to taan tiroiroi pani.

## 77

*Sunjuunj to neer tau ighita igha Maaron ighur muuri pa yes Israela*

Mbounj to Asap

Neer tau imuunj pa mbounj na, aat isaav pa tamta-

---

\* **76:10:** Igham 9:16; Ro 9:17

mon to timbou mbounj tane itaghon aliinja ‘Yedu-tun’

<sup>1</sup> Yau nataj rarai Maaron.

Tanjiiz tsiau injaruini naghe ighur taliinja pa sunjuuj tsiau tane, ve iuul ghau.

<sup>2</sup> Saawe tau naleep ila patanjani tiina loolo, yau nazuari ghau naghe le naghham uleenj ila to Maaron.

Mbonj ve mataaz, naitiit nimag iza, ve nansunjsunj pani. Irau namariau mako.

Emon gabua eta irau irav ateg mako.

<sup>3</sup> Yau matag ingalngal Maaron, ve lollog isaghat ve nataj.

Naghhamgham ngar naol. Tauta lollog ipatanjan ve tapirig isov.

<sup>4</sup> Mbonj ta naol ne, Maaron ipul ghau nagheen poi mako.

Lolog ipatanjan kat le irau nasavia saveenj eta mako. Naneneenj mon.

<sup>5</sup> Pasaa, matag ingal imuul ila pa ndaman katini tau ila wa.

Ve nanjuzuuv ngar tau muunj Maaron ighamgham pa tamtamon tooni.

<sup>6</sup> Tauvene mbonj ta naol ne, naghham ngar tiina ila lollog,

ve matag ingalngal naghe:

<sup>7</sup> “Mindai, pale Maaron ighur muuri payei, ve ipul ghei nileep saghat taghon taghon gha ila?”

Irau loolo poia payei muul mako?

<sup>8</sup> Ngar to loolo isaghav tamtamon tooni ve iuluul zi, ene isov wa?

Ve saveen katini tau i imbua tomani ghei na, pale izi imin kaut sorok taghon taghon gha ila?

<sup>9</sup> Ma Maaron aate yavyav kat, le ighamu loolo iveghai poia tooni?

Tauta loolo isaghatin ghei muul mako ne?”

<sup>10</sup> Nagham ngar tauvene, tauta nasaav pa taug naghe: “Lolog ipatanan kat pasaa, Maaron tau ileep saanja le saanja kat na, itoor ngar tooni wa.

Taghita tapiri ilam ilam le aazne, taghita muul mako.”

<sup>11</sup> Yoova, yau aat matag ingal imuul ila pa uraat tsio tintiina, ve gabua ngeretazi tau muun ughamgham zi na.

<sup>12</sup> Yau aat matag ingal uraat tsio arianazi ta naol ne, ve nagham ngar pazi poi.

<sup>13</sup> O Maaron, yo ughamgham ngar patabuyaanj mon. Ngar tsio ve gabuam, ene maata ite kat.

Maaron ite paam eeza tiina imin yo ne mako.

\*

<sup>14</sup> Yo Maaron tau ughamgham gabua ngeretazi tintiina.

---

\* **77:13:** Igham 15:11

Utotoi tapirim ivot ighazoonj ila nugh nugh matazi gha tighit katini wa.

15 Yakop ve Yosep paaghu toozi, ene tamtamon tsio.

Muunj, ila taum tapirim, yo upas yes Israela tivot pa patanjani toozi wa. \*

16 O Maaron, saawe tau yaa tintiina tighit ghom, roinj tiina igham zi.

Ve te tau ighen izila siinja we, iroi paam, ve imbelmbel uut ghi ilala ilamlam. \*

17 Saawe tana, taitai gabgabuuñ ve uman tiina izi.

Ve lalaav lutluutu tiina, ve ighani milmilia ilala ilamlam.

18 Yo ugham yaghur tiini ililiit, ve lalaav lutluutu tiina kat.

Ve nugh ighani milia, ve mbonari isul nugh. Ve yogyoog itok taan gha ilala ilamlam.

19 Eez tsio imbut te ve ila pa ziige ite.

Yo uvalagh mazavan, le sirivu ila pa ñas, ve sirivu ila pa tapir, ve ulaagh ila bodbodaan.

Eemon tighita aghem niia mako. \*

20 Yo umuunñ pa tamtamon tsio imin ñginiinj to sipsip.

Ve ughur Mose yesuru Aron tigham naghom, ve tigherev zi gha tila.

---

\* 77:15: Igham 6:6    \* 77:16: Igham 14:21    \* 77:19: Igham 14:22



## 78

*Maaron ighamgham ngar popoia pa yes Israela.  
Eemon yes tizorzoor i aliinja.*

Mbounj to Asap

- <sup>1</sup> Yam tamtamon tsiau, aghur talinamim pa saveen  
tau naghe napaduduun gham pani ne.  
Saveen tau naghe nasavia payam ne, yam  
asov aloon poghania.
- <sup>2</sup> Yau pale nakaak avog, ve nasavia saveen pale-  
laan siriv payam.  
Pale nasavia gabua siriv tau muun tivot na.  
Gabua tawe, pughuzi iyoon.
- <sup>3</sup> Sinain tane, timbuunja tisavia payei gha  
niloonja, tauta niwataghi.
- <sup>4</sup> Muun, Yoova itotoi tapiri ivot ighazoon.  
I igham gabua ngeretazi ve uraat tintiina iv-  
otvot.  
Tauta tamtamon tipait eeza pa tapiri ve poia  
tooni.  
Uraat tooni tawe, irau tanjooza pa natuunja  
mako. Iit aat tasavia pazi.  
Leso paaghu toit tau murei pale tivot na, ti-  
wataghi paam.
- <sup>5</sup> Eez to itinja Maaron tavalupu ghiit tamin eemon,  
muun i ivotia pa timbuunja tau Yakop  
paaghu tooni na.  
I isavia tutuun tooni pa yes Israela, ve isaav  
ariaan pa timbuunja ighe tipaduduun  
natuzja pani. \*

---

\* 78:5: Igham 10:2, 12:26+

- <sup>6</sup> Leso yes paam tiwataghi,  
ve anazi tisavia pa natuznja,  
ve iseengja tauvene taghon taghon gha ila.
- <sup>7</sup> Tauvene paaghu toozi irau lolozi iveegh pa uraat  
tintiina tau Maaron igham zi ne mako.  
Ve yes pale tinumeera, ve matazi ingal tutuun  
tooni, ve titaghoni.
- <sup>8</sup> Leso tigham ngar imin timbuznja sov.  
Pasaa timbuznja, ngar toozi iyaryaan kat.  
Lolozi pa titoor ngar toozi mako. Monmon  
tighamgham taliinjizi ve tizoroor Maaron  
aliinja.  
Lolozi ikisi tunja mako.  
Ve saveenj tau yesnja Maaron timbua na,  
titaghoni mako.
- <sup>9</sup> Paaghu to Epraim, yes tirao pa vaneghuun pa  
paneegh.  
Eemon saawe tau malmal iburig, tiroi ve  
tighawaar.
- <sup>10</sup> Ve saveenj tau yesnja Maaron timbua na, matazi  
kisini ve titaghoni mako.  
Lagoonj toozi, lolozi pa taghoniinj tutuun  
tooni mako.
- <sup>11</sup> Ve uraat tintiina tomania gabua ngeretazi tau  
muunj Maaron igham zi ila matazi na, yes  
lolozi iveghaini kat.
- <sup>12</sup> Saawe tau timbuznja tileep izi Isip,

Maaron igham gabua ngeretazi tintiina izi taan raraate to Zoan, ve tighita pa tauzi matazi.

13 Ve saawe tau tila tivot Te Sijsinai, i ivalagh te, le sirivu ila pa n̄as, ve sirivu ila pa tapir. I igham te iyooz imin didiin. Tauta eez ivot pazi, ve titaghoni tila tivool pa ziige ite.

14 Mataaz, i igham taitai ivot, lesu itotoi eez pazi. Ve mbonj, i igham yav ivot, lesu imuunj pazi ve titaghoni. \*

15 Saawe tau tileep izi nugh nginaanja, Maaron irav valaghin maet, ve igham yaa ivot pani. I igham yaa ireer tiina, lesu tighun. \*

16 Onoon kat, i igham yaa katini tivot ila maet, ve tireer tizi le timin yaa tintiina.

17 Eemon yes tinoknok ghamuunj sosor pa Maaron Tiina Tau Iliiv Zimaronja Tisov na. Saawe tau tilaghlaagh izi nugh nginaanja, tizor-zoor aliinja.

18 Yes titovtoov Maaron tapiri. Tauta tisaav pani tige igham lezi aniinj tau luazi itanjanj pani na. \*

19-20 Ve tivelegh Maaron tige:

---

\* **78:14:** Igham 13:21; Mbo 105:39      \* **78:15:** Igham 17:6; 1Kor 10:4      \* **78:18:** Igham 16:3, 17:2; 1Kor 10:9; Hib 3:16

“Laak, Maaron tapiri irau igham lemai aniin  
 izi nugh nginaanja tane?  
 Onoon, i irav valaghin maet, ve yaa tiina iyaat  
 ivot toman tapiri ve ireer izi.  
 Eemon irau igham tamtamon tooni lezi aniin  
 toman ziigha?”

21 Yoova iloonj saveenj toozi tawe, le ipas aate.  
 Tauvene igham yav izi ighan Yakop paaghu  
 tooni.  
 Aate yavyav kat pa yes Israela, ve ivaghamun  
 zi.

22 Pasaa, yes tighur ila tooni mako.  
 Tinumeer tighe tapiri irau iuul zi ne mako. \*

23 Tauvene Maaron isaav ariaanj, ve ataman to  
 sambam saamba ikaak,

24 ve igham aniin manna izi pazi.  
 I igham aniin to sambam pazi leso tighan. \*

25 Onoon kat, tamtamon tighan aniin to yes anjela.  
 Maaron igham lezi aniin katini, ve tighan le  
 isoonj zi.

26 Ra ipaburigin yaghur kaaguragh ilam.  
 Tauu tapiri igham yaghur tiina izaa pa ragh  
 puughu.

27 Ve igham man umbaal tiroov tilam, ve titaptap  
 tizi nugh tau tilepleep pani na.

---

\* 78:22: Hib 3:19      \* 78:24: Igham 16:4; Yo 6:31; 1Kor 10:3

Man tawe, sorok mako kat. Yes timin sausau to nari. \*

28 Maaron igham zi titaptap tizi nugh tau tamtamon tooni tilepleep pani na, le tilivutin balbaal toozi.

29 Tauvene yes Israela tighan le isoonj zi.  
Pa gabua tau luazi itañ pani, tauta i igham pazi.

30-31 Yes Israela tighangan man tawe le tipasovu soone  
ve Maaron aatyavyav tooni iza toozi, ve irav tamtamon toozi ariañazi gha timatmaat.  
Geegeu toozi paghpaaghu tau popoiazi kat na, i ipasov zi.

32 Yes Israela tighita gabua naol isov tawe. Eemon tinoknok ghamuunj sosor soone.  
Tikaria ghitoonj gabua ngeretazi. Eemon tighur ila to Maaron mako.

33 Tauta i ingoor saawe toozi tuuku.  
Lepoogh toozi isov rekia mon imin yaghu-raan tau ivotvot ila avoon.  
Mateegh ipateen zi, le roinj tiina igham zi.

34 Onoon, saawe tau Maaron irav tamtamon toozi siriv, rekia mon ve eval tiina tighilaal, ve titoor njar toozi imuul ila pani,  
ve tisunj pani ariañ tigheloolo isaghatin zi ve ireu sosor toozi.

---

\* 78:27: Igham 16:13

- 35 Ve matazi ingal muul tighe: Maaron, i iponpoon  
zi imin maetaaz tau izala kat.  
Maaron Tiina Tau Iliiv Zimaronᵇa Tisov na, i  
ta Uleenᵇa toozi.
- 36 Eemon tipaiti pa avozi uuli mon.  
Saveenᵇ tau ivotvot ila avozi na, tisavia toman  
lolozi mako. Tigham karom.
- 37 Lolozi ikis Maaron ariaanᵇ mako.  
Ve saveenᵇ tau yesᵇa Maaron timbua na,  
matazi kisini ve titaghoni mako.
- 38 Eemon Maaron loolo isasaghatin zi, ve ireureu  
sosor toozi. Tauta ivaghamun zi kat mako.  
Onoon, saawe naol, i aate yavyav pazi kat.  
Eemon iyai ghi, ve itatan aatyavyav tooni. \*
- 39 Pasaa, maata ingal ighe: Yes to taan mon. Tapi-  
rizi tiina mako.  
Tileep rig, ve tilalez, imin yaghur tau taloonᵇ  
luutu ilam, ve isov.
- 40 Saawe tau tileep izi nugh ᵇginaanᵇa, tizoor  
Maaron aliinᵇa pai katini.  
Yes tilaghlaagh ila nugh tau sausau mon, ve  
tighamgham Maaron loolo ipatanᵇan.
- 41 Maaron Patabuyanᵇ to yes Israela, yes tinoknok  
tovaanᵇni.  
Tauta tipas aate, le aate yavyav kat. \*
- 42 Yes lolozi iveghveegh pa Maaron tapiri.

---

\* **78:38:** Igham 34:6      \* **78:41:** Igham 17:2

Matazi ingal saawe tau i igham mulin zi ila  
koiazɲa nimazi na mako.

43 Muun, i igham gabua ngeretazi katini ivotvot izi  
Isip to itotoi tapiri pazi.

I ighamgham uraat tintiina izi taan raraate to  
Zoan. Uraat tawe, tamtamon tighita le nɣar  
toozi imbool. \*

44 I itoor yaa tintiina to yes Isipa timin siɲ.  
Tauvene yes Isipa lezi yaa eta to ghunuun  
mako. \*

45 Ve igham nimnim tintiina tau tinutɲut tamta-  
mon na tivot izi nugh toozi, ve tinut zi le  
tisaghat kat.

Ve igham gob katini tivot le tivaghamun zi  
paam. \*

46 Ve igham siis tivot le titav nugh toozi, ve tighan  
aniin toozi.

Uum tau tighun punitazi pani na, siis  
tighaniir gabua to uum tawe le isov. \*

47 Ve igham ais paatu paatu titaptap tizi, le  
ivaghamunia ai vaen toozi.

Ve uman tiina tomania ais izi le ivaghamunia  
ai fik toozi paam. \*

48 I igham ais paatu paatu titaptap tizi, ve irav  
makau toozi timatmaat.

Ve igham lalaav ingalɲgal sipsip toozi.

---

\* **78:43:** Igham 10:1    \* **78:44:** Igham 7:20    \* **78:45:** Igham

8:2,6    \* **78:46:** Igham 10:13    \* **78:47:** Igham 9:23+

- 49-50 Maaron aate yavyav le yavyav kat.  
 Loolo basbasuuj, ve irau aate izi muul mako.  
 Tauta ighur yes Isipa muul mako, ve  
 aatyavyav tooni iza toozi kat.  
 I imbaan anjela tooni eval tila tivaghamun zi  
 pa moroghoon saghati. \*
- 51 I irav yes Isipa natuzna aidabazna, le tisov  
 timataar.  
 Natuzna tau tipoop zi imin maata, tauta tisov.  
 Eta ileep muul mako. \*
- 52 Ra igham tamtamon tooni tipul Isip.  
 I imuun pazi imin nginiin to sipsip, ve yesna  
 tilaghlaagh izi nugh nginaanja.
- 53 I imunmuun pazi ve inginngin zi. Tauvene tiroi  
 pa gabua eta mako, ve tileep poia mon.  
 Eemon koiazna, te itav zi, le tisov timataar ila  
 te loolo. \*
- 54 I igherev zi tila tigharau taan tooni patabuyaan  
 ziige,  
 ve loloz tau i iparav pani ve ighamu imin le  
 na. \*
- 55 Ve iziir nugh nugh tau tileep ila taan tawe na  
 tighawaar,  
 leso tamtamon tooni tila tigham taan toozi  
 imin lezi motot.

---

\* **78:49-50:** Igham 15:7; 1Kor 10:10      \* **78:51:** Igham 12:12

\* **78:53:** Igham 14:19, 28, 15:7      \* **78:54:** Igham 15:13, 17



Ve irei taan tawe tomania ruum tau tighenaar  
ila na, le irau rumei rumei to yes Israela, ve  
tighamu imin lezi to tileep ila. \*

56-57 Eemon tizi ve titoov Maaron Tiina Tau Iliiv  
Zimaronja Tisov na muul.

Tizorzoor aliinja, ve eez tau i ighuru pazi na,  
titaghoni mako.

Yes tamtamon tooni. Eemon tighur murizi  
pani, ve tireu saveen mbuaan tau timbua  
tomania Maaron na raraate imin timbuzja.

Tauvene i irau inumeer zi mako. Yes timin  
paneegh tau ool ipas pani, ve le uraat mako.

58 Maaron iriu zi pasaa, tighagharaat maaron  
karomja anunuzi.

Yes tiluplup zi izala nugh mbua ta naol ne, ve  
tisujsu pa maaron karomja. Tauta tipas  
Maaron aate.

59 Maaron ighita ngar toozi tawe,  
le aate yavyav ve ighur muuri pazi kat.

60 Saawe tana, i ipul balbaal tooni patabuyaan tau  
igheen izi nugh Silo na, izi ileple.

Niia to lepooch tau igheen ila tamtamon tooni  
sosozi na, i ileep ila muul mako.

61 Ve Bokis to Saveen Mbuaan tau imin ilaal pa  
tapiri ve mbonari na, i ipuli ila yes Israela  
koiazja nimazi. \*

62-63 Aate yavyav kat pa tamtamon tooni.

---

\* 78:55: Mbanj 13:19      \* 78:61: 1Sam 4:4+

Tauvene ipul zi tila koiazna nimazi ve timbut zi pa mbuzaagh, le geegeu toozi paghpaaghu timataar.

Zilivaa toozi paghpaaghu irau timbou mbounj to vain muul mako. Pasaa, zitamoot tileep ve tivai zi muul mako.

64 Zeran to watoonrau paam, mbuzaagh ighan zi gha timatmaat.

Ve azuwazna zilivaa tau tileep timin zinaarana, irau titan pazi mako.

65 Ra Maaron igham ngar imin tamtamon tau igheen gha iburig.

I imin tamtamon ariana to malmal tau ighun le ivaghamgham. Mako maata pakia ve iburig ila igham malmal muul.

66 I itatan koina, ve tighau tila toman mayazi.

Mayana tawe pale ighengheen tauvene taghon taghon gha ila.

67 Maaron ighur muuri pa Yosep paaghu tooni. Ve niia to lepoogh paam, igheen tomani zi muul mako.

Irau igham yes Epraima pa uraat tiina eta muul mako.

68 Ve isiigh rumei to Yuda, lesu tigham pooz pa tamtamon tooni.

Ve igham loloz Zion imin i le.

Loloz tawe, i loolo pani kat.

69 I irau rumei tooni patabuyaana izala, lesu imin niia to lepoogh.

Rumei tawe iyaryana kat imin sambam.

Pale iyooz tunja tauvene taghon taghon gha  
ila, imin taan tau i ighuru na.

<sup>70</sup> Ve i isiigh besoonja tooni David to imin kinik.  
David inginngin sipsip ila olol loolo, ve  
Maaron ighuru pa uraat tooni. \*

<sup>71</sup> I maata pa sipsip tinazja tomania natuzja tau  
tighunghun tuz na,  
ve Maaron ighamu imin nginiinj to yes Israela  
tau Yakop paaghu tooni na.

<sup>72</sup> Tauvene David ingin zi itaghon ngar duduunja, ve  
igham pooz pazi poi. \*

## 79

*Tanjiz to yes Israela injarui Maaron pasaa,  
koiazja tireu Yerusalem*

Mbounj to Asap

<sup>1</sup> O Maaron, aazne nugh nugh tau tiwatagh ghom  
mako na, tilam taan tsio tane, ve tighe  
tighamu imin lezi.  
Yes tivaghamunia rumei tsio patabuyaanj le  
isaghat,  
ve tireu mbirisai nugh tiina Yerusalem.

<sup>2</sup> Yes tirav besoonja tsio timatmaat, ve tipul patazi  
tivaghengheen taghon taan paavo, lesu  
man tighan zi.  
Tamtamon tsio tau lolozi isaghav ghom ari-  
aanj ve titaghon eez tsio, tauta mizazi imin  
gabua sagsagnja lezi to tighani.

---

\* **78:70:** 1Sam 16:11+      \* **78:72:** Mt 2:6; Yo 10:11

- <sup>3</sup> Koiamaïña tirav tamtamon tsiei katini, ve sin toozi ireer imin yaa irau Yerusalem loolo.  
Ve tsiei eta ileep to itavi zi mako.
- <sup>4</sup> Tauvene nugh nugh tau tileep tigharau ghei ne, tighit ghei, ve tighamgham ñalalañ payei.  
Yes tinjinj payei, ve tivevelegh ghei kat.
- <sup>5</sup> O Yoova, pale ñeez o lolom imuul ilam payei?  
Pale uriuriu ghei, ve aatyavyav tsio ighanghan ghei imin yav irau saawe?  
Pale aatyavyav tsio izazaa tsiei tauvene taghon taghon gha ila?
- <sup>6</sup> Ugham aatyavyav tsio izaa to nugh nugh tau tiwatagh ghom mako na, ve tiyamaan katini.  
Ughur atuya inarui yes tau tisuñsuñ payo mako na, o poia.
- <sup>7</sup> Pasaa, yei tau Yakop paaghu tooni na, tiravuur ghei nisov.  
Ve tivaghamunia taan tane, le nugh tsiei ñginaañja.
- <sup>8</sup> Sosor tau muun timbumainja tighamgham zi na, ughur atuya izaa tsiei sov.  
Lolom isaghatin ghei, ve rekia ulam uul ghei.  
Pa aazne, saghatiinj tiina ivot payei gha nisaghat wa.
- <sup>9</sup> O Maaron, yo ta Uleenja tsiei. Uul ghei lak!  
Leso eval tipait ezam pa tapirim ve poia tsio.  
Upas ghei nivot pa patañani tane, ve ureu sosor tsiei. Pasaa, gabuam tauvene. Tauta tamtamon tipapait ezam.

- 10 Maaron, isaav ighe uul ghei mako, ene pale nugh nugh tisavia saveen veleghiin payei tigde:  
 “Laak, Maaron tsiam ileep sindei?”  
 Maaron, yes tau tilinlin sin pa besoonja tsio na, uyat ngar toozi tawe, ve nighita.  
 Leso nugh nugh tiwatagh tigde yo ughurghur atuya pa ngar saghati.
- 11 Uloonj tanjiz to yes tau tileep ila koiazna nimazi na.  
 Yes tau koiazna tigde tirav zi timaat na, ugham mulin zi. Pa yo tapirim tiina kat.
- 12 O Maaron, nugh nugh tisiksik saveen veleghiin payo.  
 Ngar toozi tawe, uyatu le uyat katini.
- 13 Ighe ugham tauvene, ene pale yei tamtamon tsio lolomai poia payo, ve nipait ezam pa poia tsio irau saawe.  
 Pale nisinai uraat tsio taghon taghon gha ila.  
 Pasaa, yei sipsip tsio, ve yo nginiin tsiei.

## 80

*Yes Israela tighason Maaron to iuul zi, lesa tileep poia muul*

Mbounj to Asap

- 1 O Maaron, yo nginiin to yei Israela, ve yei sipsip tsio.  
 Yo ta umunmuun pa yei paaghu to Yosep.  
 Ughur talinam pa sunuun tsiei tane.  
 Yo uleep ila niam to ghamuun pooz tau igheen izala anjela arianazi avarazi na.

Utotoi mbonarim ivot ighazoonj payei.

<sup>2</sup> Yo saksakim ve arianjam.

Uburig ve utotoi tapirim ila Epraim,  
Benyamin, ve Manase paaghu toozi matazi.  
Ulam uul ghei.

<sup>3</sup> O Maaron, uul ghei ve upalot ghei.

Lolom poia payei, ve ugham poghani ghei.  
Leso nileep poia muul.

<sup>4</sup> O Yoova, yo Maaron saksakim ve ungin gabua  
naol isov.

Yei tamtamon tsio. Eemon atem yavyav  
payei, ve uloonj sunuunj tsiei mako.  
Pale njez o aatyavyav tsio isov?

<sup>5</sup> Yo ugham ghei nibaad patanani tiina le isoonj  
katin ghei.

Tauvene nitanj tiina, ve nighun matamai su-  
uru imin lemai yaa.

<sup>6</sup> Yo ughur murim payei. Tauvene nugh nugh tau  
tileep tigharau ghei ne, tivazorai zi pa taan  
tsiei tighe tighamu imin lezi.

Ve koiamainja tivevelegh ghei, ve tinjinj  
payei.

<sup>7</sup> Yo Maaron saksakim ve ungin gabua naol isov.  
Uul ghei ve upalot ghei.

Lolom poia payei, ve ugham poghani ghei.  
Leso nileep poia muul.

<sup>8</sup> Muunj, ai vaen ee iyooz ila taan to yes Isipa.

Yo usuru, ve ughamu ilam ta sene, ve uziir  
nugh tane tamtamona tighau, ve uvazoghi  
ila taan toozi. \*

<sup>9</sup> Ve uzavaan puughu, leso itum poi.  
Tauvene waria izila taan loolo kat, ve booga  
titum tila mamalau, le titav taan tane isov.

<sup>10</sup> Ai vaen tane itum izaa izaa, le itav loloz to nugh  
tane, ve imin yavyaav pazi.  
Ve ai mezepur tintiina tiyooz ila saamba  
paam.

<sup>11</sup> Booga siriv tiraraav zi tila le tivot nari to te  
Mediterenian.  
Ve siriv tiraraav zi tila le peria yaa tiina Eu-  
prates.

<sup>12</sup> Mindai ta aazne ureu didiin tau muunj ilivutin  
uum vaen tsio na?  
Ughita. Tamtamon tau tilaghlaagh sorok na,  
tisov tilam tilonj tila ve tiyummyum anoonja.

<sup>13</sup> Ve ngai sagsag tisuus puughu ve tivavaghaaza,  
ve gabua naol to su tighanghan anoonja.

<sup>14-15</sup> O Maaron, yo saksakim ve ungin gabua naol  
isov. Matam imuul ilam payei.  
Uleep sambam ve matam izilam ughita ai  
vaen tau nimam tapir ivazoghi na. Isaghat  
wa!  
Tauvene ulam ugharaata! Leso itum poi  
muul.

---

\* **80:8:** Igham 15:17; Is 5:1-7; Mt 21:33+; Mbanj 7:45

- 16 Aazne, koiamŋa tiŋgor ai vaen tsio izi, ve tisuru-  
uva izala yav.  
Ughit zi ve uyaon zi, ve upasov zi gha tilalez!
- 17 Eemon tamtamon tsio tau ileep ila nimam tapir  
na, uŋgin poghania ila nimam saamba.  
Kinik tsiei tau yo taum usiigho ve ughuru pa  
uraat na, matam pani ve upaloti, leso igham  
uraat payo.
- 18 Ighe ugham tauvene, ene yei aat irau nighur  
murimai payo muul mako.  
Tauvene uul ghei nileep poia muul. Leso  
nibeas payo ve nipait ezam.
- 19 O Yoova, yo Maaron saksakim ve uŋgin gabua  
naol isov. Uul ghei ve upalot ghei.  
Lolom poia payei, ve ugham poghani ghei.  
Leso nileep poia muul.

## 81

### *Mbouŋ to lupuuŋ tiina to suruuŋ*

#### Mbouŋ to Asap

- 1 Lolomim poia pa Maaron, ve ambou pani. Pa iit  
taghamgham tapiriin ila tooni.  
Tintinmim pa Maaron to Yakop, ve ayoor eeza  
toman alinamim tiina.
- 2 Ait mbouŋ ve ambou.  
Ve atok kakaap, ve arav gita ve gabua siriv,  
leso agham mbouŋ paghuuna.
- 3 Saawe to kaiyo iza paaghu, ve saawe to kaiyo  
dodoliin, ene saawe to talup ghiit ve tasuŋ.



Tauvene aviv tavuur \*  
ve apaburigin sunjuunj.

<sup>4</sup> Pa ngar tauvene, ene itaghon tutuunj tau Maaron  
ighuru pa iit Israela alok wa.  
Maaron to Yakop ighe tataghon tutuunj tane.

<sup>5</sup> Saawe tau i igham malmal pa yes Isipa,  
i isaav pa iit Israela to tataghon tutuunj tane,  
leso itinja tavalupu ghiit tamin eemon.  
Yau naloonj neer ee aliinja ilam.  
Ta muunj ve ilam, naloonj aliinja tauvene mako.  
Isaav ighe:

<sup>6</sup> “Yau ta nazugh yauyaunj patanjani izi pa  
avaramim,  
ve naghams gham amariau pa badoonj gabua.  
\* ”

<sup>7</sup> Muunj, yam aleep ila patanjani tiina loolo, ve atanj  
rarai ghau to nauul gham.  
Ve yau naloonj taniiz tsiam, ve napas gham  
avot pa patanjani tsiam.  
Yau nayoony ila taitai gabgabuai tau lalaav  
lutluutu ivotvot pani na, ve nayol alinjanim.  
Ve yau natoov gham izi yaa ziige to nugh  
Meriba. \*

<sup>8</sup> Yam tamtamon tsiau, aloonj saveenj ariaanja tau  
naghe nasavia payam ne.

---

\* **81:3:** Saawe tau yes Israela tipaburigin sunjuunj toozi, tiviviv  
mekmek zitamoot zonzazi imin iit taviv tavuur. \* **81:6:** Igham  
1:11, 6:6; Mt 11:28 \* **81:7:** Igham 17:7

Yam Israela, aghur talinamim pa alinag tane ve ataghoni, o poi!

<sup>9</sup>Maaron ite paam ileep ila sosomim ve abees pani sov. Yau mon, o abees payau.

Tauvene aput aghemim pa maaron karomņa to nugh siriv sov. \*

<sup>10</sup>Pa yau Yoova ta Maaron tsiam. Yau ta naghmagham apul Isip.

Yau nasaav payam naghe: Akaak avomim tiina. Leso napavoni pa gabua popoia.

<sup>11</sup>Eemon tamtamon tsiau tiloonj alinag mako.

Yes Israela timbuzir payau. \*

<sup>12</sup>Ngar toozi iyaryaanj kat. Lolozi pa lonjaan saveen mako.

Tauta napul zi titaghon tauzi ngar toozi. \*

<sup>13</sup>Yau napasawal naghe le tamtamon tsiau tiloonj alinag, ve titaghon eez tsiau!

<sup>14</sup>Leso rekia mon ve koiazņa tiyamaan nimag, ve natatan zi.

<sup>15</sup>Yes tau tighurghur koi payau na, pale tilam titap izi naghog toman roiņ tiina.

Ve atuya tau pale iza toozi, ene aat ighengheen tauvene taghon taghon gha ila.

<sup>16</sup>Eemon yam Israela, pale napan gham pa aniin popoia,

---

\* **81:9:** Igham 20:3    \* **81:11:** Igham 32:1+    \* **81:12:** Mbanj 7:42; Ro 1:24

ve napaghun gham pa tok to su suuru le isoon  
gham.”

## 82

### *Maaron iyaon yes pooza to taan*

Mbounj to Asap

<sup>1</sup> Maaron ileep ila niia to ghamuunj pooz, ve yes  
daaba to nugh sambam tilup zi ila naagho.

I ipayooz zimaronja \*

pa savsaveen, ve igabiiz zi pa uraat toozi. Ighe:

<sup>2</sup> “Yam tane, eez tsiam to ghamuunj pooz, iduduunj  
mako. Pale neez o apul ngar tana?”

Saawe tau daaba to taan tigharaat saveen j to  
tamtamon, yam apul zi tivool to zeran  
sasaghati.

<sup>3</sup> Yam aat apaburigin zi, lesa tigharaat saveen j to  
yes tau tapirizi imbool ve yes parooja, le  
iduduunj mon.

Ve tiyooz pa yes tau tileep ila patajani loolo,  
ve yes tau lezi uleen eta mako na, ve tiuul zi  
pa patajani toozi.

<sup>4</sup> Tauvene yes tau tapirizi imbool, ve yes mbo-  
laaja,  
yam irau matamim pazi, ve agham mulin zi  
ila zeran sasaghati nimazi.

---

\* **82:1:** Zeran ngara siriv tige zimaronja tau mbounj tane isavi zi, ene anela siriv tau Maaron ighur zi to tingin nugh nugh. Anela tawe, tauta tighamgham pooz pa yes daaba to taan. Maaron iyaon zi pasaa, tipaburigin yes daaba to taan to tigham pooz poi itaghon ngar duduunja mako. Yes tipul daaba to taan tigham ngar sasaghati naol.

- 5 Eemon yam aghamgham tauvene mako.  
 Lemim ghilaloonj mako. Ngar tsiam ivot soone.  
 Laghooñ tsiam, yam ataghon ngar to ndo-room.  
 Tauta ngar ve tutuunj naol tau timin puughu pa lepoogh poia izi taan na, yam avaghamunia le isaghat kat. \*
- 6 Onoon, muunj yau nawaat gham naghe ‘zimaronña.’  
 Ve nasaav payam naghe: ‘Yam asov amin Maaron Tiina Tau Iliiv Zimaronña Tisov na natña.’ \*
- 7 Eemon yam pale asov amatmaat raraate imin eval tiina to taan.  
 Pale atap imin yes daaba to taan, ve lemim ezamim muul mako.”
- 8 O Maaron, uburig ve ughur atuya pa zeran sasaghati tau tileep izi taan na.  
 Pasaa, nughmariñ to taan tomania gabua toozi, ene yo tsio mon.

## 83

### *Yes Israela tighason Maaron to itatan koiazña*

Mbounj to Asap

- 1 O Maaron, mindai ta avom luutu mako ve une-neen mon?  
 Mindai ta uput nimam ve ulepleep sorok?
- 2 Ughita. Koiamña tigde tipaburigin malmal.  
 Yes tau tighurghur koi payo na, tipakur tauzi ve tighamgham aghezi payo. \*

---

\* 82:5: Mbo 11:3    \* 82:6: Yo 10:34    \* 83:2: Mbo 2:1

- <sup>3</sup> Tamtamon tsio tau lolom pazi kat na,  
koiamņa tawe tilup zi, ve tiil eez to  
tivaghamun zi.
- <sup>4</sup> Tighe: “Alam tala ve tapasov yes Israela le tisov  
kat.  
Leso ezazi igheen muul sov, ve tamtamon  
loloji iveegh pazi.”
- <sup>5</sup> Onoon kat, koiamņa tawe tilup loloji ve ngar  
toozi imin eemon,  
ve timbu saveeņ tighe tigham malmal payo ve  
tivaghamunia tamtamon tsio.  
Yes tamtamon to nugh tane:
- <sup>6</sup> Yes Edoma tomania Ismael paaghu tooni,  
ve yes Moapa tomania yes Agri,
- <sup>7</sup> ve yes to taan sirivu to Gebal tomania yes Amona  
ve Amaleka,  
ve yes Pilistia ve tamtamon to nugh Tiro.
- <sup>8</sup> Ve yes Asiria paam tau zeran arianazi to malmal  
na, tivool to yes Amona ve Moapa tau Lot  
paaghu tooni na, lesu tiuul zi pa malmal. \*
- <sup>9</sup> Tauvene yei nitanj rarai ghom nighe ugham ngar  
raraate pa yes tawe imin tau muuņ ugham  
pa yes Midiana,  
ve murei ugham pa Sisera yesuru Yabin izi  
yaa Kison na.
- <sup>10</sup> Saawe tana, yo urav zi timataar izi nugh Endor,

---

\* **83:8:** Gnp 19:37+

ve patazi tivaghengheen taghon taan paavo  
gha timbuzaar.

- 11 Yes daaba to koiamainja, ugham ngar raraate  
pazi imin tau muun ugham pa Oreb yesuru  
Zeeb na.  
Ve yes pooza toozi tauvene paam. Utatan  
zi imin tau muun utatan Zeba yesuru Zal-  
muna na.
- 12 Zeran ru tawe, muun tisaav tigde: “Maaron taan  
tooni, le kikiliin popoia. Tala taghamu imin  
leen.”
- 13 Maaron tsiau, ureu zi le timbiriis imin ngaupup  
ve rabrab tau yaghur ivuvuura gha ilale.
- 14 Uvaghmun zi imin yav tau ighan suvinia regh,  
ve imin yav tau ighan izala loloz, le ipasov su.
- 15 Ugham uman tiina izi, ve yaghur tiina iza, lesu  
tiroi ve tighau.
- 16 O Yoova, utatan zi. Lesu mayazi kat, ve tighilaal  
tighe yo ezam tiina, ve tisuun payo.
- 17 Ugham zi tivaghamgham, ve tileep toman  
mayazi taghon taghon gha ila.  
Upamayanin zi, ve upasov zi.
- 18 Lesu tighilaal tigde: Yoova, yo mon ta ezam  
tiina.  
Yo Maaron Tiina Tau Uliiv Zimaronja Tisov,  
ve ungin taan isov.

## 84

*Mbounj to yes tau tilaagh nugh malau ve tilam  
Yerusalem pa sunuun tiina*

Mbounj to yes Kora

- <sup>1</sup> O Yoova, yo saksakim ve ungin gabua naol isov.  
Yau lolog pa rumei tsio kat. Pa ene paghuuna  
kat ve imin niam to lepoogh. \*
- <sup>2</sup> Yau napasawal naghe le naleep ila sirsiir to  
rumei tsio loolo, o poia.  
Maaron, yo uleep matam yaryaare irau  
saawe.  
Tauvene lolog ve ngar tsiau isov inajarui  
ghom, ve lolog poia kat ve namboubou  
payo. \*
- <sup>3</sup> Yoova, yo saksakim ve ungin gabua naol isov.  
Yo kinik tsiau ve Maaron tsiau.  
Man tau tileep ila sirsiir to rumei tsio loolo na,  
loloji poia kat.  
Ve maetbooga tiraaurau rumazi ila rumei tsio  
loolo, leso tileep tigharau artaal tsio, ve  
tipoop natuzna ta sewe.
- <sup>4</sup> Yes tau tilepleep ila rumei tsio loolo na, poia tsio  
izazaa toozi ve loloji poia kat.  
Tauta timboubou ve tipapait ghom.
- <sup>5</sup> Yes tau tighamgham tapirizi ilat tsio na, poia tsio  
izazaa toozi ve loloji poia kat.  
Loloji iyaryaan tighhe le titaghon eez tau ila pa  
loloZ Zion na, leso tisun payo izi ta sewe. \*

---

\* **84:1:** Mbo 27:4    \* **84:2:** Mbo 42:1, 63:1    \* **84:5:** Hib 11:13+

- 6 Saawe tau tilaagh ila taan raraate tau le yaa mako na,  
yaa katini bolokbolokia ila taan ve tizazaa.  
Maaron igham uman izi pa taan tawe, tauta yaa ipot irau nugh.
- 7 Tauvene tamtamon tooni tapirizi ivotvot, ve tilaghlaagh taghon eez,  
le tila tivot Maaron naagho izi loloz Zion.
- 8 O Yoova, yo Maaron saksakim ve unġin gabua naol isov. Uloonj sunjuunġ tsiau tane.  
Maaron to Yakop, ughur talinġam payau.
- 9 Maaron, sunjuunġ tsiei inġarui ghom pa kinik tsiei tau yo taum usiigho na.  
Matam pani ve ughur poia tsio izaa tooni.  
Pa i ta imin sigheu payei.
- 10 Isaav ighe yau naleep ila sirsiir to rumei tsio loolo pa aaz eemon geeg,  
ene igham ghau lolog poia iliiv saawe ndinġndinġ ndinġndinġ tau naleep izi nugh siriv.
- Yau lolog pa naleep tomania zeran sasaghati ila ruum toozi mako.  
Yau naghe le naleep ataman aavo to Maaron tsiau rumei tooni, o poia.
- 11 Maaron toit Yoova, ghazoonġa tooni isul ghiit imin aaz, ve i imin sigheu pait.  
I ighamgham poghani ghiit, ve igham ezaan ivot imin tiina.  
Yes tau laghoonġ toozi iduduunġ ila maata na, i irau inġguruut gabua poia eta pazi mako. \*

---

\* **84:11:** Mbo 34:10



12 O Yoova, yo saksakim ve ungin gabua naol isov.  
Yes tau tinumeer ghom na, poia tsio izazaa  
toozi ve lolozu poia kat. \*

## 85

*Maaron tamtamon tooni tighasoni to iuul zi,  
leso tileep poia muul*

Ene mbounj to njeer tau imuunj pa mbounj

Mbounj to yes Kora

1 O Yoova, muunj yo ughamgham poghania nugh  
tsio.

Yei tau Yakop paaghu tooni ne, saawe tau  
nileep ila patanjani loolo, yo uul ghei ve  
ugham ghei nileep poia muul.

2 Ve saawe tau tamtamon tsio tigham sosor, yo  
upul sosor toozi.

Ngar toozi tau isosor ila yo matam na, yo  
ureua isov ilale.

3 Yo utatan aatyavyav tsio,  
ve lolom iluum pazi muul.

4 Ve aazne, nitanj rarai ghom muul.

Maaron, yo Uleenja tsiei. Matam imuul payei  
ve uul ghei, leso nileep poia muul.

Atem yavyav payei muul sov.

5 Mindai, pale aatyavyav tsio izazaa tsiei irau  
saawe?

Pale ighengheen tauvene taghon taghon gha  
ila?

---

\* 84:12: Mbo 2:12

- <sup>6</sup> Yei tamtamon tsio. Tauvene matam imuul ilam payei, ve upaburigin ghei muul.  
Leso lolomai poia payo, ve nipait ghom.
- <sup>7</sup> O Yoova, lolom isaghav tamtamon tsio ariaan ve uluul zi. Utotoi ngar tana payei muul, ve ugham mulin ghei. Leso nileep poi.
- <sup>8</sup> Yau aat naghur taliḡag poi pa saveeḡ tau Maaron ighe ivotia pa tamtamon tooni.  
Pasaa, yau nawatagh: Yoova pale isavia saveeḡ luuma pait.  
Tamtamon tooni tau lolozi isaghavu ariaan ve titaghon eez tooni na, i pale iuul zi, leso tileep poia muul.  
Eemon yes aat tiyamaan zi. Ngar to boraunḡa tau muunḡ tighamghamu na, tighammu muul sov. \*
- <sup>9</sup> Onoon kat. Yes tau tiroi pa Maaron ve titaghon ngar tooni na, i ilepleep igharau zi ve isasaan pa uleeḡ zi.  
I aat ileep tomani ghiit, ve itotoi tapiri ve poia tooni ivot ighazoonḡ izi taan tsiei tane
- <sup>10</sup> Maaron loolo isaghav tamtamon tooni ariaan ve iuluul zi, ve yes titaghon tutuunḡ tooni.  
Tauta yesḡa tilup zi timin eemon.  
Yes titaghon ngar duduunḡa, ve i igham zi tileep poia toman lolozi luuma. Tauta lupuunḡ toozi eemon. \*
- <sup>11</sup> Ngar to taghoniin saveeḡ onoon, ene ivotvot izi taan.

---

\* **85:8:** Yo 14:27; Ro 5:1; 2Tes 3:16      \* **85:10:** Mbo 89:14; Ro 3:26

Ve Maaron ileep izi sambam, ve maata pait  
itaghon ngar tooni duduunja.

<sup>12</sup> Onoon kat, Yoova pale igham lemai gabua  
popoia.

I pale igham mariri poia ivot ila taan tsiei. \*

<sup>13</sup> Ngar duduunja, ta imunmuun pani,  
ve ighagharaat eez pani to ilam.

## 86

*Neer ee ighason Maaron to ipaghazonjaini pa eez  
tooni*

Mbounj to David

<sup>1</sup> O Yoova, ughur taliŋam payau. Uloonj sunjuun  
tsiau tane, ve uul ghau.

Pa yau naleep ila patanjani loolo ve nailiil eez.

<sup>2</sup> Yau besoonja tsio, ve nanumeer ghom.

Lolog isaghav ghom, ve nataghon eez tsio.

Yo Maaron tsiau.

Tauvene uvool tsiau, ve ugham mulin ghau.

Mako pale namaat.

<sup>3</sup> Tiina tsiau, lolom isaghatin ghau ve uul ghau!

Pa saawe isov, ta mbonjoozo ila le ravrav izi,  
tanjiz tsiau injararui ghom.

<sup>4</sup> Yoova, yau besoonja tsio. Yau nasun payo toman  
lolog.

Ugham lolog poia muul.

---

\* **85:12:** Mbo 67:6; Yems 1:17

- <sup>5</sup> Tiina tsiau, yo poiam kat, ve upulpul sosor to tamtamon.  
Tamtamon tisov tau tisuṅsuṅ payo na, lolom isaghav zi ariaaṅ, ve uluul zi. \*
- <sup>6</sup> Tiina tsiau, ughur taliṅam pa suṅuuṅ tsiau.  
Ulooṅ taṅiiz tsiau tane ve uul ghau. Pa yau besooṅa tsio.
- <sup>7</sup> Saawe tau naleep ila pataṅani loolo, yau natanṅ rarai ghom.  
Pasaa, yau nawatagh: Yo aat ulooṅ suṅuuṅ tsiau ve uul ghau.
- <sup>8</sup> Tiina tsiau, yo mon ta Maaron tauu. Maaron ite paam raraate imin yo mako.  
Eta irau igham uraat tintiina imin yo ne mako.  
\*
- <sup>9</sup> Yoova, yo ughur tamtamon tisov tileep irau nugh toz toz.  
Nughmariṅ pale tilam tiput aghezi payo, ve tipait ezam pa tapirim ve poia tsio. \*
- <sup>10</sup> Pasaa, yo ezam tiina, ve ughamgham gabua ṅgeretazi tintiina.  
Tauvene yo mon ta Maaron tauu.
- <sup>11</sup> O Yoova, utotoi eez tsio payau  
Leso laghoonṅ tsiau iduduunṅ mon itaghon saveeṅ tsio onoon.  
Ve ugham ghau naghur lolog isov inarui ghom.  
Leso naroi payo, ve nataghon aliṅam. \*

---

\* **86:5:** Igham 34:6; Yona 4:2      \* **86:8:** Igham 8:10, 15:11

\* **86:9:** Syg 7:9-10, 15:4      \* **86:11:** Igham 33:13; Mbo 25:5; Yer 32:39; Ezek 11:19+

- 12 O Tiina, yo Maaron tsiau.  
Yau lolog poia payo, ve napakur ghom toman lolog isov.  
Yau aat napait ezam pa tapirim ve poia tsio irau saawe.
- 13 Pasaa, yo lolom isaghav ghau ariaan ve uluul ghau.  
Muunj, rigmon kananj nazila mateegha niazi.  
Eemon yo ugham mulin ghau, tauta namaat mako.
- 14 O Maaron, ughita. Aazne, zeran sasaghati tiburig tighe tivaghamun ghau.  
Yes to taliinjizi tilup zi, ve tighe tirav ghau namaat.  
Lolozi isaghatin tamtamon eta mako, ve matazi injal ghom rigta mako.
- 15 Tiina, yo Maaron tau lolom isasaghatin ghei, ve ughamgham poghani ghei.  
Atem yavyav rekrekia mako.  
Poia tsio, ene tiina kat. Yo lolom isaghav ghei ariaan ve uluul ghei, ve utaghon saveenj tsio irau saawe. \*
- 16 Tauvene matam imuul ilam payau, ve lolom isaghatin ghau.  
Upalot ghau. Pa yau besoonja tsio. Yau nabesbees payo imin tinaj ibesbees payo.  
Tauvene ugham mulin ghau pa patajani tsiau tane.
- 17 O Yoova, ugham ngar eta leso itotoi ighe yo lolom poia payau.

---

\* **86:15:** Igham 34:6

Pasaa, ighe yo uul ghau, ve ugham ghau ateg izi, ene pale koiagna tighita tigde onoon yo lolom payau. Mako mayazi ve tineneen.

## 87

### *Zion, nugh patabuyaanj to Maaron*

Mbounj to yes Kora

<sup>1</sup> Yoova tauu ipayooz nugh tooni izi loloz tooni patabuyaanj.

<sup>2</sup> I loolo pa nugh Zion kat iliiv nugh naol tau Yakop paaghu tooni tileep ila na. \*

<sup>3</sup> O Yerusalem, yo Maaron nugh tooni.  
Tauta tamtamon tipait varum kat.

<sup>4</sup> Maaron isaav ighe: “Yes Isipa ve Babilona pale tiwatagh ghau, ve nawaat zi ‘tamtamon tsiau.’

Ve yau aat nasaav pa yes Pilstia, yes to nugh Tiro, ve yes to Etiopia paam tauvene:  
‘Yam amin Yerusalem tamtamona, raraate imin yes tau tipoop zi izi ta sene.’ ”

<sup>5</sup> Onoon kat, pale tisavia nugh Zion tigde:  
“Maaron Tiina Tau Iliiv Zimaronja Tisov na igham tamtamon to nughmarinj timin Yerusalem tamtamona.  
Nugh tawe, i tauu ipayooze.”

<sup>6</sup> Tauvene saawe tau Yoova ibood tamtamon tooni ezazi ila rau,

---

\* 87:2: Mbo 48:1

i pale ibood saveen to ipaghazonai nughmarin  
tawe ighe: “Yes nugh tauu to Yerusalem.”

<sup>7</sup> Tauvene tamtamon pale timboubou, ve titor-  
tor toman lolozi poia, ve tisaav tigde:

“A Yerusalem, yo umin puura tau yaa bolok-  
bolokia pani. Pasaa, yo, tauta gabua popoia  
katini ivotvot payei!”

## 88

*Sunjuunj to neer tau ileep ila patanani tiina loolo*

Mbounj to yes Kora

Heman, tau paaghu to Ezra na itoor mbounj tane

<sup>1</sup> Yoova, yo Maaron tsiau ve Uleena tsiau.

Mataaz ta naol ne, natañtañ toman alinag tiina  
injarui ghom naghe uul ghau.

Ve mbouj paam, nalam naleep ila naghom, ve  
nasunjuunj payo.

<sup>2</sup> Uloonj sunjuunj tsiau tane.

Ughur talinam pa tanjiiz tsiau, ve uul ghau.

<sup>3</sup> Pa patanani naol itatan ghau,

ve naghita naghe naleep ila naal aavo wa.

<sup>4</sup> Tamtamon tighit ghau tigde paita namaat ve  
nazila nugh to mateegha tane.

Pa tapirig isov kat wa.

<sup>5</sup> Tamtamon tighit ghau imin namaat wa. Tauta  
lolozi iveegh payau, ve zigau naleep.

Yau namin zeran tau tirav zi timatmaat, ve  
tisuruuv patazi izila naal.

Ve namin yes mateegha tau yo lolom iveghai  
zi ve irau uul zi muul mako.

- 6 Yo ughur ghau nazila puura to mateegha tau izila le izila kat.  
Naleep siinja kat ila ndoroom loolo.
- 7 Aatyavyav tsio itatan ghau kat,  
imin dibom tintiina tipolpol izala pavog ve titavtav ghau.
- 8 Yo ugham zetagna timoghaagh payau.  
Loloji pa tighit ghau mako. Pasaa, ngar tau ugham payau ne, ene igham zi tighit ghau namin gabua saghati.  
Lepoogh tsiau, ene imin naleep ila ruum to yavyavuunj loolo, ve leg eez to navot mako.
- 9 Yoova, mataaz ta naol ne, yau naitiit nimag izazaa,  
ve natañtañ rarai ghom to uul ghau.  
Lolog ipatañan kat, ve natañ tiina le matag isarsar.
- 10 Laak, yo ugham gabua ngereeta eta pa yes mateegha leso uul zi?  
Ma mateegha irau tiburig ve tipait ezam?  
Mako.
- 11 Ve yes tau tigheen ila naal loolo na, tisasavia ngar tsio tau lolom isaghav tamtamon tsio ve uluul zi?  
Ma yes tau tileep ila nugh to saghatiinj na, tisavsaav pa ngar tsio to utataghon saveeñ mbuaañ tsio? Mako.
- 12 Ve yes tau tileep ila ndoroom loolo na, tiwatagh gabua ngeretazi tau ughamgham zi ne?



Ma mateegha tau tamtamon lolozi iveghai  
zi na, matazi ingalngal ngar tsio duduunja?  
Mako kat!

<sup>13</sup> Eemon yau, o natanjan payo naghe uul ghau.  
Yoova, mbonoozo ta naol ne, sunuunj tsiau  
injanarui ghom.

<sup>14</sup> Yoova, mindai ta ughur murim payau, ve ungooz  
naghom payau?

<sup>15</sup> Saawe tau kukuag ve ilam, nabadbaad patanani  
tiina, ve nalepleep ila naal aavo.  
Yo ughurghur patanani payau, ve upaparo  
ghau imin koiam yau.  
Tauta lolog ipatanan kat, ve naghita naghe  
narau gabua eta muul mako.

<sup>16</sup> Pasaa, aatyavyav tsio itatan ghau kat.  
Yo uvaghamun ghau le naroi kat.

<sup>17</sup> Saawe isov ta mbonoozo ila le ravrav izi, lepoogh  
tsiau, ene imin dibom ipol toman tapiri, ve  
rigmon kanan izugh ghau gha nalaleg.  
Patanani naol tilivutin ghau, ve leg eez to  
napaghau taug mako.

<sup>18</sup> Yo ugham zetagna ve tonvetaz tsiau timoghaagh  
payau.  
Yes tau muunj yenja lupuunj tsiei eemon na,  
tigharau ghau muul mako.  
Aazne, ndoroom tiina ikau ghau.

*Maaron imbua tomania David na, puughu mindai ta Maaron itaghoni mako?*

Mbounj tane to Etan, i Ezra paaghu tooni

<sup>1</sup> O Yoova, yau aat nambou ve napait ghom irau saawe. Pasaa, yo lolom isaghav tamtamon tsio ariaan ve uluul zi.

Ve ngar tsio to taghoniin saveen mbuaan tsio tauvene paam. Avog pale ivovotia pa tamtamon ta aazne ve iseenga taghon gha ila.

<sup>2</sup> Pale navoti ghom pa tamtamon naghe: Ngar tau lolom isaghav tamtamon tsio ve uluul zi, ene pale ighengheen tauvene le alok.

Ve ngar to taghoniin saveen mbuaan tsio paam, ene igheen tunja irau saawe, imin sambam saamba.

<sup>3-4</sup> Muun, yo usaav ugha: “Yau nasiigh besoonja tsiau David ve nambu saveen tomania.

Saveen tane, npariaanja le iyaryaan kat naghe:

‘Yau pale napalot paaghu tsio, ve naghur zi timin kinik irau saawe. Yes pale tileep ila niam to ghamuun pooz, ve tingin yes Israela taghon taghon gha ila.’ ”

<sup>5</sup> Yoova, yes anela patabuyaanja tiluplup zi izi sambam, ve tipapait ezam pa gabua ngeretazi tau ughamgham zi na.

Yes tipapakur ghom pasaa, yo utataghon saveen mbuaan tsio. \*

<sup>6</sup> Yoova, sei ta irau ghom?

Yes tau tileep izi sambam na, yo uliiv zi tisov.

---

\* 89:5: Syg 4:8

Anjela eta irau ghom mako.

<sup>7</sup> Saawe tau yes daaba to anjela patabuyaana tilup  
zi pa savsaveen izi nugh sambam, yes  
tiyooz livutin ghom toman roinj tiina, ve  
tipakur ghom.

Pasaa, yo tapirim tiina ve uliiv zi kat.

<sup>8</sup> Yoova, yo Maaron saksakim ve unjin gabua naol  
isov. Sei tapiri tiina kat imin yo? Eta mako.  
Ve yo utortoor ngar tsio mako. Saawe isov,  
utataghon saveen mbuaan tsio.

<sup>9</sup> Yo ta unjin te.

Isaav ighe yaghur tiina iza ve ipei dibom  
tintiina, yo irau ugham dibom imaat, ve  
taun izi.

<sup>10</sup> Muunj geeg, yo urav valaghin Rahab daaba gha  
imaat.\*

Nimam patanani.

Tauta urav matin koiama, ve ureu mbirisai  
zi tighawaar.

<sup>11</sup> Sambam ve taan, ene yo tsio.

Pasaa, yo ta ughur zi tomania gabua naol isov  
tau tileep ve tigheen ila.\*

<sup>12</sup> Yo ughur taan tau igheen ila pa ragh, ve ila  
imuul yavaar puughu.

---

\* **89:10:** Muunj, tighur ila tighe gabua saghati tiina ee ileep te  
loolo, eeza Rahab. Naagho imin moot ma poghai, ma vene. Saawe  
isov, i izuzuari ghi ighe ivaghamunia gabua. Ve tighe muunj geeg,  
Maaron yesuru Rahab tiparav, ve Maaron iliivo. Tauta aazne  
Rahab ivaghamunia gabua muul mako. \* **89:11:** Mbo 24:1

Loloz Tabor ve loloz Hermon timboubou  
toman loloz poia ve tipait ezam.

13 Yo saksakim ve tapirim tiina.

Nimam tapir, ene saghati. Tauta urav  
koiamña ve uliiv zi.

14 Ngar duduunja tomania ngar to gabizoonj tam-  
tamon itaghon ngar duduunja, tauta imin  
puughu pa pooz tsio.

Ve ngar isov tau ughamgham zi na, itotoi ighe:  
Yo lolom isaghav tamtamon tsio ariaan ve  
uluul zi, ve utataghon saveen mbuaan tsio.

15 Yes tau tilup zi pa sunjuunj toman loloz poia ve  
tiyoryoor ezam na,  
tilaghlaagh ila ghazoonja tsio, ve poia tsio iza-  
zaa toozi. \*

16 Yes tiwatagh ghom tomania ngar tsio.

Tauvene saawe isov, ta mbonjoozo ila le ravrav  
izi, loloz poia kat, ve tipapait ezam pa ngar  
tsio duduunja.

17 Yei nigham tapirimai ilat tsio, tauta tinimai izaa  
ve ezamai imin tiina.

Poia tsio, tauta igham tapirimai ivot le niliiv  
koiamainja.

18 Yoova, yo usiigh neer tau imin sigheu payei. I ta  
iponpooon koiamainja.

Maaron patabuyaanj to yei Israela, yo ughur  
lemai kinik to igham pooz payei.

*Saveen mbuaan tau muun Maaron igham pa  
David*

---

\* **89:15:** Yo 8:12; 1Yo 1:7

- 19 Yes tau lolozi isaghav ghom ariaan ve titaghon eez tsio na, muun geeg, yo upaghazonjai zi pa ngar tau ughe ughamu. Yo usaav pazi ila tandaghiin ughe:  
“Zaaba ariaan ee ilepleep ila sosomim.  
Yau taug nasiigho ve naghuru imin kinik.  
Tauta nauule ve naghm eeza ivot imin tiina.
- 20 Yau naghita besoonja tsiau David, i irao.  
Tauta nalin ngoreen tsiau patabuyaanj izala daaba, ve naghuru pa uraat. \*
- 21 I pale ileep ila yau nimag,  
ve napaloti irau saawe.
- 22 Tauvene koinja irau tiliivo mako,  
ve zeran sasaghati irau titatani mako.
- 23 Pasaa, yau taug pale namuun pani, ve natatan koinja le tapirizi isov.  
Yes tau tighur koi pani na, yau aat narav zi tisov timataar.
- 24 Yau aat nataghon saveen mbuaan tau naghm pani na, ve lolog isaghavu ariaan, ve naghur poia tsiau izazaa tooni.  
Pale naleep tomania ve napaloti, leso tapiri ivot imin tiina ve iliiv koinja. Tauvene eeza pale imin tiina kat.
- 25 Yau aat naghm eval tiina tileep ila i saamba.

---

\* **89:20:** Mbanj 13:22

Yes tau tileep izi nari to Te Mediterenian, ve  
ila imuul yaa Euprates ziige.

26 I pale isaav payau ighe: ‘Yau Tamañ yo.

Yo ta Maaron tsiau, ve Uleenja tsiau ariaaña.  
Yo uponpoon ghau pa koiagna imin maet  
tiina.’

27 Ve yau pale naghamu imin natug aidaaba.

Tauvene i pale eeza tiina kat le iliiv kinik tisov.  
\*

28 Pale lolog isaghavu ariaañ ve nauule irau  
saawe.

Ve saveeñ tau nambua pani na, tauvene  
paam. Pale igheen ariaañ tauvene taghon  
taghon gha ila.

*Saveeñ tau Maaron imbua pa David paaghu  
tooni*

29 Ziiri waaro tooni irau isov mako. Pale nanğin  
paaghu tooni, ve tileep poi taghon taghon  
gha ila imin sambam saamba.

Pale tileep ila David niia to ghamuñ pooz, ve  
tingin yes Israela irau saawe. \*

30 Eemon isaav ighe paaghu tooni tighur murizi pa  
saveeñ tsiau,

ve laghoon toozi isapir pa tutuun tau naghuru  
na,

31 ma tivelegh tutuun tsiau tau igheen pataghaan  
na imin kaut sorok,

ve timalaan pa tutuun tsiau ngara,

---

\* **89:27:** Ep 1:20+; Kol 1:18; Syg 1:5      \* **89:29:** Lu 1:33; Hib 1:8

- 32 ene pale nanjal matazi pa ngar toozi to zoraan saveen,  
ve nalos matin zi pa sosor toozi.
- 33-34 Eemon ngar tau lolog isaghav David ve paaghu tooni ve naluul zi, ene irau napuli mako. Pale ighengheen tauvene taghon taghon gha ila.  
Ve saveen tau nambua pani na, irau nareua mako.  
Saveen tau ivot ila taug avog, ene irau natoora mako.
- 35 Pasaa, yau Maaron patabuyaan. Tauvene saveen mbuaan tsiau tau napariaanja le iyaryaan kat, ene pale igheen tauvene taghon taghon gha ila.  
Irau natombaan David mako.
- 36 Paaghu tooni irau tisov mako. Sinj toozi pale iparseen taghon taghon gha ila.  
Pale matag pazi ve pooz toozi iyaryaan imin aaz, ve ighengheen tauvene.
- 37 Pooz toozi pale tunja irau saawe imin kaiyo.  
Kaiyo tau igheen ila sambam saamba, ene imin ilaal ighe saveen mbuaan tsiau tane, ene onoon.”
- Tariiz to yes Israela injarui Maaron pa kinik toozi*
- 38 Yoova, muun yo umbu saveen ariaanja tauvene pa David ve paaghu tooni.  
Eemon aazne, atem yavyav kat pa kinik tsiei tau taum usiigho ve ughuru pa uraat na.  
Yo lolom pani muul mako, ve ughur murim pani kat.

- 39 Saveen mbuaan tau muun ugham pa besoonja tsio na, aazne yo ureua wa.  
Ve uzugh moghar ndamoonda tooni izi pa daaba, ve usiki ila ngaupup.
- 40 Didiin ariaanja tau ilivutin nugh tooni na, yo ureu mbirisaini izi.  
Ve uvaghamunia ruum tooni arijaazi paam, le tisov timbiriis.
- 41 Tauvene tamtamon tisov tau tilala tilamlam na, tiyummyum gabua tooni.  
Ve yes nugh nugh tau tileep tigharauu na, tiveveleghi ve tighamgham njalalanj pani.
- 42 Yoova, yo taum upalot kinik tsiei koinja ve tiparav ariaanj le tiliivo.  
Tauta tisov lolozi poia ve tipakur zi.
- 43 Saawe tau kinik tsiei igham malmal, yo upaloti mako,  
ve upamuul mbuzaagh tooni maata imuul pa tauu.
- 44 Tauvene gabua tooni popoia tau i eeza tiina pani na, yo uwalaav zi pani,  
ve ureu niia to ghamuunj pooz izi taan.
- 45 I neer paaghu. Eemon yo ugham koinja tiliivo, tauta igharaat tauu mako ve ipul tauu.  
Taghita imin koonj.

*Yes Israela tighason Maaron to igham mulin zi pa patanjani toozi*

- 46 O Yoova, pale neez o matam ilam payei muul?



Mindai, pale unḡooz naghom payei, ve  
aatyavyav tsio izazaa tsiei taghon taghon  
gha ila?

47 Yoova, matam inḡal: Yei tamtamon to taan  
nileep malau mako.

Onoon, yo taum ughur ghei. Eemon, pale  
nisov nimataar nimin kaut sorok. \*

48 Sei irau imaat mako, ve ileep maata yaryaare  
taghon taghon gha ila?

Ma sei irau ipasalia tauu pa mateegh? Eta  
mako. \*

49 Yoova, muuḡ yo umbu saveeḡ pa David ve  
upariaaḡa le iyaryaḡaḡ kat ughe yo pale  
lolom isaghavu ve uule irau saawe.

Eemon aazne, poia tsio tana igheen sindei?  
Mindai ta utaghon saveeḡ mbuaaḡaḡ tsio  
muul mako?

50 O Yoova, yau besooḡa tsio. Matam inḡal ghau ve  
uul ghau lak!

Pa aazne, nugh nugh tipamayaḡin ghau,  
ve tivevelegh ghau le lolog isaghat kat.

51 Yoova, yo taum usiigh ghau ve ughur ghau  
namin kinik.

Ughita. Nugh sindei tau nala pani, ene  
koiamaḡa tipaḡinḡizai ghau,  
ve tisiksik saveeḡ veleghiḡaḡ payau.

52 Tapait Yoova pa poia tooni irau saawe.

Onoon le onoon kat!

---

\* 89:47: Mbo 39:5      \* 89:48: Mbo 49:7+

## 90

### *Lit tamtamon, saawe toit tuuku*

Sunjuunj to Mose, i Maaron tamtamon tooni

- <sup>1</sup> O Tiina, muunj ve ilam,  
yo umin niamai to lepoogh.
- <sup>2</sup> Yo Maaron tau uleep irau saawe.  
Muunj geeg, saawe tau ugham taan ve loloz  
tivot soone, yo ulepleep.  
Ve yo pale ulepleep tauvene taghon taghon  
gha ila.
- <sup>3</sup> Yo ugham yei tamtamon to nimaat nimin  
n̄gaupup.  
Yo usaav payei ughe yei aat nimaat ve nizila  
nimin taan muul. \*
- <sup>4</sup> Yo ughita ughe ndaman ndin̄ndin̄ ndin̄ndin̄ ee  
(1,000), ene saawe tuuku mon.  
Ila n̄gar tsio, ene imin noor ve ilam aazne.  
Ve imin saawe tuuku to mbonj tau yes zaaba  
tiyooz, ve timamaat. \*
- <sup>5-6</sup> Yo upasov lepoghamai, imin tamtamon igheen  
ve iviv, ve isov.  
Yei nimin manman tau ighe aaz iza, ene  
ruunju iravalagh ve ghitoonja poia.  
Ve ighe ravrav izi, ene imalai ve itap. \*
- <sup>7</sup> Aatyavyav tsio, ene ipapasov ghei.  
Lolom basbasuunj pa sosor tsiei ve ughurghur  
atuya payei. Tauta roinj tiina igham ghei.

---

\* **90:3:** Gnp 3:19    \* **90:4:** 2Pe 3:8    \* **90:5-6:** Yems 1:10; 1Pe 1:24

- 8 Pasaa, ngar tsiei isov tau isapir pa ngar tsio, ene yo matam kisin zi.  
Sosor tsiei tau ngozaan na, tISOV tIghEen gha-zoonja ila yo matam. Eta iyoonj mako. \*
- 9 Tauvene saawe isov tau nileep izi taan ne, aatyavyav tsio izazaa tsiei.  
Tauta nileep saawe tuuku mon, mako yaghu-ramai isov, ve nimaat.
- 10 Nileep irau ndaman tamoot tol sanjavul (70) mon, ve nimaat.  
Ve ighe tapirimai irao, o nileep irau ndaman tamoot paan (80) ma vene.  
Ve ndaman tsiei ta naol ne, niravrav ghei pa uraat, ve nibadbaad patajani. Saawe saghati, ve saawe poia paam.  
Nighamgham tauvene ila le rekia mon nizaa pa saawe tsiei, mako nisov.
- 11 Maaron, sei ighilaal katin aatyavyav tsio tapiri? Aatyavyav tsio tau inajarui ghei ne, sei igha-zoonj pani, lesO iroi payo ve itaghon alinam? Eta mako.
- 12 Tauvene ugham ghei nighilaal nighe lepoogh tsiei to taan, ene tuuku kat.  
LesO ngar tsiei ivot, ve nighilaal eez to nileep poia. \*
- 13 O Yoova, neez o utoor ngar tsio ve matam ilam payei muul?  
Lolom isaghatin ghei ve uul ghei.  
Pa yei besoonja tsio.

---

\* 90:8: 1Kor 4:5; Hib 4:13      \* 90:12: Mbo 39:4

- 14 Mboŋoozo ta naol ne, nighe upavon ghei pa poia tsio, ve utotoi ŋgar tsio tau lolom isaghav tamtamon tsio ve uluul zi.  
Leso lolomai poia ve tintinmai, ve nimbounbou ila le saawe tsiei isov.
- 15 Ugham saawe poia ivot.  
Leso lolomai poia, ve iyat ndaman katini tau ughurghur patanani payei ve nileep saghat na.
- 16 Yei besoonja tsio nighe nighit ghom ugham uraat tintiina tivot muul.  
Ve paaghu tsiei tau pale tivot murei na paam, nighe utotoi tapirim pazi tomania poia tsio tau ezam tiina pani na, ve tighita.
- 17 Yoova, yo Maaron tsiei. Lolom poia payei ve ughur poia tsio iza tsiei.  
Leso uraat tau nighamghamu pa nimamai ne ilaan poia.  
Upalot uraat tsiei. Leso ighur anoonja.

## 91

### *Maaron imin niaan to yongaan*

- 1 Ighes tamtamon eta iyoon ila to Maaron Ariaŋa Tau Iliiv Zimaronŋa Tisov na, i pale ileep poi ila i saamba.
- 2 I irau isaav pa Yoova ighe: “Maaron tsiau, yau nanumeer ghom.  
Yoova, yo umin niag to yongaan, ve uponpoon ghau pa koiagna imin didiin ariaaŋa.”
- 3 Onoon kat, i pale ipasalia aghem pa liis tau koiamaŋa tighuru payo.

Ve ipaghau moroghoonj saghati payo.

<sup>4</sup>I pale ingin ghom ila niima saamba imin tatareek ipagud natja ila baage saamba.

Yes tau tiyoonj ila tooni na, pale tileep poi.

Pasaa, i itataghon saveen mbuaan tooni. Ngar tana pale imin sigheu payo, ve ipoon ghom pa gabua sasaghati.

<sup>5</sup>Tauvene yo irau uroi pa gabua sasaghati to mbonj mako.

Ve mataaz paam, irau uroi pa koiamja pa-neegh toozi natja mako.

<sup>6</sup>Tauvene moroghoonj sasaghati tau ighamgham tamtamon pa mbonj,

ve patanani tau iravrav zi pa mataaz na, yo irau uroi pazi mako.

<sup>7</sup>Isaav ighe tamtamon ndinndinj ndinndinj ee (1,000) timatmaat ve titaptap ila zigem,

ma tamtamon ndinndinj ndinndinj sanjavul (10,000) tau tilivut ghom na timataar, na uroi sov.

Pa gabua saghati eta irau ilam igharau ghom mako.

<sup>8</sup>Atuya tau iza to zeran sasaghati na, yo pale uleep, ve ughit katini pa taum matam.

<sup>9</sup>Pasaa, yo uyonjoonj ila to Yoova, ve i imin niam to lepoogh.

Maaron Tiina Tau Iliiv Zimaronja Tisov na inginjin ghom, tauta uleep poi ila i saamba.

- 10 Tauvene gabua saghati eta irau ivaghamun ghom mako,  
ve moroghoon saghati eta irau igharau niam to lepoogh mako.
- 11 Pasaa, Maaron pale imbaan anjela tooni to tingin ghom.  
Nugh sindei tau ighe yo ula pani, yes pale matazi payo.
- 12 Yes pale tikis ghom pa nimazi, ve tipalot ghom.  
Leso utut aghem ila maet sov. \*
- 13 Isaav ighe utut laion paaghu, ma uvaghaaz moot saghati eta, ene irau tigham gabua eta payo mako. \*
- 14 Pasaa, Yoova isaav ighe: “Yes tau lolozi isaghav ghau ve titaghon eez tsiau na, yau aat napas zi tivot pa patañani toozi.  
Ve yau aat naghur zi tizala saanja ve matag pazi. Leso gabua eta ivaghamun zi sov.  
Pasaa, yes tiwatagh ghau, ve lolozi igheen ilam tsiau.
- 15 Isaav ighe titañ rarai ghau, yau aat naloon zi.  
Saawe tau tileep ila patañani loolo, yau aat naleep tomani zi.  
Pale nauul zi, ve napakur zi.
- 16 Yau pale naseen saawe toozi ila malau, leso tileep toman lolozi poia.  
Ve natotoi uleen tsiau ivot ighazoon pazi.”

---

\* 91:12: Mt 4:6; Lu 4:10; Hib 1:14      \* 91:13: Mk 16:18; Lu 10:19

## 92

### *Maaron igham zeran dudunazi tileep poia*

Mbounj to umbom patabuyaaj

<sup>1</sup> Yoova, yo Maaron Tau Uliiv Zimaronja Tisov.

Isaav ighe yau napakur ghom pa poia tsio, ve nambou to napait ezam, ene igham lolog poia.

<sup>2</sup> Mbonjoozo ta naol ne, navovotia ngar tsio tau lolom isaghav tamtamon tsio ariaaj ve uluul zi.

Ve mbonj, yau navovotia gabuam tau utataghon saveej mbuaaj tsio.

Ngar tauvene igham lolog poia kat.

<sup>3</sup> Yau naravrav gita ve kulele, ve namboubou to napakur ghom.

<sup>4</sup> Pasaa, Yoova, uraat tsio igham lolog poia kat.

Matag ilala pa gabua naol tau nimam igharaat zi na, ve nambou toman tintinig.

<sup>5</sup> Yoova, uraat tau yo ughamgham zi, ene tintiina kat.

Ve ngar tsio paam, puughu ariaaja. Ila le ila kat. Tauvene naghama ngar pani, eemon narao mako.\*

<sup>6</sup> Eemon yes kankanoonja tighilaal mako.

Ngar toozi imin boraaja. Tauta patajani tau pale ivot pa zeran sasaghata na, yes tigham ngar pani mako.

---

\* 92:5: Ro 11:33

- 7 Onoon, aazne, zeran sasaghati tivot timin naol imin oot sasaghati tau isaas le itav taan.  
Ve yes tau tinoknok ghamuunj sosor na, taghita taghe lepoogh toozi, ene poia kat.  
Eemon murei, yo pale upasov zi, le tisov kat.
- 8 O Yoova, yo uleep saanja, ve ughamgham pooz irau saawe.
- 9 Onoon kat, koiamna tau tighamgham ngar saghati na, yo pale ureu mbirisai zi gha tisov tilalez.
- 10 Eemon yau, yo upakur ghau, ve ugham tapirig ivot tiina imin makau sagsag.  
Ve poia tsio izazaa tsiau, imin tilinj ngoreen poia izala pavog.
- 11 Yo utatan koiagna ve naghit katin saghatiinj toozi.  
Yo uvaghamunia zeran sasaghatizi tawe, ve naloonj katin tanjiiz toozi.
- 12 Eemon zeran dudunazi pale tileep poia, ve ngar popoia katini ivotvot ila sosozi imin niu tau irav kat.  
Ve irau tisaghat mako. Pale tiyooz tunja ve tileep malau, imin ai mezepur tintiina to Lebanon. \*
- 13 Yes timin ai tau tivazogh zi ila rumei patabuyaanj to Yoova ziige.  
Pale tileep poia ilonj ila Maaron toit rumei tooni sirsira.

---

\* 92:12: Mbo 1:3, 52:8



- 14 Ve saawe tau timin zikoon, tapirizi ighengheen soone, ve tighamgham njar popoia ivotvot, imin ai paghpaaghu tau anonazi katini. \*
- 15 Ve tivovotia saveen tauvene tigde: “Yoova ipon-poon ghau imin maetaaz tau izala kat. Sosor eta igheen tooni mako. Njar tooni isov, ene iduduun mon.”

## 93

### *Yoova, i kinik tiina*

- 1 Yoova, i kinik tiina tau ighamgham pooz pa gabua naol isov.  
Mbonari tomania tapiri, tauta ilivuti imin nonoghiinja tooni.  
Muun geeg, i ighur taan le puughu iyaryaan kat. Tauta gabua eta irau izuure mako.
- 2 Yoova, muun geeg, saawe tau ughur gabua eta ivot soone, yo uleep pataghaan wa.  
Saawe tawe ve ilam, pooz tsio igheen ariaan.
- 3 Yoova, te iburig toman tapiri ighe ireu nugh, ve luutu tiina imin lalaav.  
Dibom ipol ve ighel taan toman luutu tiina.
- 4 Eemon Yoova, yo saksakim.  
Yo uleep saanja, ve ughamgham pooz pa gabua naol isov.  
Te tau luutu tiina imin lalaav na, yo tapirim iliivo. Ve dibom tauvene paam, tapirim iliiv zi.
- 5 O Yoova, eez tau yo ughuru pa tamtamon tsio lesu yamja avalupu gham amin eemon,

---

\* 92:14: Yo 15:5

ene ighéen tunjia tauvene irau saawe. Irau  
utoora mako.  
Ngar patabuyaanj pale ipabood rumei tsio  
taghon taghon gha ila.

## 94

### *Maaron iyatyat ngar saghati to tamtamon*

- <sup>1</sup> O Yoova, yo Maaron tau uyatyat ngar saghati to  
tamtamon.  
Utotoi ngar tsio duduunja ivot ighazoonj, ve  
ughur atuya pa zeran sasaghati.
- <sup>2</sup> Pa yo ta ugagabiiz tamtamon tisov to taan ve  
ughurghur atuya pazi.  
Tauvene uburig gha ughur atuya injarui yes  
tau tipapakur tauzi na.  
Upamuul ngar toozi sasaghati imuul ila pa  
tauzi, o iduduunj. \*
- <sup>3</sup> O Yoova, zeran sasaghati tighamgham tinizi, ve  
loloji poia pa ngar tau tighamghamu we.  
Pale njeez o upasov ngar toozi tawe?
- <sup>4</sup> Yes tau tighamgham ngar saghati na, saveenj  
pakuruunj naol ivotvot ila avozi.  
Alinjazi izazaa, ve tipapait tauzi pa ngar toozi  
tighe yes tirao.
- <sup>5</sup> Yoova, ughita. Yes tighamgham saghatin tamta-  
mon tsio.  
Yes tau yo ugham zi timin lem na, zeran tawe  
tighamgham patanjani tiina pazi.
- <sup>6</sup> Ve tiravrav zinaara ve yes paroonja timatmaat.

---

\* 94:2: Gnp 18:25

Ve loomba tau tileep tomani ghei izi nugh tsiei ne, tirav zi paam.

<sup>7</sup> Ve matazi veleghin ghom tighe: “Ah, Yoova ighit ghiit?

Ngar tau taghamghamu ne, Maaron to Yakop irau maata ila pani mako.”

<sup>8</sup> Yam zeran sasaghatmim, lemim ngar mako imin boraunja!

Pale njez o ngar tsiam ivot ve aghilaal?

<sup>9</sup> Maaron ta igharaat taliŋamim. Irau iloonj saveenj tsiam mako?

Ve i ta igharaat matamim. Irau ighit gham mako?

<sup>10</sup> I ighurghur patanjani pa tamtamon to nugh-mariŋ, lesu ipaduduunj zi. Pale ighurghur gham?

Ve i ta ighamgham tamtamon lezi ngar. Mindai, aghe i le ngar mako?

<sup>11</sup> Ngar naol tau igheen ila iit tamtamon loloon na, Yoova iwataghiir zi tisov.

Ve i iwatagh: Ngar toit katini, pale anoonja mako.

Ene isov rekia mon imin yaghuraan tau ivotvot ila avoon. \*

<sup>12</sup> Yoova, tamtamon tau ighe yo ughur patanjani pani to upaduduunja,

ve upaghazonjaini pa tutuunj tsio, ene aat poia tsio tau iza a tooni, ve loolo poia kat. \*

---

\* **94:11:** 1Kor 3:20      \* **94:12:** 1Kor 11:32; Hib 12:5

- 13 Tamtamon tauvene, isaav ighe ileep ila pataņani, yo pale uule.  
Leso aate izi, ve isasaņan le irau titai puura pa yes zeran sasaghati ve titap tizila.
- 14 Yoova irau ighur muuri pa tamtamon tooni ne mako.  
Yes tau i igham zi timin le na, loolo iveghai zi mako. \*
- 15 Ve i pale ipaduduņ yes pooza, lesu tigharaat pataņani to tamtamon itaghon űgar duduņa.  
Ve tamtamon tisov tau űgar duduņa igheen ariaaņ ila lolozu na, yes pale tipalot űgar tauvene paam.
- 16 Isaav ighe tamtamon tigham saghatin ghau, sei pale iyooz payau ve iuul ghau?  
Ve sei ta iponpoon ghau pa zeran sasaghatizi? Ite paam mako. Yoova mon.
- 17 Imin ta Yoova iuul ghau mako, kanaņ namaat rekiu mon gha nala nugh tau le oroora mako na.
- 18 Yoova, saawe tau naghe pale natap pa ghuruuņ ila tsiau,  
űgar tsio tau lolom isaghav tamtamon tsio ariaaņ ve uluul zi na, tauta ipalot ghau gha nayooz tuņia.
- 19 Ve saawe tau lolog ipataņan ve naghām űgar naol,  
yo urav ateg, ve ughām lolog poia muul.

---

\* **94:14:** Ro 11:1+

- 20 Yes pooza sasaghati tau tighurghur tutuun naol  
to tivaghamunia tamtamon na,  
yo irau upaak zi pa ngar toozi tawe mako.
- 21 Yes tilup zi ve timbu saveenj to tivaghamunia  
zeran duduñazi.  
Ve yes tau lezi sosor mako na, yes pooza tawe  
tighur saveenj tighe yes aat timaat. \*
- 22 Eemon Yoova, i imin didiinj ariaañã payau, leso  
nayoñj ila.  
Maaron tsiau iponpoon ghau imin maetaaz  
tau izala kat.
- 23 I pale ipamuul ngar sasaghati to zeran tawe  
imuul pa tauzi ve ivaghamun zi.  
I pale ipasov zi tomania ngar toozi sasaghati  
tawe.  
Yoova tau Maaron toit, pale ipasov zi le tisov  
kat.

## 95

### *Mbounj to poinj tamtamon pa sunjuunj*

- 1 Alam tambou ve tapakur Yoova.  
Tintiniin, ve tayooreeza.  
Pa i Uleañã toit ariaañã tau iponpoon ghiit pa  
koaañã imin maet tiina.
- 2 Alam tala tayooz ila naagho, ve tapakuru pa poia  
tooni.  
Aliñãan izaã, ve tambou toman tintiniin, ve  
tapaiti. \*
- 3 Pasaa, Yoova, i Maaron tiina.

---

\* 94:21: Mt 27:4      \* 95:2: Ep 5:19

I kinik tiina kat tau iliiv zimaronŋa tisov. \*

<sup>4</sup> Gabua naol isov to taan tigheen ila i niima.  
Taan puughu ta siinŋa we, le izala loloz daaba  
paam, ene i inŋiniir zi tisov.

<sup>5</sup> Te tomania taan, ene gabua tooni mon.  
Pasaa, i niima ta ighur zi.

<sup>6</sup> Yam alam talup ghiit ve tasuŋ pa Yoova.  
Tatud pani ve taput agheen ve tapakuru.  
Pasaa, i ta ighur ghiit. \*

<sup>7</sup> I Maaron toit, ve iit sipsip tooni.  
I inŋinŋin ghiit ve maata pait.  
Taleep ila i niima, ve i tauu ipanpan ghiit. \*  
Aazne, ighe yam alooŋ Yoova aliinŋa ve  
ataghoni, o poia.

<sup>8</sup> I isaav payam ighe: “Apoon lolomim payau ve  
agham taliŋzizi imin muuŋ timbumimŋa  
tighamu izi nugh ŋginaaŋa to Meriba ve  
Masa na sov. \*

<sup>9</sup> Saawe tana, yau naghham uraat tintiina ila sosozi,  
ve tighita pa tauzi matazi wa.  
Eemon tighur ilam tsiau mako. Ve tinoknok  
tovaŋ ghau. \*

<sup>10</sup> Tauta lolog pazi mako kat irau ndaman tamoot  
ru.

---

\* **95:3:** Mbo 47:2, 48:1      \* **95:6:** Pil 2:10      \* **95:7:** Mbo 23:1

\* **95:8:** Igham 17:7; Hib 4:7      \* **95:9:** 1Kor 10:9

Ve nasaav naghe: ‘Zeran tawe, lolozi pa titaghon n̄gar tsiau mako. Monmon tisor pa eez tsiau.’

- <sup>11</sup> Tauta nasaav ariaaṅ pazi toman ateg yavyav, ve napariaaṅ saveeṅ tsiau naghe:  
 ‘Onoon kat. Nugh to mariaaṅ tau yau naghuru pazi na, yes irau tiloṅ tila mako le mako kat!’ ” \*

## 96

### *Yoova i kinik tiina*

- <sup>1</sup> Ambou mbounj paaghu pa Yoova!  
 Yam tamtamon tau aleep irau taan na, ambou pa Yoova. \*
- <sup>2</sup> Ambou mbounj pani, ve apait eeza pa poia tooni.  
 Uraat tintiina tau i ighamgham zi to iuul ghiit na, saawe isov asasavi zi.
- <sup>3</sup> Avotia eeza tiina tomania tapiri ve poia tooni irau nugh naol isov.  
 Ve uraat tooni n̄geretazi tau maata ite na, asavi zi ila irau nughmariṅ. \*
- <sup>4</sup> Pasaa, Yoova, i eeza tiina kat.  
 Tauvene iit aat tapait vaaru le tapaiti kat, ve taroi pani iliiv zimaronṅa tisor.
- <sup>5</sup> Pasaa, zimaronṅa tisor tau nugh nugh tibesbees pazi na, ene maaron karomṅa mon.

---

\* **95:11:** Nam 14:21-35; Hib 3:7, 18

\* **96:1:** Mbo 98:1; Syg 5:9

\* **96:3:** Mt 28:19

Ve Yoova, i Maaron tauu ta ighur sambam tomania gabua naol isov. \*

- <sup>6</sup> I eeza tiina kat ve mbonari ilivuti.  
Tapiri ve poia tooni ipavon rumei tooni loolo, ve ipaboode le paghuuna kat.
- <sup>7</sup> Tauvene yam tamtamon to nughmariņ, ņgar tsiam ivot ve aghilaal Yoova!  
ņgar tsiam pakia ve apakuru. Pa i le eeza, ve tapiri tiina kat.
- <sup>8</sup> I eeza tiina le tiina kat. Tauvene yam apaiti, o iduduunj.  
Alam tomania paitoonj tsiam, ve alonj ala sir-siir to rumei tooni loolo.
- <sup>9</sup> Yoova ipabood tauu pa ņgar tooni patabuyaanj.  
Tauvene aput aghemim pani ve apaiti.  
Yam tamtamon to taan, asov aroi pani, ve atatan taumim ila naagho.
- <sup>10</sup> Asaav pa nughmariņ aghe: “Yoova, i kinik tiina tau iņgin gabua naol isov!  
Muunj, i ighur taan le puughu iyaryaanj kat.  
Tauta gabua eta irau izuure mako.  
I pale igabiiz nughmariņ, ve ighur atuya pazi.  
Ve gabizoonj tooni, ene iduduunj mon.”
- <sup>11</sup> Yam gabua to sambam ve taan, lolomim poia ve tintinmim.  
Ve te tomania gabua naol isov tau tileep ila loolo na paam, aliņamim izaa tiina ve apait Yoova.

---

\* 96:5: Gnp 1:1; 1Kor 8:4+



- 12 Ve uum tomania gabua naol isov tau titum ila loolo na, lolomim poia ve tintinmim.  
Ve ai tomania gabua naol isov to su loolo paam, alinamim iza, ve ayoor Yoova eeza.
- 13 Pasaa, i ighe ilam. Leso igabiiz tamtamon tisov to taan ve ighur atuya pazi.  
I pale inġin tamtamon tisov to taan, ve igabiiz zi.  
Ve gabzooġ tooni, ene iduduunġ ve onoon mon. \*

## 97

### *Maaron, i kinik tiina tau iliiv zimaronġa tisov*

- 1 Yoova, i kinik tiina tau inġin gabua naol isov.  
Tauvene yam tamtamon tau aleep irau taan na, lolomim poia.  
Ve yam sisia tauvene paam, tintinmim. \*
- 2 I inġoznġooz tauu ila taitai gabgabuai, ve ndo-room ikau.  
Nġar duduunġa tomania nġar to uleenġ, tauta imin puughu pa pooz tooni. \*
- 3 I igham yav ighan imuunġ pani,  
ve ighaniir koinġa tisov.
- 4 I igham nugh ighani milmilia irau taan.  
Tauvene taan ighita, le irur.
- 5 Yoova, i tiina tau inġin taan isov.

---

\* **96:13:** Mbaġ 17:31    \* **97:1:** Igham 15:18; Mbo 93:1    \* **97:2:** Igham 19:16+; Mbo 89:14

Saawe tau i ilam ve itotoi tapiri, loloz tisov  
tireer ve timbiriis ila i naagho. \*

<sup>6</sup> Gabua naol tau tighenaar ila sambam saamba  
na, tipaghazonjai Yoova tigde n̄gar tooni  
iduduun̄ mon.

Nughmarin̄ tighita gabua tawe, ve tighilaal  
tigde Yoova, i eeza tiina.

<sup>7</sup> Tamtamon tisov tau tibesbees pa maaron  
karom̄ṇa anunuzi na, Yoova igham zi  
mayazi. Pasaa, maaron karom̄ṇa toozi  
tirau gabua eta mako.

Maaron toozi tawe pale tisov tiput aghezi pa  
Yoova ve tipakuru.

<sup>8</sup> Maaron, yes to Zion tiloon̄ varum pa uraat tau yo  
ughamghamu na, le loloz poia.

Ve nugh nugh to Yuda paam, tisov tintinizi.

Pasaa, yo uyozyooz pa tamtamon tsio, ve  
uluul zi pa pataṇani toozi.

<sup>9</sup> Yoova, yo Maaron Tiina. Tamtamon tisov to taan  
tileep ila yo sambam.

Yo ezam tiina le tiina kat. Uliiv zimaronṇa  
tisov.

<sup>10</sup> Yoova loolo pa yes tau tighurghur koi pa n̄gar  
saghati.

Tamtamon tooni tau loloz isaghavu ariaan̄,  
ve titaghon eez tooni na, i imin sigheu pazi,  
leso gabua eta ivaghamun zi sov.

Ve ighamgham mulin zi ila zeran sasaghati  
nimazi.

---

\* 97:5: Mbo 46:2, 6

- 11 I ighurghur ghazonja pa zeran dudunazi.  
Yes tau ngar duduunja igheen ariaan ila loloz  
na, i igham zi loloz poia kat.
- 12 Yam zeran dudunamim, tintinmim pa Yoova!  
Apaiti pa poia tooni, ve apakur eeza  
patabuyaanj! \*

## 98

*Maaron, i kinik tiina tau iparav ariaanj le iliiv  
koinja*

- 1 Ambou mbounj paaghu pa Yoova!  
Pa gabua ngeretazi tau i ighamgham zi na,  
maata ite kat.  
Niima tapir iparav ariaanj le iliiv koinja wa.  
I itotoi tapiri patabuyaanj, ve igham mulin  
tamtamon tooni. \*
- 2 Yoova ivotia uleenj tiina tau i igham pa tamtamon  
tooni.  
I itotoi ngar tooni duduunja ila nughmarinj  
matazi gha tighit katini wa. \*
- 3 Saveenj tau i imbua tomania yes Israela na, i  
maata ingalngali ve itataghoni. Tauta loolo  
isaghav zi ariaanj ve iuluul zi.  
Maaron toit iparav ariaanj gha igham mulin  
ghiit ila nughmarinj matazi, ve tighita wa.
- 4 Yam nughmarinj asov lolomim poia pa Yoova ve  
ayoor eeza.  
Tintinmim pani, ve ait mbounj to apakuru.

---

\* **97:12:** Pil 3:1, 4:4    \* **98:1:** Igham 15:6, 12, 16; Mbo 118:15-16;

Lu 1:51    \* **98:2:** Lu 2:30

<sup>5</sup> Arav ambam tomania gita, ve ambou to apait  
Yoova!  
Arav ambam tomania gita le luutu poia, ve  
apakuru.

<sup>6</sup> Yoova, i kinik tiina.  
Aviv tavuur tomania trampet ila naagho, ve  
ayoor eeza toman tintinmim.

<sup>7</sup> Te tomania gabua naol isov tau aleep ila loolo na,  
alinjamim iza ve apait Yoova!  
Ve taan tomania tamtamona ve gabua naol  
isov tau aleep ila na paam. Alinjamim iza ve  
apaiti!

<sup>8</sup> Ve yaa paam, asov aposai nimamim pani ve  
apakuru.  
Ve yam loloz asov alup avomim, ve ambou  
toman lolomim poia izi Yoova naagho, ve  
ayoor eeza.

<sup>9</sup> Pa i ighe ilam. Leso igabiiz tamtamon tisov to  
taan ve ighur atuya pazi.  
I pale igabiiz nughmariņ to taan.  
Ve gabizoon tooni, ene iduduun mon. \*

## 99

### *Maaron, i kinik patabuyaan*

<sup>1</sup> Yoova, i kinik tiina tau inġin gabua naol isov.  
Yam nughmariņ asov aroi pani ve tinimim  
irur.

---

\* 98:9: Mbo 96:10; Mbanj 17:31

I ileep ila niia to ghamuunj pooz tau igheen  
 izala anjela arianjazi avarazi na. \*  
 Tapiri igham taan irur ve ilala ilamlam imin  
 yogyoog itoktok.

<sup>2</sup> Yoova ilepleep izi nugh tooni Zion. Eeza tomania  
 tapiri, ene tiina kat.

Nughmarinj tisov tileep ila i saamba.

<sup>3</sup> Yoova, yo ezam tiina, ve tapirim paam, tiina kat.  
 Ve yo patabuyaanj.

Tauta tamtamon tisov aat tiroi payo ve tipait  
 ezam.

<sup>4</sup> Yo kinik saksakim ve arianjam, ve lolom pa ngar  
 duduunja kat.

Yo ta umin puughu pa ngar duduunja.

Yo upapalot ngar duduunja, le igheen ariiaan  
 ila yes Israela sosozi, ve uluul zi pa patajanj  
 toozi. \*

<sup>5</sup> Tapait Yoova, i Maaron toit.

Tala taput agheen ila niia to ghamuunj pooz  
 naagho ve tapakuru.

Pa i patabuyaanj.

<sup>6</sup> Muunj, Mose gha Aron timin zeran to watoonjrau.

Yes tau titaanj rarai Maaron pa uleej na, propet  
 Samuel, i toozi ee paam.

---

\* **99:1:** Anjela arianjazi tane, tiwaat zi tighe ‘cherubim.’ Tapirizi  
 ve ngar toozi, ene tiina kat, ve yes irau tila tilam rekrekia mon.  
 Ezekiel ngat 1 ipaghazonjai ghiit pazi ighe Maaron niia to ghamuunj  
 pooz iyooz izala avarazi. Yes Israela tipayooz cherubim anunuzi  
 ru izala bokis to saveenj mbuaanj paavo. Pasaa, tighita tighe bokis  
 tawe imin Yoova niia to ghamuunj pooz. \* **99:4:** Is 11:2-5

Ve Yoova iloonj sunjuunj toozi, ve iuul yes Israela. \*

<sup>7</sup> Saawe tau yes Israela tilaghlaagh izi nugh nginaanja, Yoova ileep ila taitai loolo, ve isavsaav pazi.

I ighur tutuunj pazi, lesu yesja tivalupu zi timin eemon.

Ve matazi kisin tutuunj tawe tomania tutuunj siriv tau i igham pazi na, ve titaghon zi. \*

<sup>8</sup> Yoova, yo Maaron tsiei. Yo ulonjloonj sunjuunj to tamtamon tsio, ve upulpul sosor toozi.

Eemon ughurghur atuya pa sosor toozi paam. \*

<sup>9</sup> Tapait Yoova, i Maaron toit.

Taput agheen pani izi loloz tooni patabuyaanj, ve tapakuru.

Pasaa, Maaron toit Yoova, i patabuyaanj.

## 100

### *Loloon poia pa Maaron ve tapaiti*

Mbounj to tapait Maaron pa poia tooni

<sup>1</sup> Yam tamtamon to aleep irau taan isov, tintinmim pa Yoova, ve apaiti toman alinjamim tiina.

<sup>2</sup> Abesbees pani toman lolomim poia.

Alam alup gham ila i naagho, ve amboubou pani.

<sup>3</sup> Lolomim iveegh pa Yoova sov. Aghilaal aghe: I mon ta Maaron tauu.

\* **99:6:** Igham 4:15; 1Sam 7:9

\* **99:7:** Igham 19:9, 33:9

\* **99:8:** Igham 34:6+

I ta ighur ghiit, ve iit tamtamon tooni.  
Iit sipsip tooni. Tauta maata pait ve inŋinŋin  
ghiit.

<sup>4</sup> Lolomim poia pani ve ataghon ataman to Rumei  
Tiina gha alon ala.  
Apaiti ve alon ala sirsiir tooni loolo.  
Lolomim poia pani ve apakur eeza pa poia  
tooni.

<sup>5</sup> Pasaa, Yoova, ngar tooni poia mon.  
I loolo isaghav tamtamon tooni ariaaŋ, ve  
iuluul zi irau saawe.  
Ve itataghon saveeŋ mbuaaŋ tooni, taghon  
taghon gha ila.

## 101

### *Kinik imbu saveeŋ tomania Maaron*

Mbouŋ to David

<sup>1</sup> O Yoova, yau nambou mbouŋ tane to napait  
ghom.

Pasaa, yo utaghon ngar duduunja mon.  
Ve lolom isaghav tamtamon tsio, ve uluul zi  
itaghon saveeŋ mbuaaŋ tsio.

<sup>2</sup> Yau naghe le ngar tsiau isov iduduunj mon ila yo  
matam.

Tauvene yau aat nataghon ngar duduunja mon  
ila ruum tsiau,  
ve naghham pooz pa tamtamon tsiau itaghon  
ngar duduunja tsio.

Ve neez o ulam uul ghau?

- <sup>3</sup> Yau irau nayok pa gabua saghati eta igheen ila naghog mako.  
Ve yes tau tisor pa eez tsio na, yau naghurghur koi pazi ve nazirziir zi tighaughau. Irau tipaak ghau mako.
- <sup>4</sup> Yau aat naleep soghan pa ngar karom. Ngar tauvene, eta irau igheen tsiau mako.  
Ve ngar saghati tauvene paam, irau matag ila pani mako.
- <sup>5</sup> Yes tau tingalngal saveen pa zetazña imin ngozaan na, yau aat navaghamun zi, lesu napoon avozi.  
Ve yes tau tipakur tauzi tigde ezazi tintiina, ve tivelegh zetazña ve titatan zi, ene irau napul zi tileep mako.
- <sup>6</sup> Eemon taan tane tamtamona tau avozi onoon ve titaghon eez tsio na, yau nailiil zi naghe tilam tileep tomani ghau.  
Ve yes tau laghoon toozi iduduun mon, ene pale naghun zi timin besoonja tsiau, ve tiuul ghau pa uraat.
- <sup>7</sup> Eemon zeran karomja irau tileep tomani ghau ila ruum tsiau ne mako.  
Isaav ighe neer eta aavo karom, ene irau iyooz ila yau naghog mako.
- <sup>8</sup> Mbonjoozo ta naol ne, yau aat navaghamunia tamtamon sasaghatizi tisov tau tileep izi taan tane.  
Yes tau tighamgham ngar saghati, ene aat naziir zi tighau pa Yoova nugh tooni. \*

---

\* **101:8:** Ro 13:4



# 102

## *Sunjuunj to ñeer tau ibaad patañani*

Ene sunjuunj to ñeer tau ibaad patañani tiina le tapiri isov kat. Tauvene isavia loolo ve itañ rarai Maaron to iuule

<sup>1</sup> O Yoova, tanjiiz tsiau ilat payo.

Uloonj sunjuunj tsiau tane ve uul ghau.

<sup>2</sup> Unjooz naghom payau sov. Pa yau naleep ila patañani tiina loolo.

Ighe poinj tsiau ilat, na ughur talinjam payau.

Uloonj sunjuunj tsiau ve rekia mon uul ghau.

<sup>3</sup> Paita namaat tane.

Lepoogh tsiau, ene imin yav mbuasa tau im-bunj izaa, ve imbiriiis gha ilale.

Tinig ituntun kat, ve tuag isov iparyavyav.

<sup>4</sup> Yau namin kikiliinj tau tamtamon tivaghaaza gha igorgor.

Tauvene lolog pa ghaniinj aniiñ muul mako.

<sup>5</sup> Yau nayamaan yavyavuunj ve nayak tiina.

Ve nakonkoñ le nakonkoñ kat.

<sup>6</sup> Yau naghita naghe zigau kat.

Yau namin man to mbonj tau zigani ileep izi nugh ñginaañja, ma ileep izi nugh tau muunj tamtamon tilepleep pani ve tipuli gha isaghat na.

<sup>7</sup> Yau irau nagheen mako. Namamaat le nughizau.

Yau raa zigau kat. Namin man ta zigani ileep izala ruum paavo.

8 Saawe isov, mbonjoozo ila le ravrav izi, koiagna tisiksik saveen veleghiin payau ve tinjinj payau.

Ve isaav ighe tighur saghatiin pa tamtamon eta, ene tiwatwaat sorokin yau ezag tigde: Patañani tau igham ghau ne, ene pale igham tamtamon tana paam.

9-10 Yo atem yavyav payau kat.

Tauta usik ghau nala ziige imin pen.

Avav imin leg aniin, ve matag suuru imin leg yaa to ghunuun.

11 Lepoogh tsiau to taan, ene imin aaz izila ve yavyaava ilam.

Tapirig isov imin kikiliin tau raua imalai ve igorgor.

12 Eemon Yoova, yo kinik tau ulepleep ila niam ton ghamuun pooz. Muun, aazne, ve taghon gha ila.

Tauvene tamtamon paaghu tau murei pale tivot na, yes pale tiwatagh tigde ezam tiina ighengheen tauvene, taghon gha ila.

13 Yo lolom isaghatin nugh tsio Zion. Tauvene yo pale uburig ve uule.

Pasaa, saawe to ughur poia tsio iza tooni, tauta ivot wa.

14 Onoon, tireu mbirisai nugh Zion gha gabua naol isov imbiris ilale wa.

Maet popoiazi tau tirau ruum pani na, ene tisik zi tila soghan soghan imin gabua sorok.

Eemon besoonja tsio lolozi pa nugh tawe kat.  
Tauta tighita gabua tana, le lolozi isaghat  
kat.

15-16 Eemon murei, Yoova pale igharaat mulin  
nugh Zion,  
ve itotoi tauu tomania tapiri ve poia tooni ivot  
ighazonj.

Mako yes to nugh nugh tomania kinik toz toz  
tighilaal tigde Yoova eeza tiina pa tapiri ve  
poia tooni,  
ve tiroi pani, ve tileep ila i saamba.

17 Tamtamon tooni tau tileep sorok kat na, i irau  
imbuzir pa tanjiz toozi ne mako. I pale iloonj  
sunjuunj toozi ve iuul zi.

18 Gabua tau Yoova ighamu na, uboode ila rau.  
Leso tamtamon tooni tau murei pale tivot  
na, tiwataghi ve tipait eeza. Ubood saveenj  
tauvene:

19 Yoova ilepleep izi nugh tooni patabuyaanj, ve  
maata ilala ilamlam.  
I ileep izi sambam, ve maata izizi pa taan.

20 Tauvene yes tau tileep ila koiaznja nimazi ve  
tiyakyak na,  
i ilonjloonj tanjiz toozi ve iuluul zi.  
Ve yes tau tisanjan saawe to koiaznja tirav zi  
timaat na, i ipaghau zi pa mateegh.

21-22 Leso murei, yes nugh nugh tomania kinik toz  
toz tilam tilup zi pa sunjuunj izi Yerusalem,  
ve tivotia Yoova vaaru.  
Yes pale tipait eeza izi loloz tooni Zion.

23 Yau namin olman kat soone. Eemon aazne  
Yoova igham ghau tapirig isov, ve ingoor  
saawe tsiau tuuku.

24 Tauvene nasaav pani naghe:

“Maaron tsiau, ugham ghau rekia sov. Pa namin  
koonj soone!

Ve yo, o lepoogh tsio ighengheen tauvene  
taghon gha ila.

25 Yoova, muunj geeg, yo ugharaat taan puughu le  
tuja.

Ve sambam saamba paam, ene nimam muuri.

\*

26-27 Eemon murei, sambam saamba ve taan pale  
tisaghat gha tilalez, imin uuli munjaana tau  
perekperekia na.

Tauvene yo pale usik zi tilalez,  
ve uyol zi pa sambam saamba paaghu ve taan  
paaghu.

Eemon yo ulepleep tauvene.

Utortoor gabuam ve ngar tsio mako, ve saawe  
tsio irau isov mako.\*

28 Yei tau nibesbees payo ne, yo pale ungin nat-  
mainja ve tileep poia.

Ve paaghu toozi tau tivot murei na paam, yo  
pale ugham zi tiyooz ariaan, ve tileep poia  
ila yo naghom irau saawe.”

---

\* **102:25:** Gnp 1:1+; Hib 1:10+      \* **102:26-27:** Mt 24:35; Hib 13:8;  
Yems 1:17; Syg 20:11

# 103

## *Tapait Maaron pa poia tooni*

Mbounj to David

<sup>1</sup> Yau nasaav pa taug naghe yau aat napait Yoova pa poia tooni.

Onoon kat, ila lolog ve ngar tsiau isov, yau aat napakur Yoova eeza patabuyaanj.

<sup>2</sup> Nayol alinjag muul. Yau aat napait Yoova pa poia tooni.

Ngar ve gabua popoiazi naol tau i ighamgham zi payau ne, irau lolog iveegh pa eta ne mako.

<sup>3</sup> I irewaar sosoer tsiau,

ve ipasovuur moroghoonj tsiau naol isov. \*

<sup>4</sup> I igham mulin ghau pa mateegh. Tauta namaat mako.

I igham ghau lolog poia kat imin tamtamon tau tighuru imin kinik.

Pasaa, ngar tooni tau loolo isaghav tamtamon tooni ariaanj ve iuluul zi, ene i itotoia payau paam.

<sup>5</sup> Lepoogh tsiau to taan, i ighamgham leg gabua popoiazi maata maata le narao kat.

Ve igham ghau namin paaghu muul, le tapirig tiina imin manbog. \*

<sup>6</sup> Ngar tau Yoova ighamghamu, ene iduduunj mon.

---

\* **103:3:** Igham 15:26, 34:7; Mbo 32:1+; 1Pe 2:24; 1Yo 1:9

\* **103:5:** 2Kor 4:16

Tauvene tamtamon tisov tau koiazŋa titatan  
zi ve tigham saghatin zi na, i iyozyooz pazi,  
ve iuluul zi pa pataŋani toozi. \*

<sup>7</sup> Muuŋ, Yoova ivotia gabua ve ŋgar tooni pa Mose.  
Ve itotoi uraat tintiina toman tapiri ila yes  
Israela matazi.

<sup>8</sup> Yoova loolo isasaghatin ghiit, ve ighamgham  
poghani ghiit.  
Irau aate yavyav rekrekia mako.  
Poia tooni, ene tiina kat. I loolo isaghav ghiit  
ariaaŋ, ve iuluul ghiit irau saawe. Ve mon-  
mon itaghon saveeŋ tooni. \*

<sup>9</sup> Onoon, pai siriv, i iŋgal mataan pa sosor toit.  
Eemon igham tauvene monmon mako.  
Ve irau ikis aatyavyav tooni le malau ne  
mako. Igheen rig, ve isov.

<sup>10</sup> Onoon, isaav ighe tagham ŋgar tau isapir pa  
tutuŋ tooni, ene Maaron irau iyat sosor  
toit ve ighur atuya pait.  
Eemon i ighamgham tauvene mako. \*

<sup>11</sup> Yes tau tiroi pani ve titaghon ŋgar tooni na,  
Yoova loolo isaghav zi, ve poia tooni tiina  
izazaa toozi itaghon saveeŋ mbuaaŋ tooni.  
Loolo poia tana, ene tiina kat, imin sooso to  
taan ve izala pa sambam. \*

---

\* **103:6:** Lu 4:18      \* **103:8:** Igham 34:6      \* **103:10:** Ro 6:23

\* **103:11:** Mbo 57:10; Ep 3:18+

12 Ve sosor toit tau tazoroor Maaron aliin̄a ne, ene  
    Yoova ipaghau zi tila malau kat pait,  
    irau sooso to taan ziige tau ila pa aaz iza, ve  
    ila pa aaz izila.

13 Yes tau tiroi pa Yoova ve titaghon n̄gar tooni na,  
    i loolo isasaghatin zi,  
    imin tamaan̄a lolozi isasaghatin ghiit. \*

14 Pasaa, i tauu ta igharaat ghiit.  
    Tauta monmon maata in̄galn̄gal ighe: Iit tamin  
    n̄gaupup mon. \*

15 Lepoogh to iit tamtamon to taan, ene malau  
    mako. Taleep rig, ve talaleen imin kikiliin̄.  
    Iit tamin manman ruun̄gu. Mbon̄oozo, isaav  
    ighe aaz iza, ene iravalagh. Ve ravrav izi,  
    ene imalai.

16 Ve ighe yaghur ivuvuura,  
    ene pale itap izi, ve niia n̄ginaan̄a. Taghita  
    muul mako.

17-18 Eemon yes tau tiroi pa Yoova ve titaghon n̄gar  
    tooni na,  
    i loolo isaghav zi ve iuluul zi irau saawe.  
    Aazne ve taghon taghon gha ila.  
    Ve natuz̄n̄a ve timbuz̄n̄a paam. I itotoi n̄gar  
    duduun̄a pazi ve iseen̄ga taghon gha ila.  
    Tauvene yes tau matazi kisin saveen̄ tau  
    yes̄n̄a Maaron timbua, ve matazi in̄gal tu-  
    tuun̄ tooni ve titaghoni na,

---

\* **103:13:** Is 63:16, 64:7+    \* **103:14:** Gnp 2:7, 3:18; Mbo 139:13+

i pale loolo isaghav zi, ve iuul zi taghon gha  
ila. \*

19 Yoova ighur niia to ghamuunj pooz igheen tunja  
izi sambam.

I kinik tau ighamgham pooz pa gabua naol  
isov.

20 Tauvene yam anjela to Yoova, yam asov apaiti pa  
poia tooni.

Yam anjela arianamim tau alonjloonj Yoova  
aliinja ve atataghoni na, apakuru.

21 Yam zaaba to sambam tau abesbees pa Maaron  
ve ataghon ngar tooni na,  
apait Yoova pa poia tooni!

22 Yam gabua to sambam ve taan tau Yoova  
igharaat gham ve aleep ila i saamba na,  
yam asov apaiti pa poia tooni.

Ve yau paam, aat napait Yoova pa poia tooni.

## 104

*Maaron igharaat gabua maata maata, ve  
injginjin zi*

1-2 Yau nasaav pa taug naghe yau aat napait Yoova  
pa poia tooni.

O Yoova, Maaron tsiau, yo ezam tiina kat.

Tapirim tiina tomania mbonarim, ve gabuam  
naol isov tau ezam tiina pani na, ene ipa-  
bood ghom imin nonoghiinja to yes kinik. \*

---

\* **103:17-18:** Igham 20:6; Lu 1:50      \* **104:1-2:** 1Tim 6:16



Muunj geeg, yo ugharaat sambam saamba imin niam to lepoogh irau moogh balbaala tau tamtamon tiraraava leso tileep ila saamba.

<sup>3</sup> Ve upayooz ruum tsio izala yaa tau igheen ila sambam saamba na paavo.

Yo ugham taitai imin lem karis, leso uyooz izala paavo ve ighau.

Tauvene yaghur ibaad ghom, ve ughaughau ila sambam saamba.

<sup>4</sup> Yo ugham yaghur imin lem mbanjoona.

Ve yav yaama, ene imin lem besoonja. \* \*

<sup>5</sup> Muunj, yo ughur taan iyooz tunja ila puughu.

Tauta irau izuur mako. Ighengheen tauvene.

<sup>6</sup> Saawe tana, ugham te itav taan tomania loloz naol isov. \*

<sup>7</sup> Ra alijam iza, ve uyaon te gha ighau.

Alijam tapiri tiina imin lalaav luutu.

Tauta te iloonj ghom, ve rekia mon ighau ila ilup ghi ila ziige ee, ve taan peria. \*

<sup>8</sup> Tauvene te imaak, ve loloz peria, ve imaak izi izi le nugh rapazi peria paam.

Tauta aazne, yaa ve te tigheen duduunj ila niazi niazi tau yo taum ughuru pazi na.

---

\* **104:4:** Yav yaama tane, ngara siriv tighe ene iza to lalaav tau ighani milia. Ve siriv tighe ene iza to anela siriv tau ghitoonazi imin yav yaama. Muunj, Isaia ighita anela tauvene (Is 6:2). \* **104:4:**

Hib 1:7 \* **104:6:** Gnp 1:2 \* **104:7:** Gnp 1:9-10

- 9 Ve yo ughur ngat pa te ve taan.  
Leso te itav taan ve ireu nugh muul sov.  
Ngat tawe, te irau imalaan pani mako. \*
- 10 Yo ugham yaa tivot ila taan puura tau tighenaar  
taghon loloz zigezi,  
ve tireer taghon sariipa tizila pa nugh  
duduñazi.
- 11 Yaa tawe tighenaar, leso gabua naol to su tighun.  
Donki sagsagna paam. Isaav ighe murun zi,  
ene pale tighunu le isoonj zi.
- 12 Man tirau rumazi ila ai tau tiyooz ila yaa zigezi  
na bogazi,  
ve tileep ila ve titanjan.
- 13 Yo uleep ila niam ta saanja we, ve ugham uman  
izizi ila loloz.  
Uraat tsio tana, tauta igham taan ngoreenja ivot  
ve gabua popoia naol titum poi.
- 14 Yo ugham kikiliinj itum, lesu makau, sipsip ve  
gabua siriv paam tighan.  
Ve ughur gabua maata maata to iuul tam-  
tamon paam. Leso tivazogh zi ve tigham  
uratoi zi.  
Yo ugham aniiñ anoonja ivotvot ila taan. \*
- 15 Ve ughur ai vaen, lesu tamtamon tigharaata ve  
tighun suuru, ve igham zi loloz poia.  
Ve ugham ai oliv pazi paam. Leso tigham  
ngoreenja, ve tisop tinizi ma naghozi pani, le  
milmilia.

---

\* **104:9:** Gnp 9:15      \* **104:14:** Gnp 1:11

Ve ugham aniiñ maata maata pazi, ve tighani  
to ipalot zi.

16 Yoova, ai tsio mezepur tau uvazogh zi izi  
Lebanon na,  
yo ungin zi poi, ve ugham uman izizi pazi.  
Tauta aazne tizaa timin tintiina.

17 Ai tawe, man tirau rumazi izala bogazi.  
Ve man ngau, o tighagharaat rumazi ila ai tau  
imin yar na bogazi.

18 Loloz mamalaua dabazi, ene mekmek sagsagna  
niazi to lepooğh.  
Ve gabua siriv tau imin momot, ma uzuuv ma  
vene, ene tionyoon ilon ila maet tintiina  
sosozi izala loloz.

19 Yo ughur kaiyo to ingat saawe to ndaman.  
Ve aaz, ene iwatagh saawe sindei to iza, ve  
saawe sindei to izila.

20 Yo ugham mbon izi le nugh ndoroom,  
leso gabua sagsagna to su tilaagh.

21 Tauvene laion paghpaaghu alinazi izazaa ve  
tilaghlaagh, ve tiliil lezi gabua to tighan. Ve  
Maaron tau igham pazi.

22 Saawe tau aaz iza, mako timuul tila pa niazi to  
ghenoon, ve tizi tigheen.

23 Mako tamtamon anazi tivot tila pa ghamuun  
uraat.  
Tighamgham uraat ila ila le ravrav izi.

24 O Yoova, yo ughur gabua maata maata.

Ve gabua naol tau yo ugharaat zi na, titotoi  
ghom tighe n̄gar tsio tiina le tiina kat.  
Taan ivon kat pa gabua ndiñndiñ ndiñndiñ tau  
yo ugharaat zi na.

<sup>25</sup> Ve naghām n̄gar pa te paam. Ene tiina kat.  
Ve gabua ndiñndiñ ndiñndiñ tau matazi  
yaryaare na tileep ila. Siriv tintiina, ve  
siriv geegeu.  
Gabua tawe, tanin zi, ene aat tarao mako.

<sup>26</sup> Waan̄ tiravraav ila te paavo,  
ve Leviatan †  
ilaghlaagh ila te loolo. Gabua tana, tiina le tiina  
kat. Muun̄ geeg, yo ugharaata, lesō imomogheer  
ila te.

<sup>27</sup> Gabua naol tawe tighurghur matazi payo to  
ughām lezi aniin̄.  
Saawe tau pitool zi, yo taum upanpan zi.

<sup>28</sup> Yes tilepaar ila yo nimam.  
Isaav ighe ughām aniin̄ pazi, yes pale  
tighamu.  
Ighe ukaak nimam to upan zi, ene pale tighan  
gabua popoia le apozi isun̄. \*

---

† **104:26:** Yes Kanaana ve Babilona lezi sisiin̄ siriv tau isaav  
tauvēne: Gabua saghati ee ileep ila te loolo. Tiwaat eeza tighe  
'Leviatan.' Gabua tawe tiina le tiina kat, ve tapiri paam tiina kat.  
Tauvēne yes Babilona ve Kanaana tiroi pani. Ve tighe muun̄ geeg,  
Leviatan iparav tomania Maaron, ve ipazaagh te le ireu nugh.  
Eemon Maaron iliivo ve itatani, tauta aazne gabua naol tileep  
poi. N̄eer tau ibood mbounj tane, ivelegh sisiin̄ toozi tawe ighe  
gabua tana, Maaron ighita ighe tiina mako. Ene gabua sorok tau  
imomogheer ila te loolo. \* **104:28:** Mt 6:26

- 29 Ve isaav ighe unḡooz naghom pazi,  
ene pale tiroi ve tivaghamgham.  
Ve isaav ighe upas avuvuzi ighau,  
ene pale timatmaat ve timin nḡaupup muul.
- 30 Gabua naol tau tileep izi taan ne, yo uviv Avu-  
vum ila pazi, tauta tileep matazi yaryaare.  
Ve saawe tau timaat, yo ugham paaghu toozi  
tivot izi taan, lesu tigham niazi.
- 31 Yoova eeza tiina aat igheen taghon taghon gha  
ila.  
Ve i loolo poia pa gabua naol tau i igharaat zi  
na.
- 32 I tapiri tiina kat. Isaav ighe maata izi pa taan,  
ene pale taan irur.  
Ve isaav ighe itut loloz eta, ene pale yav ighan  
loloz tana.
- 33 Tauvene saawe tau naleep matag yaryaare, yau  
aat nambou mbounj to napait Yoova.  
Pale lolog poia pani, ve napakuru pa mbounj  
ila ila le lepoogh tsiau to taan isov.
- 34 Yoova igham ghau lolog poia kat.  
Tauvene saawe tau naleep ve naghhamgham  
nḡar pani, naghe i ighit ghau ve loolo poia  
pa nḡar tsiau.
- 35 Eemon zeran sasaghatizi tau tighamgham sosor  
ila Yoova maata na, poia to i ipasov zi pa  
taan gha tilalez.  
Ve yau ene, nasaav pa taug naghe yau aat  
napait Yoova pa poia tooni.  
Aleluia! Tapait Yoova!

# 105

*Maaron maata ingalngal tamtamon tooni Israela*

- <sup>1</sup> Apait Yoova pa poia tooni, ve avotia eeza tiina.  
Asavia n̄gar tau i ighamghamu na irau nugh  
nugh, leso tiwataghi.
- <sup>2</sup> Ambou pani. Ambou ve apakuru.  
Avotia uraat tooni n̄geretazi ta naol ne. Uraat  
tana, maata ite kat.
- <sup>3</sup> Yoova, i eeza patabuyaaj. Apaiti toman lolomim  
poia.  
Yes tau tizuari zi pani, ene pale lolozi poia kat  
ve tintinizi.
- <sup>4</sup> Sunjuun̄ tsiam in̄jarui Yoova. Leso ipalot gham pa  
tapiri.  
Azuari gham to ala aleep ila naagho irau  
saawe.
- <sup>5-6</sup> Yam tau avot ila to Maaron besoon̄a tooni  
Abaram,  
yam sin̄j to Yakop tau Maaron isiigh gham  
amin i le na,  
matamim ingal gabua n̄geretazi ve uraat tinti-  
ina tau Yoova ighamgham zi na. Uraat tooni  
tawe maata ite kat.  
Ve matamim ingal saawe naol tau i igabiiz  
tamtamon ve ighur atuya pazi na.
- <sup>7</sup> Yoova, i mon ta Maaron toit.  
Uraat to gabizoon̄ tamtamon ve ghuruun̄  
atuya pazi, ene i itotoia irau taan isov.

- <sup>8</sup> I monmon maata ingalngal saveen mbuaan tooni,  
ve itataghoni.  
Tutuun tau Maaron isavia na, pale iyaryaan  
tauvene, ve anoon a ivotvot taghon taghon  
gha ila. \*
- <sup>9</sup> Muun, i imbu saveen tomania Abaram ighe  
yesuru tivalupu zi timin eemon.  
Ra ipariaan saveen mbuaan tawe ila to Isak le  
iyaryaan kat. \*
- <sup>10-11</sup> Murei, ra ipariaan saveen tana muul ila to  
Yakop,  
ighe saveen tane aat iyaryaan taghon taghon  
gha ila.  
Ve isaav pa Yakop ighe: “Yau pale naghama  
taan Kanaan imin lem.  
Taan tana pale imin yo yamna paaghu tsio  
lemim motot.” \*
- <sup>12</sup> Saawe tana, yes eval mako.  
Ngira mon. Ve tileep timin loom pa taan tane.
- <sup>13</sup> Laghoon toozi, titaghon ngar tauvene: Tileep rig  
izi nugh ee, mako tiburig muul ve tila tileep  
izi nugh ite.  
Tila tivot nugh to kinik ee ve tileep tomani zi.  
Le isov, o tipul zi, ve tila tivot to kinik ite, ve  
tileep tomani zi.
- <sup>14-15</sup> Laghoon toozi, ene Maaron tauu ingingini.  
I ipul tamtamon to nugh eta titatan zi ve  
tigham saghatin zi ne mako.

---

\* **105:8:** Mbo 106:45, 111:5      \* **105:9:** Gnp 15:18, 17:2, 26:3; Lu  
1:54+; Hib 6:14+      \* **105:10-11:** Gnp 28:13, 35:12

I maata inġalġal zi, tauta iyaon kinik siriv ighe:

“Yes tau nasiigh zi ve naghur zi timin uraata tsiau na, abugil zi sov!

Pasaa, yes tana, yau naghur zi timin propet tsiau. Tauvene avaghamun zi sov.” \*

16 Murei, ra Yoova igham pitooll tiina ivot izi taan Kanaan.

Saawe tana, Yakop tomania natġa lezi aniin mako kat.

17 Eemon Yoova imbaanġ toozi ee imuunġ pazi ila Isip.

Ene Yosep tau tigholia ila gha imin mbesoonġa sorok. \*

18 Yes Isipa tizeeva ilonġ ila ruum to yavyavuunġ, ve tikau aaghe pa sen, ve tighur ain liliita ila luua. \*

19 Yoova itovtoov Yosep tauvene, le irau Yosep ivotia gabua siriv pa yes Isipa, le saveenġ tooni anoonġa ivot.

Tauvene saveenġ tau Yoova isavia pani, ene ipaghazonġai Yosep ighe i igham sosor mako, ve nġar tooni iduduunġ.

20 Ra kinik to yes Isipa tau inġin nugh naol na, imbaanġ ila ighe tipul Yosep ivot pa ruum to yavyavuunġ.

---

\* **105:14-15:** Gnp 12:17, 20:3+

\* **105:17:** Gnp 37:27, 45:5

\* **105:18:** Gnp 39:20



- 21 Ve ighur Yosep imin daaba to Isip, ve ipuliir ruum tooni tomania gabua tooni naol isov ila i niima, leso ingin zi. \*
- 22 Tauta Yosep imin daaba pa yes tau tighamgham uraat pa kinik na.  
I ipaduduunj yes tau tiuluul kinik pa ngar na, ve ipaghazonjai zi pa ngar poia.
- 23 Eez tane ta yes Israela tau sinj to Yakop na tila tivot izi Isip,  
ve tileep timin loom ila taan to Ham. \*
- 24 Yoova ipapalot zi, tauta tivot timin eval, le tapirizi iliiv koiazna. \*
- 25 Ra i itoor ngar to yes Isipa, ve tighur koi pa tamtamon tooni.  
Tauvene tiil eez to titombaan besoonja tooni ve tigham saghatin zi.
- 26 Tauta Yoova imbaan besoonja tooni ru, Mose gha Aron, leso tiuul yes Israela.  
Aron tane, Yoova tauu ighuru to igham uraat tooni. \*
- 27 Maaron ighe itotoi tapiri pa yes Isipa. Tauta ipalot Mose gha Aron, ve tigham gabua ngeretazi naol ve uraat tintiina ila yes Isipa sosozi. Uraat tau ivot izi taan to Ham, ene maata ite kat. \*

---

\* **105:21:** Gnp 41:40    \* **105:23:** Gnp 46:1+    \* **105:24:** Igham 1:7    \* **105:26:** Igham 3:10, 4:16    \* **105:27:** Igham 7:9+

28 Yoova igham ndoroom tiina ikau taan to yes Isipa.

Pasaa, yes tizoor aliija, ve tinguruut tamtamon tooni. \*

29 Ve i itoor yaa toozi isov imin sinj, le iigh tisov timatmaat. \*

30 Ra igham gob ndiḡndiḡ ndiḡndiḡ tivot le taan toozi ivon pazi.

Ruum loolo to kinik tauu, ene ivon pa gob paam. \*

31 Ve Yoova isaav, ve lasom tomania suum katini tivot, le tirau taan to yes Isipa. \*

32 Ve saawe tau uman ighe izi, ene uman izi mako. Yoova igham ais paatu paatu izi le ivaghamunia nugh.

Ve igham nugh ighani milia, ve lalaav inḡalḡal gabua irau taan toozi isov. \*

33 Tauta ivaghamunia ai vaen tomania ai fik toozi, ve inḡal ai siriv tipolpol paam.

34 Ra isaav, ve siis tivot le katini kat.

Tanin zi, aat tarao mako. \*

---

\* **105:28:** Igham 10:22      \* **105:29:** Igham 7:19+      \* **105:30:**

Igham 8:2      \* **105:31:** Igham 8:17      \* **105:32:** Igham 9:23+

\* **105:34:** Igham 10:12+

- 35 Ve tighan aniiñ tau yes Isipa tivazogh zi na raua tomania gabua siriv tau titum ıla taan toozi na le isov kat.
- 36 Murei ra, Yoova iravuor natuzña aidabazña timataar irau taan toozi isov.  
Natuzña tau tipoop zi imin maata, tauta tisov.  
\*
- 37 Ra Yoova igham yes Israela tipul Isip, ve tivot tila.  
Saawe tau tiburig, tighamuor gol to yes Isipa tomania silva toozi, ve tila tomania.  
Ve laghoonj toozi, tilaagh toman tapirizi. Toozi eta tapiri isov ve itap mako. \*
- 38 Saawe tau yes Israela tipul Isip ve tila, yes Isipa lolozi poia kat.  
Pasaa, yes Israela tau timin puughu pa patañani tau ivotvot pazi ne. Tauta roinñ tiina igham zi.
- 39 Mataaz, Yoova igham taitai ivot gha ipoon aaz maata pa yes Israela.  
Ve mbonj, i igham yav tiina ighan le isul nugh.  
\*
- 40 Saawe tau tighasoni pa lezi aniiñ, i igham man kayau katini tivot, ve igham aniiñ katini sambam ve izilam pazi.  
Tauvene tighamu gha tighan le apozi isun. \*

---

\* **105:36:** Igham 12:29      \* **105:37:** Igham 12:35      \* **105:39:** Igham 13:21  
\* **105:40:** Igham 16:13+

- 41 Yoova igham maet ivavaal le aavo ikaak, ve yaa prisia toman tapiri ivot.  
Yaa tawe ireer tiina izi nugh nginaanja tau le yaa mako na. \*
- 42 Yoova igham gabua naol tana pasaa, maata ingalngal saveen tooni patabuyaanj tau imbua tomania besooja tooni Abaram.
- 43 Tauvene Yoova igherev tamtamon tooni Israel tau i tauu isiigh zi na, gha tipul Isip.  
Timboubou ve tilolool toman lolozi poia ve tila.
- 44 Murei, ra i igham taan to nugh siriv pazi.  
Tauvene nugh tawe uraat toozi anooja, imin ruum, uum, ai, ve gabua toozi siriv paam, tauta isov imin yes Israela lezi.
- 45 Yoova igham tauvene pazi, leso tikis saveen tooni tunja,  
ve matazi kisin tutuunj tooni ve titaghoni.  
Aleluia! Tapait Yoova!

## 106

*Yes Israela tizoor Maaron aliinja. Eemon i ighamgham ngar popoia pazi*

- <sup>1</sup> Aleluia! Tapait Yoova pa poia tooni toman loloon poia. Pasaa, i poia kat.  
I loolo isaghav tamtamon tooni, ve iuluul zi irau saawe.
- <sup>2</sup> Sei irau isavia uraat tintiina tau Yoova ighamgham zi na?

---

\* **105:41:** Igham 17:6; 1Kor 10:4

Ve sei irau ipaiti pa n̄gar popoia naol tau i ighamgham zi na ve ipasov zi? Eta irao mako.

<sup>3</sup> Yes tau tighagharaat patan̄ani to tamtamon ve titaghon n̄gar duduun̄a irau saawe, ene pale loloji poia kat, ve poia to Maaron izazaa toozi.

<sup>4-5</sup> O Yoova, saawe tau ugham poghania tamtamon tsio ve ugham mulin zi pa patan̄ani toozi, na matam in̄gal ghau ve uul ghau paam. Maaron, yo taum usiigh yes Israela timin lem motot. Yes tamtamon tsio. Tauvene naghe taug naghit zi tileep poi.

Leso yeŋa nilup ghei toman tintiinmai ve ni-pait ghom.

<sup>6</sup> Yei nisosor wa. Nisosor pa eez tsio, raraate imin timbumain̄a.

Yei nighamgham n̄gar saghati. N̄gar tsiei iduduun̄j ila yo matam mako.

<sup>7</sup> Saawe tau timbumain̄a tileep izi Isip na, yo ugham gabua n̄geretazi tintiina ivotvot.

Eemon tighilaal zi mako.

Saawe naol, yo utotoi poia tsio pazi, itaghon n̄gar tsio tau lolom isaghav tamtamon tsio ve uluul zi.

Eemon yes tigham n̄gar pa uleen̄j tsio tana mako.

Saawe tau tila tivot Te Siŋsiŋai, tizoor aliŋam, ve tighur murizi payo. \*

<sup>8</sup> Eemon Yoova, i eeza tiina pa tapiri ve poia tooni, ve ighe igham zi tighilaal katin tapiri.

Tauta igham mulin zi.

---

\* **106:7:** Igham 14:11+

- 9 Saawe tana, i isaav ariaan pa Te Siŋsiŋai le ivalagh ghi imin ru. Sirivu ila pa tapir, sirivu ila pa ŋas, ve taan mamaasa ivot. Ra igherev yes Israela, ve tilaagh ila maghat tau ighéen izila siija kat na, gha tila tivool pa ziige ite. \*
- 10 Tauvene i igham mulin zi ila koiazŋa nimazi. Iiyooz pazi, ve iuul zi. Tauta yes tau tighur koi pazi na irau tivaghamun zi mako.
- 11 Saawe tana, te itav koiazŋa le tisov timataar. Eta ileep muul mako.
- 12 Maaron igham tauvene, tauta yes Israela tighur ila saveeŋ mbuaan tooni, ve timbou mbounj to tipaiti. \*
- 13 Eemon rekia mon ve lolozi iveegh pa gabua ŋgeretazi tau i igham zi na. Yes tisaŋan Maaron to ivotia ŋgar tooni pazi ne mako. Tigham gabua itaghon tauzi ŋgar toozi.
- 14 Saawe tau tilepleep izi nugh ŋginaaŋa, luazi itan tigne le tighan aniin popoia imin tau muun tighanghani izi Isip. Tauvene titoov Yoova tapiri izi nugh ŋginaaŋa. \*
- 15 Ve Maaron iloonj tanjiiz toozi ve igham lezi gabua tau tighason pani na.

---

\* **106:9:** Igham 14:21+  
Igham 16:3; 1Kor 10:6, 9

\* **106:12:** Igham 15:1+

\* **106:14:**

Eemon i igham moroghoon saghati ivot le ivaghamun zi paam.

16 Saawe tau tilepleep ila niazi to lepoogh izi nugh nginaaŋa,  
tamtamon toozi siriv tiburig ve tinjoon pa Mose yesuru toogha Aron tau Yoova be-soonja tooni patabuyaan na. Tighe tigham uraat raraate imin yesuru, o poia. \*

17 Tauvene taan ikaak, ve Datan gha Abiram toman-  
nia ziiri waaro toozi tisov titaptap tizila,  
ve taan aavo ila ivool muul.

18 Ra yav ivot, ve ighan tamtamon siriv tau  
titaghon zi pa ngar toozi tawe.  
Zeran sasaghati tawe, yav yaama ighaniir zi  
le tisov.

19 Saawe tau yes Israela tilepleep izi loloz Sinai pu-  
ughu, tigham gol ve tigharaat makau naatu  
tamoot anunu,  
ve tiput aghezi pani ve tipakuru. \*

20 Tauvene Maaron toozi tau eeza tiina pa tapiri ve  
poia tooni na, yes tighur murizi pani.  
Ve tighur gabua tau ighanghan kikiliin na  
anunu igham Maaron niia. \*

21 Onoon kat, Maaron toozi tau igham uraat tin-  
tiina ivotvot izi Isip ve igham mulin zi na,  
lolozi iveghaini kat.

---

\* **106:16:** Nam 16:1+    \* **106:19:** Igham 32:4    \* **106:20:** Ro  
1:23

- 22 I igham gabua ngeretazi tintiina izi taan to yes  
Isipa,\*  
ve igham uraat tintiina izi Te Siņsiņai ziige  
paam.  
Uraat tawe, tamtamon tighit zi le roiņ tiina  
igham zi.  
Eemon yes Israela tigham ngar pa gabua tana  
mako.
- 23 Tauvene Maaron ighe ivaghamun zi le tisov.  
Eemon besooņa tooni Mose tau i tauu isiigho  
na,  
iyooz ila Maaron naagho imin sigheu pa yes  
Israela.  
Tauta itatan Maaron aatyavyav tooni, ve  
Maaron ivaghamunia tamtamon tooni  
mako.\*
- 24 Saawe tau yes Israela tigharau taan Kanaan, yes  
tirere pa taan poia tau Yoova ighe igham  
pazi na.  
Pasaa, tighur ila saveeņ mbuaaņ tooni mako.
- 25 Yes lolozi pa loņaaņ Yoova aliija mako.  
Tilepleep iloņ ila balbaal toozi, ve lolozi  
ņurņuria pa Maaron.
- 26-27 Tauta Yoova niima iza, ve imbu saveeņ ari-  
aaņ ighe:  
I pale irav zi tisov timataar izi nugh nģinaaņa,  
ve ivarewai paaghu toozi gha timbiriis tirau  
nugh nugh.

---

\* **106:22:** Saveeņ tau tiboode na, isaav ighe ‘taan to yes Hama.’  
Hama, ene Isipa ezazi ite. \* **106:23:** Igham 32:11-14, 32+



- 28 Murei, ra yes Israela tila tivot loloz Peor. Saawe tana, tipaak yes tau tibesbees pa maaron karom Baal.  
Pasaa, aniinj tau zeran tawe tigham pa maaron maate toozi tawe, yes Israela tighani paam. \*
- 29 Ngar tau tighamu na, ipas Yoova aate, le aate yavyav kat.  
Tauta igham moroghoonj saghati ivot pazi.
- 30 Tauvene Pineas iburig ve irav tamtamon ru tau tizoor Maaron aliinja na gha timatmaat.  
Ra moroghoonj saghati tawe isov. \*
- 31 Ngar tooni tawe, tauta Maaron ighita ighe i neer duduunja.  
Ve Maaron pale maata ingalngali tauvene taghon taghon gha ila.
- 32 Yes Israela tila tivot yaa Meriba, ve tigham Yoova aate yavyav muul.  
Saawe tana, tigham patanjani pa Mose paam.
- 33 Pasaa, yes tizoora kat le tipas aate.  
Tauta igham ngar poi mako, ve isik aliinja isosor. \*
- 34 Saawe tau tilonj tila taan Kanaan, Yoova isaav ariaanj pazi ighe tirav yes tau tileep ta sewe na, tisov timataar.  
Eemon titaghon Yoova aliinja mako.

---

\* **106:28:** Nam 25:1+    \* **106:30:** Nam 25:1-13    \* **106:33:** Nam 20:1+

- 35 Yesŋa Kanaana tiluplup zi, ve titaghon ŋgar toozi.
- 36 Yes tibesbees pa maaron karomŋa toozi,  
ve ŋgar tawe imin liis pazi.
- 37 Ve tigham tauzi natuzŋa zitamoot ve zilivaa, gha tirav zi timaat, imin watoonrau pa avuvu sasaghati.
- 38 Onoon kat, natuzŋa zitamoot ve zilivaa tau lezi sosor eta mako na,  
ene yes tirav zi timaat imin watoonrau pa maaron karomŋa to yes Kanaana.  
Siŋ toozi tau imaliŋ na, ivaghamunia taan toozi le isaghat ila Maaron maata. \*
- 39 Ngar tau tighamu na, igham zi tisaghat kat ila Yoova maata.  
Yes tighur murizi pani, imin livaa tau ipul azaawa ve ila ighurghur boog.
- 40 Ngar tau tamtamon tooni Israela tighamu na,  
ene igham Yoova aate yavyav kat,  
ve loolo pazi mako le mako kat.
- 41 Tauta ipul zi tila nugh nugh nimazi.  
Yes tileep ila koiazŋa sambazi ve anazi tingin zi.
- 42 Koiazŋa tawe tighur patanani naol pazi,  
ve titatan zi pa tapirizi, ve tigham zi timin besoonŋa toozi.

---

\* **106:38:** Lo 18:10

- 43 Pai katini, Yoova ipas yes Israela pa patanjani toozi.  
Eemon tighilaal uleenj tooni mako, ve tizor-zoor aliinja, ve titaghon tauzi ngar toozi.  
Ngar toozi saghati tawe igham zi tivaghamgham.
- 44 Eemon Yoova ighita patanjani toozi, ve iloon taniiz toozi.
- 45-46 Pasaa, maata ingal saveenj tau imbua tomania timbuznja na, ve loolo isaghav tamtamon tooni ve iuluul zi.  
Tauta itatan aatyavyav tooni,  
ve igham yes tau tikiskis yes Israela na lolozu isaghatin zi ve tigham poghani zi.
- 47 O Yoova, Maaron tsiei, ugham mulin ghei ila koiamainja nimazi!  
Ughita. Aazne, nileep irau nugh nugh.  
Uyau ghei, ve ulup ghei ila taan tsiei muul.  
Leso lolomai poia payo, ve nipait ezam patabuyaanj.  
Ve matamai ingal yo ezam ve tapirim tiina irau saawe.
- 48 Iit tapait Yoova pa poia tooni. I Maaron to iit Israela.  
Tapaiti ta aazne, ve taghon taghon gha ila!  
Ve eval tiina aat tisaav tige: "Onoon kat."  
Aleluia! Tapait Yoova!

- <sup>1</sup> Lolomim poia pa Yoova ve apaiti. Pasaa, i poia kat.  
Loolo isaghav tamtamon tooni ariaan, ve iu-luul zi irau saawe.
- <sup>2</sup> Yes tau Yoova igham mulin zi ila koiazna nimazi na, irau tisavia saveen tane.  
Pasaa, i iyooz pazi ve ipas zi tivot pa patanani toozi, ve igham zi tileep poi.
- <sup>3</sup> Muun, koiazna tigham zi tila tileep irau nugh nugh.  
Siriv tileep ila pa nugh tau aaz izazaa pani, ve siriv tileep ila pa nugh tau aaz izila.  
Siriv tileep ila pa ragh puughu, ve siriv tileep ila pa yavaar puughu.  
Eemon Yoova iyau zi timuul tilam pa tauzi nugh toozi.
- <sup>4</sup> Tamtamon siriv, tivalaghlaagh izi nugh nginaanja tau le yaa mako na.  
Ve tiliil eez tigha tila nugh eta, lesa tileep ta sewe. Eemon tindeen eez eta mako.
- <sup>5</sup> Pitool zi, ve murun zi, le tapirizi isov.
- <sup>6</sup> Tauvene tileep saghat.  
Eemon saawe tau titan rarai Yoova pa uleen, i iuul zi pa patanani toozi tawe.
- <sup>7</sup> Ve itotoi zi pa eez tau duduunja ve tuuku.  
Tauta titaghoni ve rekia tila tivot nugh poia ve tileep ta sewe.
- <sup>8</sup> Tauvene yes irau loloji poia pa Yoova ve tipaiti pa poia tooni.

Pasaa, i loolo isaghav iit tamtamon ve iuluul ghiit.

Ve ighamgham uraat ngeretazi to iuul iit tamtamon.

<sup>9</sup> Yes tau murun zi, i ighamgham yaa pazi to tighun ve isoonj zi.

Ve yes tau pitool zi, i irao zi pa gabua popoia le tirau kat. \*

<sup>10</sup> Tamtamon siriv, yes tileep ila ndoroom tiina loolo, ve rigmon kananj timaat.

Yes tileep ila ruum to yavyavuunj loolo, ve ravraav tomania sen ighan nimazi ma aghezi le tisaghat kat.

<sup>11</sup> Pasaa, tizorzoor Maaron aliinja.

Maaron Tiina Tau Iliiv Zimaronja Tisov na, yes tivevelegh saveenj tooni imin kaut sorok.

<sup>12</sup> Tauta i ighur uraat patanjani kat iza toozi, leso itatan zi.

Yes irau tilaagh duduunj mako, ve titaptap tizizi. Pasaa, tibadbaad gabua patanjani. Ve lezi tamtamon eta to iuul zi mako.

<sup>13</sup> Tauvene tileep saghat.

Emon saawe tau titanj rarai Yoova pa uleenj, i iuul zi pa patanjani toozi tawe.

<sup>14</sup> I ipas zi tivot pa ndoroom tiina tawe loolo, ve igham zi tivot tila ghazonja.

---

\* **107:9:** Mt 5:6; Lu 1:53

Ve ikuup motin ravraav tomania sen pa ni-  
mazi ma aghezi. \*

- 15 Tauvene yes irau lolozu poia pa Yoova ve tipaiti  
pa poia tooni.  
Pasaa, i loolo isaghav iit tamtamon ve iuluul  
ghiit.  
Ve ighamgham uraat ngeretazi to iuul iit tam-  
tamon.
- 16 Ataman arianazi to ruum to yavyavuunj tau  
tigharaat zi pa mbaras na, i irav valaghin zi.  
Ve ain arianazi tau tipapalot ataman na, i  
injoor polpolin zi.
- 17 Tamtamon siriv, yes tighamgham njar to bo-  
raunja ve tinoknok zoraan saveen.  
Yes tighamgham sosor, tauvene timoroonj ve  
yavyavuunj tiina igham zi.
- 18 Lolozi pa ghaniinj aniiinj eta mako. Isaav ighe  
tighita aniiinj eta, ene pale atezi inaunau ve  
tilulu.  
Tauvene tileep ila naal aavo wa.
- 19 Yes tileep saghat.  
Eemon saawe tau titanj rarai Yoova pa uleenj, i  
iuul zi pa patanani toozi tawe.
- 20 I isaav, ve tinizi popoia muul.  
Muunj, tileep ila naal aavo. Ve i igham mulin  
zi pa mateegh.

---

\* **107:14:** Lu 1:79

- 21 Tauvene yes irau lolozi poia pa Yoova ve tipaiti pa poia tooni.  
Pasaa, i loolo isaghav iit tamtamon ve iuluul ghiit.  
Ve ighamgham uraat ngeretazi to iuul iit tamtamon.
- 22 Tauvene yes aat lolozi poia pa uraat tintiina tau i igham pazi na, ve tigham watoonrau pani.  
Ve timbou toman alinjazi tiina to tipakuru, ve tisavia uraat tooni tawe.
- 23 Tamtamon siriv, yes tizaa waan,  
ve tiraav tila nugh malau to tiraukol.
- 24 Yes tighit katin Yoova tapiri,  
ve uraat tintiina tau i ighamghamu ila te paavo.
- 25 Pasaa, i isaav ariaan, ve yaghur tiina iza, le ipei dibom tintiina.
- 26 Dibom tintiina tawe iit waan toozi izala kat, ve ipuli izi le rigmon kanan izal izila mazavan tiina loolo.  
Tauvene roinj tiina igham zi le tapirizi isov.
- 27 Ve tivataptap imin tamtamon tau ighun gha ivaghamgham.  
Yes to te tiwatagh ghamuunj pooz. Eemon tirau gabua eta mako.
- 28 Tauvene tileep saghat.  
Eemon saawe tau titan rarai Yoova pa uleen, i iuul zi pa patanani toozi tawe.

- 29 I igham yaghur aate izi, ve dibom imaat. \*
- 30 Yes tighita taun izi, le lolozi poia.  
Ve Yoova igham zi tila tiloon nugh tau tigne  
tila pani na.
- 31 Tauvene yes irau lolozi poia pa Yoova ve tipaiti  
pa poia tooni.  
Pasaa, i loolo isaghav iit tamtamon ve iuluul  
ghiit.  
Ve ighamgham uraat ngeretazi to iuul iit tam-  
tamon.
- 32 Tauvene isaav ighe eval tiina tilup zi pa sunuun,  
zeran tawe aat tila tomani zi ve tiyoor  
Yoova eeza.  
Ve saawe tau yes nginiina tilup zi, zeran tawe  
aat tipait Yoova eeza ila naghozi paam.
- 33 Yoova irau igham yaa tintiina timaak le tigorgor  
kat, imin nugh tau le yaa mako na.  
Ve yaa tau tivotvot ila taan loolo na paam, i  
irau ipoon zi le taan loolo igorgor.
- 34 Isaav ighe nugh eta tinoknok ghamuun ngar  
saghati,  
i irau ivaghamunia taan toozi tau ngoreena  
tiina na, lesa isaghat, ve gabua eta itum ila  
muul mako.
- 35 Ve isaav ighe nugh eta le yaa mako, i irau igham  
yaa ivot pani, ve ireer tiina.  
Taan tau loolo gorgori na, i irau igham yaa  
ivot pani.

---

\* **107:29:** Yona 1:15; Lu 8:24



- 36 Yes tau pitool zi na, i igham zi tila tileep ila taan poia tawe,  
ve tighamu imin lezi nugh to lepoogh.
- 37 Tauvene yes tivazogh aniiñ ve vaen ila,  
le tighita anooña katini tivot.
- 38 Yoova ighur poia tooni izazaa toozi, tauta timasa timin eval.  
Ve maata pa makau, mekmek, ve sipsip toozi paam, le timasa timin naol.
- 39 Isaav ighe tamtamon to Maaron koiazña titatan zi le tapirizi isov,  
ve tigham saghatin zi le tileep saghat toman lolozi ipatanjan,
- 40 ene pale Yoova iuul zi, ve itatan daaba to koiazña tawe.  
Pale igham zi tivaghamgham, ve tivalaghaagh izi nugh nginaaña tau eez eta igheen ila mako.
- 41 Eemon yes tau tileep ila patanjani loolo ve mbo-laañ igham zi na, i ipaghau zi pa patanjani toozi,  
ve maata pazi le timasa timin eval.
- 42 Ngar tooni tawe, zeran dudunazi tighita, le lolozi poia kat.  
Ve zeran sasaghati tisov lezi saveeñ eta muul mako. Saveeñ toozi isov.

43 Tamtamon tau ighe le ngar, i aat igham ngar poi  
 pa gabua tane,  
 ve maata ingalngal ngar to Yoova tau loolo  
 isaghav tamtamon tooni ve iuluul zi.

## 108

### *Neer ee ipait Maaron ve ighasoni pa uleenj*

Mbounj to David

- 1 Maaron, lolog ruru payo mako.  
 Lolog isaghav ghom, ve naghur ilat tsiam ari-  
 aaŋ.  
 Tauvene nasaav pa taug naghe: “Uburig ve  
 umbou to upait Maaron!”
- 2 Lolog ighur naghe nughitun, o naburig, ve  
 nagharaat taug,  
 ve naravrav ambam tomania gita ila ila le aaz  
 pisikia izaa.
- 3 Tiina tsiau, yau aat napait ghom pa poia tsio ila  
 tamtamon to nugh nugh matazi.  
 Pale yeŋa tamtamon to nughmariŋ nilup ghei  
 pa suŋuuŋ, ve nait mbounj to napait ghom.
- 4 O Yoova, yo lolom isaghav tamtamon tsio, ve  
 uluul zi.  
 Ngar tsio tana, ene tiina le tiina kat. Izala izala  
 le ikis sambam.  
 Ve ngar to taghoniŋ saveeŋ mbuaaŋ tsio tau-  
 vene paam. Izala le ikis taitai. \*
- 5 Maaron, eval tiina aat tipait ezam izala le izala  
 kat, iliv sambam saamba.

---

\* 108:4: Mbo 36:5

Ve tipakur ghom pa tapirim ve poia tsio irau taan isov!

<sup>6</sup> Maaron, yei tamtamon tsio. Lolom igheen tsie kat.

Uloonj sunjuunj tsiau tane, ve utotoi tapirim ve uul ghei.

Ugham mulin ghei pa patanani tane.

<sup>7</sup> Muunj, Maaron ileep izi nugh tooni patabuyaanj, ve isaav ighe:

“Yau naparav le naliiv koiagna wa.

Tauta lolog poia ve navalagh taan Sekem ve nugh duduunja to Sukot, ve nareii irau tamtamon tsiau.

<sup>8</sup> Taan sirivu to Gileat, ve taan to yes Manase paam, ene yau tsiau.

Yes Epraima timin hat ariaanja to ipoon dabag pa malmal.

Ve yes Yuda timin titi tau nakisi imin ilaal pa pooz tsiau.

<sup>9</sup> Taan sirivu to Moap, ene imin oon tsiau to riri-waanj.

Ve taan sirivu to Edoma, ene nugh tau nasik zuzuunja to agheg pani.

Ve yes Pilistia, yau naparav tomani zi le naliiv zi. Tauta tintinig ve alinag izaan.”

<sup>10</sup> Sei irau igham ghau naliiv koiagna ve nalonj nala nugh toozi tau didiin ariaanja ilivuti na?

Sei pale imuunj payau, ve igherev ghau nala navot taan sirivu to yes Edom?

<sup>11</sup> Ite paam mako. Yo mon.

Eemon Maaron, aazne yo ughur murim  
payei, ve upaak zaaba tsiei muul mako.

<sup>12</sup> Maaron, uul ghei, lesu niliiv koiamaña.  
Pasaa, uleenj tau nighamghamu ila to tamta-  
mon, ene anoonja mako.

<sup>13</sup> Eemon isaav ighe Maaron ilam tomani ghei, ene  
aat niliiv zi.  
I irau itatan zi, le tapirizi isov kat.

## 109

*Neer ee ighason Maaron to ipamuul ngar saghati  
to koiña imuul ila pa tauzi*

Mbounj to David

<sup>1</sup> O Maaron, saawe isov yau napapait ghom.  
Uloonj sunjuunj tsiau. Uneneenj sov!

<sup>2</sup> Pasaa, zeran sasaghati tau avozi karom na,  
tighurghur koi payau,  
ve tinjalngal saveenj karom naol payau.

<sup>3</sup> Koiagna tawe tisiksik saveenj sasaghati payau,  
ve tivaghamunia ezag sorok.

<sup>4</sup> Muunj, yau lolong pazi, ve naghhamgham ngar poia  
pazi.  
Eemon tiyat ngar poia ta naghham pazi na  
pa ngar saghati, ve tinjalngal saveenj naol  
payau.  
Eemon yau neer to sunjuunj.

<sup>5</sup> Ngar poia tau yau naghhamgham pazi na, yes  
tiyatu pa ngar saghati.

Yau lolog pazi. Eemon yes tighur koi payau,  
ve tighu:

6-7 “Taghur tamtamon saghati eta iyooz ila ziige to  
injal saveen pani.

Leso saawe tau tipayooze pa savsaveen,  
tighita tighu i isosor, ve tighur atuya pani.

Ve nighe sunun tooni paam, ene isosor ila  
Maaron maata.

8 Neer tawe ileep malau izi taan sov.

Tamtamon ite paam aat igham niia ve igham  
uraat tooni, o poia. \*

9 Azaawa pale imin naar,

ve natja timin parooja.

10 Pale tireu natja ruum toozi tizi, ve tinaan zi  
tighawaar.

Leso tivaghamgham, tivalaghlaagh, ve  
tisuusun lezi gabua.

11 Isaav ighe neer tawe igham bun ila to tamtamon  
eta, ene pale tamtamon tana ilam ve iyaur  
gabua tooni isov imin le.

Gabua tau i ighun punita pani na, zeran to  
nugh ite pale tilam ve tighamuur zi.

12 Tamtamon eta igham poghania neer tawe sov.

Ve natja tau timin parooja na, tamtamon eta  
lolo isaghatin zi ve iuul zi sov.

---

\* **109:8:** Mbanj 1:20

- 13 Natnja timataar le tisor, o poia. Leso ñeer tawe eeza igheen muul sov, ve tamtamon lolozi iveegh pani.
- 14 Ngar saghati to timnja, tamtamon pale tisavia pa Yoova, lesa maata ingalngali.  
Ve sosor to tiina paam, Yoova ireua sov.
- 15 Tauvene sosor to ñeer tawe tomania ziiri waaro tooni, Yoova pale maata ingalngali irau saawe, ve ipasovuur zi pa taan.  
Leso tamtamon lolozi iveghai zi kat.
- 16 Pasaa, ñeer tawe maata ingal ve igham ñgar poia eta pa tamtamon mako.  
Yes mbolaanja ve yes tau tileep ila patanjani loolo na, i ighamgham saghatin zi, ve iravrav zi timatmaat.
- 17 Ngar to avoon saghati pa tamtamon, i loolo pani kat.  
Eemon saveej tooni saghati tawe pale imuul pa tauu, ve ivaghamunia.  
Ngar to tasuj Maaron lesa ighur poia tooni iza to tamtamon, ñeer tawe loolo pani mako.  
Tauvene poia to Maaron pale igheen malau pani.
- 18 Ngar to avoon saghati pa tamtamon, i ipulpuli mako.  
Ene imin nonoghiinja tau i loolo pani kat, ve inonogh ghi pani irau saawe.  
Eemon saveej tooni saghati tawe pale imuul pa tauu,

ve izila loolo imin yaa, ve ila irau tuua ta naol  
ne imin ngoreen, ve ivaghamunia.

- 19 Saveenj tooni saghati tawe, pale imuul pa tauu  
ve ikauu,  
imin kawaal tau i ikawaala ila ngaali ve ipuusa  
pa puus irau saawe.”
- 20 O Yoova, saveenj sasaghati tau koiagna  
tingalngali payau ne,  
upamuule ila pa tauzi. Leso uyat ngar toozi  
tawe.
- 21 Yoova, yo Maaron tsiau. Ezam tiina pa poia tsio  
ve uleenj tsio.  
Yo lolom isaghav tamtamon tsio ve uluul zi  
irau saawe.  
Tauvene uyooz payau, ve upas ghau navot pa  
pataņani tsiau tane.
- 22 Pasaa, aazne naleep saghat, ve leg eez eta mako.  
Tauvene ateg ipaparav ve lolog isaghat kat.
- 23 Yau namin gabua yavyaava tau ighe aaz izila,  
mako taghita muul mako.  
Yau namin siis tau yaghur ivuvuura gha ila.
- 24 Yau nanġun taug pa ghaniin aniin alok wa.  
Tauvene nakonkonj, ve tuag isov peria, ve  
agheg imatmaat.
- 25 Isaav ighe koiagna tighit ghau, ene tivevelegh  
ghau ve tininjinj payau.  
Ve titurun luazi payau ve tige: “Aa, ughita  
wa?”

- 26 Yoova, yo Maaron tsiau. Uul ghau lak!  
Ugham mulin ghau pa patanani tsiau tane.  
Pasaa, lolom isaghav tamtamon tsio, ve uluul zi.
- 27 Ugham koiagna tiwatagh yo nimam. Utotoi tapirim pazi ve tighit katini pa matazi.  
Leso tighilaal tighe yo ta Volaana tsiau.
- 28 Onoon, yes avozi saghati payau. Eemon yo pale ughur poia tsio iza tsiau.  
Isaav ighe koiagna tipaburigin malmal payau, yo pale utatan zi, ve upamuul zi tila toman mayazi.  
Leso ugham besoonja tsio loolo poia ve tintini.
- 29 Tauvene yes tau tingalngal saveen payau ne, ugham zi tivaghamgham, ve tighau tila toman mayazi.  
Mayana tana pale imin lezi nonoghiina to tinonogh zi pani irau saawe.
- 30 Eemon yau aat lolog poia kat pa Yoova, ve avog ipaiti pa poia tooni toman alinag tiina.  
Saawe tau yena eval tiina nilup ghei pa sunuun, yau aat nayoor eeza.
- 31 Pasaa, yes tau tileep ila patanani loolo ve titan raraini pa uleen na, i iyozyooz zigezi to iuul zi.  
Ve yes tau koiazna tingalngal saveen pazi ve tighe tirav zi timaat na, i igham mulin zi.





Saawe to aatyavyav tooni ighe ivot, i pale ipaburigin malmal ve iravuur yes kinik ti-sov.

- <sup>6</sup> Pale ighur atuya pa nugh nugh, ve irav zi timataar le patazi tizi tivaghengheen ila taan.  
Tauvene yes pooza tau tileep irau taan na, i pale iravuur zi le tisov. \*

- <sup>7</sup> Ve kinik tsiei, i pale ighun yaa tau ireer igharau eez ziige na, le tapiri ivot muul.  
Tauvene i pale iliiv malmal, ve tiini iza.

## 111

*Tapait Maaron pa uraat tooni, ve tataghon tu-tuuj tooni*

- <sup>1</sup> Aleluia, tapait Yoova!  
Isaav ighe zeran duduņazi tilup zi pa suņuuņ, yau aat nala tomani zi, ve napakur Yoova toman lolog isov.
- <sup>2</sup> Pasaa, Yoova ighamgham uraat tintiina.  
Tauvene yes tau lolozi pa uraat tooni kat na, tighamgham ngar pa uraat tooni irau saawe tighe le tiwatagh katini.
- <sup>3</sup> Uraat tooni itotoi ighe i tapiri tiina ve poia kat.  
Tauta tamtamon titandagh pani.  
Ngar tooni duduņa pale ighengheen tauvene taghon taghon gha ila. \*

---

\* **110:6:** Syg 19:11-21      \* **111:3:** Syg 15:3

- <sup>4</sup> I ipaburigin n̄gar toit, leso mataan kisin uraat tooni n̄geretazi.  
I loolo isasaghatin tamtamon tooni, ve ighamgham poghani zi.
- <sup>5</sup> Yes tau tiroi pani ve titaghon n̄gar tooni na, i ighamgham lezi aniin̄.  
Ve saveen̄ tau yes̄na tamtamon tooni timbua to tivalupu zi timin eemon na, i maata in̄galn̄gali ve itataghoni irau saawe. \*
- <sup>6</sup> Muun̄, i igham uraat tintiina ila tamtamon tooni matazi, leso itotoi tapiri pazi.  
Saawe tana, i igham taan to nugh nugh imin lezi to tileep ila.
- <sup>7</sup> Uraat naol tau i igham zi na, ene itotoia ighe i itataghon saveen̄ mbuaan̄ tooni, ve n̄gar tooni iduduun̄ mon.  
Tauvene tutuun̄ isov tau i ighur zi na, iit aat taghur ila ve tataghon duduun̄ai zi.
- <sup>8</sup> Tutuun̄ naol tawe pale iyaryaan̄ tauvene taghon taghon gha ila.  
Yoova ighur tutuun̄ tawe itaghon saveen̄ mbuaan̄ tooni ve n̄gar duduun̄a.
- <sup>9</sup> Muun̄, i ipas tamtamon tooni tivot pa patan̄ani toozi.  
Ve saawe tau yes̄na timbu saveen̄ to tivalupu zi timin eemon, aavo iyaryaan̄ pazi ighe titaghon saveen̄ mbuaan̄ toozi tawe n̄gara irau saawe.

---

\* **111:5:** Mt 6:31+

I tapiri tiina ve eeza patabuyaanj kat. Tauta taroi pani, ve tataghon ngar tooni.

- <sup>10</sup> Ngar to taroi pa Yoova ve tataghon ngar tooni, ene imin puughu pa ngar poia.  
Yes tau titaghon saveenj tooni na, tiwatagh eez to tigham lepoogh poia.  
Tauvene iit aat tapakuru irau saawe!

## 112

*Poia to Maaron izazaa to yes tau titaghon eez tooni*

- <sup>1</sup> Aleluia, tapait Yoova!  
Njeer tau ighe iroi pa Yoova ve itaghon ngar tooni,  
ve tutuunj to Yoova ighamu loolo poia,  
ene aat tintini ve poia to Maaron izazaa tooni.
- <sup>2</sup> Ve paaghu tooni pale timin zeran tau ezazi tintina.  
Tauvene yes tau tiduduunj ila Maaron maata na, tamtamon to taan tane pale titandagh pa paaghu toozi ve poia to Maaron izazaa toozi.
- <sup>3</sup> Zeran duduņazi, ruum toozi ivon kat pa kuaz ve gabua popoia katini.  
Ve ngar toozi duduņa pale igheen ariaanj tauvene taghon taghon gha ila.
- <sup>4</sup> Isaav ighe njeer duduņa eta ileep ndoroom tiina loolo, ene pale ghazonja to Maaron isulu.

- Tamtamon tauvene, loolo isasaghatin tamtamon, ve ighamgham poghani zi, ve itotoi ngar duduunja pazi.
- <sup>5</sup> Tamtamon tau ighe maata reiņ gabua, ve iyokia gabua tooni pa uleenj tamtamon, ve itaghon ngar duduunja mon pa uraat tooni, ene pale ileep poia. \*
- <sup>6</sup> Tamtamon duduunja tauvene, tovaan eta irau ighamu itap ne mako. Ve tamtamon pale matazi ingalngali pa ngar poia tooni tawe taghon taghon gha ila.
- <sup>7</sup> Isaav ighe iloonj gabua saghati eta vaaru, i irau iroi mako. Pasaa, inumeer Yoova ve ghuruunj ila tooni iyaryaan kat.
- <sup>8</sup> Tauvene roiņ irau ighamu mako. Iyozyooz ariaan, le ighita Maaron itatan koiņa.
- <sup>9</sup> I maata ingalngal yes mbolaanja, ve ireirei gabua pazi. Ngar tooni duduunja pale igheen ariaan tauvene taghon taghon gha ila. Tauvene eeza pale imin tiina, ve tamtamon titandagh pani. \*
- <sup>10</sup> Zeran sasaghati tighita ngar tau ivotvot pani na, le atezi yavyav ve tinjaan maripazi pani. Eemon irau tigham ngar eta pani mako.

---

\* **112:5:** Mbo 37:21, 26; Lu 6:30+      \* **112:9:** Lu 19:8; Mbanj 9:36; 2Kor 9:9

Pale saghatiin ivot pazi ve tilalez.  
 Tauvene gabua popoia tau tighurghur matazi  
 pani na, ene irau ivot pazi mako.

## 113

*Maaron, i eeza tiina ve poia puughu*

<sup>1</sup> Aleluia, tapait Yoova!

Yam besoonja to Yoova, apakuru, ve apait  
 eeza.

<sup>2</sup> Apait Yoova pa poia tooni

ta aazne, ve taghon taghon gha ila!

<sup>3</sup> Yam tau aleep ila pa aaz iza, ve ila pa yam tau  
 aleep ila pa aaz izila, apait Yoova eeza!

<sup>4</sup> Yoova ileep saanja kat, ve nughmarin tileep ila i  
 saamba.

Eeza ve tapiri iliiv gabua naol isov to sambam.

<sup>5</sup> Sei ta irao Maaron tsiei Yoova? Eta imin i mako.

I ilepleep ila niia to ghamuun pooz tau igheen  
 saanja kat.

<sup>6</sup> Tauvene i aat maata izila le izila kat ta siinja geeg  
 we, o ighita gabua to sambam saamba ve  
 taan.

<sup>7-8</sup> Eemon yes tau lezi ezazi mako, ve yes mbolaanja  
 tau monmon tilala nugh to sikiin pen ve  
 tiliil lezi aniin na,  
 i loolo iveghai zi mako.

I ipapakur zi ve iuluul zi, lesa tileep poi toman  
 tintinizi.

Tauvene yes irau tileep tomania yes daaba  
tau tighamgham pooz pa tamtamon. \*

- <sup>9</sup> Ve yes zilivaa tau upazi na, i ighamgham lezi  
niazi popoia to lepoogh,  
ve ighamgham lezi natuzņa.  
Tauvene tileep tomania natuzņa tawe, ve  
lolozi poia kat.  
Aleluia, tapait Yoova!

## 114

### *Maaron igham Israela timbuzņa tipul Isip*

- <sup>1</sup> Muonj, Israela tipul Isip ve tila.  
Yakop paaghu tooni tipul tamtamon tau  
alinazi ite na, ve tivot. \*
- <sup>2</sup> Indeen tana, yes Yuda timin Yoova niia  
patabuyaanj to lepoogh.  
Ve yes Israela, tileep ila i niima ve injin zi. \*
- <sup>3</sup> Saawe tau Te Siņsiņai ighita Yoova tamtamon  
tooni tilam, i iroi ve ighau.  
Ve yaa Yordan ighit zi, le ipamuule ilonj ila ve  
ipot imin yaa naliu. \*
- <sup>4</sup> Ve loloz tauvene paam. Yogyoog itok le tiyatyaat  
imin mekmek.  
Ve nugh mbua mbua tiyatyaat imin sipsip  
natņa. \*
- <sup>5</sup> O te, saa gabua ivot payo, ta ughau?

---

\* **113:7-8:** 1Sam 2:8; Lu 1:52      \* **114:1:** Igham 12:41      \* **114:2:**  
Igham 19:5, 24:3+      \* **114:3:** Igham 14:21      \* **114:4:** Igham  
19:18

Ve yaa Yordan, puughu mindai ta utoor ghom  
ve umuul uzala?

<sup>6</sup> Ve yam loloz ve nugh mbua mbua, ayatyaat  
pasaa?

<sup>7</sup> O taan, uyamaan ghom! Malau mako pale Yoova  
ilam.  
Paita Maaron to Yakop ilam, ve itotoi tapiri  
payo.

<sup>8</sup> I ta igham yaa ivot ila maet, ve izi ipot imin yaa  
naliu.  
Onoon kat, i igham yaa ivot ila maet ariaaᅇa,  
ve ireer izi.

## 115

### *Yoova, i Maaron tauu*

<sup>1</sup> O Yoova, yei lolomai pa tamtamon tipait ezamai  
mako.

Tipait yo ezam pa tapirim ve poia tsio, o poi.  
Pasaa, lolom isaghav tamtamon tsio ve uluul  
zi, ve utaghon saveeᅇ mbuaaᅇ tsio irau  
saawe.

Tauvene utotoi tapirim ve uul ghei.

<sup>2</sup> Mako pale nugh nugh tivelegh ghom, ve tisaav  
payei tighē:

“Aa, Maaron tsiam ileep sindei?”

<sup>3</sup> Eemon yei niwatagh: Maaron tsiei, i ileep izi  
sambam.

Ve saa ᅇgar tau i ighe ighamu, ene ighamu  
mon.

<sup>4</sup> Nugh nugh tighagharaat maaron toozi pa silva  
ma gol.



Maaron karomņa tawe, tamtamon tigharaat  
zi pa nimazi. \*

<sup>5</sup> Yes lezi avozi. Eemon tisavsaav mako.  
Ve lezi matazi. Eemon tighita nugh mako.

<sup>6</sup> Yes lezi taliņazi. Eemon tiloonj saveeņ mako.  
Ve lezi uzuzi. Eemon tinuņuz gabua eta vaazi  
mako.

<sup>7</sup> Yes lezi aghezi. Eemon irau tilaagh mako.  
Ve lezi nimazi. Eemon irau tikis gabua eta ve  
tiyamaana mako.  
Onoon kat, saveeņ ma taņiiz eta ivot pa avozi  
mako. \*

<sup>8</sup> Tamtamon tau tighagharaat maaron karomņa  
tauvene ve tinumeer zi,  
ene tisov timin maaron toozi tawe. Tirau  
gabua eta mako.

<sup>9</sup> Yam eval tiina to Israel, anumeer Yoova.  
Pasaa, i ta Uleeņa tsiam, ve imin sigheu  
payam. \*

<sup>10</sup> Ve yam to watoonrau tau avot ila to Aron na  
paam, anumeer Yoova!  
Pasaa, i ta Uleeņa tsiam, ve imin sigheu  
payam.

<sup>11</sup> Tauvene yam tau aroi pa Yoova ve ataghon ngar  
tooni na, yam asov anumeera.

---

\* **115:4:** Mbaņ 19:26; Syg 9:20  
12:2 \* **115:9:** Mbo 37:3, 62:8

\* **115:7:** Mbo 135:15+; 1Kor

- Pasaa, i ta Uleenja tsiam, ve imin sigheu payam.
- 12 Yoova maata ingalngal ghei. Ve i pale ighur poia tooni izaas tsiei.  
Pale ighur poia tooni izaas to yes to watoonrau tau tivot ila to Aron na,  
ve ighur poia tooni izaas to eval tiina to Israel paam.
- 13 Tauvene yes tau tiroi pani ve titaghon ngar tooni na, i pale ighur poia tooni izaas toozi tisov.  
Yes tau lezi ezazi mako, ve yes tau ezazi tintina na paam.
- 14 Yoova pale igham gham tomania paaghu tsiam amasa amin naol.
- 15 Yoova ta ighur sambam ve taan.  
I pale ighur poia tooni izaas tsiam.
- 16 Sambam, ene Yoova nugh tooni.  
Ve taan, ene i igham pa iit tamtamon to taleep ila.
- 17 Yes tau timaat gha tizila mateegha niazi na, eta aavo luutu mako. Tineneen mon.  
Irau tipait Yoova muul mako.
- 18 Eemon iit tau taleep mataan yaryaare, o loloon poia pa Yoova, ve tapaiti pa poia tooni.  
Ta aazne, ve taghon taghon gha ila.  
Aleluia, tapait Yoova!

## 116

*Neer ee ipait Maaron pa uleenj tooni*

1-2 Yau lolog igheen to Yoova kat pasaa, i iloon tanjiiz tsiau.

Yau natanj raraini pa uleenj, ve i ighur taliinja payau ve iuul ghau.

Tauvene saawe tau naleep izi taan, sunjuunj tsiau aat injaruini irau saawe.

3 Liis to mateegh, rigmon kananj igham ghau.

Ravraav to mateegh ikaukau ghau, ve ighe igherev ghau nazila nugh to mateegha.

Tauvene igham lolog ipatanjan, ve roinj tiina igham ghau.

4 Tauta natanj rarai Yoova naghe:

“O Yoova, paita namaat tane. Uul ghau lak!”

5 Yoova loolo isasaghatin ghiit, ve ighamgham poghani ghiit.

Ngar tooni, ene iduduunj mon.

6 Yes tau irau tiuul tauzi mako na, Yoova tauu injin zi, ve iuluul zi.

Imin yau. Saawe tau patanjani itatan ghau le tapirig imbool, i ilam ve igham mulin ghau.

7 Tauta aazne, ateg izi ve lolog poia muul.

Pasaa, Yoova igham poghani ghau kat.

8-9 Onoon kat, i igham mulin ghau pa mateegh, ve ipasov tanjiiz tsiau.

Ve i ta ikiskis ghau.

Tauta natap mako, ve aazne naleep matag yaryaare.

Ve laghoonj tsiau, nazuari ghau naghe le nataghonj ngar tau iduduunj ila Yoova maata.

- 10 Muunj, yau nasaav pa taug naghe: “Pataņani tiina igham ghau le naleep saghat.”  
Eemon nakis ghuruunj ila tsiau tunja.
- 11 Pataņani tawe igham ghau nail eez. Tauvene nasik saveenj sorok naghe: “Tamtamon ti-sov, avozi karom mon. Irau nanumeer eta mako.” \*
- 12 Pale naghām saa pa Yoova to nayat ngar popoia maata maata tau i ighamgham zi payau ne?
- 13 Yau aat naghām rubruub vaen, ve naliņi izala watoonrau tsiau paavo to napaiti, ve nasunj pani toman lolog poia.  
Pasaa, i igham mulin ghau pa pataņani tsiau.
- 14 Tauvene saawe tau Yoova tamtamon tooni tilup zi pa sunjuunj,  
yau aat nataghon saveenj tau nambua pani na, ve naghām uratoini ila matazi. \*
- 15 Yes tau lolozi isaghav Yoova ariaanj ve titaghon eez tooni na, i loolo igheen toozi kat.  
Tauvene i irau ighita mateegh to toozi eta imin kaut sorok ne mako. \*
- 16 O Yoova, yau besoonja tsio.  
Nabesbees payo imin muunj tinaņj ibesbees payo.  
Muunj, naleep saghat imin tikau ghau pa ravraav. Eemon yo upoola payau, tauta aazne naleep poi.

---

\* **116:11:** Ro 3:4    \* **116:14:** Mbo 22:25, 66:13    \* **116:15:** Mbo 72:14

17 Tauvene yau aat naghām watoonjrau payo, ve nasuj payo toman lolog poia, ve napait ghom.

18-19 Saawe tau Yoova tamtamon tooni tizala Yerusalem,  
ve tilup zi pa sunjuuj ilonj ila sirsiir to rumei tooni loolo,  
yau aat nataghon saveenj mbuaanj tsiau tane,  
ve naghām uratoini ila matazi.  
Aleluia, tapait Yoova!

## 117

### *Nugh nugh aat tipait Maaron eeza*

1 Yam tamtamon to nugh nugh, apait Yoova!  
Yam tau aleep irau taan na, asov ayoor eeza.  
\*

2 Pasaa, poia tooni, ene tiina le tiina kat.  
I loolo isaghav tamtamon tooni ve iuluul zi irau saawe.  
Ve ngar to taghoniin saveenj mbuaanj tooni paam, ighengheen tauvene, taghon taghon gha ila.  
Aleluia, tapait Yoova!

## 118

### *Yes Israela tipait Maaron pa uleenj tau i igham pazi*

1 Lolomim poia pa Yoova ve apaiti! Pasaa, i poia kat.  
I loolo isaghav tamtamon tooni ve iuluul zi.

---

\* **117:1:** Ro 15:11

- <sup>2</sup> Yam eval tiina to Israel, alup avomim ve asaav aghe:  
“I loolo isaghav tamtamon tooni, ve iuluul zi.”
- <sup>3</sup> Ve yam to watoonrau tau avot ila to Aron na paam, asaav aghe:  
“I loolo isaghav tamtamon tooni, ve iuluul zi.”
- <sup>4</sup> Tauvene yam tau aroi pa Yoova ve ataghon ngar tooni na, asov asaav aghe: “I loolo isaghav tamtamon tooni, ve iuluul zi.”
- <sup>5</sup> Muun, yau naleep ila patanani tiina loolo ve leg eez mako. Tauvene natan rarai Yoova pa uleen.  
Ve i iloon alinag, ve ipas ghau navot pa patanani tsiau. Tauta aazne naleep ila nugh ghazoonja.
- <sup>6</sup> Isaav ighe Yoova ileep zigeg, yau irau naroi mako.  
Pasaa, tamtamon pale tigham saa payau? \*
- <sup>7</sup> Yoova ivool tsiau, ve iuluul ghau.  
I aat itatan koiagna ila matag, ve naliiv zi. \*
- <sup>8</sup> Iit tanumeer tamtamon to taan sov.  
Tanumeer Yoova ve tayoon ila tooni, o poia.
- <sup>9</sup> Yes daaba tau tighamgham pooz na paam, tanumeer zi sov.  
Tanumeer Yoova ve tayoon ila tooni, o poia.

---

\* **118:6:** Mbo 56:4, 121:7; 2Tim 4:18; Hib 13:6      \* **118:7:** 1Kor 15:57; 1Yo 5:4

- 10 Muonj, nugh nugh tilam tilivutin ghau tigde tigham malmal payau.  
Eemon Yoova, tauta napasov zi.
- 11 Tinjarui ghau tilam, ve tilivutin ghau, le leg sooso eta to naghau mako.  
Eemon Yoova, tauta napasov zi.
- 12 Yes timorau ghau imin ngururuuv.  
Eemon Yoova, tauta napasov zi, le tapirizi isov.  
Yes timin yav tau ighan regh gha iyaryaar, ve rekia mon imaat.
- 13 Yes tipaburigin malmal payau, ve rigmon kanan titatan ghau.  
Eemon Yoova iuul ghau, tauta tivaghamun ghau mako.
- 14 Pasaa, i Uleenja tsiau ariaanja.  
Yau naghhamgham tapirig ila tooni, ve i imin sigheu payau.  
Tauta nambou mbounj to napait eeza.
- 15 Aloonj. Zeran dudunazi tilepleep ila balbaal toz toz, ve tiyoryoor Yoova eeza toman loloz poia. Pasaa, i iliiv koiazna wa.  
Tisavsav tigde: “Yoova niima tapir, ene patanani.
- 16 Niima iparav ariaan kat.  
I igharaat ghi pa malmal, ve iparav le iliiv koina!”

- 17 Yau irau namaat soone. Pale naleep matag yaryaare.  
Leso navotia uraat tintiina tau Yoova ighamgham zi.
- 18 Onoon, i ilos katin ghau.  
Eemon ipul ghau namaat mako. \*
- 19 Tauvene akaak ataman to zeran dudunjazi payau.  
Leso nataghoni nalonj nala, ve napait Yoova pa ngar tau i igham payau na.
- 20 Ene ataman to Yoova.  
Yes tau tiduduunj ila i maata, o titaghoni tilonj tila. \*
- 21 Yoova, yo ulonj sunjuunj tsiau, ve ugham mulin ghau pa patanjani tsiau.  
Tauvene lolog poia payo ve napait ghom.
- 22 Maet tau yes to raonj ruum matazi veleghini ve tisiki ilale,  
tauta imin puughu pa ruum, lesu ipaloti ve ruum iyooz ariaan izala paavo. \*
- 23 Maaron tauu igham gabua tane ivot.  
Ve yei nighita imin gabua ngereeta ee ila mata-mai.
- 24 Saawe ta aazne, Yoova ighuru.  
Tauvene tintiniin ve loloon poia pani. \*

---

\* **118:18:** 1Kor 11:32; Hib 12:5      \* **118:20:** Mbo 15:1, 24:3+;  
Sug 22:14      \* **118:22:** Mt 21:42; Mk 12:10+; Mbanj 4:11; 1Pe 2:7  
\* **118:24:** Pil 4:4



- 25 O Yoova, lolom isaghatin ghei ve ugham mulin ghei!  
Uul ghei, lesu gabua naol isov ivot poi payei.
- 26 Neer tane ilam pa Yoova eeza. Tauvene poia to Yoova aat iza tooni.  
Yei tau nileep ila Yoova rumei tooni loolo na, nighasoni nighe ighur poia tooni iza tsiam.  
\*
- 27 Yoova, i Maaron tauu!  
I igham poghani ghiit, ve ghazonja tooni isul ghiit.  
Akis tuum raua ve ala alivutin artaal ve apakuru.
- 28 Yo Maaron tsiau. Yau lolog poia payo ve napait ghom pa poia tsio.  
Onoon kat, yo ta Maaron tsiau. Tauvene yau aat nayoor ezam.
- 29 Apait Yoova pa poia tooni toman lolomim poia.  
Pasaa, i poia kat.  
I loolo isaghav tamtamon tooni, ve iuluul zi irau saawe.

## 119

*Sunjuunj to neer tau ighur loolo kat pa Maaron aliija*

*Tataghon Maaron saveenj tooni, o poia tooni iza toiti*

- <sup>1</sup> Yes tau tighamgham sosor mako, ve laghoonj toozi iduduunj mon itaghon saveenj to Yoova,  
ene aat poia tooni izazaa toozi ve tintinizi.

---

\* **118:26:** Lu 13:35, 19:38; Yo 12:13

2-3 Yes tau matazi kisin eez tau Maaron ighuru  
pa tamtamon tooni na, ve titaghoni irau  
saawe,  
ve tighur lolozi isov injarui Maaron, ve tizuari  
zi to tiwataghi kat,  
ve yes tau tighamgham sosor mako,  
ve laghoonj toozi, titaghon Maaron eez tooni,  
ene pale tintinizi pa poia to Maaron tau iza  
toozi. \*

4 Yoova, yo ughe nitaghon tutuunj tsio enjaenja ngara  
le nitaghoni kat.

5 Tutuunj tsio tau tigheen pataghaan na, yau naghe  
le nayaryaan pa taghoniin zi.

6 Pa ighe matag ingalngal tutuunj tsio tisov,  
ene irau mayag ila eval tiina matazi mako.

7 Eez tsio to gabizoon gabua, ene iduduunj mon.  
Isaav ighe upaghazonjai ghau pani,  
ene aat lolog poia payo, ve napait ghom  
toman lolog ngalaanja.

8 Tutuunj tsio naol tau tigheen pataghaan na,  
yau aat matag kisin zi ve nataghon zi irau  
saawe.  
Tauvene ughur murim payau sov.

*Tagham ngar poia ila to Maaron*

9 Isaav ighe neer paaghu eta maata ingal tauu  
ve ighe laghoonj tooni ingalaan mon ila yo  
matam, ene pale igham saa?

---

\* 119:2-3: Yo 14:21+; Mbanj 24:16; 1Tim 1:5

I aat maata injal alinjam ve itaghoni.

10 Yau naghur lolog isov injarui ghom, ve nazuari ghau naghe le nawatagh katin ghom.  
Tauvene upul ghau nasapir pa tutuunj tsio sov.

11 Yau naghita alinjam imin gabua tauu. Tauvene naghur poghania ila lolog.  
Leso ipalot ghau, ve naghamsosor payo sov.

12 O Yoova, yau napait ghom pa poia tsio.  
Upaghazonjai ghau pa tutuunj tsio naol tau tigheen pataghaan na.

13 Tutuunj tsio naol tau yo uvoti zi na, avog pale isavi zi le tsov.

14 Eez tau yo ughuru payei na, saawe tau nataghoni, ene igham lolog poia kat, imin yes tau tipakur zi pa kuaz to taan.

15 Matag itaghon tutuunj tsio enjaenja ngara naghe le naghazonj pazi.  
Ve matag injalngal eez tsio irau saawe.

16 Tutuunj tsio naol tau tigheen pataghaan na, tigham lolog poia le poia kat.  
Irau lolog iveegh pa alinjam mako.

*Maaron aliinja ipalot ghiit, lesotayooz ariaan pa badoon patarjani*

17 O Yoova, yau besoonja tsio. Utotoi poia tsio payau.

Leso naleep poia, ve nataghon alinjam irau saawe.

18 Upaghazonjai ngar tsiau, leso naghilaal ngar popoia naol tau tighenaar ila saveenj tsio loolo na.

19 Taan tane, ene nugh tsiau duduunj mako. Yau naleep namin loom pani mon.  
Tauvene ugham ghau naghazonj pa tutuunj tsio naol ngara.\*

20 Saawe isov, yau napasawal naghe le utotoi ghau pa eez tsio to gabizonj gabua, o poi!

21 Yes tau tivelegh ghom ve tipapait tauzi na, yo uyaonyaon zi, ve aatyavyav tsio izazaa toozi.  
Pasaa, tisasapir pa tutuunj tsio.

22 Ve yau, o matag kisin eez tau yo ughuru payei na, ve nataghoni irau saawe.  
Tauvene saveenj veleghiinj ve mayanja tau tisiksik zi payau ne, upaghau zi payau.

23 Yes daaba tau tighamgham pooz na paam, tilup zi ve tiliil eez tigde tivaghamun ghau.  
Eemon yau besoonja tsio. Tauvene yau aat matag itaghon tutuunj tsio naol tau tighen pataghaan na, ve naghham ngar pazi poi.

24 Eez tau yo ughuru payei, ene igham ghau lolog poia le poia kat.

---

\* **119:19:** Pil 3:20; 1Pe 2:11; Hib 11:13

Ve ipaduduun ghau, leso nawatagh saa ngar tau pale nataghoni.

*Taghur loloon pa saveenj onoon ve tataghoni*

- 25 Yau tapirig isov, ve rigmon kananj namaat ve nagheen ila ngaupup.  
Upaburigin ghau, ve ugham tapirig ivot muul itaghon saveenj tsio.
- 26 Ngar isov tau naghamgham zi, ene yau navoti zi payo. Tauta uloonj sunjuunj tsiau ve uul ghau.  
Upaghazonjai ghau pa tutuunj tsio naol tau tigheen pataghaan na.
- 27 Tutuunj naol tau yo ughur zi na, upaghazonjai ghau pa eez to taghoniinj zi.  
Ve yau aat matag itaghon uraat tsio ngeretazi, ve nagham ngar pazi poi.
- 28 Yau lolog ipatanjan le tapirig isov.  
Upalot ghau itaghon saveenj mbuaan tsio.
- 29 Uul ghau to naleep soghan pa ngar karom.  
Saveenj tsio, ene imin eez to poia tsio iza tsiau.
- 30 Yau lolog ighur naghe yau aat nataghon eez to saveenj onoon.  
Ve matag ingalngal eez tsio to gabizoonj gabua.
- 31 O Yoova, eez tau yo ughuru payei na, yau nakisi igheen tunja ila lolog.  
Tauvene upul ghau sov! Pale mayag.
- 32 Yo upaghazonjai ghau pa gabua katini.

Tauta tinig iza pa taghoniin eez to tutuunj tsio.

*Taghason Maaron to ipaghazonjai ghiit pa tutuunj tooni*

<sup>33</sup> O Yoova, tutuunj tsio naol tau tigheen pataghaan na, upaghazonjai ghau pa eez to taghoniin zi. Leso matag kisin zi, ve nataghon zi ila ila le saawe tsiau isov.

<sup>34</sup> Upaghazonjai ghau pa saveenj tsio ngara. Leso matag kisini, ve natagho ni toman lolog irau saawe.

<sup>35</sup> Umuunj ve utotoi eez payau, lesu nataghon tutuunj tsio. Pa eez tana, ta igham lolog poia le poia kat.

<sup>36</sup> Upaburigin lolog, lesu nataghon eez tau yo ughuru payei na, ve naghama ngar pa ndounj leg kuaz to taan sov. \*

<sup>37</sup> Upaghau matag pa gabua sorok sorok to taan tau anonjai mako na, ve upalot ghau to nataghon eez tsio. Leso naleep poi.

<sup>38</sup> Yau besonja tsio. Tauvene matam ingal saveenj mbuaan tsio, ve ughama anonja ivot payau. Saveenj tsio tana injarui tamtamon tisov tau tiroi payo ve titaghon ngar tsio.

---

\* **119:36:** Lu 12:13+; 1Tim 6:9+

39 Saveenj saghati tau koiagna tisiksiki payau na, ene igham ghau naroi. Pa isaav ighe tamtamon tighur ila saveenj toozi tawe, ene pale mayag.

Tauvene utatan saveenj toozi, leso tamtamon tighur ila sov.

Pasaa, eez tsio to gabizoonj tamtamon, ene iduduunj mon.

40 O Yoova, yau naghe nataghon tutuunj tisov tau yo ughur zi na.

Tauvene utaghon ngar tsio duduunja, ve ugham ghau naleep poia muul.

*Maaron aliinja ipariaan ghiit to taghur ila tooni*

41 O Yoova, yau nawatagh: Yo lolom isaghav tamtamon tsio ve uluul zi. Utotoi ngar tana payau paam, o poi.

Tauvene ugham mulin ghau pa patanani tsiau itaghon saveenj mbuaan tsio.

42 Leso yau irau nayol saveenj veleghiinj tau tisiksiki payau na.

Pasaa, yau naghur ila saveenj tsio.

43 Yau naghurghur matag pa gabizoonj tsio.

Tauvene uul ghau lak! Leso avog ivotia gabuam tau avom onoon ve utataghon saveenj tsio irau saawe.

44 Yau aat nataghon saveenj tsio irau saawe.

Ta aazne, ve taghon taghon gha ila.

- 45 Tutuunj naol tau yo ughur zi na, yau nazuari ghau pa taghoniinj zi.  
Tauvene gabua eta irau ipoon eez payau mako.
- 46 Eez tau yo ughuru payei na, yau aat navotia ila yes kinik naghozi paam.  
Pa yau naroi, ma mayag pa tamtamon eta mako. \*
- 47 Tutuunj tsio ta naol ne, tigham lolog poia le poia kat.  
Tauta lolog pazi kat.
- 48 Yau lolog pa tutuunj tsio ta naol ne, ve napatab pazi. Tauvene nait nimag iza, ve napait ghom pa tutuunj tsio.  
Tutuunj tsio naol tau tighen pataghaan na, matag itaghon zi naghe naghama njar pazi poi.

*Isaav ighe tabaad patanani, Maaron aliinja pale irav ateen*

- 49 Yau besoonja tsio. Matam ingalngal saveen tau umbua tomani ghau na.  
Pa saveen tsio tawe ipapalot ghau to naghur matag payo, ve nasaan uleen tsio.
- 50 Isaav ighe patanani igham ghau, ene pale saveen tsio iuul ghau to naleep poia.  
Njar tane, ta irav ateg le ateg izi.

---

\* **119:46:** Mt 10:18+; Mk 13:9; 1Pe 3:15



- 51 Yes tau tipapait tauzi ve tivelegh ghom na, mon-mon tivevelegh ghau paam.  
Eemon yau naghur murig pa saveenj tsio mako.
- 52 O Yoova, yau matag ingalngal saawe naol tau muunj ugabiiz tamtamon ve ughur atuya pazi.  
Tauta ipalot ghau, ve igham ateg izi.
- 53 Isaav ighe naghita zeran sasaghati tighur murizi pa saveenj tsio,  
ene igham ghau ateg yavyav kat.
- 54 Taan tane, yau naleep pani namin loom mon,  
ve natoor mbounj katini pa tutuunj tsio naol tau tigheen pataghaan na.
- 55 Yoova, matag ingalngal ghom pa mbonj paam, ve nataghon saveenj tsio.
- 56 Yau gabuag tauvene:  
Tutuunj naol tau yo ughur zi na, matag kisin zi ve nataghon zi irau saawe.
- Loloon poia pa Maaron ve tataghon saveenj tooni*
- 57 Yoova, yau naghit ghom naghe yo gabua tauu.  
Yau naleep ilat tsio imin taan poia ee tau tipuli payau to naleep ila.  
Yau nambu saveenj payo naghe yau aat nataghon alinam.
- 58 Tanjiiz tsiau injarui ghom toman lolog:

Lolom isaghatin ghau, ve ughur poia tsio iza  
tsiau itaghon saveen mbuaan tsio.

59 Yau nagabiiz laghoon tsiau naghe ene iduduun  
mako.

Tauta natoor ngar tsiau, ve naghe nataghon  
eez tau yo ughuru payei.

60 Ve irau nasaan mako.

Yau aat rekia mon ve nataghon tutuun tsio.

61 Zeran sasaghati tighur liis naol to tikis ghau.

Eemon irau lolog iveegh pa tutuun tsio mako.

62 Yau naburig pa mbon anoona,

ve napait ghom. Pasaa, eez tsio to gabizoon  
gabua, ene iduduun mon.

63 Yes tau tiroi payo ve titaghon ngar tsio na,

yau lolog pazi ve naghham zi timin zetagna.

64 O Yoova, yo lolom isaghav tamtamon tsio ve  
uluul zi. Ngar tsio tana, yo utotoia irau taan  
isoy.

Upaghazonai ghau pa tutuun tsio naol tau  
tigheen pataghaan na, lesa nawatagh zi kat.

*Maaron, i poia kat*

65 O Yoova, yau besoon tsio. Yo ughamgham  
poghani ghau kat itaghon saveen mbuaan  
tsio.

66 Yau naghur ila naghe tutuun tsio ta naol ne, ene  
popoia mon.

Tauvene upaghazonjai ghau pa ngar poia ve eez to gabizoon poghania gabua.

<sup>67</sup> Muun, yau nasosor pa eez tsio.

Eemon yo ulos ghau ve upaduduun ghau, tauta aazne matag kisin alinam ve nataghoni.

<sup>68</sup> Yo poiam kat. Ve ngar tau ughamgham zi na paam, ene popoia mon.

Upaghazonjai ghau pa tutuun tsio naol tau tigheen pataghaan na.

<sup>69</sup> Yes tau tipapait tauzi ve tivelegh ghom na, tingalngal saveen karom payau ve tivaghamunia ezag.

Eemon matag kisin tutuun naol tau yo ughur zi na, ve nataghon zi toman lolog.

<sup>70</sup> Zeran tawe lezi ghilaloon rigta mako.

Eemon yau, saveen tsio igham lolog poia le poia kat.

<sup>71</sup> Patanani tau muun igham ghau, ene poia.

Pasaa, ipaduduun ghau, ve ipaburigin ngar tsiau pa tutuun tsio naol tau tigheen pataghaan na.

<sup>72</sup> Saveen tau ivot ila avom na, yau naghita imin gabua tauu.

Iliiv maet silva ma gol ndinndin ndinndin.

*Tutuunj to Maaron, ene iduduun mon*

<sup>73</sup> Taum nimam igharaat ghau, ta navot.

Tauvene upaghazonjai ghau pa tutuunj tsio ta naol ne, lesu naghama njar pazi poi.

74 Yes tau tiroi payo ve titaghon njar tsio, isaav ighe tighit ghau, ene pale lolozi poia.

Pasaa, yau naghur ila saveen mbuaan tsio, ve naghurghur matag naghe naghita anoonja ivot.

75 O Yoova, yau nawatagh: Eez tsio to gabizoon tamtamon, ene iduduun mon.

Ve yo utaghon saveen mbuaan tsio irau saawe.

Tauta ulos ghau to upaduduun ghau.

76 Yo lolom isaghav tamtamon tsio ve uluul zi.

Utotoi njar tauvene payau paam itaghon saveen tau yo umbua payau na.

Lesu urav ateg, ve upalot ghau.

Pa yau besoonja tsio.

77 Lolom isaghatin ghau, ve uul ghau to naleep poi.

Pasaa, saveen tsio, tauta igham lolog poia le poia kat.

78 Yes tau tipapait tauzi ve tivelegh ghom na, tino-knok ngaliin saveen karom payau. Utatan zi ve ugham zi mayazi.

Eemon yau, o matag itaghon tutuun naol tau yo ughur zi na naghe naghama njar pazi poi.

79 Yes tau tiroi payo ve titaghon njar tsio, o tilam payau ve yenja nilup ghei.

Pa zeran tauvene tiwatagh eez tau yo ughuru  
pa tamtamon tsio.

<sup>80</sup> Yau naghe n̄gar tau igheen ila lollog ne, eta isosor  
sov, ve nataghon dudun̄ai tutuun̄ tsio naol  
tau tigheen pataghaan̄ na. Leso mayag sov.

*Tan̄jiz to n̄eer tau izuari ghi pa taghoniin̄ tutuun̄  
to Maaron*

<sup>81</sup> O Yoova, yau nakaria san̄aniin̄ pa uleen̄ tsio, le  
tapirig isov kat.

Eemon yau naghur ila naghe alin̄am pale  
ighur anoon̄a.

<sup>82</sup> Yau naghurghur matag naghe naghita saveen̄  
mbuaan̄ tsio ighur anoon̄a. Eemon nasaan̄  
le mako.

Pale n̄eez o uul ghau ve ateg izi?

<sup>83</sup> Yau nasaghat ve tamtamon lollozi iveghai ghau  
wa. Tighit ghau namin pen.

Eemon tutuun̄ tsio naol tau tigheen  
pataghaan̄ na, lollog iveegh pazi mako.

<sup>84</sup> Yau besoon̄a tsio. Puughu mindai ta yo uma-  
marar koiagna, ve tighamgham patan̄ani  
payau?

Pale n̄eez o ugabiiz zi, ve ughur atuya pazi?

<sup>85</sup> Ughita. Yes tau tipapait tauzi ve tivelegh ghom  
na, titai puura payau tigde natap nazila.

Zeran tawe titaghon saveen̄ tsio mako.

<sup>86</sup> Tutuun̄ tsio tisov, ene popoiazi mon. Tauvene  
yei irau ninumeer zi to tipaduduun̄ ghei.

Aazne, tamtamon tighur patanani payau sorok. Tauvene uul ghau lak!

87 Pasaa, malau mako pale tipasov lepoogh tsiau to taan.

Eemon tutuun naol tau yo ughur zi na, yau naghur murig pazi mako.

88 Yo lolom isaghav tamtamon tsio ve uluul zi. Tauvene ungin ghau naleep poi.

Leso matag kisin eez tau yo ughuru payei na, ve nataghoni irau saawe. Eez tana, taum avom isavia.

*Maaron aliija pale ighengheen tauvene taghon taghon gha ila*

89 O Yoova, saveen tsio pale iyaryaen izi sambam, ve ighengheen tauvene taghon taghon gha ila. \*

90 Tamtamon tipopoop, ve paaghu toozi tivotvot taghon taghon gha ila.

Ve gabuam tau avom onoon ve utataghon saveen tsio na paam. Ighengheen tauvene taghon taghon gha ila.

Yo ta ughur taan igheen tunja ila niia. Irau izuur mako.

91 Muun le ilam aazne, gabua naol isov tighen tunja ila niazi niazi itaghon saveen tau yo usavia na.

Ve gabua naol isov, ene timin besoonja tsio.

---

\* **119:89:** Mt 5:18; Lu 16:17, 21:33; 1Pe 1:25

- 92 Saveeņ tsio igham lolog poia le poia kat.  
Imin ta mako, kanan pataņani tsiau igham  
ghau nalaleg.
- 93 Tutuuņ naol tau yo ughur zi na, irau lolog iveegh  
pa eta mako. Mako le mako kat.  
Pasaa saveeņ tsio, tauta igham ghau vuvuņag  
ila ve naleep poia muul.
- 94 Yau namin lem wa. Tauvene ugham mulin ghau  
lak!  
Pasaa, yau nazuari ghau pa taghoniņ tutuuņ  
naol tau yo ughur zi na.
- 95 Aazne, zeran sasaghati tighamgham lilin ghau  
tighe tirav ghau namaat.  
Eemon matag ingalņgal eez tau yo ughuru  
payei.
- 96 Yau naghita gabua eta tau ivot geeg ne mako.  
Gabua ta naol ne, tisov timuul mon.  
Eemon tutuuņ tsio, o irao kat. Ene puughu  
tiina, ve poia le poia kat.

*Saveeņ to Maaron imin puughu pa ņgar poia*

- 97 Yau lolog pa saveeņ tsio kat!  
Tauvene saawe ta naol ne, mboņoozo ila le  
ravrav izi, matag itaghoni ve naghamgham  
ņgar pani.
- 98 Tutuuņ tsio igheen ila ņgar tsiau irau saawe.  
Tauta ņgar tsiau iliiv koiagna ņgar toozi.

99 Ngar tsiau iliiv yes ngara tau tipaduduunj ghau ne paam.

Pasaa, matag itaghon eez tau yo ughuru payei na, ve naghhamgham ngar pani.

100 Ve ngar tsiau iliiv zolmana ngar toozi paam.

Pasaa, tutuunj naol tau yo ughur zi na, matag kisin zi, ve nataghon zi irau saawe.

101 Yau napaghau taug pa eez sasaghati ta naol ne, lesa nataghon alinjam.

102 Yau naghur murig pa tutuunj tsio dudunjazi mako.

Pasaa, yo taum ta upaghazonjai ghau pa tutuunj tana.

103 Tok suuru, ene poia pa ghunuunj. Eemon saveenj tsio, ene poia le poia kat. Iliiv tok suuru.

104 Tutuunj naol tau yo ughur zi na, ene tiuul ghau pa ghilaloonj ngar poia.

Tauta naghur koi pa ngar karom naol isov. Mako pale igherev ghau to napul eez tsio.

*Saveenj to Maaron ighur ghazonja pait*

105 Saveenj tsio, ene imin lam tau isul ghau.

Ve imin ghazonja payau, lesa nalaagh taghon eez tsio. \*

106 Gabizoonj tsio, ene iduduunj mon. Tauta nambu saveenj payo ve napariaanja le iyaryaanj kat

---

\* **119:105:** Mbo 119:130; 2Pe 1:19



naghe yau aat nataghon eez tsio to gabizoonj gabua.

107 O Yoova, pataņani tiina kat igham ghau le naleep saghat.

Uul ghau to naleep poi itaghon saveeņ mbuaaņ tsio.

108 Yau lolog poia payo ve napait ghom pa poia tsio. Naghe paitoonj tsiau tane imin watoonjrau poia ila matam.

Upaghazonjai ghau pa eez tsio to gabizoonj gabua.

109 Monmon yau nalepleep ila naal aavo.

Eemon lolog iveegh pa saveeņ tsio mako.

110 Onoon, zeran sasaghati tighur liis payau.

Eemon tutuunj naol tau yo ughur zi na, yau nasapir pazi mako.

111 Eez tau yo ughuru payei, ene gabua poia tau yo ugham payau. Yau aat nakiskisi tauvene taghon taghon gha ila.

Pasaa, igham ghau lolog poia le poia kat.

112 Tutuunj tsio naol tau tigheen pataghaaņ na, ņgar tsiau iyaryaņ naghe yau aat nataghon zi le irau saawe tsiau isov.

*Taghur loloon pa Maaron ve saveeņ tooni*

113 Yes tau tibeas payo toman lolozu eemon mako ve ņgar toozi ru na, yau lolog pazi mako.

Eemon saveeņ tsio, yau lolog pani kat. \*

- 114 Yo umin niag to yonġaan, ve umin sigheu payau.  
Tauvene naghur ıla saveeņ tsio, ve  
naghurghur matag naghe naghita anooņa  
ivot.
- 115 Yam zeran tau aghamgham ŋgar saghati na,  
aghau payau!  
Pasaa, yau naghe nataghon tutuun to Maaron  
tsiau.
- 116 O Yoova, upalot ghau itaghon saveeņ mbuaan  
tsio. Leso nayooz ariaan ve naleep poia.  
Isaav ighe naghur matag payo sorok, ene pale  
mayag. \*
- 117 Ukis ghau tunja.  
Leso naleep poi, ve matag kisin tutuun tsio  
naol tau tigheen pataghaan na, ve nataghon  
zi irau saawe.
- 118 Tamtamon tisov tau tisapir pa tutuun tsio na,  
yo ughur murim pazi.  
Ngar toozi karom, ene itotoi zi ighe yes tipul  
eez tsio wa.
- 119 Zeran sasaghati tau tileep izi taan na, yo ughit  
zi timin pen ve usik zi tilalez.  
Tauta lolog isaghav eez tau yo ughuru payei.
- 120 Yau naghav ŋgar payo, le roin tiina igham ghau  
ve tinig irur.

---

\* **119:113:** Yems 1:7-8, 4:8      \* **119:116:** Ro 5:4+

Ve n̄gar tsio tau monmon ugagabiiz tamtamon  
ve ughur atuya pazi, ene paam igham ghau  
naroï.

*Sun̄uñ to n̄eer tau ibesbees pa Maaron*

- 121 Yau naghamb n̄gar popoia ve n̄gar duduun̄a mon.  
Tauvene upul ghau nala koiagn̄a nimazi sov.
- 122 Yau besoon̄a tsio. Tauvene uyooz payau ve uul  
ghau. Leso naleep poi.  
Yes tau tipapait tauzi ve tivelegh ghom na,  
upul zi tigham saghatin ghau sov.
- 123 Yau naghurghur matag pa uleñ tsio. Ve  
nakaria san̄aniin̄ wa.  
Pale n̄eez o uul ghau itaghon saveen̄ mbuaan̄  
tsio?
- 124 Yo lolom isaghav tamtamon tsio ve uluul zi.  
Utotoi n̄gar tana payau paam. Pa yau be-  
soon̄a tsio.  
Ve upaghazon̄ai ghau pa tutuun̄ tsio naol tau  
tigheen pataghaan̄ na.
- 125 Yau besoon̄a tsio. Tauvene upaghazon̄ai ghau,  
leso naghilaal n̄gar poia, ve nawatagh katin  
eez tau yo ughuru payei na.
- 126 O Yoova, aazne tamtamon tizoor saveen̄  
tsio.  
Uburig ve ugham n̄gar eta pazi lak!
- 127 Onoon kat, yau lolog pa tutuun̄ tsio ta naol ne  
iliiv gol.

Gol tau ngalaanja ve poia kat na paam, naghita naghe tutuunj tsio iliivo.

- 128 Tauvene tutuunj naol tau yo ughur zi, tauta ipaduduunj ghau pa laghoonj tsiau.  
Ve naghur koi pa eez naol tau tigherev ghau to naghur murig payo.

*Taghur loloon pa Maaron aliinja*

- 129 Eez tau yo ughuru payei, ene poia le poia kat.  
Tauvene matag kisini ve nataghoni irau saawe.
- 130 Isaav ighe tipaghazonjai saveenj tsio puughu pa tamtamon, ene imin ghazonja pazi.  
Ve yes tau ngar toozi tiina mako na, saveenj tsio igham ngar toozi ivot, lesa tighilaal ngar poia. \*
- 131 Yau lolog pa tutuunj tsio kat,  
imin tamtamon tau murunu le isaghat kat.
- 132 Matam ilam payau, ve ugham poghani ghau.  
Pasaa, yes tau lolozu igheen tsio ve tipapait ezam na, yo ughamgham tauvene pazi.
- 133 Upaduduunj ghau, lesa laghoonj tsiau iduduunj itaghon saveenj tsio.  
Ve upul ngar saghati eta iliiv ghau sov.
- 134 Yes tau tighamgham patanjani payau to titatan ghau na, ugham mulin ghau ila nimazi.  
Leso nataghon tutuunj naol tau yo ughur zi na.

---

\* **119:130:** Mbo 19:7; 2Tim 3:15+

135 O Yoova, yau besoonja tsio. Naghe lolom poia payau ve ugham poghani ghau.  
Ve upaghazonjai ghau pa tutuunj tsio naol tau tigheen pataghaan na.

136 Yau natanjan, ve matag suuru irereer izizi imin yaa.  
Pasaa, tamtamon titaghon saveenj tsio irao soone.

*Ngar duduunja to Maaron*

137 Yoova, yo duduunjam kat.  
Ve gabizoonj tsio paam, ene iduduunj mon.

138 Eez tau yo ughuru payei, ene iduduunj mon.  
Tauvene yei irau ninumeera to ipaduduunj ghei.

139 Ngar tsiau iyaryaanj kat naghe tamtamon tisov titaghon alinjam.  
Eemon koiagna lolozi iveghaini. Tauta tigham ghau ateg yavyav kat.

140 Yau besoonja tsio. Lolog isaghav saveenj tsio, ve nanumeera kat. Pasaa, natoova le naghita naghe ene onoon.

141 Onoon, yau neer sorok ve tamtamon matazi izi payau.  
Eemon tutuunj naol tau yo ughur zi na, lolog iveegh pazi mako.

142 Ngar tsio duduunja pale ighengheen tauvene taghon taghon gha ila.

Ve saveenj tsio, ene onoon mon. Tauvene irau naghur ila, ve nanumeera kat.

143 Onoon, patanani naol itatan ghau, ve igham ghau lolog ipatanan kat.  
Eemon tutuunj tsio, ene igham lolog poia le poia kat.

144 Eez tau yo ughuru payei, ene iduduunj mon, ve ighengheen tauvene irau saawe.  
Upaghazonjai ghau pani, lesa naleep poi.

*Isaav ighelooloon ipatanan, mataan injal Maaron aliija*

145 O Yoova, yau natanj rarai ghom toman lolog.  
Uloonj sunjuunj tsiau ve uul ghau.  
Leso matag kisin tutuunj tsio naol tau tighen pataghaan na, ve nataghon zi.

146 Tanjiiz tsiau injarui ghom. Upas ghau navot pa patanani tsiau tane.  
Leso matag kisin eez tau yo ughuru payei na, ve nataghone irau saawe.

147 Yau naghur ila saveenj mbuaanj tsio, ve naghurghur matag naghe naghita anoonja ivot.  
Tauvene aaz iza soone, ve yau naburig natanj rarai ghom to uul ghau.

148 Ve mbonj ta naol ne paam, yau namamaat.  
Leso matag itaghon saveenj tsio, ve naghamb ngar pani poi.

149 O Yoova, yo lolom isaghav tamtamon tsio ve uluul zi. Tauvene ulooj sujuuj tsiau tane, ve uul ghau naleep poi. Pasaa, gabizooj tsio, ene iduduuj mon.

150 Aazne, zeran sasaghati tilam tigharau ghau tigne tivaghamun ghau.  
Ngar toozi igheen malau kat pa saveej tsio.

151 Eemon Yoova, yo uleep zigeg.  
Ve tutuuj tsio ta naol ne, ene irau nanumeer zi to tipaduduuj ghau.

152 Ta muuj ve ilam, yau naghilaal naghe eez tau yo ughuru payei, yo ughes igheen tauvene irau saawe.

*Neer ee itaj rarai Maaron to igham mulini ila koinja nimazi*

153 Yoova, ughita patanjani tsiau tane, ve upaghau ghau pani.  
Pasaa, lolog iveghai saveej tsio mako.

154 Aazne, tamtamon tipayooz ghau sorok pa savsaveej. Tauvene uyooz payau ve uul ghau naleep poi itaghon saveej mbuaanj tsio.

155 Zeran sasaghati, yo uluul zi mako.  
Pasaa, tutuuj tsio naol tau tighen pataghaanj na, yes tigham ngar pa taghoniinj zi mako.

156 O Yoova, yes tau tileep ila patanjani loolo na, lolom isaghatin zi kat.

Tauvene uul ghau naleep poi itaghon n̄gar tsio duduun̄a.

157 Pasaa, koiagna tau tighamgham patan̄ani payau ne, yes eval kat.

Eemon eez tau yo ughuru payei na, yau nas-apir pani mako.

158 Yau naghita yes tau tighur murizi payo na, le irau lolog mako kat.

Pasaa, yes titaghon tutuun̄j tsio mako.

159 O Yoova, ughita. Tutuun̄j naol tau yo ughur zi na, yau lolog isaghav zi kat.

Uul ghau naleep poi. Pasaa, yo lolom isaghav tamtamon tsio ve uluul zi.

160 Saveen̄j tsio puughu ene vene: Yo avom onoon ve utaghon saveen̄j mbuaan̄j tsio irau saawe.

Ve tutuun̄j tsio ta naol ne, ene tiduduun̄j mon, ve tighen tauvene taghon taghon gha ila.

*Poia to Maaron pale iza a to yes tau titaghon eez tooni*

161 Yes daaba to taan tighurghur patan̄ani payau sorok. Eemon yau naroi pazi mako.

Saveen̄j tsio mon ta naroi pani.

162 Saveen̄j tsio igham ghau lolog poia le poia kat, imin tamtamon tau ilaagh ila le indeen̄j le gabua poia eez.

163 N̄gar karom naol isov, ene lolog pazi mako kat ve naghur koi pazi.



Eemon saveenj tsio, o lolog isaghavu kat.

164 Mataaz ta naol ne, napapait ghom pai liim ve ru.

Pasaa, gabizoonj tsio, ene iduduunj mon.

165 Yes tau loloji isaghav saveenj tsio, ene pale tileep poia kat.

Ve gabua eta irau igham zi titap ne mako.

166 O Yoova, yau nataghon tutuunj tsio ta naol ne, ve naghurghur matag pa uleenj tsio.

167 Eez tau yo ughuru payei na, yau lolog isaghavu kat.

Tauta matag kisini, ve nataghoni irau saawe.

168 Yau nataghon eez tana tomania tutuunj naol tau yo ughur zi na.

Pasaa, ngar isov tau yau naghamgham zi ne, yo ughitoor zi isov.

*Mataan injal saveenj to Maaron ve tapakuru*

169 O Yoova, uloonj tanjiiz tsiau tane.

Ugham ghau naghilaal ngar poia itaghon saveenj tsio.

170 Ughur talinjam pa sunjuunj tsiau, ve upas ghau navot pa patanani tsiau itaghon saveenj mbuaanj tsio.

171 Yo upaghazonai ghau pa tutuunj tsio naol tau tigheen pataghaan na.

Tauvene avog aat ipait ghom kat.

- 172 Yau aat nambou mbounj tau injarui saveenj tsio.  
Pasaa, tutuunj tsio ta naol ne, ene iduduunj mon.
- 173 Nimam isanjan pa uleenj ghau.  
Pasaa, ngar tsiau iyaryaanj naghe nataghon tutuunj naol tau yo ughur zi na.
- 174 O Yoova, yau napasawal pa uleenj tsio.  
Ve saveenj tsio, ta igham lolog poia le poia kat.
- 175 Upul ghau naleep matag iyaryaar, lesa napait ghom.  
Tutuunj tsio aat iuul ghau to naleep poia.
- 176 Yau besoonja tsio. Eemon aazne nasosor pa eez tsio ve navalaghlaagh imin sipsip tau ighau ila ve ilale.  
Taufene uil ghau, ve ugham ghau namuul nalam. Pasaa, yau lolog iveegh pa tutuunj tsio mako. \*

## 120

### *Sunjuunj to neer ee tau loolo pa ngar luuma*

Mbounj to yes tau tizala Yerusalem pa sunjuunj

- <sup>1</sup> Yau naleep ila patanani loolo, ve natanj rarai  
Yoova pa uleenj,  
ve i iloonj sunjuunj tsiau.

- <sup>2</sup> O Yoova, yes tau avozi karom, ve yamazi itortoor saveenj na, upaghau ghau pazi.

- <sup>3</sup> Yam tau yamamim itortoor saveenj na, mindai?

---

\* **119:176:** Lu 15:4

Yam aghe awatagh saa ngar tau pale Yoova  
igham payam,  
ve atuya tau pale injarui gham?

<sup>4</sup>Ene poia. Aloonj. I pale ivanegh gham pa paneegh  
tooni natja tau matazi kat.

Ve yav ngilaanj tau sinjaanj kat na pale ighan  
gham.

Atuya tsiam, tauta ena!

<sup>5</sup>Oyai, yes tau aazne naleep namin loom ila sosozi  
ne, lezi ngar mako imin kankanoonja to nugh  
Mesek ve Kedar.

<sup>6</sup>Zeran to nugh tawe, lolozi pa ngar luuma mako  
kat. Ve yau nakaria lepooch tomani zi, le  
isoonj ghau wa.

<sup>7</sup>Yau lolog pa ngar luuma, ve naghe yenja nivalupu  
ghei nimin eemon.

Eemon yes lolozi ipapazaagh zi pa ghamuun  
malmal irau saawe.

## 121

### *Maaron ileep tomani ghiit ve injinjin ghiit*

Mbounj to yes tau tizala Yerusalem pa sunjuunj

<sup>1</sup>Matag izala pa loloz naghe naghita:

Uleenj pale ilam payau mindai?

<sup>2</sup>Yoova mon ta pale naghham uleenj ila tooni.

I ta ighur sambam ve taan.

<sup>3</sup>I aat maata payo. Irau ipul ghom aghem pusukia  
ve utap mako.

Nginiinj tsio imamaat irau saawe.

- 4 Onoon kat, nginiin to iit Israela, ighe maata ighengheen, ene irau igheen mako.  
Imamaat irau saawe.
- 5 Yoova maata payo ve ingin ghom, lesu uleep poi.  
I ileep ila zigem, ve imin yavyaav payo to ipoon ghom pa aaz. \*
- 6 Tauvene mataaz, aaz irau ighaaz katin ghom mako.  
Ve mbonj, kaiyo irau ivaghamun ghom mako.
- 7 Yoova aat maata payo, ve ipoon ghom pa gabua sasaghati naol isov.  
I tauu pale ingin ghom uleep poi. \*
- 8 I pale maata pa laghoonj tsio ve lepoogh tsio.  
Tauvene saawe tau upul ruum ve uvot ula, le umuul ulonj ulam, i pale ileep tomani ghom, ve ingin ghom uleep poi.  
Ta aazne, ve taghon taghon gha ila.

## 122

*Sunjuunj to yes tau tighita Yerusalem ve lolozi poia*

Mbounj to yes tau tizala Yerusalem pa sunjuunj Mbounj to David

- 1 Saawe tau tisaav payau tigde: “Uburig ve itiņa tazala pa Yoova rumei tooni!”  
Saveenj toozi tawe igham ghau lolog poia kat.
- 2 Ve aazne, nilam nilonj nila Yerusalem loolo, ve niyooz nigharau didiinj ariaaņa tau ilivut Yerusalem na atamana.

\* 121:5: Mbo 91:1+      \* 121:7: Mbo 91:9+

- <sup>3</sup> Yerusalem, ene nugh paghuuna.  
Tigharaata le ivot kat. Gabua naol isov  
tigheen duduunj mon.
- <sup>4</sup> Iit tamtamon to Yoova monmon tazazalam sene  
pa sunjuunj.  
Rumei rumei to Israela tisov tizazala pa  
Yerusalem to tipait Yoova eeza pa poia  
tooni, itaghon tutuunj tau i tauu ighuru pazi  
na.
- <sup>5</sup> Pasaa, kinik tsiei tau tivot ila to David na, niazi to  
ghamuunj pooz igheen nugh tane.  
Ve tighagharaat patanjani to tamtamon paam  
izi ta sene.
- <sup>6</sup> Sunjuunj tsiam injarui Yoova, ve aghasoni to igham  
tamtamon to Yerusalem tileep poia toman  
loloji luuma!  
Asunj pani aghe: “Yes tau loloji pa Yerusalem  
na, upaghau patanjani pazi. Leso tiroi sov,  
ve tileep poia mon.
- <sup>7</sup> Ve yes tau tileep ilonj ila didiinj ariaanja to  
Yerusalem loolo na, ugham zi tileep poia  
toman loloji luuma.  
Ve kinik tomania yes uraata tau tileep ila  
ruum tooni na paam. Upoon zi pa patanjani  
naol isov. Leso tiroi sov, ve tileep poia  
mon.”
- <sup>8</sup> Yau matag injal tonjvetaz tsiau ve zetagna.  
Tauta nasaav pa nugh tiina Yerusalem naghe:  
“Maaron pale igham ghom uleep poia  
toman lolom luuma.”

9 Ve naghām ṅgar pa Maaron toit Yoova rumei tooni paam.  
Tauta suṅuunṅ tsiau iṅaruini naghe i tauu aat ighām gabua naol isov ivot poia mon payo.

## 123

*Mbesoonṅa to Maaron tighur matazi pani pa uleṅṅ*

Mbounj to yes tau tizala Yerusalem pa suṅuunṅ

1 O Yoova, yo uleṅṅ ila niam to ghamuunṅ pooz izi sambam.  
Tauvene naghur matag payo ve nanumeer ghom.

2 Yoova, yo Maaron tsiei.  
Ninumeer ghom pa gabua ta naol ne, imin besoonṅa zitamoot ve zilivaa tau tinumeer daaba toozi.  
Tauvene yei aat nighur matamai payo pa uleṅṅ, le irau lolom isaghatin ghei ve uul ghei.

3-4 O Yoova, yei besoonṅa tsio. Lolom isaghatin ghei, ve uul ghei lak!  
Ughita. Aazne, koiamainṅa matazi tatanin ghei, ve tinoknok veleghiinṅ ghei le isoonṅ ghei kat!  
Zeran tawe, lepoghazi poia kat. Timbool pa gabua eta mako.  
Tauta tiroi payo mako, ve tinumeer tauzi tighe yes tirau kat. Ughām ṅgar eta pazi lak!

## 124

### *Tapait Maaron pa uleenj tooni*

Mbounj to yes tau tizala Yerusalem pa sunjuun

Mbounj to David

<sup>1</sup> “Imin ta Yoova ivool toit mako, kananj tagham saghat.”

Yam eval tiina to Israel irau asaav tauvene:

<sup>2-3</sup> “Saawe tau koiaanja tipaburigin malmal pait, imin ta Yoova ivool toit mako, kananj tipasov ghiit.

Pasaa, atezi yavyav pait kat. \*

<sup>4-5</sup> Patanjani tawe, ene imin yaa ivot toman tapiri ve izugh ghiit tala ve imbeluut ghiit.

Ve ene imin lulu ilonj, ve igherev ghiit tala gha taghun te.”

<sup>6</sup> Eemon Yoova ipul ghiit tala koiaanja nimazi to tivaghamun ghiit mako.

Tauvene tapaiti pa poia tooni!

<sup>7</sup> Saawe tana, iit tamin man tau liis ighamu.

Eemon Yoova ipas ghiit pa liis tawe, ve taghau.

<sup>8</sup> Yoova ta ighur sambam ve taan.

I mon ta Uleenja toit. \*

## 125

### *Maaron iponpoon tamtamon tooni pa patanjani*

Mbounj to yes tau tizala Yerusalem pa sunjuun

---

\* **124:2-3:** Mbo 94:17; Ro 8:31      \* **124:8:** Gnp 1:1; Mbo 121:2

- <sup>1</sup> Yes tau tinumeer Yoova na, tiyooz tunja imin loloz Zion.  
Loloz tawe, ighe gabua eta itoki, ene irau irur mako. Iyooz tunja tauvene taghon taghon gha ila. \*
- <sup>2</sup> Loloz katini tilivut Yerusalem.  
Yoova tauvene paam. I imin didiin ariaanja tau ilivut tamtamon tooni. Ta aazne, ve taghon taghon gha ila.
- <sup>3</sup> Taan tau Maaron igham pa tamtamon tooni dudunazi na, i irau ipul zeran sasaghati tigham pooz pani irau saawe ne mako.  
I pale itatan zi. Pa ighe mako, ene pale tigherev zeran dudunazi ve tigham sosor paam.
- <sup>4</sup> O Yoova, tamtamon popoia tau ngar duduunja igheen ariaanj ila loloz na, ugham poghani zi. \*
- <sup>5</sup> Eemon yes tau tighur murizi pa eez tsio, ve titaghon eez tau iduduun mako na, uziir zi tomania zeran sasaghati tisov tighau tila.  
O Yoova, ugham yes Israela tileep poia toman loloz luuma! \*

## 126

*Yes Israela tighason Maaron to iuul zi, lesa tileep poia muul*

Mbounj to yes tau tizala Yerusalem pa sunjuun

---

\* **125:1:** Mbo 46:5, 7, 48:3    \* **125:4:** Mbo 36:10    \* **125:5:** Ga 6:16



- 1 Muunj, nugh Zion isaghat kat. Ve saawe tau Yoova iuul ghiit gha taleep poia muul, ene igham loloon poia kat.  
Eemon taghur ila kat mako. Taghe pa ene vivuunj mon. \*
- 2 Saawe tana, tintiniin ve tanjij kat.  
Loloon poia ve tasir toman aliñaan tiina.  
Ngar tau Yoova igham pait na, nugh nugh tighita ve tisaav tigde: “Wai, Yoova igham uraat tintiina pa yes Israela!”
- 3 Ene onoon. Yoova igham uraat tintiina kat pait.  
Tauta loloon poia kat.
- 4 Eemon Yoova, aazne nisaghat muul.  
Taufene nighason ghom nighe uul ghei, lesu nileep poia muul,  
imin uman tau izi ve igham yaa to Negev tau timaak na, tireer muul.
- 5 Yes tau titanjanj, ve tivazogh aniiñ,  
ene pale murei tilup aniiñ toozi anooña, ve tisir toman lolozu poia. \*
- 6 Onoon kat. Yes tau titanjanj ve tibadbaad aniiñ uvezi tila pa vazoghiñ na,  
ene pale murei tibaad aniiñ anooña, ve tisirsir toman lolozu poia, ve timuul tila pa nughei.

---

\* **126:1:** Mbo 14:7, 85:1      \* **126:5:** Mbanj 20:19, 31; 1Kor 3:6+; 2Kor 2:4

# 127

*Poia to Maaron, tauta igham uraat toit ighur anooŋa*

Mbounj to yes tau tizala Yerusalem pa sunjuunj  
Mbounj to Solomon

<sup>1</sup> Yes to raonj ruum, isaav ighes Yoova ileep tomani  
zi pa uraat toozi mako, ene pale tirav tauzi  
sorok.

Ve yes tau timamaat ve tinjin nugh pa mbonj  
na paam.

Isaav ighes Yoova injin nugh toozi tawe mako,  
ene pale timamaat sorok. \*

<sup>2</sup> Isaav ighes monmon ugham njar naol ughe: “Pale  
leg anijn ma gabua irao, ma mako?” Ve  
upaburigin uraat pa mbonjoozo geeg, ve  
ukiskisi ila ila le mbonj anooŋa, ene urav  
taum sorok.

Pa poia tooni, tauta igham uraat toit  
ighurghur anooŋa ivotvot.

Tauvene yes tau Maaron loolo ighes toozi  
na, lolozu bubu mako, ve tighes poi pa  
mbonj. \*

<sup>3</sup> Ve natuunja tau tapoop zi na paam, Yoova ighes  
igham poghani ghiit, tauta igham zi pait  
itaghon tauu poia tooni.

<sup>4</sup> Isaav ighes neer paaghu eta azaawa ipoop le zita-  
moot siriv,  
ene natja tawe pale tiyooz pani imin paneegh  
natja to yes zaaba.

---

\* **127:1:** Yo 15:5; 1Kor 3:7      \* **127:2:** Mt 6:25+

- <sup>5</sup> Tauvene tamtamon tau le natŋa zitamoot katini, ene pale tintini pa poia to Yoova tau iza tooni na.  
 Ve murei, isaav ighe yesŋa koiŋa tivazorai zi pa savsaveeŋ izi maaran, ene koiŋa irau titatani ve tipamayanŋini mako. Pa natŋa tawe pale tiyooz pani, ve tiuule pa savsaveeŋ.

## 128

### *Poia to Maaron pale iza to yes tau tiroi pani*

Mbounj to yes tau tizala Yerusalem pa suŋuunŋ

- <sup>1</sup> Yes tau tiroi pa Yoova ve titaghon eez tooni na, poia to Yoova pale iza toozi ve tintinizi. \*
- <sup>2</sup> Isaav ighe ugham tauvene, ene pale poia to Yoova iza tsio, ve uleep poia toman tintinim.  
 Uraat tau ughamu pa nimam na, pale ughita anooŋa ivot, ve lem aniiŋ ma gabua katini.
- <sup>3</sup> Ve azuwam tau inŋinŋin ruum tsio na, pale ipoop lem geegeu katini, imin ai vaen tau anooŋa ivot katini.  
 Tauvene saawe ta yamŋa natumŋa alup gham pa ghanghaniŋ, yes pale tileep livutin ghom, imin ai oliv salunu tau titum livutin puughu.
- <sup>4</sup> Tauvene tamtamon tau ighe iroi pa Yoova ve itaghon ŋgar tooni, ene poia to Yoova tauvene pale iza tooni.

---

\* **128:1:** Mbo 119:1+

- <sup>5</sup> Yoova ilepleep izi nugh Zion. I aat ighur poia tooni iza tsio.  
Ve saawe isov tau uleep izi taan, yo pale ughita Yerusalem igheen poi.
- <sup>6</sup> Ve yo pale uleep malau izi taan, le ughita timbumņa.  
Yoova aat igham yes Israela tileep poia toman lolozi luuma. Onoon.

## 129

### *Yes Israela tighason Maaron to itatan koiazņa*

Mbounj to yes tau tizala Yerusalem pa sunjuņ

- <sup>1</sup> “Saawe tau kukuag ve ilam, koiagņa tighurghur patañani naol payau.”  
Yam eval tiina to Israel, eņaeņa asov asaav tauvene:
- <sup>2</sup> “Onoon kat. Saawe tau kukuag ve ilam na, koiagņa tighurghur patañani naol payau.  
Eemon titatan ghau mako.
- <sup>3</sup> Yes tiloslos ghau le ndumeg itamboroos.  
Tivaghamun ghau le ndumeg imin taan tau tigheli pa vazoghiņ aniņ na.”
- <sup>4</sup> Eemon Yoova ņgar tooni, ene iduduņ mon.  
Tauta igham mulin ghau ila zeran sasaghati tawe nimazi, ve namin besoonņa sorok pazi muul mako.
- <sup>5</sup> Tamtamon tisov tau tighurghur koi pa nugh Zion na,  
Yoova pale ipamuul zi tila toman mayazi.

6-7 Yes pale timin kikiliinj tau itum izala ruum paavo.

Itum izaa tiina soone, ve igorgor.

Kikiliinj tauvene, tamtamon irau tilupu ve tipoosa imin tighamgham pa aniiñ wit ne mako. Tipuli gha izi ileple.

8 Isaav ighe tamtamon tilaagh tila le tizaa to Zion koiña izi eeze,

ene irau to tipalot zi pa Yoova eeza mako.

Irau tisaav pazi tighe: “Ila Yoova eeza, yei nisaav payam: Poia tooni aat izaa tsiam.” Vene mako.

## 130

*Neer ee itañ rarái Maaron ighe ireu sosor tooni*

Mbounj to yes tau tizala Yerusalem pa sunjuun

<sup>1</sup> O Yoova, aazne naleep ila patañani tiina loolo, imin nazal nazila mazavan! Tauvene natañ rarái ghom.

<sup>2</sup> Tiina tsiau, ughur taliñam pa tañiiz tsiau.

Lolom isaghatin ghau, ve uloonj sunjuunj tsiau tane.

<sup>3</sup> Yoova, isaav ighe matam kisin sosor tsiei, sei irau iyooz ila naghom? Eta mako.

<sup>4</sup> Eemon yo poia puughu, ve ureureu sosor tsiei.

Leso niroi payo, ve nitaghon ñgar tsio.

<sup>5</sup> Yau nanumeer Yoova ve naghurghur matag pani naghe ñeez o iuul ghau?

Yau naghur ila saveeñ mbuaañ tooni, tauta nasañan pa uleeñ tau pale ivot.

6 Yau nasaŋan Yoova to iuul ghau.

Naghur matag pani imin yes tau tinŋinŋin nugh pa mboŋ na, tighur matazi pa nughizau. Isaav ighe tighita aaz pisikia iza, ene igham zi lolozi poia.

7 O yam Israela, anumeer Yoova ve aghur matamim pani pa uleŋ.

Pasaa, i loolo isaghav tamtamon tooni ve iu-luul zi.

Isaav ighe igham mulin ghiit pa patanani toit, ene pale iuul katin ghiit.

8 Onoon kat, i pale igham mulin iit Israela pa patanani toit,

ve ireu sosor toit isov ilale. \*

## 131

### *Suŋuunj to ŋeer tau inumeer Maaron mon*

Mbounj to yes tau tizala Yerusalem pa suŋuunj

Mbounj to David

1 O Yoova, ŋgar pakuruunj eta igheen ila lolog mako,

ve matag izi pa zetagna mako,

ve nazuari ghau to namin tiina, paam mako.

Tauvene ŋgar ve uraat tintiina tau narao mako na, nazazain taug pazi mako. \*

2 Yau naghilaal Maaron. Tauta lolog bubu mako.

Lolog iraurau, ve ateg izi,

imin ŋeer marani tau tiina imbaraara le loolo poia.

---

\* **130:8:** Mt 1:21; Lu 1:68      \* **131:1:** Ro 12:16; 1Pe 5:5

<sup>3</sup> O yam Israela, anumeer Yoova, ve aghur matamim pani pa uleenj. Ta aazne, ve taghon taghon gha ila.

## 132

*Yes Israela matazi ingal saawe tau Maaron isiigh David to imin kinik pazi, ve igham loloz Zion imin niia to lepoogh*

Mbounj to yes tau tizala Yerusalem pa sunjuunj

<sup>1</sup> O Yoova, matam ingal David pa pataņani naol tau i ibadbaad zi na.

<sup>2</sup> Muunj, David imbu saveenj ariaaņa tomania Yoova tau Maaron saksaki to Yakop na. Ve ipariaaņ saveenj tawe le iyaryaaņ kat.

<sup>3</sup> Ighē: “Yau irau naloņ nala ruum tsiau, ve nala niag to ghenooņ soone.

<sup>4</sup> Irau namariau, ve nagheen lolog iveegh soone.

<sup>5</sup> Le irau nandeeņ nugh eta pa Yoova.

Ngar tsiau iyaryaaņ kat naghe nail nugh eta, leso imin Maaron saksaki to Yakop niia to lepoogh, o ateg izi!” \*

<sup>6</sup> Saawe tau yei nileep izi taan sirivu to Eprata \* yei nilooņ Bokis to Saveeņ Mbuaaņ vaaru.

Tauvene nila le nighita igheen igharau nugh Yar. \*

---

\* **132:5:** Mbaņj 7:46      \* **132:6:** Eprata, ene nugh Betelem eeza ite.      \* **132:6:** 1Sam 7:1-2

- 7 Murei ra, tisakia ila Yerusalem. Tauvene nisaav nighe: “Taburig tala pa Maaron niia to lepooogh ta Yerusalem we.  
Tala tagharau niia to ghamuunj pooz, ve taput agheen pani, ve tapakuru.”
- 8 O Yoova, uburig toman Bokis to Saveen Mbuaan, ve ula pa niam to mariaon.  
Bokis tawe ta imin ilaal pa tapirim. †
- 9 Yei nighe ngar duduuna igheen ariaan ila to zeran tsio to watoonrau, imin nonoghiina tau monmon tinonogh zi pani.  
Ve yes tau lolozu isaghav ghom ariaan ve titaghon eez tsio na, nighe tiyoor ezam toman lolozu poia.
- 10 O Yoova, matam ingal besoonja tsio David.  
I ndaamo payei, tauta nighe uloon sunuunj tsiei tane. Paaghu tooni tau yo ughuru imin kinik payei na, ughur murim pani sov.
- 11 Muun, Yoova imbu saveen ariaana tomania David, ve ipariaana le iyaryaan kat.  
Tauvene irau ireua mako. Isaav ighe:  
“Yau aat naghur paaghu tsio eta imin kinik, leso igham niam, ve ileep ila niam to ghamuunj pooz. \*

---

† **132:8:** Yes Israela tighita Bokis to Saveen Mbuaan tigue ene Maaron niia to ghamuunj pooz. Saawe tau David imin kinik, igham bokis tawe, ve ighuru igheen izi Yerusalem (2Sam 6). Solomon irau Rumei Tiina le isov, ra pai siriv tau yes Yuda tilup zi pa sunuunj, tigham Bokis tawe ivot pa Rumei Tiina, ve tilaagh tomania itaghon nugh Yerusalem loolo, ve timbou mbounj tane. Le isov, mako tighuru imuul ilon ila rumei loolo. \* **132:11:** Mbanj 2:30



- 12 Ve isaav ighe paaghu tsio matazi kisin saveen mbuaan tsiu ve titaghon tutuun tsiu, ene pale naghur paaghu toozi paam timin kinik, ve tileep ila niam to ghamuun pooz ta aazne, ve taghon taghon gha ila. Tutuun tana, yau taug pale napaghazonai ngara pazi.”
- 13 Yoova isiigh nugh Zion, ve ighamu imin le wa. Nugh tane, ta i loolo pani ighe ileep ila.
- 14 Tauta i isaav ighe: “Nugh tane pale imin niag to lepoogh irau saawe. Niag to ghamuun pooz aat igheen ta sene. Pasaa, lolog pa nugh tane kat.”
- 15 Yau aat naghram poghania yes to Zion, ve poia tsiu tiina iza toozi. Leso tirau kat pa gabua naol. Ve naghram aniin pa yes mbolaan toozi, ve tighan le apozi isun.
- 16 Ve yes to watoonrau tau tileep izi Zion na, yau aat napalot zi pa uraat toozi. Leso timin eez pa uleen tsiu ila pa tamtamon. Tauvene tamtamon to Zion tau lolozi isaghav ghau ariiaan ve titaghon eez tsiu na, pale lolozi poia ve tiyoor ezag toman alinazi tiina.
- 17 Paaghu to David tau naghuru imin kinik ve ileep izi nugh tane na, yau aat naghram eeza ve tapiri ivot imin tiina. Kinik tau yau taug nasiigho ve naghuru pa uraat na, yau aat napalot paaghu tooni,

ve tigham pooz taghon taghon gha ila, imin  
lam tau iyaryaar irau saawe. \*

<sup>18</sup> Yau pale natatan kinik koinja, ve monmon tile-  
pleep toman mayazi.

Eemon yes tau tilepleep ila i saamba na, yau  
aat napalot zi, ve naghams zi tileep poia  
kat. Leso lepoogh toozi poia tawe imin  
pabodeen kinik.

## 133

### *Talup loloon imin eemon*

Mbounj to yes tau tizala Yerusalem pa sunjuun  
Mbounj to David

<sup>1</sup> Isaav ighe tamtamon to Maaron tilup lolozi imin  
eemon itaghon ngar to tonvetaz, ene pale  
paghuuna,

ve igham loloon poia kat. \*

<sup>2</sup> Ene imin ngoreen vaazi poia \*

tau tilinji izala Aron daaba,  
ve ireer izi itaghon aaze ooro,  
le itaghon nonoghiinja tooni gha izila.

<sup>3</sup> Ngar to loloon eemon, ene imin uwam tiina izi pa  
loloz tau tigharau nugh Zion, raraate imin  
uwam tau izizi ila loloz Ermon.

---

\* **132:17:** Mbo 148:14; Lu 1:69 \* **133:1:** Yo 17:23; Ro 12:10

\* **133:2:** Saveen to ngoreen vaazi poia, ene iza to poia to Maaron.  
Ve uwam, ene iza to lepoogh poia tau i igham pait.

Onoon kat, ighe yes to nugh Zion tilup lolozi  
 imin eemon, ene pale Yoova ighur poia  
 tooni iza toozi.  
 Ene lepoogh poia tau iseenja taghon taghon  
 gha ila.

## 134

### *Sunjuunj to mboj*

Mbounj to yes tau tizala Yerusalem pa sunjuunj

<sup>1</sup> Yam besoonja to Yoova tau abesbees pani ila  
 rumei tooni loolo pa mboj na,  
 asov alam ve apaiti pa poia tooni.

<sup>2</sup> Naghomim injarui nugh tau patabuyaanj kat na,  
 ve ait nimamim iza, ve apait Yoova pa poia  
 tooni!

<sup>3</sup> Yoova ighur sambam ve taan.  
 Ve i ilepleep izi nugh Zion.  
 I tauu aat ighur poia tooni iza tsiam. Onoon.

## 135

### *Maaron to Israel injin gabua naol isov*

<sup>1-2</sup> Aleluia, tapait Yoova!

Yam besoonja to Yoova, apait eeza ve apakuru.  
 Yam tau abesbees pani ila rumei tooni loolo,  
 ve yam tau alep muuri igharau rumei ziige  
 na paam.

<sup>3</sup> Apait Yoova! Pasaa, i poia le poia kat.  
 I eeza tiina pa ngar paghuuna tau  
 ighamghamu na. Tauvene apait eeza ila  
 mbounj.

- <sup>4</sup> Muunj, Yoova isiigh Yakop, ve ighamu imin le.  
Tauta ighita iit Israela ighe iit tamtamon tooni  
kat. \*
- <sup>5</sup> Yau nawatagh: Yoova, i eeza tiina kat.  
Maaron toit iliiv zimaronja tisov.
- <sup>6</sup> Isaav ighe Yoova loolo pa ghamuunj ngar eta izi  
sambam, ma izi taan,  
ma ila te paavo, ma izila te loolo,  
ene ighamu mon. Pasaa, gabua eta irau  
ikeeka mako.
- <sup>7</sup> I ta igham taitai indoundou ghi ila yaghur pu-  
ughu.  
Ve igham uman izizi, ve igham nugh ighani  
milia.  
I ikakaak ruum tooni tau yaghur ighen ilonj  
ila na atamana, lesu ivot ve ilaan irau taan.
- <sup>8</sup> Muunj, i irav yes Isipa natuzja aidabazja toma-  
nia ngai toozi tau tipoop zi imin maata na le  
tisov timataar. \*
- <sup>9</sup> I igham gabua ngeretazi ve uraat tintiina izi Isip,  
le ivaghamun kinik toozi tomania uraata  
tooni tisov.
- <sup>10</sup> Saawe tau yes Israela tilonj tila taan to yes  
Kanaana, i irav tamtamon to nugh nugh  
timatmaat.  
Kinik tau tapirizi tiina na paam, i irav zi timat-  
maat.
- <sup>11</sup> I irav Sihon tau kinik to yes Amora,

---

\* 135:4: Igham 19:5      \* 135:8: Igham 12:29

Og tau kinik to Basan,  
ve kinik tisov to nugh nugh to Kanaan.

- 12 Ve igham taan toozi imin yes Israela lezi motot.  
Leso tamtamon tooni tileep pani taghon  
taghon gha ila.
- 13 O Yoova, ezam tiina pale ighengheen tauvene  
irau saawe!  
Tamtamon pale matazi ingalngal uraat tsio, ve  
tivotia varum taghon taghon gha ila.
- 14 Pasaa, Yoova iyozyooz pa tamtamon tooni, ve  
ighurghur atuya pa yes tau tigham saghatin  
zi na.  
I loolo isasaghatin besoonja tooni, ve iuluul zi.
- 15 Nugh nugh tigharaat maaron toozi pa silva ma  
gol.  
Maaron karomnja tawe, tamtamon tigharaat  
zi pa nimazi. \*
- 16 Yes lezi avozi. Eemon irau tisavsaav mako.  
Ve lezi matazi. Eemon tighita nugh mako.
- 17 Yes lezi taliñazi. Eemon tiloonj saveej mako.  
Ve yaghur eta ivot pa uzuzi mako. Pasaa, yes  
gabua matazi yaryaare mako.
- 18 Yes tau tighagharaat maaron karomnja, ve tinu-  
meer zi na,  
tisov timin maaron toozi tawe. Tirau gabua  
eta mako.
- 19 Yam eval tiina to Israel, apait Yoova pa poia  
tooni!

---

\* 135:15: Mbo 115:4; Syg 9:20

Ve yam zeran to watoonrau tau avot ila to  
Aron na, apait Yoova pa poia tooni!

<sup>20</sup> Ve yam rumei Levi tau auluul uraat to rumei na  
paam, apait Yoova pa poia tooni!

Tauvene yam tau aroi pa Yoova ve ataghon  
ngar tooni na, asov apaiti pa poia tooni.

<sup>21</sup> Yoova niia to lepoogh igheen izi Yerusalem.

Tauvene yam tau aleep izi nugh Zion na,  
apaiti pa poia tooni!

Aleluia, tapait Yoova!

## 136

*Maaron loolo isaghav tamtamon tooni ve iuluul  
zi*

<sup>1</sup> Lolomim poia pa Yoova ve apaiti. Pasaa, i poia le  
poia kat.

I loolo isaghav tamtamon tooni, ve iuluul zi irau  
saawe.

<sup>2</sup> Lolomim poia pa Maaron ve apaiti. Pasaa, i iliiv  
zimaronna tisov.

I loolo isaghav tamtamon tooni, ve iuluul zi irau  
saawe.

<sup>3</sup> Lolomim poia pani ve apaiti. Pasaa, i Maaron  
tiina tau iliiv zimaronna tisov.

I loolo isaghav tamtamon tooni, ve iuluul zi irau  
saawe.

<sup>4</sup> I mon ta ighamgham gabua ngeretazi tau tintiina  
kat.

I loolo isaghav tamtamon tooni, ve iuluul zi irau  
saawe.

- 5 Muunj, i ighur gabua naol isov tau tighenaar ila sambam saamba. Uraat tooni tawe, ighamu toman njar le ivot kat.  
I loolo isaghav tamtamon tooni, ve iuluul zi irau saawe.
- 6 I ighur taan izala te paavo.  
I loolo isaghav tamtamon tooni, ve iuluul zi irau saawe.
- 7 Ve ighur gabua tintiina tighen ila sambam saamba to tigham nugh ighazoonj.  
I loolo isaghav tamtamon tooni, ve iuluul zi irau saawe.
- 8 I ighur aaz, lesa ighaaz pa mataaz.  
I loolo isaghav tamtamon tooni, ve iuluul zi irau saawe.
- 9 Ve ighur kaiyo ve pitum, lesa tisul pa mbonj.  
I loolo isaghav tamtamon tooni, ve iuluul zi irau saawe.
- 10 I ta iravuur yes Isipa natuznja aidabaznja.  
I loolo isaghav tamtamon tooni, ve iuluul zi irau saawe.
- 11 Ve igham yes Israela tipul yes Isipa ve tivot.  
I loolo isaghav tamtamon tooni, ve iuluul zi irau saawe.
- 12 Saawe tana, i itotoi tapiri tiina ivot ighazoonj.  
I loolo isaghav tamtamon tooni, ve iuluul zi irau saawe.
- 13 I ivalagh te, gha sirivu ila pa njas, ve sirivu ila pa tapir, le taan gorgori ivot.

I loolo isaghav tamtamon tooni, ve iuluul zi irau  
saawe.

14 Ve igherev yes Israela, gha tilaagh ila taan ma-  
maasa tau ighéen bodbodaan̄j to te na, ve  
tila tivool ziige ite.

I loolo isaghav tamtamon tooni, ve iuluul zi irau  
saawe.

15 Ve igham Te Siṣṣin̄jai itav kinik to yes Isipa to-  
mania zaaba tooni, le tisov tighun te gha  
timataar.

I loolo isaghav tamtamon tooni, ve iuluul zi irau  
saawe.

16 I imun̄muun̄j pa tamtamon tooni gha yesṣa  
tilaghlaagh izi nugh ṅginaan̄ja.

I loolo isaghav tamtamon tooni, ve iuluul zi irau  
saawe.

17 Ve irav kinik tau tapirizi tiina na timatmaat.

I loolo isaghav tamtamon tooni, ve iuluul zi irau  
saawe.

18 Kinik tau ezazi tintiina na, i irav zi timatmaat.

I loolo isaghav tamtamon tooni, ve iuluul zi irau  
saawe.

19 I irav Amora kinik toozi Sihon imaat.

I loolo isaghav tamtamon tooni, ve iuluul zi irau  
saawe.

20 Ve irav Og tau kinik to Basan na paam.

I loolo isaghav tamtamon tooni, ve iuluul zi irau  
saawe.

21 Ve igham taan toozi imin yes Israela lezi motot.



I loolo isaghav tamtamon tooni, ve iuluul zi irau  
saawe.

22 Igham taan tawe pa yes Israela tau besoonja  
tooni na, lesa tileep pani taghon taghon gha  
ila.

I loolo isaghav tamtamon tooni, ve iuluul zi irau  
saawe.

23 Saawe tau koiaanna titatan ghiit le  
tavaghamgham, Maaron loolo iveegh pait  
mako.

I loolo isaghav tamtamon tooni, ve iuluul zi irau  
saawe.

24 Igham mulin ghiit ila koiaanna nimazi.

I loolo isaghav tamtamon tooni, ve iuluul zi irau  
saawe.

25 I ta ipanpan iit tamtamon tomania gabua naol  
isov.

I loolo isaghav tamtamon tooni, ve iuluul zi irau  
saawe.

26 Tauvene lolomim poia pa Maaron to sambam,  
ve apaiti pa poia tooni!

Pasaa, i loolo isaghav tamtamon tooni, ve iuluul  
zi irau saawe.

## 137

### *Tarjiiz to yes Israela izi Babilon*

1 Yei mbolemai izi ila yaa to yes Babilona zigezi,  
ve ninuzuuu ila pa nugh Zion, le lolomai is-  
aghat ve nitanj.

2 Tauvene nisaron gita tsiei tizala tituuk ila ai  
bogazi.

Pasaa, lolomai pa ravuunj zi muul mako.

- <sup>3</sup> Koiamainja tau tigham ghei nilam nileep nugh toozi na, tigne nimbou mbounj siriv, lesa tiloonja ve igham lolozu poia.  
Tisaav payei tigne: “Ou, ambou mbounj tsiam eta to nugh Zion gha niloonja lak!”
- <sup>4</sup> Eemon aazne, yei nileep nimin loom pa taan ite.  
Pale nimbou mbounj pa Yoova izi nugh tane mindai?
- <sup>5</sup> O Yerusalem, isaav ighe lolog iveegh payo,  
Yoova tauu aat ivaghamunia nimag tapir, lesa narav gita muul sov.
- <sup>6</sup> Onoon kat, isaav ighe matag injal Yerusalem muul mako,  
ve tintinig pa gabua ite paam iliiv Yerusalem,  
Yoova tauu aat ivaghamun avog, lesa nambou muul sov.
- <sup>7</sup> O Yoova, matam injal ngar saghati to yes Edoma, ve uyatu.  
Pasaa, saawe tau koiamainja tireu Yerusalem, yes Edoma tintinisi ve tisaav tigne:  
“Iya, poia kat pa areu Yerusalem. Areu mbiri-saini izi!”
- <sup>8</sup> O nugh Babilon, yo uvaghamunia nugh katini, tauvene yo paam pale usaghat.  
Tamtamon tau ighe iyat ngar tau yo ugham payei na, ene pale tintini pa poia to Maaron tau iza tooni!

<sup>9</sup> Ve yes tau tikis natumimṇa geegeu ve tilos zi izala maet paavo na, tauvene paam. Poia to Maaron pale iza toozi ve tintinizi. \*

## 138

*Sunjuunj to ṇeer tau loolo poia pa uleenj to Maaron*

Mbounj to David

<sup>1</sup> O Yoova, yau lolog poia payo, ve napait ghom toman lolog.

Isaav ighe nambou mbounj to napakur ghom, ve zimaronna siriv tightit ghau, ene poia!

<sup>2</sup> Naghog inarui rumei tsio patabuyaanj, ve naput agheg payo.

Yau napait ezam pa poia tsio toman lolog poia. Pasaa, yo lolom isaghav tamtamon tsio, ve uluul zi, ve utataghon saveenj mbuaanj tsio irau saawe.

Yo upait ezam tomania saveenj tsio iliiv gabua naol isov.

<sup>3</sup> Saawe tau natanj rarai ghom pa uleenj, yo uloonj sunjuunj tsiau,

ve ugham tapirig ivot muul ve nayooz ariaanj.

<sup>4</sup> O Yoova, saveenj tau ivot ila avom na, kinik to taan tiloonja wa.

Tauvene pale tisov lolozi poia payo, ve tipait ghom.

<sup>5</sup> Pale timbou ve tipait ghom pa ṇgar tau yo ughamghamu na,

---

\* **137:9:** Syg 18:1–19:4

ve tighe: “Yoova eeza tiina kat pa tapiri ve poia tooni.”

<sup>6</sup> Ene onoon. Yoova eeza tiina, ve ileep saanja kat. Eemon yes tau lezi ezazi mako na, i maata pazi ve iuluul zi.

Ve yes tau tiveleghi ve tipapait tauzi ezazi na, irau tiyoonj pani mako. I iwataghiir zi wa. Pasaa, i maata malaua. \*

<sup>7</sup> Isaav ighe pataņani naol ilivut ghau, yo aat uul ghau naleep poi.

Isaav ighe koiagna atezi yavyav payau kat, ve tighe tivaghamun ghau, ene nimam tapir pale irav zi, ve ugham mulin ghau ila nimazi.

<sup>8</sup> O Yoova, saa njar tau lolom ughe ivot payau, ene aat ivot itaghon njar tsio.

Pasaa, yo lolom isaghav tamtamon tsio, ve uluul zi irau saawe.

Tauvene ughur murim payau sov. Pasaa yau ene, yo nimam muuri. \*

## 139

### *Maaron ileep tomani ghiit irau saawe*

Mbounj to David

<sup>1</sup> Yoova, yo ugabiiz poghania lolog, ve uwatagh katin ghau. \*

<sup>2</sup> Isaav ighe mboleg izi pa mariaonj, ma naburig nala pa uraat, na yo uwatagh ghau wa.

---

\* **138:6:** Mbo 113:7+; Lu 1:52, 14:11    \* **138:8:** Pil 1:6    \* **139:1:** Mbo 17:3, 44:21; Hib 4:13

Ighe yau naleep malau payo, na yo uwatagh  
ngar tsiau isov. Pasaa, yo matam malaua. \*

<sup>3</sup> Saawe tau nalaagh nala pa nugh eta, ma naghe  
nazi nagheen, na yo ughitghit ghau ve  
ugagabiiz ghau.

Tauvene ngar naol tau naghhamgham zi na, yo  
uwatagh zi tisov. \*

<sup>4</sup> Yoova, saveenj tau ighengheen ila lolog, ve  
nasavia ivot soone,  
ene paam, yo uwataghi wa.

<sup>5</sup> Yo umunmuun payau, ve ulaghlaagh murei  
payau.

Ve nimam ikiskis ghau, ve ipapalot ghau.

<sup>6</sup> Yau naghham ngar pa ngar tsio tana, le narao  
mako.

Pasaa, ngar tsio, ene ite. Iliiv ghau kat. \*

<sup>7</sup> Isaav ighe yau naghau payo, pale nala sindei?

Irau nayoonj pa matam mako. \*

<sup>8</sup> Isaav ighe nazala pa sambam, yo ulepleep ta  
sewe.

Ve ighe nagheen ila nugh to mateegha, yo  
ulepleep ta sewe paam.

<sup>9</sup> Isaav ighe narooov nala pa nugh tau aaz iza pani,  
ma naghur niag to lepoogh ila te ziige ite tau  
aaz izila pani,

<sup>10</sup> ene paam, yo ulepleep tomani ghau.

---

\* **139:2:** Mbo 94:11      \* **139:3:** Yo 21:17      \* **139:6:** Ro 11:33

\* **139:7:** Yona 1:3

Ve nimam tapir aat ikis ghau, ve ipaduduun  
ghau pa laghoonj.

- 11 Ve ighe naghason ndoroom to ilam ikau ghau,  
ma nasaav pa ghazoonja tau isul livutin ghau  
to imin ndoroom,  
ene paam irau ingooz ghau pa matam mako.
- 12 Pasaa, ndoroom irau ipoon gabua eta pa matam  
mako.  
Mbonj, yo ughita gabua isov tigheen ghazoonja  
raraate imin ughit zi pa mataaz.  
Tauvene ndoroom ve ghazoonja, ene raratezi  
mon ila yo matam.
- 13 Yo ta ughur gabuanag naol isov,  
ve ulup zi timin eemon ilonj ila tinañ aapo  
lolo. \*
- 14 Yau nawatagh kat: Uraat tsio ta naol ne,  
popoiazi ve ite kat.  
Tauta naroi payo, ve napait ghom.
- 15 Saawe tau naleep imin yongañ ila tinañ aapo  
lolo, yo ughita tuag titum ve tivasengai zi.  
Gabua tau ivot payau pa saawe tana, eta iyoon  
pa matam mako.
- 16 Tauvene saawe tau tinañ inaam ghi payau, yo  
ughit ghau wa.  
Ve saawe to lepoghag izi taan, tomania saa  
gabua tau pale ivot payau, ene lolom ighur  
pani, ve tiboode ila rau tsio pataghaan, ra  
tinañ ipoop ghau.

---

\* 139:13: Mbo 119:73

- 17 Aa Maaron, n̄gar tsio tiina ve paghuuna kat! Yau nazuari ghau naghe le nawatagh katin n̄gar tsio. Eemon narao mako. Pasaa, yo matam in̄gal gabua katini kat.
- 18 Isaav ighe natoova to nanin zi, ene narao mako. Tiliiv sausau to nari. Mbonj, matag in̄galn̄gal ghom tauvene ila le nughizau, ra naburig ve naghilaal naghe yo ulepleep tomani ghau.
- 19 O Maaron, yau naghe yo urav zeran sasaghati tisov timataar, o poia! Ve yes tau tilin̄lin̄ sin̄ pa tamtamon na, up-aghau zi tila soghan payau.
- 20 Koiamna tawe, tighamgham n̄gar sasaghati naol ila yo ezam. Tiwatwaat ezam sorok to tipariaan̄ karom toozi.
- 21 O Yoova, yes tau tighurghur koi payo na, yau paam naghurghur koi pazi. Ve yes tau tizorzoor ghom na, lolog pazi rigta mako.
- 22 Yau naghurghur koi pazi, ve naghit zi timin koiagna kat.
- 23 O Maaron, ugabiiz lolog ve n̄gar tsiau. Utoov ghau, lesu uwatagh katin n̄gar tau igheen ila lolog ne. Utiir poghani ghau ve ughita: N̄gar saghati eta igheen ila lolog, ma mako? \*

---

\* 139:23: Mbo 26:2; Syg 2:23

24 Isaav ighe yau nasosor pa eez tsio, na upaduduun ghau. Leso nataghton dudunaini, ve naleep poia taghon taghon gha ila.

Eez tawe, igheen ta muun ve ilam. \*

## 140

*Neer ee ighason Maaron to ipoona pa koinja*

Mbounj to David

<sup>1</sup> O Yoova, ugham mulin ghau ila zeran sasaghati nimazi.

Upoon ghau pa yes tau tilinlinj sinj pa tamtamon. Mako pale tivaghamun ghau.

<sup>2</sup> Monmon lolozi ighurghur pa ghamuunj ngar saghati,

ve tipapazaagh tamtamon pa ghamuunj mal-mal.

<sup>3</sup> Avozi poia mako.

Saveenj tau tisiksiki na, ene ivavaghamunia tamtamon kat, imin moot saghati ighan tamtamon. \*

<sup>4</sup> O Yoova, uvoool tsiau, ve unjin ghau. Leso zeran sasaghati tikis ghau sov.

Yes tau tilinlinj sinj pa tamtamon na, tiliil eez to tigham ghau natap.

Umin sigheu payau, lesa tivaghamun ghau sov.

---

\* **139:24:** Mbo 17:3+      \* **140:3:** Ro 3:13; Yems 3:8



- <sup>5</sup> Yes tau tipapait tauzi ve matazi veleghin ghom, tauta tighur liis itaghon eez ziige to tikis ghau.  
Yes tiraar puugh toozi ila eez tau nalaghlaagh pani ne tighes tisaghav ghau.
- <sup>6</sup> Yau nasaav pa Yoova naghe: “Yo Maaron tsiau.” Ughur talingam pa tanjiz tsiau tane, ve uul ghau.
- <sup>7</sup> O Yoova, Tiina tsiau, yo Uleenja tsiau ariaanja. Saawe tau naleep ila malmal loolo, yo ta umin sigheu payau.
- <sup>8</sup> Yoova, zeran sasaghati tilup zi, ve tiliil eez to tivaghamun ghau.  
Upon eez pazi, lesongar toozi saghati tawe ighur mako. Upul zi tiliiv ghau sov. Pale tipakur tauzi.
- <sup>9</sup> Yes tilivutin ghau, ve tipakur zi tighes tiliiv ghau. Saveenj sasaghati tau ivotvot ila avozi na, ighamgham patanjani payau.  
Upamuul saveenj tawe imuul ila pa tauzi, lesongar ivaghamun zi.
- <sup>10</sup> Ugham yav ngilaanja itaptap izala pavozi ve ighan zi.  
Ve usuruuv zi tizila puura to mateegha tau izila le izila kat na. Lesongar tizaa muul sov. \*
- <sup>11</sup> Yes tau tingalngal saveenj pa tamtamongar na, uziir zi tighau pa taan tsiei.

---

\* **140:10:** Syg 20:15

Yau naghe patanjani igham taghon yes tau tighamgham malmal na, ve ipasov zi rekia mon.

- <sup>12</sup> Yoova, yau nawatagh: Yes mbolaanja ve yes tau tibadbaad patanjani ve tighur matazi payo na, yo aat uyooz pazi, ve uul zi pa patanjani toozi. \*
- <sup>13</sup> Onoon kat, zeran dudunazi pale lolozi poia payo ve tipait ezam, ve tileep ila naghom irau saawe. \*

## 141

*Neer ee ighason Maaron to ipaghaua pa tovaan*

Mbounj to David

- <sup>1</sup> O Yoova, yau natan rarai ghom naghe uul ghau rekia!  
Ughur taliñam payau ve uloonj aliñag.
- <sup>2</sup> Yau nait nimag iza pa sunjuun, ve naghe yo ughita sunjuun tsiau tane imin naunaun vaazi poia tau titunu ila naghom, ve imin watoonrau tau tighamghamu pa ravrav.  
\*
- <sup>3</sup> Yoova, ungin poghania avog ve yamag. Leso saveenj saghati eta ivot ila avog sov. \*
- <sup>4</sup> Ve upul ghau lolog ighaar pa ngar saghati eta sov. Pa aat napaak zeran sasaghati pa ngar toozi ma vene.

---

\* **140:12:** Mbo 9:18, 34:6      \* **140:13:** Mt 5:8      \* **141:2:** 1Tim 2:8; Syg 5:8, 8:3      \* **141:3:** Mbo 34:13; Mt 12:36; Ep 4:29; Yems 1:26, 3:8

Upalot ghau nayooz ariaanj. Mako pale nala tomani zi pa ghanghaniinj toozi ma vene.

<sup>5</sup> Isaav ighe neer duduunja eta ilos ghau, ma iyaon ghau to ipaduduun ghau, ene itotoi ighe i loolo payau.

Ngar tauvene, irau ateg yavyav pani mako. Ene igham ghau lolog poia kat imin tilinj ngoreenj poia izala dabag.

Eemon zeran sasaghati, monmon sunjuun tsiu injarui ghom naghe utatan ngar toozi tawe.

<sup>6</sup> Saawe tau tighur atuya injarui zeran sasaghati, ve tisuruuv zi tizila nugh sapsapu, ene pale tighilaal tigde: Saveenj tau muun nasasavia pazi to napaduduun zi, ene saveenj poia ve saveenj onoon.

<sup>7</sup> Zeran tawe, irau titavi zi mako. Pale tigham tuazi, ve tivasuruvai zi itaghon nugh to ma-teegha, imin ai tau tipaalo le izi imin ngiriis.

<sup>8</sup> Maaron tsiu Yoova, yau naghur matag payo pa uleen, ve nayoonee ilat tsio.

Upul ghau nasaghat sov.

<sup>9</sup> Upaghau agheg pa liis tau zeran sasaghati tighuru payau, ve upasali ghau pa puugh tau tiraaro payau na.

<sup>10</sup> Ugham zeran tawe tighoon ila tauzi puugh toozi.

Ve uul ghau, leso puugh toozi tawe ikis ghau sov, ve naleep poi.

# 142

## *Sunjuunj to neer tau ighita ighe i zigani mon*

Mbounj to David

Mbounj tane injarui saawe tau David iyoonj ila maet puura loolo

<sup>1</sup> Yau natanj rarai Yoova toman alinjag tiina.

Tanjiiz tsiau injaruini naghe loolo isaghatin ghau ve iuul ghau. Pasaa, yau besoonja tooni.

<sup>2</sup> Yau navotia patanjani tsiau ila pani.

Gabua tau igham ghau lolog isaghat, ene nasavia pani.

<sup>3</sup> Isaav ighe lolog ipatanjan kat ve tapirig imbool, ene yo uwatagh lepoghag wa.

Eez tau yau nataghoni, ene koiagna tighur liis toozi ila wa.

<sup>4</sup> Matag izi pa zigeg, eemon naghita eta to iuul ghau mako.

Ve leg nugh eta to yonjaan mako.

Ve tamtamon eta maata injal ghau mako paam.

<sup>5</sup> Yoova, yau natanj rarai ghom pa uleenj.

Ve nanumeer ghom naghe yo ta umin niag to yonjaan.

Saawe tau naleep izi taan, yau naleep ilat tsio imin taan poia ee tau tipuli payau to naleep ila.

Irau nambool pa gabua eta mako.

<sup>6</sup> Ughur talinjam pa tanjiiz tsiau tane.

Pasaa, aazne patanjani itatan ghau kat.

Koiagna tau tighurghur pataņani payau na,  
tapirizi iliiv ghau kat.  
Taufene ugham mulin ghau ila nimazi.

- <sup>7</sup> Lepoogh tsiau, ene imin naleep ilonj ila ruum to yavyavuunj, ve leg eez eta to navot mako. Taufene upas ghau navot pa pataņani tane. Leso napait ezam. Isaav ighe ugham poghani ghau ve uul ghau, ene pale tamtamon tsio duduņazi tilam tilivutin ghau ve napait ezam toman lolog poia ila matazi.

## 143

### *Neer ee ighason Maaron pa uleenj*

Mbounj to David

- <sup>1</sup> O Yoova, uloonj sunjuunj tsiau tane. Ughur taliņam pa taniiz tsiau, ve lolom is-aghatin ghau. Yo utataghon saveen mbuaanj tsio, ve ughamgham njar duduņa mon. Taufene uloonj sunjuunj tsiau tane, ve uul ghau.
- <sup>2</sup> Yau besoonja tsio. Upayooz ghau pa savsaveen sov. Pasaa, tamtamon eta duduņa ila matam mako. Yei nisov zeran to sosor. \*
- <sup>3</sup> Ughita. Koiag igham taghon ghau, le ikis ghau ve itatan matin ghau. I igham ghau naleep ila ndoroom tiina loolo, imin yes tau timaat muunj geeg wa.

---

\* **143:2:** Mbo 14:3; Ro 3:10, 20

- 4 Tovuene lolog ipatanjan, ve roinj igham ghau, le tapirig isov.  
Pasaa, leg eez eta muul mako.
- 5 Tauta matag injal muul pa gabua tau muunj tivot na.  
Yau naghambham njar pa uraat tintiina naol tau yo ugham zi pa nimam na. \*
- 6 Ve nait nimag iza ve nasunj payo.  
Yau lolog payo kat, imin neer tau ilaghlaagh ila nugh tau le yaa mako na, ve murun matini.  
\*
- 7 O Yoova, uloonj sunjuunj tsiau tane, ve uul ghau rekia.  
Pasaa, lolog ipatanjan, ve tapirig isov kat.  
Unjooz naghom payau sov. Matam ilam payau lak!  
Mako pale namaat ve nala naleep ila mateegha nugh toozi.
- 8 Yoova, yau nanumeer ghom.  
Yau naghe mbonjoozo naloonj ghom usaav payau ugha: "Yau lolog isaghav ghom."  
Ve naghe taum utotoi ghau pa eez tau ugha nataghoni.  
Pasaa, yau lolog payo, ve naghur matag payo to uul ghau.
- 9 Yoova, yau nayoony ilat tsio, lesa naleep poi.  
Ugham mulin ghau ila koiagnja nimazi.

---

\* 143:5: Mbo 77:5      \* 143:6: Mbo 42:2, 63:1

- 10 Yo mon ta Maaron tsiau.  
 Upaduduun ghau, lesu nataghon duduņai  
 ngar tau yo lolom pani.  
 Avuvum poia pale igham pooz payau.  
 Lesu laghoonj tsiau itaghon eez duduņa. \*
- 11 Yoova, yo ezam tiina pa poia tsio. Tauvene uul  
 ghau to naleep matag yaryaare.  
 Utaghon ngar tsio duduņa, ve upas ghau  
 navot pa patanani tane.
- 12 Yo lolom isaghav tamtamon tsio, ve uluul zi  
 irau saawe. Tauvene urav koiagna le tisov  
 timataar.  
 Yes tau tighurghur koi payau na, upasov zi.  
 Pa yau besoonja tsio.

## 144

*Kinik to yes Israela ighason Maaron to iuule lesu  
 iliiv malmal*

Mbounj to David

- 1 Yau napait Yoova pa poia tooni. I Uleenja tsiau  
 ariaanja tau iponpoon ghau imin maet tiina.  
 I itotoi ghau pa eez to ghamuunj malmal, ve  
 igham nimag mamaan pa paravuuz. \*
- 2 I loolo isaghav ghau ve iuluul ghau.  
 I imin ruum ariaanja to nayoņ ilonj ila loolo,  
 ve iponpoon ghau imin maetaaz tau izala  
 kat.  
 Ve ighamgham mulin ghau ila koiagna ni-  
 mazi, ve imin sigheu payau, lesu nayoņ ila  
 tooni.

---

\* **143:10:** Mbo 25:4, 119:12; Yo 16:13      \* **144:1:** Mbo 18:34

- I itatan tamtamon to nugh nugh, tauta tileep  
ila yau sambag.
- <sup>3</sup> Yei tamtamon to taan, nimin saa kaut poia, ta  
matam ingalngal ghei?  
Ve mindai ta ughamgham ngar tiina payei? \*
- <sup>4</sup> Yei tamtamon, lepooch tsiei to taan, ene imin  
yaghur. Nileep rig, ve nisov.  
Lepooch tsiei, ene tuuku imin ai yavyaava tau  
ighe aaz izila, ene irau tighita muul mako. \*
- <sup>5</sup> O Yoova, ukaak sambam saamba ve uzilam.  
Utut loloz, ve ugham yav iburig tomania  
mbuasa.
- <sup>6</sup> Ugham lalaav ingal koiagnja ve ireu zi.  
Uvaneghia paneegh tsio natja injarui zi, lesu  
tighau tila.
- <sup>7</sup> Patanjani tau aazne igham ghau ne, ene imin yaa  
ivot toman tapiri ve ighe izugh ghau gha  
nalaleg.  
Tauvene uzuzuun nimam izi, ve undai ghau  
nazaa.  
Uul ghau, ve ugham mulin ghau ila nugh nugh  
tau tighur koi payau ne nimazi.
- <sup>8</sup> Zeran tawe, avozi karom.  
Yes tiit nimazi tapir iza, ve tipariaan saveen  
mbuaan toozi tige: “Onoon sambam.”  
Eemon titaghon saveen toozi mako.
- <sup>9</sup> O Maaron, yau aat nambou mbounj paaghu payo.

---

\* **144:3:** Mbo 8:4; Hib 2:6      \* **144:4:** Yems 4:14



Pale narav gita, ve nambou to napait ghom.

<sup>10</sup> Pasaa, yo uluul yes kinik to yei Israela. Tauta tiliiv pa malmal.

Muunj, yo ugham mulin besoonja tsio David.

<sup>11</sup> Upaghau mbuzaagh maata payau, ve ugham mulin ghau ila yes nugh nugh tau tighur koi payau ne nimazi.

Zeran tawe, avozi karom.

Yes tiit nimazi tapir izaa ve tipariaan saveen mbuaan toozi tigde: “Onoon sambam.”

Eemon titaghon saveen toozi mako.

<sup>12</sup> Maaron, ughur poia tsio izaa tsiei. Leso nat-mainja paghpaaghu titum poi imin ai tau itum poi izaa izaa le imin tiina kat.

Ve ugham natmailivanja paghunazi kat imin rir to kinik ruum tooni tau ngeretazi popoia na.

<sup>13</sup> Ugham aniiñ katini ivot ila uum tsiei, lesu ruum tsiei to ghuruun aniiñ tivon pa aniiñ maata maata.

Ve ugham sipsip ve mekmek tsiei timasa timin ndiiñndiiñ ndiiñndiiñ.

<sup>14</sup> Ve makau tsiei paam. Moroghoon eta igham zi sov.

Ugham zi titum poi ve tipoop poia, lesu timin naol.

Unjin nugh tsiei.

Lesu tamtamon tireu sirsiir tsiei, ve tinquaaz tamtamon tsiei sov.

Ve niloon tanjiiz eta izi maaran tsiei sov.

- <sup>15</sup> Tamtamon tau ighe ngar tauvene ivot pazi, ene pale lolozu poia kat.  
Tauvene yes tau Maaron toozi Yoova na, pale lolozu poia. Pasaa, poia tooni tauvene pale izazaa toozi. \*

## 145

### *Tapait Maaron pa poia tooni*

Mbounj to tapait Maaron

Mbounj to David

- <sup>1</sup> O Maaron, yo kinik tsiau.

Yau aat nayoor ghom, ve napait ezam pa poia tsio. Ta aazne, ve taghon taghon gha ila.

- <sup>2</sup> Onoon kat, saawe isov, yau aat napakur ghom pa poia tsio.  
Pale napait ezam ta aazne, ve taghon taghon gha ila.

- <sup>3</sup> Yoova eeza tiina kat. Isaav ighe tapaiti, ene iduduun.  
Tapiri tomania ngar ve poia tooni, ene tiina le tiina kat.  
Ighe tagham ngar pani, ene aat tarao mako. \*

- <sup>4</sup> Uraat arianjazi ve ngar popoia tau ughamgham zi na, tamtamon pale tisavia vaaru pa natuzna, ve natuzna pale anazi tisavia pa paaghu toozi, ve iseenga tauvene gha ila.

- <sup>5</sup> Pale tipait ezam, ve tisavia mbonarim tiina tau ipabood ghom na.

---

\* **144:15:** Mbo 33:12      \* **145:3:** Ro 11:33

Ve uraat tsio ngeretazi tau maata ite kat na, yau monmon naghagam ngar pani.

<sup>6</sup>Yo utotoi tapirim ila uraat tsio arianaazi tau igham tamtamon tiroi. Tauta pale tisavia vaaru. Ve uraat tsio tintiina, yau aat nasinaia.

<sup>7</sup>Poia tsio, ene tiina kat. Tauvene tamtamon pale matazi ingalngali ve tivovotia vaaru. Pale timbou toman lolozi poia, ve tipait ghom pa ngar tsio duduunja.

<sup>8</sup>Yoova ighamgham poghani ghiit, ve loolo isaghatin ghiit. I aate yavyav rekrekia mako. Poia tooni, ene tiina kat. I loolo isaghav ghiit ariana, ve iuluul ghiit irau saawe. \*

<sup>9</sup>Yoova ighamgham ngar poia pa tamtamon tisov. Ve loolo isaghatin gabua naol isov tau i ighur zi na. \*

<sup>10</sup>O Yoova, gabua naol isov tau yo ughur zi na, pale tisov lolozi poia payo ve tipait ghom. Ve tamtamon tsio tau lolozi isaghav ghom ariana na, yes pale tipait ghom pa poia tsio.

<sup>11</sup>Pale tisavia pooz tsio tighe ene gabua tiina ve poia. Ve tivotia varum tighe yo tapirim tiina le tiina kat.

---

\* 145:8: Igham 34:6      \* 145:9: Mbo 103:13, 136:1

12 Leso tamtamon tisov tiwatagh uraat tsio tintiina tau itotoi tapirim.  
Ve tighilaal tighe pooz tsio, ene gabua tiina ve paghuuna kat.

13 Pooz tsio ighengheen tauvene irau saawe.  
Gabua naol isov pale tileep ila yo sambam, ve unġin zi taghon taghon gha ila.  
Yoova itataghon saveeŋ tooni isov.  
Ve uraat tooni ta naol ne, titotoi tighe i loolo isaghav tamtamon tooni ariaaŋ ve iuluul zi.  
\*

14 Yes tau aghezi pusukia ve tighe titap, i ikiskis zi tunġia.  
Ve tamtamon tisov tau pataŋani itatan zi na, i iuul zi, ve iit zi tizaa. \*

15-16 Gabua isov tau matazi yaryaare na, matazi ilatlat payo.  
Saawe tau pitool zi, yo ugham lezi aniinġ.  
Yo ukaak nimam ve upan zi, ve tisov tighan le apozi isuŋ. \*

17 Nġar isov tau Yoova ighamgham zi na, ene iduduunġ mon,  
ve itotoi ighe i loolo isaghav tamtamon tooni ariaaŋ ve iuluul zi.

18 Tamtamon tisov tau ighe titaŋ raraini pa uleeŋ toman lolozi,  
ene i ileep igharau zi ve iuluul zi.

---

\* **145:13:** 1Tim 1:17; Hib 10:23; Syg 11:15    \* **145:14:** Mbo 37:17

\* **145:15-16:** Mbo 104:28; Mt 6:26

19 Ve yes tau tiroi pani ve titaghon ngar tooni na, isaav ighe lolozi pa gabua eta ve tighasoni pani, ene i aat iloonj zi ve igham gabua tana pazi.

I ilonjloonj tanjiiz toozi, ve iuluul zi. \*

20 Tauvene yes tau lolozi igheen tooni na, i maata pazi ve imin sigheu pazi.

Eemon zeran sasaghati, i aat ivaghamun zi tisov tilalez.

21 Avog pale ipait Yoova.

Ve gabua naol isov tau i ighur zi na paam, aat tisov tipait eeza patabuyaanj. Ta aazne, ve taghon taghon gha ila.

## 146

### *Tanumeer tamtamon sov. Tanumeer Maaron*

1 Aleluia, tapait Yoova!

Yau naghe napakur Yoova toman lolog!

2 Saawe isov tau naleep izi taan, yau aat napait Yoova.

Pale namboumbou pa Maaron tsiau, ve napa-pakuru tauvene ila ila le irau saawe tsiau isov.

3 Anumeer yes daaba ve pooza sov. Yes tamtamon to taan mon.

Irau tigham mulin gham pa patanjani tsiam mako.

4 Saawe tau avuvuzi isov ve timaat, yes aat timuul tizila taan.

---

\* 145:19: Yo 15:7

Mako n̄gar tau muun̄ matazi in̄gali tige  
tigham na, imin kaut sorok. Irau ighur  
anoon̄a mako.

<sup>5</sup> Eemon tamtamon tau ige inumeer Maaron to  
Yakop, ve ighamgham uleen̄ ila tooni, i aat  
lolo poia.

Pasaa, yes tau tinumeer Maaron toozi Yoova  
ve tighurghur matazi pani pa uleen̄, ene aat  
poia to Maaron izazaa toozi.

<sup>6</sup> Yoova ighur sambam, taan, ve te, tomania gabua  
naol isov tau tileep ve tighen ila na. \*

Ve saveen̄ mbuaan̄ tooni isov, i pale maata  
in̄gali ve itaghoni irau saawe.

<sup>7</sup> Yes tau koiaz̄na titatan zi na, Yoova iyozyooz pazi  
ve iuluul zi pa patan̄ani toozi.

Ve yes tau pitool̄ igham zi na, i ighamgham  
lezi aniīn̄.

Ve yes tau tileep ila koiaz̄na nimazi na, i  
ighamgham mulin zi. \*

<sup>8</sup> Yes tau matazi kumkuuma na, i igham zi tighita  
nugh.

Ve yes tau patan̄ani itatan zi na, i iuul zi, ve iit  
zi tizaa.

Yoova lolo ighengheen to zeran dudūn̄azi. \*

<sup>9</sup> I maata pa yes to nugh ite,

ve in̄gin̄gin yes paroon̄a ve zinaara pa lep-  
oogh toozi.

---

\* **146:6:** Gnp 1:1+; Mban̄ 14:15; Syg 4:11      \* **146:7:** Mbo 9:18,  
37:17, 103:6, 107:9      \* **146:8:** Mt 11:5, 11:28

Eemon iponpoon eez pa zeran sasaghati. \*

<sup>10</sup> Yoova pale igham pooz irau saawe.

Yam tamtamon to nugh Zion, pooz to Maaron  
tsiam pale ighengheen tauvene iseengga  
iseengga gha ila.

Aleluia, tapait Yoova! \*

## 147

### *Tapait Maaron pa poia tooni*

<sup>1</sup> Aleluia, tapait Yoova!

Onoon kat. Isaav ighe tambou pa Maaron toit  
ve tapakuru, ene poia kat.

Pa ngar tauvene, ene iduduun, ve igham ghiit  
loloon poia.

<sup>2</sup> Yoova ighamgham uraat to igharaat mulin  
Yerusalem.

Ve yes Israela tau koiazna tigham zi tila tileep  
irau nugh nugh na, i iyauyau zi timuul  
tilam.

<sup>3</sup> Tamtamon tau patanani ivot pazi le ireu lolozi  
kat, na i iravrav atezi,

ve igharaat patanani toozi leso lolozi poia. \*

<sup>4</sup> Muunj geeg, loolo ighur pa pitum piiz tau pale  
ighur zi tivot.

Ve i tauu iwaat pitum enaena ezazi le tisov.

<sup>5</sup> Tiina toit, i saksaki ve eeza tiina.

---

\* **146:9:** Igham 22:21+; Lo 10:18; Mbo 10:14, 18, 68:5      \* **146:10:**

Mbo 93:1, 99:1; Syg 11:15      \* **147:3:** Mbo 34:18; 2Kor 1:3+

Ve ngar tooni tauvene paam, ene tiina le tiina  
kat. Ighe tail puughu, ene aat tarao mako. \*

<sup>6</sup> Yes tau titatan tauzi ve tibadbaad patanjani na,  
Yoova iuluul zi leso tileep poia.

Emon zeran sasaghati, i itatan zi ve ivaghaaz  
zi tizila taan. \*

<sup>7</sup> Ambou toman tintinmim, ve apait Yoova pa poia  
tooni.

Arav gita, ve apakur Maaron toit.

<sup>8</sup> I igham taitai itav sambam saamba,  
ve igham uman izi to ipabees taan,  
ve igham kikiliinj itum izala loloz.

<sup>9</sup> I ipanpan gabua maata maata to su.

Isaav ighe man kool natnja titan pa aniinj, ene  
i ta igham aniinj pazi. \*

<sup>10</sup> Tamtamon lolozi poia ve tinumeer hos tau bide  
tapirizi, ve yes zaaba tau tiyooz ariaan pa  
malmal.

Emon gabua tauvene irau igham Yoova loolo  
poia ve tintini ne mako.

<sup>11</sup> Tamtamon tau tiroi pani ve titaghon ngar tooni,  
tauta tighamu loolo poia.

I tintini pa yes tau tinumeera tigde i loolo  
isaghav tamtamon tooni ve iuul zi.

<sup>12</sup> Yam Yerusalema, apakur Yoova!

Yam tamtamon to Zion, apait Maaron tsiam.

---

\* **147:5:** Ro 11:33    \* **147:6:** Lu 1:52    \* **147:9:** Mt 6:26; Lu  
12:24



- 13 Pasaa, ataman to didiinj tau ilivut nugh tsiam na,  
i ipariaanj zi le tunja.  
Ve ighurghur poia tooni izazaa tsiam.
- 14 I inginjin nugh tsiam, tauta aleep poia.  
Ve ighamgham lemim aniinj wit tau popoia  
kat. Tauta aghan le isoon gham.
- 15 Isaav ighe i loolo pa gabua eta ivot izi taan, ene  
aliinja izilam ve gabua tana ivot.  
Saveenj tooni ilaan ve igham uraat rekia mon.
- 16 I igham naghavghavu izi ikau nugh le ipisosoon  
imin sipsip ooro.  
Ve igham uwam izi le itav taan imin avav.
- 17 I igham ais paatu paatu titaptap tizi taan.  
Isaav ighe i igham nugh iyaunj kat, sei ta pale  
ileep muuri? Eta mako.
- 18 Ra isaav, ve ais tawe ireer muul itaghon i aliinja.  
I igham yaghur tooni tuntunu ilaan, ve yaa  
tireer muul.
- 19 Muunj, i ivotia saveenj tooni ila to Yakop,  
ve ipaghazonjai yes Israela pa tutuunj tooni  
tomania eez tooni to gabizoonj gabua.
- 20 I igham ngar tana pa nugh ite paam mako.  
Tauta tikankaan pa tutuunj tooni ngara.  
Aleluia, tapait Yoova!

## 148

*Gabua naol isov aat tipait Maaron eeza*

- <sup>1</sup> Aleluia, tapait Yoova!

Yam to sambam, apait Yoova!  
Yam tau aleep saanja kat na, apaiti!

<sup>2</sup> Yam anjela tooni asov apaiti!  
Ve yam zaaba to sambam paam, asov apaiti! \*

<sup>3</sup> Aaz ve kaiyo, apaiti!  
Ve yam pitum tau aranj ila sambam saamba na  
paam, apaiti.

<sup>4</sup> Sambam tau igheen saanja le saanja kat na, upaiti!  
Ve yaa tau igheen izala saanja na paam, upaiti!

<sup>5</sup> Gabua tawe tisov tipait Yoova eeza, o poia.  
Pasaa i isaav, ve yes tivot itaghon i tauu aliinja.

<sup>6</sup> I ighur zi tigheen ila niazi niazi, lesu tigheen ta  
sewe taghon taghon gha ila.  
Saveenj tau i isavia injarui zi na, ene igheen  
pataghaan. Irau tizoora mako.

<sup>7</sup> Yam gabua tau aleep izi taan na, apait Yoova!  
Ve yam gabua to te loolo tau tapirimim tinti-  
ina ve aleep mazavan na paam, apaiti!

<sup>8</sup> Lalaav waaro, tomania ais, naghavghavu,  
uwam,  
ve yaghur tiini tau avotvot itaghon Yoova  
aliinja na, yam asov apaiti!

<sup>9</sup> Yam loloz ve nugh mbua, ve yam wal tau  
anojamim popoia, ve ai to su paam, asov  
apaiti!

---

\* **148:2:** Lu 2:13+

- 10 Ve yam ngai to nughei, ve gabua sagsagna to su,  
gabua tau akakarau ila taan, ve man tau  
arovroov na, apaiti!
- 11 Yam kinik, pooza, ve daaba, tomania yam tam-  
tamon to nughmarin, asov apait Yoova!
- 12 Yam zitamoot ve zilivaa paghpaaghu, tomania  
zikoonja ve yam geegeu paam, apaiti!
- 13 Yam asov aat apait Yoova eeza.  
Pa i mon ta eeza tiina le tiina kat iliiv gabua  
naol isov.  
Pooz tooni tomania tapiri ve poia tooni iliiv  
gabua naol isov to sambam ve taan.
- 14 I ipalot tamtamon tooni, tauta aazne tiyooz  
ariaan.  
Tamtamon tooni tau lolozi isaghavu ariaan ve  
titaghon eez tooni na, i ipakur zi ve igham  
varuzi imin tiina.  
Pa i loolo igheen kat to yes Israela.  
Aleluia, tapait Yoova!

## 149

### *Tamtamon to Maaron tipait eeza*

- 1 Aleluia, tapait Yoova!  
Ambou mbounj paaghu pa Yoova.  
Yam tau lolomim isaghavu ariaan ve ataghon  
eez tooni na, alup gham pa sunjuun, ve  
apaiti!
- 2 Yam Israela, lolomim poia pani. Pa i ta ighur  
gham.

Yam tamtamon to Zion, tintinmim pa kinik tsiam.

<sup>3</sup> Ator ve apait Yoova eeza.

Atok kakaap, ve arav gita to apakuru.

<sup>4</sup> Pa Yoova tintini kat pa tamtamon tooni.

Yes tau titatan tauzi ve tinumeera na, i ipapakur zi, ve ighamgham mulin zi pa pataņani toozi.

<sup>5</sup> I igham zi tiliiv koiazņa. Tauvene yes tau lolozi isaghav Yoova ve titagħon ņgar tooni na, lolozi poia ve tintinzi.

Saawe tau tigħeen ila niazi to għenoņ, timboubou ve tipapaiti.

<sup>6</sup> Yes tipapait Maaron eeza izala kat. Paitoņ toozi ighengħeen ila avozi irau saawe.

Ve tikis mbuzaagh maata ru ila nimazi. \*

<sup>7</sup> Leso tighur atuya pa nugh nugh tau tighamgham sosor ila Maaron maata na, ve tiyat ņgar toozi sagħati.

<sup>8</sup> Pale tikis kinik to nugh nugh tomania pooza toozi,  
ve tikau zi pa sen arianazi.

<sup>9</sup> Leso tighur atuya pazi itagħon saveeņ tau ti-boode patagħaņ na.

Ene eez tau Yoova ipakur yes tau lolozi isaghavu ve titagħon ņgar tooni.

---

\* **149:6:** Ep 6:17; Hib 4:12; Syg 1:16

Aleluia, tapait Yoova!

## 150

*Gabua naol isov aat tipait Maaron*

<sup>1</sup> Aleluia, tapait Yoova!

Apait Maaron ila rumei tooni patabuyaana  
lolo!  
Apaiti ila niia arianaa ta sambam we!

<sup>2</sup> Apaiti pa uraat arianaazi tau i ighamgham zi ne.  
Apaiti pa i eeza tiina iliiv gabua naol isov.

<sup>3</sup> Aviv tavuur ve apaiti.  
Arav ambam ve gita ve apaiti.

<sup>4</sup> Atok kakaap ve ator, ve apaiti.  
Aviv pirai ve arav kulele, ve apaiti.

<sup>5</sup> Angal ngiraam, ve apaiti.  
Ve isaav ighe angali, na angal toman tapir-  
imim, lesu luutu tiina!

<sup>6</sup> Yam gabua tau aleep matamim yaryaare na, asov  
apait Yoova!  
Aleluia, tapait Yoova! \*

---

\* 150:6: Syg 5:13

**Maaron Saveen Tooni Patabuyaang  
The New Testament and portions of the Old Testament  
in the Tuam dialect of the Saveeng language of Papua  
New Guinea. The Saveeng language is also called the  
Mutu language.  
Sampela hap Buk Baibel long tokples Saveeng Tuam  
long Niugini.**

copyright © 2011 Wycliffe Bible Translators, Inc.

Language: Saveeng (Mutu)

Dialect: Tuam

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-31

---

PDF generated using Haiola and XeLaTeX on 11 Nov 2022 from source files dated 9 Oct 2020

adb844f0-d769-5b05-9dd0-7c01fca938bb